


〔重刊訂正本〕

中國醫學大成

錢若利題



【二一七】

83474

〔重刊訂正本〕

中國醫學大成

三七

上海科學技術出版社

C0159081



中國醫學大成（全套共五十冊）

上海科學技術出版社出版

（上海瑞金二路四五〇號）

新華書店上海發行所發行

上海市印刷十廠印刷

開本七八七×一〇九二

三十二開

精裝

總字數二二,七九〇,〇〇〇

總印張八六二

一九九〇年六月第一版 一九九〇年六月第一次印刷

施澹寧

盤珠集胎產症治

〔清〕嚴西亭 同輯

洪緝菴

胎產指南

〔清〕單南山 著

重訂產孕集

〔清〕張曜孫 纂輯

包興言 增訂

女科切要

〔清〕吳道源 著

原 編 曹炳章

總審定 裘沛然

總審閱 蕭敏材 朱邦賢 沈麗君

重刊訂正《中國醫學大成》序

《中國醫學大成》一書，我鄉先輩四明曹炳章先生所輯集，爲發揚中醫學，保存古醫籍，以饗同道並惠後學作也。曹氏纂集是書時，正值西學東漸，國內淺見倖進之徒，競尙浮華，大肆鞭撻我國文化固有之精英，如民族醫學，悉在消滅之列，中醫學不絕如縷。而先生乃在此時從事中醫叢書巨著之編輯，姑不論其學術價值，獨其保存民族文化精粹之苦心孤詣令人可敬，其卓識遠見，又何其可欽也。

楊志一在原書序中有說：『大凡學術之成立，歷久而不敗者，必有其真實之價值在。』善哉言乎！中華民族立國數千年而得以生存繁衍，如無優秀之文化及可貴之醫學，則亦何逃於優勝劣敗之例。尤

其在科學迅猛發展之今日，百技更新，而古老之中醫藥學日益引起國內外有識之士之重視。各類中醫藥研究所之建立，亦爲保護人民健康之需要，順應世界醫學發展之潮流而設。凡此種種，夫豈偶然。

惟中醫學歷史悠久，濫觴於炎黃，昌盛於漢唐，歷代醫家多有創見，其學術經驗載於文獻者浩如煙海，遺佚者可弗論，僅就先生纂集之時，存書尙達萬種，學者既不能盡讀，又無力購置，且諸書精粗雜糅，版本文字舛誤殊多，使學習中醫者常興望洋之嘆。先生乃爲之博採精選，上自先秦，下迄近代，凡理論、方藥、臨床各科咸備，別爲十三類，書計三百六十五種，分醫經、藥物、診斷、方劑、通治、外感病、內科、外科、婦科、兒科、針灸、醫案及外集雜著各類。其中傷科、眼科及五官病歸入外科，推拿、手術歸入針灸，醫論、醫話、醫史歸入雜著。所收各書，皆中醫要籍，大都內

容精粹，切合實用，版本亦從精選，並加句斷。各書之首，皆列著作校刊略歷及內容提要，以便讀者入門粗知梗之助。

中醫學歷來叢書頗少，是書搜羅廣而選擇精，洵爲前所未有之巨著。惜全書印刊未半而抗戰軍興，烽煙迷漫，醫籍出版被迫中輟。而已印行之一百三十六種，今亦散佚不全。上海科學技術出版社爲應學者需求，重爲付梓，並影印以存原貌。書中明顯錯訛者，由我院及中醫文獻研究所等有關單位專業人員校勘改正，使之益臻完善。

夫文以載道，中醫學爲我國醫學之重要財富，文獻則是寶庫中之重要內容。故有志斯道者，務求先通中醫之理論法則、方藥效用和臨床處置，使對中醫學有全面之理解，更須驗之臨床，以汲取其理論精華與豐富經驗。學問之事，原恃艱苦以求而非獵取可得。昔張仲景勤求古訓，博採衆方；孫思邈青衿之歲，高尚是典，白首之

年，未嘗釋卷；葉香岩以不讀破萬卷，不敢輕言醫。茲三人者，皆由勤奮好學而成一代高醫，故學習中醫宜下一番札實工夫。在此基礎上運用現代科學技術研究和整理中醫學，才有闡明和提高希望。中西醫結合，亦將另具特色。以務實精神，走中醫現代化循序而進之道路，勇於繼承，敢於創新，使傳統醫學有所發現與創造。苟能如此，不僅爲祖國爭光，並將爲人類造福。

本叢書一百三十六種，分爲五十冊；每冊後並皆附有全部書目。它的出版，爲中醫和愛好中醫者提供珍貴之醫學文獻，讀者勤習而深研之，必能奠定中醫學根柢，大有助於中醫事業之繼承與發展。

裘沛然

一九八八年六月作於
上海中醫學院

〔清〕

施澹寧

嚴西亭

同輯

洪緝菴

盤珠集胎產症治

中國醫學大成

盤珠集胎產症治提要

清姚江嚴潔字西亭。又字青蓮。施雯字澹寧。又字文樹。洪煒字緝菴。又字霞城。之三人同纂一書。分上中下三卷。上卷列胎前三十四症。中卷列產後六十一症。下卷列補劑方六十三。散劑方三十一。攻劑方十六。瀉劑方三十三。熱劑方八。和劑方四十四。瀉劑方五。胎前備用良方三十五。產後備用良方十八。共列證九十有五。列方二百五十三。其分列證候。皆胎前產後所常有。而採用之方。亦因證施治所必驗。嚴施洪三氏生平治婦人經驗之法。盡在於斯矣。

胎產症治提要

二

盤珠集胎產症治目錄

卷上 胎前

惡阻	一
子煩	三
子懸	四
子腫	五
子滿	五
子氣	六
子痞	六
子癰	七
子淋	八
子嗽	九

胎產症治目錄

子瘧	一〇〇
心腹痛	一〇〇
腰脇痛	一三
下血	一四
尿血	一六
轉胞	一六
胎氣上逼	一七
臍燥	一八
胎動	一九
胎痛	二〇
孤漿	二〇
吐血	二一

胎產症治目錄

傷寒	二一
痢疾	二三
泄瀉	二四
霍亂	二五
傷食	二六
鐘鳴	二七
墮胎	二七
胎不長	二八
鬼胎	二八
傷胎	二九
腸覃石瘕	二九

卷中 產後

難產	一
交骨不開	
盤腸產	
胎死腹中	
橫生逆產	

胎衣不下	三
血暈	四
厥	五
惡露不下	五
惡露不絕	六
血崩不止	七
頭痛	八
心痛	九
腹痛	〇
小腹痛	一
腸癢	二
腰痛	二
脇痛	三
遍身痛	四

遍身皮赤兩腿肉青	一五
膨脹	一五
血塊	一五
傷食	一六
嘔吐	一七
霍亂	一八
呃逆	一九
喘急	一九
蟬聲	二一
浮腫	二一
發熱	二二
乍寒乍熱	二四
汗	二四
中風	二六

不語	二七
舌出不收	二八
驚悸	二八
發狂譫語	二九
發斑	二九
見鬼	三〇
煩渴	三〇
咳嗽	三〇
口鼻黑衄	三一
瘧疾	三二
瀉痢	三三
蓐勞	三五
大便不通	三五
小便不通	三六

便血	三七
遺糞	三八
小便不禁	三八
乳汁不行	三九
乳汁湧出	四〇
乳癰	四〇
乳懸	四一
玉門不閉	四一
產戶痛	四一
陰蝕	四二
陰中溼爛	四二
陰脫	四二
陰突	四三

卷下 列方

補方六十三
散方三十一
攻方十六
瀉方三十三
熱方八
和方四十四
瀉方五
胎前備用良方三十五
產後備用良方十八

盤珠集胎產症治

清 姚江 施 雯澹寧
嚴 潔西亭全纂

鄞縣 洪 煒緝菴
曹赤電炳章圈校

卷上 胎前

惡阻

惡心。頭眩。惡食。擇食是也。

懷娠兩月。宜絕醫藥。妊娠一月。足厥陰脈養之。二月足少陽脈養之。多致惡心。頭眩。喜酸。俗爲之病兒。非醫藥所治。治之則愈甚。待其自安可耳。
懷娠一月。不須安胎。胎未成而嘔吐。母病也。若注意安胎。使用砂苓之類。則反傷脾胃。故但當治其母病。則嘔逆自止。惟方藥有與病相合。而於胎不相宜。

者當去之。

中氣不運。孕當兩三月。因中氣多滯。不能運化。不思穀味。聞食即惡心多阻。

宜疎理脾胃。香砂六君子湯。和加烏梅亦可。

稟受怯弱。氣血不足。轉致內鬱。鬱氣上衝於胃。則嘔逆。血虛而心失所養。則

煩悶。宜調血散鬱為主。參橘飲。和甚有虛弱之極。或作寒熱往來。倦怠不能自

支。此肝腎不足也。須兼補足厥陰與足少陰經。

胃有痰飲。血壅不行。則飲隨氣上。停滯肝經。故喜酸物。惟金能尅木。宜以辛

味勝之。砂仁藿香。自不可少。半夏雖損胎。不妨權用。但不宜多耳。半夏茯苓湯

可酌用之。二和

胃氣虛寒。宜溫補脾胃。以下其逆氣。六君子湯。補一

肝火衝胃。寅卯時覺少腹有氣上衝。此肝火挾衝脈之火上衝也。故心中煩

憤熱悶。嘔逆不止。宜竹茹麥冬湯。寒一

氣鬱傷肝。大怒後。肝氣挾胎氣上逆也。故胸滿眩暈而吐逆。宜疎肝。不宜補

氣。抑青丸可治。散一

外傷風寒。嘔而頭暈。亦有兼風寒外襲者。宜於調氣之中。加紫蘇以散之。虛則可投參蘇二味。

上實下虛。惡阻若兼腰痛。謹防胎墮。宜六君合四物去川芎。加川斷杜仲以安之。切勿用升舉藥。愈升則上愈實而下愈虛。是促其墮矣。補七嘔吐不受藥。津液燥涸。少陰虛火上浮。厥陰鬱火上達。少陽伏火上乘。是以嘔吐不能受藥也。速當救急以治其標。滋陰清燥湯。寒一

子煩

煩症有四。肺虛而火乘之。心煩也。停痰積飲。惡聞食氣。胸中煩也。但熱而煩。虛煩也。氣鬱不舒。煩吐涎沫。胎動不安。子煩也。

心肺虛熱。陰既養胎。孤陽獨旺。心肺虛熱故煩。宜清心肺。

心驚膽怯。受胎後。血氣壅鬱。熱氣上衝心肺。故煩悶不安。心膽俱怯。竹葉安

胎飲。犀角散。腎火動。六味丸。補二和四寒三

停痰積飲。氣鬱不舒。以致嘔吐涎沫。劇則胎動。竹葉湯。寒麥冬飲五

津液枯燥。藏府氣虛。營衛不和。致陰陽偏勝。而熱入心脾也。知母丸。六寒知母

脾腎氣虛而火鬱。逍遙散加黃芩砂仁。五和

胎氣上逼。氣逆脹悶。清肝飲。二散

上焦氣鬱。鬱則為火而中氣不和。分氣飲。六和

暴渴不止。血欲凝而渴。非疾也。飲五味子汁自愈。

君火乘肺。盛夏君火大行。上乘肺金。以致煩躁胎動不安。宜清心火。

子懸

胎氣不和。上湊心腹。致脹滿痞悶。疼痛不安。

濁氣上衝而心腹痛。宜疎氣舒鬱。紫蘇飲。三散

胎熱氣逆。孕在三月。君相二火養胎。致胎熱衝心而痛。紫蘇飲。三散若胎上攻

心不知人事。宜調中和氣飲。八寒

寒飲與氣相爭。腹有寒氣。小腹如扇。惡寒喜熱。子宮寒也。附子湯可權用之。

一熱然脈果遲細。方無有誤。

子腫

氣壅成濕。濕氣上行。面目故腫。子腫腫在頭面。子滿腫在遍體。子氣腫在下體。脾胃氣虛。土氣不和。不能制水。水氣不化。停積于中而溢于外。則腫。白朮散。
和十六君子湯。補一
感犯風寒。紫蘇飲去白芍。加防風。散三
濕痰壅滯。六君子湯。補一黑山梔一合。米飲下。
血少氣滯。加味歸脾湯。補三

子滿

心胸脹滿。氣不舒展。或至遍身浮腫。喘急不安。
水血相搏。土不尅水。水與血相搏。散于四肢。遂致遍身腫滿。少腹急而澀不利。鯉魚湯。澤瀉散。和七

濕熱腫于下部。補中益氣湯加山梔茯苓。六補

傷食吐瀉。六君子湯加砂仁穀芽。一補

脾虛胃弱。四君子湯加訶子薑皮。四補

風邪外襲。紫蘇飲去人參白芍加藿香。三散

子氣

因素有風濕。妊娠三月後。兩脚面浮腫。行走艱難。喘悶似水氣狀。脚指縫黃水出。謂之子氣。切勿作水病治。至分娩自消。

中氣不得升發。當疎理鬱滯。天仙藤散。五散

下元虛弱而兼風邪。宜生血行氣。烏藥順氣湯。加減用之。六散

子瘕

舌爲心苗。肺主聲音。肺腎爲子母之臟。心肺腎三臟。皆能致瘕。如妊娠九月而瘕。則以胞之絡脈繫腎。少陰之脈貫腎。上繫舌本。脈絡阻滯。故有言無聲。分娩後自

然聲出。不必治。

心火尅肺。宜降少陰之火。

心腎不足。宜補少陰。

痰涎滯絡。宜清痰飲。

子癇

也。忽然昏冒。不知人事。甚則角弓反張。須臾自醒。良久復作。此由血虛而外邪襲之。

血燥類中風。宜清熱養血。加味羚羊角散。寒又忽然昏迷倒地者。乃血氣養

胎母乏精力。以致眩仆。只宜飲食以補之。

水衰火旺。當瀉南補北。使肝火平和。六味加歸芍。補

外感風寒。憎寒壯熱。頭疼煩悶。宜芎蘇散。散

伏熱在內。懷孕後多臥熱褥。及食熱物。或服峻補之劑。致令熱伏胎中。旋挾

肝臟。風熱攻壅。入腦則頭暈昏迷。宜服天冬飲子。寒

胃中濕痰。有濕痰則血氣壅秘。癱瘓不能舉動。宜為藥順氣湯。以發其汗。六
風火相煽。鈎藤湯加黃芩梔子柴胡。痰湧加竹瀝。風盛加全蟲。氣血虛用八
珍湯加鈎藤梔子。煩熱多加釵斛。補五入若無力而抽搐。汗出如油。汗絕也不治。
胎氣傷於熱毒。頭旋眼花。顙項暴腫成核。痛甚嘔吐。若加痰壅。危在頃刻。急
投消風散。散三
藥毒攻胎。上衝心腹。口不能言。項直。自汗。身熱。與子癇相似。六脈浮數。十不
一生。速用生白扁豆一味。研末。汲井水灌之。

子淋

氣血養胎不及。宣通滲道。遂使膀胱鬱熱不化而為淋。法當養血為主。兼利小便。
肝經濕熱。龍膽瀉肝湯。寒十
血虛生熱。安榮散。補八
血得熱而溢於腠。勞傷經絡。熱生於內。熱盛血溢。故血隨溺中出也。宜養血
安胎。四苓加阿膠。二

腎虛不能制水。虛則熱客於膀胱。地膚子湯。又四物湯。加知柏玄參麥冬北

五味。

補三

臍腹脹痛。脾胃氣虛也。安胎飲加二陳湯。

補八

肺氣虛而瘦短。補中益氣湯。加山藥麥冬。

補六

服滲濕之劑。而益加頻數。或瀉而不利。四物湯加知母川柏懷牛膝茯苓甘

草。

補七

腿足轉筋。左歸飲。加當歸菟絲子製附子。

補三

胎壓膀胱。六脈細弱。氣血俱虛。不能承載其胎也。補中益氣湯。升舉其胎。則

小便自利。若利小便。胎墮而死。

補六

子嗽

津血養胎。肺乏濡潤。兼之鬱火上炎。故嗽不止。法當潤肺為主。

胃火衝肺。食生冷又食椒薑。致傷胎氣而咳嗽不止。五虎湯。

補七

脾肺氣虛。傷於風寒。補中益氣湯。加桑皮杏仁桔梗。

補六

肺虛不生水。水虛而火炎。宜清金滋水。又當以安胎爲要。

陰火尅肺。天冬湯。寒十

風寒客肺。寧肺飲。寒十

嗽血不止。清肺飲。寒七

子瘕

其母素有肝火。遇孕則水養胎元。肝血愈燥。寒熱往來。是以不免似瘕。實非瘕也。或因氣血虛損。風寒乘之。風爲陽邪。化氣爲熱。寒爲陰邪。化氣爲寒。陰陽併挾。寒熱互見。宜大補氣血。輕表外邪。若寒熱不已。熏蒸其胎。胎必傷矣。

肝枯發火。逍遙散。和五

化源不足。六味丸。補二

氣虛寒熱。六君子湯。去半夏。加藿香。補一

陰陽之氣不和。宜和解。小柴胡湯。和十

心腹痛

藏府既虛。外觸風寒。邪正相擊。而并於氣。隨氣上下。衝於心則心痛。攻於腹則腹痛。若至久不瘥。衝於胞胎則胎下。

腹痛惡寒。少腹如扇。子宮受寒而不能合。故開而若扇。宜附子湯。一熱

血脹腹痛。此子宮久虛也。不速治則胎墮。杜仲丸。補十

痛引兩脇。小便數。大便滑。宜安胎和氣飲。一和十

微痛連腰。飲食無味。此胎氣不安也。宜安胎飲。九補

痛不可忍。胎動欲落。若初病而身體強健者。可用紋銀數兩。先煎。後加茅根

二觔。煮汁飲之。

氣脹刺痛。腸鳴嘔逆。此忿怒憂思過度。飲食失節所致。宜木香散。若氣鬱生

火。加清火之味。九散

胞阻腹痛。血為胞所阻。不能流行。血滯則氣亦滯。故腹中痛。宜四物加膠艾

甘草。挾風則為濁痰。阿膠能去風而澄濁。艾能導血歸經。七補

脾胃氣虛。不能承載。安胎飲加升麻白朮。或補中益氣湯。補六九

忽然疔痛。此妊娠至五六月有之。大棗十四枚。炒炭。食鹽一錢。炒赤。共研酒

下。

頓仆胎動。腹痛下血。四物加膠艾。不應。用八珍加膠艾。或再加知母亦可。若

搶心短氣。腹滿作痛。四物加阿膠砂仁陳皮黃芩。補五

風邪痰飲。交結於心之支絡。宜四物合二陳。加藿香紫蘇。或阿膠散加旋覆

花。或當歸芍藥湯。擇而用之。補七和八補六

腹痛連髀。宜五加皮散。或五加皮丸。散十

皮膚疼痛。筋骨拘急。手足攣拳。此內食生冷。外受風寒。寒冷之氣。內外相搏。

而胎不安也。宜安胎和氣飲。和十

筋骨疼痛。四肢不安。因怪夢多驚。或喧呼忪悸。以致胎氣不安。故兩脇腹脹。

連臍急痛。坐臥不寧。氣促如喘。速投大聖散。補十

腹痛時作。小腹重墜。血虛氣陷也。用加味安胎飲。補十

宿寒搏血。血凝氣滯。宜五靈脂蒲黃。並炒炭醋調下。或用五君子湯。補十

遍身痛。衝心欲死。不能飲食。宜白朮芍藥黃芩。

心下滿。氣急切痛。赤茯苓桑白皮前胡郁李仁蘇梗五加皮。

血虛而熱。生地二觔搗汁。和酒一升。煎半服。

胎氣自痛。宜內補丸。補十

胞絡虛而風寒搏之。少腹痛甚。紫蘇飲加生薑。如氣血兩虛。八珍湯可加減

用之。散三補五

氣攻左右。小便不利。小柴胡湯加青皮梔子。和

因怒而小腹疼痛。水道重墜。肝火熾盛所致。龍膽瀉肝湯。後用四君加升柴。

補十一寒四

小腹痛連腰脇。此驚惱所致也。甚則下血不止。宜阿膠當歸人參茯苓。加香附艾並炒炭煎服。

腰脇痛

血氣蔭胎。不能養腎。腎虛而腰必痛。或勞力傷腎。致動胞繫。痛甚而胞繫必脫。又房事不節。胞繫傷而痛不止。遂至胎墮者多矣。宜安胎為主。

腎氣虛弱。青娥丸加熟地。八珍湯加杜仲阿膠艾砂仁。補十六補五

氣血滯而不行。縮砂飲。紫蘇飲。加桔梗香附。散三十二

風邪所乘。此必腰痛如折。紫酒或四物湯。加桑寄生防風。補十七

閃挫而痛。通氣散加安胎飲。補十八

肝火熾盛。小柴胡湯加左金丸。寒十四

天陰及久坐而痛。濕熱也。二妙散加杜仲米仁。和十四

腰重如帶冷物。寒濕也。通氣散加川斷杜仲。補十八

肝脾鬱結。歸脾湯加柴胡加左金丸。補十四

下血

衝任二脈。上為乳汁。下為月水。受胎則月水應斷。衝任氣虛。不能固攝。血常溢下。名曰胞漏。莫作月水論。久而不止則胎墮。非時而下為胎漏。依期而漏號激經。尿血溺時方有。胞漏血常下而不停。

見紅腰痛。六味丸合四君子湯。去甘草。加杜仲川斷粘米。補四二

榮血有風。榮經為風所勝。故經血動而下也。所下者本非養胎之血。若認作

胎漏。服保養胎元之藥。是實實矣。胎必墮下。宜服防風丸。散十
 按月出血點滴為胎漏。此因氣血並虛也。宜服補中安胎飲。補二
 因事而動。以至下血。二地加枳殼炭二三分
 頓仆動胎。下血不止。安胎飲加阿膠艾炒炭如感寒頭痛。加蓮鬚。補九
 胎氣內熱。迫血妄行。涼胎飲。寒十
 中氣下陷。補中益氣湯。補六
 脾氣虛。不能攝血。歸脾飲。補九
 肝脾鬱怒。加味歸脾湯。或小柴胡湯。補十三
 肝脾風熱。加味逍遙散。補十一
 肝脾濕熱。升陽除濕湯。散十
 風入腸胃。胃風湯。散十
 胎急不安。下血不止。桑寄生散。和十
 因驚而氣虛。虛則下陷而見血。安胎飲加人參。補九
 血離其位。積於胞宮。為脹為痛。四物重加當歸。補七

下黃汁如膠。或如豆汁。此濕熱也。用升陽除濕湯。又用黃耆六兩。糯米五合。水五升。煎半分。作兩服。散十

癥氣相妨。亦為漏下。行經之時。血虛而寒氣乘之。血遂凝結而成癥。其癥不結於子宮。仍能行經成孕。既孕見血。為之漏下。是癥氣為害也。宜下之。桂枝茯苓湯。然方中桃仁一味。恐妨胎。須酌用。若癥在腹中。於胎無害。俟分娩後治之。為妥。散十

尿血

胎漏血自人門出。尿血血從尿門出。因心經有火。移于小腸。滲入膀胱。溺時而下。不溺則不下也。

形體勞而過食燔炙之物。加味逍遙散。補二
赤帶漏下。如猪肝汁。側柏丸。寒十

轉胞

胞即膀胱。以胎漸長大。下逼於胞。胞爲胎逼而側。故名轉胞。有因胎陷而致轉胞者。有因氣不化水。水蓄胞中。胎又從而逼之。而致轉胞者。其候煩悶汗出。氣逆奔迫。水道不通。小腹急痛。宜速治之。急則令孕婦仰臥床上。豎其兩足。亦能稍瘥。轉胞與子淋相類。但淋則痛而不脹。轉胞則脹而不痛。即因脹極而痛。溺孔却不痛也。若淋症則小便點滴。溺孔痛甚如割。

血氣虛弱。胎不能舉。補五 補中益氣湯加減用之。八珍湯加廣皮木香。亦治此症。補六

脾肺氣虛。不能輸泄膀胱。補二 異功散加豬苓澤瀉。

熱氣鬱結膀胱。以致津液不利。寒十 滋腎丸加丹皮澤瀉。

金爲火爍。脾土濕熱。致洩便不利。寒十 清金利水湯加山梔釵斛。

忍尿飽食。房勞氣逆。而水不能化。以致轉胞。散十 宜治其氣。蘇香丸。

胎氣上逼

胎動氣逆。上逼心肺。以致氣塞不轉。悶亂喘促。此調養失宜。氣血不和也。子懸

是胎氣不和。此因氣血不調。以致胎不安也。

胎氣上逆。紫蘇飲。散三當歸芍藥湯。補十

肝火內熱。加味逍遙散。補十一

胃火上逆。四物湯去川芎。加山梔黃芩甘草。補七

脾氣不舒。加味歸脾飲。補三

飲食無味。六君子湯。補一

脾胃虛寒。五君子湯。補十

風邪勝喘不能臥。參蘇飲。和十

火動其胎。逆上作喘。黃芩香附末。用砂仁煎湯下。

腎氣不歸元。上乘於肺而作喘。生脈散。都氣飲。加阿膠。補二十三

胎氣上逼。熱痛下血。以致煩悶困篤。葱二十莖。濃煎飲之。胎死即下。未死即

安。

臍燥

因氣血養胎。津液不能充潤而肺燥也。當補其母。

肺燥欲哭數欠伸。

甘草大棗湯。

補二八珍湯。

補五淡竹茹湯。

寒水攻心而悲淚。

五君子湯加砂仁。

補十

肺受風邪。頻致淚下。

四物寄生湯。

和十

胎動

胎動則腹痛。胎漏無腹痛。胎動宜行氣。胎漏宜清熱。若手足冷厥。唇口青黑。宜人參甘草當歸阿膠蓮鬚葱白。

胎動作喘。

宜降火。用黃芩香附末。清湯下。

腹痛下黃汁。

黃耆川芎粘米煎服。

衝任風寒。以致胎動。

當歸川芎紫蘇生薑煎服。

元氣不足。怠倦不能承載。

宜服安胎調氣飲。

如補二如微熱腰疼。連進兩服。

怒氣傷肝。

鬱結不舒。觸動血脈。而胎不能安。宜安胎飲。加香附柴胡白芍。

補九
有火。加梔子丹皮。

因母病而胎動。但治母病。不必安胎。惟犯胎之藥不可入。其餘飲酒房勞。觸忤仆傷。以致胎動。俱當安胎為主。

胎動下血。葱白煎湯。入阿膠艾炭。再煎服。又當歸川芎阿膠艾黃芩甘草煎服。

胎動腹痛。面青冷汗。氣欲絕。此勞動傷胎。宜急治之。鈎藤湯。散入胎不動不墜。腹冷如冰。血少不能榮養其胎也。宜補血湯。補七

胎痛

血少不能榮養其胎也。

血衰氣滯。宜抑陽助陰。四物湯加香附紫蘇。補七小腹重墜。地黃當歸參朮陳皮四君子湯。補四中益氣湯加歸地。補六亦治胎脹。

孤漿

懷孕六七月。暴下漿水斗餘。胎亦必從而墮。此元氣虛而血傷也。

胎動腹痛。忽下黃汁如膠。或如豆汁。宜黃耆糯米湯。補二
十八

吐血

氣血壅養胎元。六淫七情。皆足以動其血氣。氣逆而火上乘之。故血溢於口。但火有虛焰實熱之分。治有清火補水之異。若以尋常治血之法。行血消血。動用四物。胎必墮矣。

火從胎氣上升。載血而出。生地麥冬白芍黃芩阿膠蒲黃炭香附炭。

肝經風熱。防風黃芩。

肝經怒火。小柴胡湯去半夏。加山梔生地。或投加味逍遙散。和十補
二十一

傷寒

全以清熱安胎為主。然安胎而仍用參朮等味。則邪熱固閉。反致胎下。只要隨症用藥。勿犯胎氣。始為合法。

惡寒頭痛。邪在表也。宜香蘇散。散十若煩渴則邪在半表半裏。黃龍湯。五和十

發熱躁渴。溲赤便閉。或下利赤水。邪在裏也。三黃解毒湯。寒二

熱極斑如錦紋。四物湯去川芎。加黃芩玄參知母大青葉。補七

壯熱百節痛。宜柴胡葛根黃芩山梔知母大青。

熱結於胃。胸口煩悶。宜涼膈滋陰丸。寒一

汗下後。熱不止。宜加味竹葉湯。寒二

病熱而嘔。不食而煩。宜蘆根清胃飲。寒三

下後脇熱利不止。黃芩湯。寒四

斑赤黑。小便如血。氣斷如絕。胎落而未落。宜用梔子黃芩生地青黛葛根升

麻杏仁葱白煎湯速服之。

心驚發熱。辰砂安神丸。補九

心氣虛不能主血。補心湯。補三

胃經火動。犀角地黄湯。寒五

肺受火尅。清肺飲。寒七

青梁積熱。加味清胃散。寒二
腎水虧而陰火動。加味六味丸。補五
吐衄口禁項強類中風。加味安胎飲。補三十
口鼻出血。血熱衝傷胞絡也。治當涼胎為主。衄血湯。寒九

痢疾

後重不可降氣。便膿不得行血。惟順氣和血。佐以導滯消積之味。此治妊娠痢疾之要法也。

腹脹而痛。裏急後重。三黃解毒湯。加木香當歸。寒二
血痢不止。熱乘大腸也。黃芩芍藥甘草。
腹重墜下。元氣虛也。胎動不安。內熱甚也。補中益氣湯。加黃芩白芍。補六
痢下黃水。脾氣下陷也。補中益氣湯。補六
黃而兼青。肝木尅土也。宜平肝補土。補中益氣湯。加白芍青皮。補六
黃而兼黑。水反侮土也。宜補脾腎。七味丸。補三肉桂有礙於胎。可易肉果兔

絲子。然火盛者亦兼黑色。宜投寒涼之劑。

腸胃虛弱。風邪客之。胃風湯。散十

赤白膿血不止。黃連湯。寒二

赤白灰色。泄痢痛欲死。大寧散。一

腹痛胸滿。當歸芍藥湯。補十

腸鳴後重。穀道疼痛。蒙薑黃連丸。和十

胎氣不和。相火上炎。鬱而為熱。亦致下利不止。似痢而實非痢也。四物湯

芩白朮生地。補七

泄瀉

血壅胎元。則脾陰虛。不能運化水穀。而為泄瀉。又胎繫於腎。胎竊腎中之氣。陽不克上蒸脾土。亦致脾虛泄瀉。即或間有風寒暑濕之所感者。亦半屬於之虧。

大便虛急。此脾土燥大腸澀也。宜理脾胃與大腸。川連乾薑木香甘草。

嘔吐腹痛。手足逆冷。寒水侮土也。六君子湯。^補去半夏。加補骨脂益智仁煨鮮薑。

寒熱作嘔。肝木侮土也。異功散。加柴胡白芍生薑。有火。加味逍遙散。^補二^補二十

百節痠疼。因縱意口腹也。歸涼節命散。^和十

臍下陰冷。理中湯異功散。加肉果木香。^熱二^補十二

協熱作瀉。三黃熟艾湯。^寒三

伏暑不消。煩渴瀉水。四苓散。^瀉二

傷濕泄瀉。小便自利。胃苓湯。^瀉四

脾腎虛弱。白朮散。^和十

久瀉不已。安胎和氣飲。加減八珍湯。^和三十一^補二

氣急筋攣骨節痛。平安散。紫蘇飲。^和三十九

霍亂

嘔吐傷氣。瀉利傷血。妊娠危症也。急治之。

心腹絞痛。吐痢並作。因五味積而為痰。七情鬱而為火。乍感寒熱。邪正交爭。

陰陽相混。故致此病。香蘇散加藿香。散十回生散。散十

心躁腹痛。吐瀉並作。六和湯。和十二

頭痛發熱。是風邪也。藿香正氣散。散二

熱氣鬱結。胸中煩躁。蘆根竹茹葛根麥冬知母人參葱。

四肢厥逆。脈息虛弱。人參白朮散。和一二

傷食

脾胃滯。則水穀不能化精氣以養胎。宜善為消導。

腹痛而食不化。二陳湯加砂仁。去半夏。如嘔吐。加藿香砂仁。氣滯。加木香。和八

吞酸噯腐。二陳湯去半夏加佐金丸。和八寒

腹滿泄瀉。異功散加砂仁木香穀芽。補十二

脾氣虛弱。白朮陳皮為末。穀芽湯下。

鐘鳴

兒在胞中。口含臍帶上疙瘡。因妊娠舉臂攀高。脫於口而不能復含。故作聲。令妊婦曲腰就地。如拾物狀。使臍帶仍入兒口即止。或用鼠窟中土爲末。入麝香二釐。酒調下二錢。

墮胎

三五七月多墮胎。以三月屬心胞。五月屬脾。七月屬肺。皆藏脈。藏屬陰。陰氣易虧。故胎亦易墮。此人皆防之。而一月爲胚。形如珠露。胎元未固。又爲足厥陰肝脈養之。肝氣多鬱。肝火易動。或不自謹。胎即消而落矣。一切忿怒勞倦。皆宜慎之。若房事更在所忌。

衝任氣虛。宜養脾胃。千金保胎丸。補三六味丸。加杜仲川斷阿膠北五味。使

腎氣壯而胎可固。十聖散。補四每月服六帖。

子宮爲風冷所乘。致營衛虧弱。八珍湯加桑寄生防風。補五

少陽火動。性急者多怒。面色黑而氣實。此相火太盛。不能生氣化胎。及食氣傷精。故致胎墮。四物湯加知母黃柏黃芩麥冬。補七陰虛內熱。黃芩阿膠生地麥冬白芍。

胎不長

胎元全賴血氣所養。而血氣又賴脾胃水穀之精化之也。以健脾扶胃為主。八珍湯加蓮肉。忌食鯉魚莧菜。補五

肝氣鬱怒而氣逆。則血不調。血不調則胎無以養而萎。逍遙散。補五和氣血寒而陽不足。則胎不長。左歸飲加當歸砂仁乾薑。補十三火邪盛而真陰損。致血熱而胎不長。加味逍遙散加黃芩川連知母。補十二

鬼胎

腹脹連胸。面色或青或黃。脈濇而短。或不數月而腹大如鼓。形若抱甕。按之其冷如冰。總緣精神虛弱。妖魅乘虛而入之也。或本婦所願不遂。發為白淫。流入子宮。

結而爲胎。均曰鬼胎。斬鬼丹。一攻雄黃丸。二攻

傷胎

驚恐跌仆。中寒中熱。毒藥毒食。皆致傷胎。胎之生死。脈未可憑。須細心體認。必實見其口舌色青。腹冷口穢。方可用下。

下血不止。胎上衝心。四肢厥冷。悶絕將死。竹茹蘄艾煎汁去渣。入阿膠白蜜

服。川芎當歸二味煎服亦穩。如腹中急痛。血從口出。亦用竹茹等味煎服。七寶

丹亦可下胎。散二千金神造湯。三攻十蟹爪一升。阿膠三兩。甘草一兩。

半產漏下。昏冒瞑目。因血亡而心與胞絡之火上乘也。惟養血清火。俾心氣

清而不昏。肺氣清而不暝。庶爲得法。切忌用風藥發汗。

經損而血不止。非氣虛則血熱。氣虛宜阿膠艾伏龍肝。血熱宜生地丹皮麥

冬茯苓丹參當歸之類。

腸覃石瘕

肺主衛。衛爲氣。得熱則泄。得寒則泣。寒氣客於腸外。與衛氣相搏。氣不得榮。因有所繫。結瘕而內着。惡氣乃起。息肉乃生。漸而至大。如懷子狀。氣病而血未病。故月事不斷。應時而下。木香通氣散。散二

寒氣客於子門。氣不通而月事不下。結硬如石。非大辛熱之劑不能消。見睨丸。四 咳 倘有孕。用香附子醋炒。桃仁海粉醋煮。白朮爲末。麵糊丸。服之頗穩。

盤珠集胎產症治

施 雯 澹 寧
清 姚 江 嚴 潔 西 亭 全 纂

鄭 縣 曹 赤 電 炳 章 圈 校

卷中 產後

難產

生產爲天地化育之道。本無所難。其有難產者。皆產家張皇自致之耳。能靜以待之。兒得轉身。自然產下。治法以順氣和血爲主。切勿肆用催生藥。

心懷恐懼而氣結不行。恐則氣下。懼則氣怯。怯則上焦閉。閉則氣還。還則下焦脹。氣乃不行。宜服紫蘇飲。三散

胞破漿水下而兒不下。速當補養氣血。如魚得水而自順矣。宜保產萬全湯。

和_二再用濃煎葱湯洗其產戶。令上下之氣宣通。

胞中敗血壅滯。兒枕破。血裹兒身。致轉身不利。急服勝金散。_五

暑月熱氣蒸人。有鬱冒冲暈之患。生化湯。_{和四}加益元散。_{寒三}

冬月寒氣逼人。經血凝聚而難下。宜生化湯加肉桂乳香。_{和四}

交骨不開。陰氣虛也。加味芎歸湯。_{補三}開骨膏。_{和二}

子趨穀道。焦鹽熨之。

橫生逆產。此因兒未轉身。母即用力逼之。遂致橫逆也。或先露手。或先露足。

以小針刺兒手足心。用鹽擦之。兒痛即縮入。并以鹽摩產婦腹。若眼閉心悶欲

絕。取頂上髮如兩指大。用力挽之。眼即開。或以米醋噴之。車前子爲末。酒下亦

可。又兒先露手。速令產母仰臥。看生之婦。將兒手推上。徐徐正之。候其身正。煎

催生藥服之。使兒生下。又三退散可下。_六

盤腸產。子未下而腸先下。此因產母氣血虛弱。因而下脫。當大補氣血。兼以

升提。參耆芎歸。加升麻少許。連服之。自收。若腸乾不收。以磨刀水少許溫潤之。

或濃煎黃耆湯。貯漆器內。候弗冷弗熱。將腸浸之。令溫煖之。氣上熏。則腸自上。

或以草麻子四十九粒。研爛塗母頭頂。待腸收上急洗去。又五倍子白礬湯浸。亦好。子腸與子宮脫下者。同一治法。胎死腹中。察產母腹脹口青。或舌黑。腹中陰冷重墜。嘔惡不寧。穢氣上衝。皆子死之證。速當下之。當歸厚樸陳皮酒水各一盃。煎半。入樸硝三五錢。再煎十餘沸服。如在疑似之間。只服芎歸湯為穩。

胎衣不下

血入胞中。胞脹而不能下。其症面垢頰赤。寒熱盜汗。上連胸腹脹痛。若因氣力衰憊。不能送出者。胸腹必不脹而痛。總當忍痛。正身俟之。不可任意欠伸。致血上衝心也。

血壅而胞衣不下。

失笑散。

攻牛膝散。

八攻生化湯。

和四

加牛膝煎湯。

送益母丸。

和七

又牛膝一兩。

黃葵子一合。

煎服即下。

氣血虛弱。不能送下。

保生無憂散。

和五

風冷乘虛而入。胞冷血凝而不下。

牛膝散。

去硝。

加桂附。

血暈

胎胞既下。氣血暴虛。忽爾眼黑神昏。不知人事。速投人參芎歸。以回其氣。眼閉口開。面白手冷。六脈微弱。是其驗也。若惡露上行。心下滿悶。口噤而神脫者。宜破血下血。二者錯治。則立斃矣。

惡露上攻。急用失笑散。攻米醋燉熱。和生韭汁。貯有嘴瓶內。將瓶口包裹。以瓶嘴對鼻孔觸之。極效。

敗血流入肝經。急飲童便。下生化湯。

瘀血奔心。虛火上炎。童便下益母丸。即濟陰切。或童便送鹿角炭。清魂膏。寒

十一

陰血暴亡。心神無所養。而君相二火乘於肺經。則目瞑不省人事。宜四物湯

去熟地。加生地白薇。補七

飲酒血暈。血得酒熱而妄行也。川芎當歸葛根。

使力過多而暈。清魂散。和六二

氣血兩虛。痰火上湧。二陳湯加朱砂。和
虛風血暈。當歸川芎桃仁荊芥。

厥

凡產用力過多。勞倦傷脾。孤臟不能注於四旁。肺心腎肝故足逆冷而厥氣上行也。經曰。陽氣衰於下。則爲寒厥。厥氣上行。滿脈去形。逆氣上行。滿于經絡。則神氣浮越。去身而散矣。此非急以峻補大劑與之。不能舉氣以歸元。回陽而復神。宜重用參耆。使氣血旺而神復。厥症自止。人參生化湯。如無塊痛。滋榮益氣湯。補三十八

惡露露不下

養胎餘血。溷以漿水爲惡露。氣血旺者。隨產而下。氣血衰弱。或挾寒冷。或挾風邪。遂留滯不行。上攻則爲血暈。蓄瘀則爲兒枕。日久不出。腹疼心痛。遍身發熱。五心煩熱。骨蒸潮熱。時作時止。渾如瘧狀。塊在兩脇。動作雷鳴。嘈雜眩暈。食少羸瘦。又與虛弱病相似。慎勿誤治。致成血臑等症。宜生化湯合失笑散。補而消之。和四攻二七

起枕散亦好。九若惡露流注四肢腰背等處。久必腫起作痛。速用葱熨以散之。內服加參生化湯。如不速治。將所注者化而為膿。宜用神仙迴膿散。一然氣血不旺。不可輕用。憎寒惡熱。氣虛也。十全大補湯。補九三日晡潮熱。血虛也。四物湯加參朮丹皮。補七嘔逆。胃氣虛也。六君子湯加炒乾薑。補一食少體倦。脾虛也。補中益氣湯。補六四肢逆冷。小便頻數。腎氣虛也。補中益氣湯加益智仁。熨法用葱一把搗爛為餅貼患處。襯厚布兩三層。以熨斗文火熨之。

惡露不絕

元氣不足。勞動傷經血也。或惡血未盡。適挾風冷。而致氣血不調。或過服固胎藥。產雖下而惡露不去。竟至二三月而點滴不已。皆宜補血順血。調氣通氣為主。濟陰丹可加味用之。和七

氣血俱虛而淡紅不已。十全大補湯。補九

怒火傷肝而血不藏。加味四物湯。補八

胃氣下陷。不能統血。補中益氣湯。補六

脾經鬱熱。血不歸源。加味逍遙散。補二

肝氣熱不能生血。六味丸。補二

脾虛不能攝血。六君子湯。補一

傷衝任之絡而不止。加味固陰煎。補二六味丸。補二加阿膠麥冬北五味。

血崩不止

產婦耗傷氣血。經脈未得平復。而或驚憂恚怒。或勞役損動。或鹹酸不節。傷於營衝。或氣衰血弱。不能固攝。皆成崩中。若小腹滿痛。肝經已壞。為難治也。其餘鬱熱氣陷。以致血崩。與惡露不絕同治。

血多色紫。敗血也。當去之。留之反作痛。不可以作崩論。生化湯。加五靈脂生蒲黃以破之。和四

形脫而汗不止。加參生化湯。渴。加麥冬。瀉。加茯苓。兩手脈伏。或右手脈絕。加北五味。麥冬。痰。加竹瀝薑汁。驚。加棗仁。食不可進。聞藥即吐。胃虛也。宜用參湯送飯。鍋焦粉。漸漸引開胃口。然後服藥。

崩下如牛膜。昏迷倒地。乃受驚而然。硃雄丸。和九二
惡血重來。如流水不止。昏迷不知人事。此因未滿一月。妄行交媾。以致血不歸
經也。急用金狗脊散。和三十
日久不止。宜升舉大補湯。補四十
血脫妄言妄見。宜升舉大補湯。加辰砂少許。以墜其心火。補四十
血崩如湧。口噤目斜。手足搐搦。肝經血耗。風生也。六味丸加荆芥穗。補二
血來紫黑如豆汁色。怒傷肝也。宜加味四物湯。和八二
血來鮮紅。是驚傷心。怒傷肝。勞傷脾。致血不歸經也。生化湯。和四二加味治之。
鮮血來多。再加升麻白芷各四分。

頭痛

頭者諸陽之會。產後陰虛。陰虛則陽勝。陽氣上湊於頭。故頭痛。又有瘀血之氣。上
衝於頭而痛者。一宜滋陰。一宜去瘀。慎勿誤治。
身熱惡寒。感冒風寒也。生化湯加蓮鬚。和四二

中氣虛。補中益氣湯。加蔓荊子少許。六補
氣血俱虛。八珍湯。五補
陽氣虛。補中益氣湯加附子。六補
腎水不生肝木。六味丸加北五味。二補
氣滯。芎烏散。散二

心痛

非陽氣虛寒。則瘀血上衝。生化湯加肉桂吳茱萸。可以治寒。失笑散加當歸川芎。可以行血。若指甲青黑。手足冷而過節。此真心痛。不治。又惡血奔心。一絲入於心臟。即死。

足純青。心下痛。寒毒攻心也。人參白朮附子肉桂當歸。散其下寒而上寒自解。

食冷物而作痛。生化湯加消食之劑。和四二
感風邪而作痛。生化湯荊芥防風生薑。和四二

產後厥痛。血虛也。羊肉一觔。煮汁去肉。入當歸一兩。炒白芍五錢。炙甘草五分。再煎服之。羊肉須取精者中無血塊。綿綿而痛。按之即止。血虛也。宜八珍湯。

腹痛

實則有惡露不盡。乾血瘀積。食傷氣滯。虛則有氣弱寒阻。血虛空痛。須詳審施治。虛者固宜調補氣血。而實者亦勿得峻勵刻伐。

瘀血上衝。心腹脹滿疼痛。牙關緊急。按之愈甚。大便難而小便易。宜失笑散。

攻煎湯下益母丸。御濟陰丹和二十七

乾血着於臍下。行氣破血之藥。投之不愈。知內有乾血也。生化湯加炒大黃

炒虻蟲。和二十四

胸膈飽脹。惡食吞酸。手不可按。此飲食傷也。二陳湯加山查神麴。和八

食消後而痛如故。按之痛止。或加頭痛。煩熱作渴。惡寒欲嘔等症。此中氣傷也。宜補脾胃。六君子湯。補一

六脈沉伏。四肢厥冷。內傷飲食。而惡血不行也。宜行血消食。失笑散加山查
 神麴。攻如無惡血積食。則為虛寒。宜補氣煖胃。
 產後六七日。忽然臍腹疼痛。此由呼吸之間。冷氣乘虛而入也。宜四順湯。三熱
 腹中疝痛。客寒阻逆也。精羊肉煮汁。入當歸生薑煎服。
 腹痛欲絕。脈浮弦。風入胞門也。川斷一兩。防風三錢。煎服。
 衝任空虛。肝經血少。脈弦。熟地吳茱萸白芍木瓜蒺藜。
 惡心作嘔。六君子湯。一補
 泄瀉。六君子湯加炮薑砂仁生薑大棗。一補
 腹中塊積。生化湯加肉桂紅花。和四二
 六脈滑數。瘀血成癰。生化湯加丹參丹皮。
 腎氣虛寒。理陰煎。四熱胃關煎五熱
 血少而痛。黃雌雞湯。補四十一

小腹痛

兒在胞中。食母之血。所餘者。結而成塊。產時塊從兒下。則無患。不下則滯而痛。名曰兒枕痛。黑神散。攻久而不已。血化為膿。又產後寒氣入腹。硬築。臍下刺痛。為寒疝。宜用炒吳茱萸。勿誤治。

血化為膿。流注關節。則成骨疽。脈洪而數。是其候也。失治。多為敗症。宜急治之。若腹脹大。或轉側作水聲。或膿從臍出。與大便出。當用補以托之。然後用神仙迴膿散。攻十

子離其宮。血海陡虛。所以作痛。胞門受傷。必致壅腫。腫未消。因而拒按。似塊。實非塊也。勿得作兒枕治。宜用殿胞煎。補四五物煎。補四

腸癢

怒鬱血虛。腸風。皆致腸癢。食諸魚毒物。亦能致癢。以食鹽炒熱熨臍。又箭鏃燒紅。淬入酒中。飲酒可愈。川芎當歸甘草淮牛膝薑本為末。酒調下。

腰痛

腰者腎之外候。胞胎繫於腎。產則勞傷腎氣。損動胞絡。虛未平復。風冷客之。故令腰痛。三聖散。散五

惡露斷。腰重痛而下注。兩股如錐刺入骨。此血滯經絡。必作癰疽。四物湯加

延胡。補七

真氣虛而邪乘之。當歸黃耆湯。加桑寄生。補四

痛久不已。猪羊腎常食之。

腹脹善噫。諸藥皆嘔。脾虛也。焦朮米泔煎服。

脇痛

膀胱宿有停水。惡露下而不盡。氣血與水相激。故令脇肋脹痛。

痛而嘔吐。抵聖湯。攻十非薑桂之辛以行藥。勢反助其脹矣。

肝經血瘀。四物湯。加肉桂延胡蒲黃紅花。補七

肝經氣虛。四君子湯。加當歸白芍。補四

肝經血虛。四物湯。加人參白朮。補七

腎水不生肝木。六味丸。補二

肺金盛尅肝木。瀉白散。散六二

身熱汗出。加參生化湯。和四二

氣血兩虛。十全大補湯。補三九

怒傷于肝。兩脇脹痛。吐血寒熱。

宜八珍湯。加柴胡丹皮。補五

遍身痛

產後血氣失升降常度。留滯關節。筋脈引急。是以遍身疼痛。甚則腰脊強硬。手足拘攣。身熱頭疼。切勿作傷寒治之。若認作傷寒。誤發其汗。則筋脈動惕。手足厥冷。變生他症矣。趁痛散加桑寄生。和三一

按之而痛緩。血虛也。四物湯。加炮薑人參白朮。補七

遍身青腫。麥芽一重。牛膝一重。填入瓦罐。鹽泥封固。煨赤研末。酒下二錢。治

血流諸經極效。

虛勞而指節疼痛。汗出不止。猪腎煮汁。煎當歸人參黃耆生薑韭白淡豆豉

少許。溫服。

遍身皮赤兩腿肉青

此敗血流經也。生化湯加荊芥肉桂淮牛膝。和四二

膨脹

產婦素弱。臨產勞傷。中氣多不足。胃雖納穀。脾不健運。先服生化湯。和四二三四劑。七日後。即服加參生化湯。補八五以助其脾氣。自無虛滿之患。或因便秘而誤服大黃。或因多食而過服消導。或因忿怒而誤服耗氣等藥。又或恣飲寒冷。凝滯惡露。以致脹者。或補氣。或健脾。或煖胃行血。當察其所因以治之。

血塊

因惡露未盡所致。或產後氣血虛弱。風冷乘之。搏於藏府。與血氣相結。因而成塊。切勿輕用散氣行血藥。

風冷搏血。生化湯加木香三分。磨冲服。和四二

冷濕乘虛而致。生化湯加肉桂白芷炒薑。

半月外不散。或如腫毒高寸許。身熱食減。生化湯加肉桂蓬朮炭。攻補並治。

和四二

肢節肉裏結成小核。此血虛筋燥而攣結也。由多用行血破血藥以消塊。致

血不養筋。而筋不舒耳。宜補水以滋肝血。養脾以運中氣。八珍湯補五歸脾湯補。

九加減治之。

傷食

產後血氣已虛。胃中元氣不足。飲食偶有所傷。即不能運化。因成痞悶。

宿食停滯。口乾滿悶。六君子湯加神麴山查。補一

怒後即食。食停而悶。生化湯加消食之劑。和四二

食消而仍痞。反作痛嘔。脾胃傷也。六君子湯補一。噯酸噯腐。加炮薑。作瀉。加升

麻。不應用補中益氣湯。補六

消導過多。反致滿悶。不思穀食。宜長生活命丹。補四十五

嘔吐

氣血大虧。脾胃弱而中氣不運也。敗血乘虛而入。脾受之。則不能運化精微而成脹滿。胃受之。則不能受納水穀而生吐逆。宜用抵聖散。攻十

勞傷藏府。寒邪入於腸胃。加減生化湯。補三和三七日外服溫胃丁香散。補三

嗽逆目眩。補三和石蓮散。補四

飲食傷脾。補一六君子湯加砂仁。補一

腸胃氣逆。補一腸胃燥澀而氣逆也。宜六君子湯加藿香砂仁。補一

胃氣虛寒。補一六君子湯加炮薑木香。補一

寒水侮土。補二益黃散。補七

肝木侮脾。補一六君子湯加升麻柴胡。補一

命門火衰。補四八味丸。補六

腹痛泄瀉手足冷。陽氣虛也。附子理中湯。補七

口渴內煩少力。血少汗多。不生津液也。宜生津益液湯。和三五

吐蚘蟲。胃氣將絕也。人參白朮樞子白薇肉桂神麴。

吐膿血。又復發斑。因夏月受暑。未曾發出。至產始發。火毒熾盛。又不能盡發。

故見症如此。不得不權用涼劑。人參當歸川芎麥冬荊芥元參。

大嘔大喘。風邪感於太陽也。難治。重用人參。佐以麥冬當歸白朮。少加荊芥

桂枝。

嘔吐下痢。邪感少陰也。緣腎火衰微。火為寒所驅逐。腎水亦隨寒上趨。而作

嘔。所謂真水虧。真陽飛越也。急用補陽之藥。入於補陰之中。引火歸原。是為要

法。宜八味丸加減。補四十六

兩脇脹滿便血。風邪傷肝也。此猶可救者。因其有便血耳。不然。邪留兩脇。反

成腹心之病。當歸麥冬川芎三七根。

霍亂

此由勞傷氣血。藏府虛損。食不運化。而邪復乘之。致陰陽升降不順。清濁亂於腸

胃冷熱不調。邪正相搏而然。

血塊疼痛未淨。生化六和湯。和六

血痛已除。藿香溫胃散。散八

渴而飲水。五苓散。五

手足逆冷。問無血塊。用附子散。六熱

呃逆

產後氣血皆傷。風冷搏於氣分。則氣逆上而爲呃。又脾胃虛冷。因食熱物。冷熱之氣相衝擊。使氣不順而呃逆。

胃氣虛寒。丁香乾薑肉桂。

胃中伏熱。乾柿竹茹。

脾胃虛熱。人參附子。

中氣大虛。陰火上衝。八味丸。補四

喘急

榮血暴竭。衛氣無主。獨聚肺中。故令喘急。此為孤陽絕陰。真險候也。大料川芎湯救之。或生脈散合生化湯。補二十四

敗血入肺。坐不能臥。生化湯合失笑散。或六君子湯合失笑散。補一二十四

汚血感寒。桃仁丹皮茯苓乾薑薑仁北五味桂枝桑皮紫蘇枳實。

水氣凌肺。人參白朮茯苓麥冬蘇子。

脾虛生痰。六君子湯加薑汁竹瀝。補一

憂惱作喘。川芎當歸杏仁桑皮。

外感作喘。川芎當歸旋覆花茯苓半夏杏仁前胡。

氣短似喘。生化湯。和二十四加人參沉香。

六七日忽然手足踈臥。息高氣喘。惡心腹痛。此少陰感寒邪。而在內之真陽。

為寒氣逼越於上焦。上假熱而下真寒也。人參麥冬肉桂白朮吳茱萸煎湯候

其微冷頓服之。若至半月一月外。患此症。人參白朮茯苓當歸熟地麥冬吳茱

萸附子牛膝煎服之。皆為難救之症。

七日內外感風寒。鼻塞惡寒。身熱頭痛重嗽。宜用加參寧嗽生化湯。痰多加

花粉。或加竹瀝薑汁。冲服。惡寒。毋用麻黃。脇痛。毋用柴胡。火嗽發熱。毋用寒涼。總以調理血氣為主。和三十誤食耗氣藥。致氣促絕食。人參生化湯。送飯鍋焦粉。補三十七

蟬聲

敗血冲遏於心。轉入於肺。氣與血並結成塊。入喉作聲。竟似蟬鳴。此症十不救一。

浮腫

敗血乘虛。流入經絡。日久化水。故令面黃。四肢浮腫。若作水氣治之。便致夭枉。宜小大調經湯。和三十八九血流爲水者。下午腫甚。腫處必有血痕。或脇脹刺痛。

咳嗽小便澀。寒水侮土也。宜補脾肺。補中益氣湯。補六

氣虛。六君子湯。補一四君子湯。去甘草。加米仁炒陳菊子。補四

六脈沉細無力。或咳嗽。或泄瀉不止。脾土虛寒。命門火衰也。金匱腎氣湯。補四

七十

口渴惡寒。脈沉無力。體虛而有濕熱之積也。必上焦滿悶。宜補中行氣。兼用導水之劑。白朮茯苓陳皮木通。外感風寒。氣血滯於經絡。或脇腹絞刺。嘔吐惡心。宜加味吳茱萸湯。散九氣鬱作脹。枳實炒白朮。

發熱

產後發熱。有傷力。有血虛。有停瘀。有蒸乳。有風寒。有多食。其病不一。狀類傷寒。切勿發汗。致成肉瞤筋惕。亡陽譫語。鬱冒昏迷等症。

血虛。川芎當歸人參薑炭。

氣虛。補中益氣湯加炒薑。補六

吞酸噯腐。飽悶惡食。此飲食停滯也。宜四君子湯加砂仁山查神麴。補匹

肝虛血燥。陰火內發。宜逍遙散以清肝火。若用大補。熱躁更甚。和五

陰虛陽無所依。浮散於外而為熱。四物湯加炙乾薑。補七加茯苓使天氣降而生陰。亦妙。

失血多汗出不臥。怔忡驚悸。妄言妄見。加味歸脾湯。_{補三}

血虛感風。生化湯。_{和四}加荊芥穗。_{和四}

血瘀。生化湯。_{和四}加生蒲黃五靈脂。_{和四}

誤服寒涼之劑。以致寒氣隔陽於外。四君子湯。_{補四}加乾薑肉桂。不應。_{補四}加附子。_{補四}

肌膚發熱。面赤大渴。血脫發燥也。_{補四}當歸補血湯。_{補八}

敗血攻心。狂言奔走。乾荷葉生地丹皮生蒲黃。

胸脇脹痛。腹中痞悶。吐血盜汗。或便血不止。此諸藏虛損也。故有虛寒假熱

之狀。十全大補湯。_{補三}

產後潮熱有汗。大便不通。母專論為陽明症。頭痛惡寒。_{母專論為太陽症。頭疼}

脇痛。母專論為少陽症。總由血氣兩虛。陰陽不和而類外感也。_{加味生化湯。}

調和榮衛。諸症自退矣。和四

口燥咽乾而渴。母專論為少陰症。腹滿咽乾大便實。_{母專論為太陰症。煩滿四}

肢冷。母專論為厥陰症。譫語便秘。_{母專論為胃中有燥屎。多因勞倦傷脾。運化}

稽遲。血枯腸燥。虛症類實病也。加味通幽散。_{和四}

乍寒乍熱

血閉於陽經。榮衛行之不通。則寒。血閉於陰經。榮衛行之不通。則熱。陽氣不足。陰氣上入於陽中。則惡寒。陰氣不足。陽氣下陷於陰中。則發熱。外經為寒邪客之。則榮衛不通而發熱。內府為冷物傷之。則榮衛不通而為寒。

陰陽不和。四物湯加減用之。去熟地。加人參乾薑甘草。補七

陰陽不歸其分。陽下陷而陰上冒。八珍湯。補五

元氣未復而濕熱乘之。補中益氣湯。補六

血虛而渴。當歸補血湯。補八

肝木侮土。致停食而寒熱。六君子湯。加木香。補一

風寒客於經絡。川芎當歸蓮鬚葱白。

乳孔脹痛。瞿麥通草連翹花粉甘草青皮桔梗煎服。

噯氣滿悶。飲食傷也。異功散。加山查神麴。補十二

汗

汗本血液屬陰。陰亡陽亦隨之而走。故曰汗多亡陽。又曰汗心之液也。血虛則腎中之陰不能上注於心。故心虛而汗出。又陰虛暴亡。陽氣無所歸附。則浮散於外。而汗不止。

產畢自汗。塊痛未除。先服生化湯。即繼服調衛止汗湯。俟汗止。減參耆以消

塊痛。補和四十九

睡中妄言。大便不通。加參生化湯。加麻黃根。棗仁。地骨皮。補七

汗而泄瀉。加參生化湯。加麻黃根。肉果。蓮子。補七

汗多而小便點滴。加參生化湯。加麻黃根。麥冬。葛根。北五味。補七

汗多亡陰。致筋脈拘急。類於瘧症。宜加味生化湯。補和四

大汗如雨。口渴舌乾。發熱而躁。此精血乾枯。無以養心。陽無陰而不化也。黃

耆當歸。桑葉。合生脈散。補和二三

聞響汗出。諸藥到口即吐。脾氣敗也。用人參。附子為末。隨液嚥下。

昏冒瞑目。此血亡而火熾也。但補其血。全生活血湯。補五十一

產後汗出。多因勞倦驚恐所致也。內經云。搖體勞苦。汗出於脾。驚而奪精。汗出

於心。恐懼汗出於肝。產婦有此諸因。故不能鎮守其液而汗出。宜健脾胃。使水穀之精。灌溉四旁。則五臟冲和而汗自止。歸脾湯。補十
產後血虛。自汗氣促。為肺氣上浮也。然血去過多。陽為陰逼而汗出不止。宜滋營益氣湯。補三則血復。產婦所以喜也。
產後真陽不足。上氣喘急。手足厥冷。或短氣。盜汗自汗。大聖散。補十如心虛盜汗。或睡中汗出。加味歸脾湯。補三氣脫自汗。作奪汗論。大汗淋漓。氣促膚冷。急以四君子湯補氣。補四若陰血下脫。孤陽上越而大汗出。此危候也。急服四君加黃耆五味子救之。
若自汗由血虛而外溢也。宜止汗散。補五

中風

發熱頭痛氣喘。面如朱粧。元陽不能自固也。脣青肉冷。目眩神昏。虛極生風也。口眼喎斜。氣血俱虛。不能榮養筋脈也。汗出不止。血虛腠理不密也。角弓反張。血虛體弱。風入諸陽之經也。牙關緊急。口噤不開。血氣空虛。風入頷頰口之筋也。筋脈

拘急而為瘰。弛縱而為瘕。陰血去多。陽火熾盛。肝木枯而筋無所主也。頑痺不仁。羸乏少氣。藏府虛損。風冷客于經絡皮膚也。或肝經血燥而挾風熱也。總宜大補氣血為主。或加荊防薑附鈎藤天麻一二味亦可。切忌薑蔥并風藥。以致不救。

氣虛。四君子湯加味用之。補四

血虛。四物湯加味用之。補七

氣血兩虛。十全大補湯。補三十九

如血痛未除。生化湯加味用之。和四二

遍身疼痛。手足癱瘓。血虛有風痰。生化湯加薑汁竹瀝。和四二

陰虛內熱。熱盛生風。四物用生地加丹皮麥冬。補七

搖頭馬鳴。身反折。氣如絕。汗如雨。兩手摸空。不治。

不語

心者。君主之官。神明出焉。外應於舌。舌者。聲之機。產後虛弱。致敗血停蓄。上干於心。心竅閉塞。故神志不能明。又心氣通於舌。氣閉則舌強不語。有熱痰迷塞心竅。

則不能言。腎之別脈上入於心。繫舌本。虛則不能言。脾之脈是動。病舌本強不能言。大腸之脈散舌下。風熱入於大腸則不語。

目閉不語。痰氣鬱滯也。孤鳳散。生白礬一錢。熱水調下。若瘀血壅滯。琥珀散。

琥珀花蕊石鬱金朱砂研末。童便好酒下一錢。

血氣痛上衝於心。生化湯。和四

氣閉不語。七珍散。散三

風火。加味道遙散。補一

舌出不收

熱壅於心也。丹砂末傅之。暗擲盆盎作墮地聲。驚之即收。

驚悸

血虛心氣不足也。心虛而受風邪。遂成驚悸。名曰心風。其狀目睛不轉。其脈動而弱。宜大補氣血。若作風治。速之危矣。

怯怯然如人將捕之。心血虛也。塊痛未除。且服生化湯。和四塊消痛止。宜加減養榮湯。補十五

發狂譫語

敗血衝心。肝火上炎。痰結於胸。熱入血室。皆致譫語顛狂。

神不守舍。八珍湯加茯神麥冬棗仁薑棗。補五

寒熱如瘧。晝清夜妄。熱入血室也。琥珀地黃丸加柴胡。攻十一靈三聖散。攻十五

脇痛便血。肝血虛火上炎也。加味逍遙散。補二十一

因驚悸悶。用辰砂二錢。研細乳汁調和。另用白頸活地龍一條。入熱酒滾二三沸。去之。入辰砂。重湯再煮。分三服。

發斑

敗血流入臟腑。充滿於肌膚。旁連於四肢。熱結留注。轉還不得。故發斑。十無一生。

見鬼

肝藏魂。心藏神。血虛心失所養。肝火上炎。神魂不能守舍。是以妄言見鬼也。
敗血停心。煩躁錯亂。小大調經湯。加薄荷。和三十丸
心血虛損。生化湯。加棗仁柏子仁茯神麥冬。和四

煩渴

去血多則津液少。故煩躁而發渴。宜滋陰降火。可少加童便。
餘血奔心。荷葉散。六
陰虛火動。人參當歸湯。十補五
氣虛而渴。生脈散。十補三加蓮子。
血虛而渴。四物湯。加花粉麥冬。七補
頭眩脚弱。飲食無味。氣血俱虛也。參地麥冬甘草花粉糯米薑棗煎服。
咳嗽

有外邪。有內傷。有瘀血。皆致咳嗽。惟吃鹽太早。效者難治。

惡血流入肺經。面赤發喘。生化湯合失笑散。和四攻二十

鼻塞聲重。生化湯加杏仁荊芥。和十四

陰血虛。四物湯去白芍加人參白朮。補七頭痛。加蓮鬚。

肺氣不足。四君子湯加當歸川芎。補四

陰水不足。火尅肺金。六味丸加麥冬花粉。補二

肺虛外感風寒。補中益氣湯加紫蘇桔梗。補六

胃虛不生肺金。異功散加當歸白芍。補四十九

半月外乾嗽。四物湯加訶子皮茯苓甘草阿膠。補七

百日內感風。重嗽汗多。宜加參寧肺生化湯。補十五

口鼻黑衄

氣血大虛。惡血乘虛流入諸經。不能復出。故爲衄。五色最忌黑。口鼻屬肺胃之部。口鼻間氣色現黑。肺胃敗矣。又虛火載血上行。不循經度。溢出孔竅。肺胃爲熱逼。

熱極反從水化。致口鼻變現黑色。亦危候也。速用童便淮牛膝丹皮澤蘭二地。倍人參大劑救之。止衄之法。取產婦頂心髮一縷。紅線一縷。繫中指節奇驗。

瘧疾

半月內外。寒熱往來。或晝或晚。或夜。寒熱交作。應期而發。或一日二三度。其證類瘧。總由氣虛則寒。血虛則熱。胃氣虛則惡寒。胃氣下陷則寒熱往來。惟大補氣血。其病自退。

汚血。生化湯。加生蒲黃乾荷葉澤蘭淮牛膝。和四

飲食停滯。六君子湯。加山查神麴。補一

勞倦傷氣。補中益氣湯。加川芎。補六

氣血俱虛。十全大補湯。加炮薑。補三九

元氣脫陷。重用人參加附子。

鬱怒傷脾。逍遙散。和五

外感風寒。生化湯。加荆芥防風藿香生薑。和四二

瀉痢

惡露不行。滲入大腸。則洞泄不禁。下青白黑色。其餘非食積則寒濕。再則脾胃弱。肺氣虛。皆能致瀉。若痢亦由惡血滲入大腸。積滯而成。謂之產子痢。其病甚危。又久痢身體羸弱。謂之虛羸痢。氣不順而下痢。謂之氣痢。又有外感六淫。內傷飲食所致。總當兼氣血虛處治之。切不可用治痢常法。以致不救。

惡露未盡而泄瀉。生化湯加茯苓。俟惡血盡。然後或補或消而治之。和四二若虛弱不能支持。加人參。

完穀不化。生化湯加茯苓。訶子。皮。蓮子。生薑。不愈。加人參。和四二

乾渴。胃氣虛。不生津液也。生化湯合生脈散。補和二十四

食物不化常噫。生化湯加茯苓。神麴。山查。砂仁。入熱

脘肋填脹。腹中痛。流注無定處。產未滿月。風邪乘虛襲之。留於盲膜。散於腹

肋。故腹中陣陣作痛。水穀不化。脹鳴泄瀉也。宜調中湯。入熱

脾胃虛弱。血塊未散。先服生化湯。加木香。砂仁。益智仁。血塊已除。六君子湯

加肉果益智仁。再加升麻柴胡。以提胃中清氣。

餘血不盡。滲入大腸。洞泄不禁。服的奇散。荆芥大者四五穗。於盞內燒炭。不

可犯油火。入麝香研末。清湯調下。

年久脾泄不止。參苓蓮子飲。補十五

產後七日內外。患赤白痢。後重頻併。最爲難治。欲調氣行血。推蕩痢邪。又慮產

後元虛。欲滋榮益氣。而大補產弱。又慮轉助痢邪。若行不損元。補不助邪。惟生

化湯減黑薑。加茯苓木香。爲善消惡露。兼行痢積。並治而不悖也。

厥逆躁不得臥。殊難救治。人參當歸荆芥。

積滯腹痛。人參當歸白芍紅麴醋炒升麻甘草益母草。如惡露未盡。加乳香

沒藥砂仁阿膠。

渴而不喜冷飲。胃氣虛。不生津液也。七味白朮散。補六五如夜間發熱。腎水虛。

不能潤也。六味丸。補二

痢而嘔吐。六君子湯。加藿香。補一如胃火盛。用活田贏麝香。搗和掩臍。後用滋

陰清胃之劑。

血崩痢不止。加參四物湯。補七
脫肛。氣血兩虛也。加參生化湯。補八五

葶勞

產後虛羸喘乏。乍寒乍熱。病如瘧狀。此氣血不充周也。宜大補氣血。

肝腎虛弱。口乾咳嗽。陰虛火動也。宜六味丸。加北五味麥冬。補二

脾弱血虛。月水不調。八珍湯。補五

脾虛血燥。皮膚瘙癢。加味逍遙散。補一

虛汗不止。母雞湯。補九

四肢疼痛。外邪感也。石子湯。補四

虛寒腹痛。黃雌雞湯。補四

外熱內寒。外邪感也。理陰煎加減治之。補四

陽虛內寒。理陰煎羊肉湯。補六

大便不通

去血過多。大腸乾涸。或兼火燥。總勿用峻利之劑以亡陰。而致便秘愈甚。

血虛生火。四物湯加麻仁。補七加味六味丸。補十

氣血俱虛。十全大補湯加肉蓯蓉。補十

飲食如常。腹中如鼓。八珍湯加桃仁。補五

脹滿欲去不能。結在直腸。宜猪膽汁導之。

小便不通

產後亡血。或又多汗。且勞倦脾傷。不能為胃行其津液。則其生化之氣不運。滲泄之令不行。是以上氣不行而有咽乾燥渴之症。下氣不行而有胃腎關閉之候。治當助脾益肺。升降氣血。則氣血流行。陰降陽升。自然津液充而小便利。

汚血阻滯。瞿麥蒲黃。

血虛熱鬱。六味丸。逍遙散。補五

熱氣客於脬中。茅根湯。寒十二

腹脹如鼓。悶亂不醒。冷氣積於胎前也。用食鹽填入臍中。搗葱白為餅。約一

指厚。置鹽上。用艾火隔葱餅灸之。覺熱氣入腹內。即時便通。

濕氣感於胞絡。下陰腫脹。小水點滴不出。此腎虛。膀胱之氣亦虛而不能化

也。人參白朮茯苓肉桂米仁熟地車前子。

血從小便出。熱邪搏血。滲入胞中。而成血淋也。白茅根瞿麥車前子通草鯉

魚水煎。入石首魚石末服。

大小便不通。陰血不足。津液枯燥。宜服牛乳人乳。或惡血流入小腸。閉塞水

道。小便不通。流入大腸。瘀積成塊。形如雞肝。肛門燥結。大便不通。宜服生化湯。

加桃仁麻仁郁李仁瞿麥等味。和四

便血

心氣虛。則小腸不能制而血流。脾氣弱。則大腸無移蔭而血下。故二便出血。當責之心脾二經。

血氣虛而熱乘之。故血隨小便而出。血熱則流。故滲入胞內。用髮炭滑石末。

地黃汁調下。

面黃脇脹少食。此肝木乘脾土也。加味逍遙散。補二

驚悸不寐。加味歸脾湯。補三

大便下血。緣六淫七情致傷元氣。陽絡外傷而然也。

腸胃虛弱。六君子湯。加升麻柴胡。若虛寒去升柴。加肉果。如怒動肝火。加當

歸白芍。去升麻。

膏粱積熱。四物湯。加丹皮山查。補七

大腸風熱。四物湯。加荆芥防風。同上

大腸血熱。四物湯。加丹皮槐米。同上

遺糞

腎虛無約束也。都氣飲。補二

脾腎不足。補中益氣湯。補六

脾腎虛寒。八味丸。補四

小便不禁

非肺氣虛而不能約制。即腎氣竭而虛熱移於膀胱也。

氣虛不能制。

人參黃耆桑螵蛸鹿茸牡蠣赤石脂。

脾腎虛寒。

七味丸。補三十一

尿脬破損。

猪羊胞煎湯。入人參黃耆當歸熟地陳皮茯苓桃仁。於極饑時飲

之。然須急治。緩則不能成功也。又補脬飲。用生黃絲絹一尺。剪碎。白牡丹根皮。白及各一錢。俱爲末。水一盃。同煮至絹爛如錫。空心頓服。服時不得作聲。作聲則不效。

膀胱陰虛。

補中益氣湯。加山茱萸山藥桑螵蛸。以補肺腎。則小便自不淋瀝。

補六

乳汁不行

乳汁乃氣血所化。故人衝任之脈盛。脾胃之氣強。則乳汁多而濃。衰弱則淡而少。治宜壯脾胃。滋化源。

氣血壅閉不行。

宜通草土瓜根漏蘆以疎之。

血氣衰弱不行。宜猪蹄鯽魚生地當歸之類以潤之。玉露散。補六加味四物湯。補六通乳湯。補六和三四俱可補血以通乳汁。

乳汁湧出

非氣血虛而不攝。則滿而流溢。當以人之強弱。乳汁之濃淡。驗其虛實也。

肝經血熱。補二加味逍遙散。

肝經鬱怒。補三加味歸脾湯。

脹急而痛。補三漏蘆散。

氣血虛弱。補九十全大補湯。

乳癰

足陽明之脈。從缺盆下乳內廉。足陽明之經。夾臍上行。至胸中而散。其經為邪熱攻衝。則血為之擊搏。氣為之留滯。擊搏則痛作。留滯則腫生。此由乳汁壅積。與氣相擊搏故也。或忿怒所逆。鬱悶所遏。厚味所釀。以致厥陰之氣不行。故竅不通而

汁不得出。治法宜疎厥陰之滯。清陽明之熱。青皮生甘草節瓜萋銀花當歸沒藥皂角橘葉橘核。少佐以酒。隨意消息可也。

乳懸

瘀血上攻。忽然兩乳伸長。細小如腸。直過小腹。痛不可忍。用川芎當歸煎濃汁。不服時。又用此二味燒烟。令病人吸之。使瘀血消而乳自愈。

玉門不閉

元氣素弱。失於調養。以致血氣不能收攝故也。

氣血虛弱。

十全大補湯。補三九

腫脹焮痛。

肝經虛熱也。加味逍遙散。補二一

產戶痛

起居早。感風邪也。用祛風定痛湯。散生地當歸茯苓川芎荊芥防風肉桂大棗。

陰蝕

此因心神煩鬱。胃氣虛弱。致氣血留滯也。當補心養胃。川芎當歸白芍地榆。米泔水五升。煎二升。熏洗三夜。又荊芥薄荷柏葉。煎湯洗淨。後用倍子青黛黃丹水粉。爲末摻之。如瘡水乾燥。用香油調末塗之。

陰中溼爛

多由七情鬱火。濕熱下注。或腫或痛或癢。先以百草煎濃湯。乘熱熏洗。或五倍子白礬葱白。煎湯熏洗。或甘菊苗葉。不拘多少。搗爛。以百沸湯淋汁。熏洗。搥乾。用烏賊骨末炒黃。水粉煨過。爐甘石煨。淬童便。加冰片少許。研細末摻之。

腫痛潰爛。

四物湯。

補七

加梔子丹皮膽草荊芥。或加味逍遙散。

補十一

陰脫

此因分娩損傷胞絡也。治宜升補元氣。固澀真陰。

分娩過勞。氣陷而脫。加參生化湯。^{散八五}或歸脾湯。^{補三}外用硫黃海螵蛸北五

味。爲末傅之。

陰虛滑脫。加味固陰煎。^二

氣虛下陷。補中益氣湯。^六或十全大補湯。^{補九三}

陰突

血虛氣陷。不能固攝。陰中突出。如芝如菌。或挺出數寸。謂之陰挺。

血虛陰挺。四物湯。^{補七}沖入煅龍骨末少許。空心連進二服。外用蛇床子五兩。

烏梅十四枚。煎湯熏洗。

鬱熱下墜。加味逍遙散。^{補十二}或龍膽瀉肝湯。^{寒十一}

胎產症治卷中陰突

盤珠集胎產症治

卷下 列方

補

六君子湯一

人參

白朮炒

茯苓去皮

炙甘草

廣皮

半夏製

半夏辛燥。胎孕三月

前須斟酌用之。不可輕投。茯苓降下。初孕亦當慎用。

六味丸二

熟地

山藥

茯苓

山萸肉去核

丹皮

澤瀉

胎產症治 卷下 補

清姚江

嚴潔西亭全集

施雯澹寧

洪煒緝菴

鄞縣曹赤電炳章圈校

加味歸脾湯三

人參

白朮炒

茯苓神木去皮

當歸去尾

棗仁炒去殼

蓮肉去心

黃耆蜜炙

遠志矣。

木香

遠志辛散而上升。不宜多用。四五分足

四君子湯四

人參

白朮炒

茯苓

炙甘草

八珍湯五

人參

白朮炒

茯苓

炙甘草

熟地

當歸

白芍酒炒

川芎

川芎理血中之氣。胎前宜酌用。

補中益氣湯六

人參

白朮炒

炙甘草

當歸

廣皮

升麻

柴胡

升柴發散。可用錢許。升提用二三分足矣。

四物湯七

熟地

當歸

白芍酒炒

川芎

安榮散八

麥冬

安胎飲九

生地

柴胡

杜仲丸十

為丸米飲下。

當歸芍藥湯十一

茯苓

大聖散十二

茯苓

木香

加味安胎飲十三

熟地

胎產症治卷下補

人參

釵斛

人參

當歸

生薑

杜仲

薑汁炒

當歸

澤瀉

人參

當歸

薑棗

人參

當歸

當歸

山梔

白朮炒

廣皮

大棗

川斷酒炒

白芍酒炒

川芎少許

黃耆炙

川芎

川芎宜酌用。

白朮炒

川芎多不宜

白芍酒炒

通草

炙甘草

升麻

氣不下陷。勿用升柴。

棗肉蒸

白朮炒

炙甘草

麥冬去心

炙甘草

紫蘇四五分

陳皮

如寒。加乾薑。

五君子湯十四

人參

白朮

炙甘草

廣皮

乾薑

內補丸十五

熟地

當歸

青娥丸十六

杜仲薑汁炒

破故紙鹽水炒

核桃去殼

蜜丸。

紫酒十七

大黑豆二合炒

好酒一盞煎服。

通氣散十八

破故紙炒

先嚼胡桃。

加味歸脾飲十九

人參

白朮炒

茯苓去皮

遠志不可多

黃芩

山梔

丹皮

香附

木香

去黃芩山梔丹皮香附。加棗仁圓眼肉。

名歸脾飲。

補中安胎飲二十

人參

白朮

茯苓

炙甘草

熟地

當歸

黃芩

紫蘇

白芷炒

薑棗

加味道遙散二十一

白朮

茯苓

當歸

白芍炒

柴胡

丹皮

黑山梔

熟地

異功散二十二

人參

白朮炒

茯苓

炙甘草

廣皮

生脈散二十三

人參

麥冬去心

北五味

都氣飲二十四

熟地

山藥

茯苓

山萸肉

澤瀉

丹皮

北五味

甘草大棗湯二十五

小麥

炙甘草

大棗

安胎調氣飲二十六

人參

白朮炒

炙甘草

熟地

當歸

白芍酒炒

川斷

杜仲

陳皮

砂仁

補血湯二十七

黃耆炙

當歸

川芎

黃耆糯米湯二十八黃耆六兩

糯米五合

水六升。煎半。分四服。

日三夜一。

辰砂安神丸二十九

生地

當歸

柏子仁炒去油

棗仁炒去殼

茯神去皮

竹茹

砂仁

補心湯三十

人參

茯苓

炙甘草

熟地

當歸

白芍酒炒

棗仁

麥冬

小麥

七味丸三十一

熟地

山藥

茯苓

丹皮

澤瀉

山萸肉

肉桂

加味八珍湯三十二

人參

白朮

茯苓

炙甘草

熟地

當歸

白芍酒炒

肉果裏煨粉

罌粟殼醋炒

左歸飲三十三

熟地

山藥

茯苓

山萸肉

杞子

炙甘草

十聖散三十四

人參

黃耆炙

白朮炙

砂仁

炙甘草

熟地

白芍炒

當歸

川芎

川斷

薑棗

千金保胎丸三十五

熟地

當歸

阿膠

川斷

杜仲

黃芩炒

香附製

砂仁

艾葉炒炭

棗肉

加味芎歸湯三十六

當歸

川芎

髮餘炭

鱉甲炙

人參生化湯三十七

人參

當歸

川芎

炙甘草

薑炭多則四分

桃仁去皮

棗肉

少

加附子一片。以回陽止逆。亦可助參耆之功。若渴。用人參。麥冬。北五味。

滋榮益氣湯三十八

人參

白朮炒

熟地

當歸

川芎

北五味

黃耆炙

陳皮

麥冬去心

有汗。加薑棗。大便不通。加茯苓。塊痛。加

肉桂益母草。痰加薑汁竹瀝。瀉加茯苓。

十全大補湯三十九 人參

白朮炒

茯苓

炙甘草

熟地

當歸

白芍炒

川芎

肉桂

黃耆

白芍炒

升舉大補方四十

人參

白朮炒

熟地

當歸

川芎

黃耆炙

麥冬去心

陳皮

炙甘草

升麻

白芷炒

荆芥

黃雌雞湯四十一

熟地

當歸

白朮炒

黃耆炙

肉桂

雞汁煎服。

殿胞煎四十二

當歸

川芎

炙甘草

茯苓

肉桂

五物煎四十三

熟地

當歸

白芍炒

川芎

肉桂

當歸

白芍炒

當歸黃耆湯四十四

當歸

黃耆炙

白芍炒

長生活命丹四十五

人參

生薑

蓮子去心

麥芽炒

煎湯送飯鍋焦粉二匙。漸加至四五匙。

八味丸四十六

熟地

山藥

山萸肉

茯苓

丹皮

澤瀉

附子

肉桂

金匱腎氣湯四十七

熟地

山藥

山萸肉

茯苓

丹皮

澤瀉

附子

肉桂

懷牛膝

車前子

當歸補血湯四十八

當歸

黃耆炙

茯苓

調衛止汗湯四十九

人參

黃耆炙

麻黃根

炙甘草

陳皮

當歸

桂枝

大棗

桂枝發表。用於止汗之中。不過引參耆以固衛耳。一二分

足矣。

加味六味丸五十

熟地

山藥

山萸肉去核

茯苓

丹皮

澤瀉

麥冬去心

北五味

全生活血湯五十一

黃耆炙

熟地

生地

川柏炒炭

升麻

不應加人參。

止汗散五十二

人參

當歸

麻黃根

熟地

牡蠣

小麥麩炒

川連炭少許

加減養榮湯五十三

當歸

川芎

茯苓

棗仁炒去殼

麥冬去心

人參

圓眼肉

陳皮

炙甘草

生薑

竹茹

人參當歸湯五十四

生地

當歸

白芍炒

人參

麥冬去心

竹茹

粳米

大棗

加參寧肺生化湯五十五

當歸

川芎

人參

炙甘草

橘紅

桑皮炒

杏仁

半夏製

虛而多痰。加薑汁竹瀝。

七味白朮散五十六

人參

白朮炒

茯苓

炙甘草

藿香

木香

乾葛

參苓蓮子飲五十七

人參

白朮炒

茯苓

炙甘草

當歸

白芍

山藥

陳皮

升麻

蓮子

生薑

加參生化湯五十八

當歸

川芎

人參

黃耆炙

甘草炙

升麻

白朮炒

北五味

母雞湯五十九

人參

黃耆炙

白朮炒

茯苓

牡蠣

麻黃根

黃母雞汁煎。

羊肉湯六十

當歸

川芎

生薑

精羊肉

加味四物湯六十一

熟地

當歸

白芍炒

川芎

花粉

木通

猪蹄

先

以葱湯洗乳房。

玉露散六十二

人參

茯苓

炙甘草

當歸

白芍炒

川芎

桔梗

阿膠散六十三

當歸

白朮炒

茯苓

阿膠

甘草炙

川芎少許

陳皮

薑棗

散

抑青丸一

柴胡

當歸

炙甘草

鉤藤

白朮炒

清肝飲二

生地

當歸

生白芍

柴胡

麥冬去心

蘇梗

香附製

青皮炒炭

紫蘇飲三

當歸

白芍炒

人參

炙甘草

陳皮

砂仁

蘇葉

葱白

生薑

川芎

茯苓

祛風定痛湯四

生地

川芎

茯苓

肉桂

荊芥

防風

獨活

大棗

天仙藤散五

天仙藤

香附製

陳皮

炙甘草

木瓜

薑皮

陳皮

烏藥順氣湯六

烏藥

僵蠶炒

乾薑

炙甘草

陳皮

木賊

製香附

白芷

葱

宜加生血活血之品。

芎蘇散七

紫蘇

川芎不宜

白芍炒

陳皮

白朮炒

炙甘草

麥冬去心

薑葱

鉤藤湯八

鉤藤鉤

當歸

人參

茯神

桑寄生

桔梗

如煩熱加石膏一錢。

木香散九

木香

炙甘草

丁香
淡

鹽湯下。

五加皮散十

五加皮

阿膠蒲黃炒

杜仲鹽水炒

狗脊

白芍炒

防風

草薢

杏仁去皮

薄荷

杜仲炒

狗脊

五加皮九十一

五加皮

杜仲炒

狗脊

白芍炒

草薢

川斷

訶子

薄荷

縮砂散十二

砂仁末米飲下。

防風丸十三

防風

黃芩炒

米飲調下。

升陽除濕湯十四

柴胡

升麻

猪苓

澤瀉瀉炒

陳皮

炙甘草

炒蒼朮

炒白朮

防風

薑棗

升麻

胃風湯十五

當歸

柴胡

葛根

炙甘草

蔓荊子

藁本

木賊

川柏炒

蒼朮製

薑棗

桂枝茯苓湯十六

桂枝

茯苓

丹皮

炒白芍

桃仁炒焦

蘇香丸十七

當歸

炒白芍

砂仁

炙甘草

黃芩炒

蘇梗

木香

香蘇散十八

香附製

紫蘇

陳皮

炙甘草

砂仁

生薑

陽明加葛根知母少

陽加柴胡。太陽加防風。

同生散十九

橘紅

藿香

淡薑湯下。

藿香正氣散二十

藿香

白朮炒

茯苓

炙甘草

陳皮

砂仁

桔梗

紫蘇

蒼朮炒

薑棗

可加木香。

木香通氣散二十一

木香

枳殼炒

製厚樸

草果煨

檳榔

陳皮

製附子

穿山甲炙

葱白

七寶丹二十二

人參

炙甘草

當歸

白芍炒

川芎

紫蘇

生薑

大腹皮醋炒多則二三分

葱白

消風散二十三

甘菊

荊芥

當歸

大豆葉炒

防風

茶葉

羚羊角鎊

生石膏三四分

芎烏散二十四

川芎

烏藥

加當歸更穩。

三聖散二十五

肉桂

當歸

延胡索醋炒

瀉白散二十六

地骨皮

杏仁去皮

桑白皮炙

益黃散二十七

陳皮

青皮炒焦

訶子煨

丁香

炙甘草

藿香溫胃飲二十八

人參

白朮炒

炙甘草

陳皮

藿香

丁香

當歸

薑炭

厚樸製

生薑

手足冷加附子。

加味吳茱萸湯二十九

肉桂

當歸

吳茱萸泡

乾薑

防風

丹皮

赤茯苓

麥冬去心

炙甘草

桔梗

細辛少許

半夏製

炙甘草

七珍散三十

人參

生地

川芎

石菖蒲鮮者佳

防風

細辛

硃砂

薄

荷湯下。

漏蘆散三十一

漏蘆

蛇退炙

萸仁

好

酒調下。

攻

斬鬼丹一

吳茱萸炮

川芎

芫花醋炙

秦艽

巴戟

柴胡

巴霜

殭蠶炒

蜜丸酒下。出惡物即愈。

雄黃丸二

巴霜

雄黃

鬼臼

硃砂

獺肝

蜥蜴炙

蜈蚣炙

湯下。服過前方。既下惡物。即以補元為要。

七寶丹三

人參

紫蘇

大腹皮

炙甘草

生薑

當歸

白芍

川芎

見睨丸四

吳茱萸鹽水炒

附子製

乾薑

茴香炒

桃仁炒

延胡索醋炒

巴戟

肉桂

莪朮醋炒

清

勝金散五

鹽 豉一兩

麝 香一錢

青布包。燒炭研末。秤

錘燒赤。淬酒下。

三退散六

蛇 退炒焦

蟬 退焙燥

髮 灰

益

母草湯調下。

失笑散七

生蒲黃

五靈脂

生蒲黃

牛膝散八

懷牛膝

川 芎

生蒲黃

肉 桂

樸 消少許

川 芎

赤 芍

起枕散九

當 歸

川 芎

赤 芍

肉 桂

丹 皮

生蒲黃

五靈脂

沒 藥

延胡索

白 芷

當 歸

黑神散十

黑 豆

地 黃

當 歸

赤 芍

生蒲黃

炮 薑

炙甘草

肉 桂研

童便下。

神仙迴膿散十一

大 黃炒

白 芷

木 香

沉香 沒藥

蛤粉

穿山甲炙

每

服一九重一錢五分參湯下。

抵聖湯十二

茯苓

炙甘草

陳皮

半夏

人參

赤芍

澤蘭

生薑

千金神造湯十三

蟹爪一升

阿膠二兩

炙甘草一兩

琥珀地黄丸十四

琥珀

蒲黃炒

延胡索占米炒

生地

生薑

生地汁浸生薑渣。生薑汁浸生地渣。蜜

丸。

一靈三聖散十五

乾荷葉

乾地黄

粉丹皮

生蒲黃另研末以前三味煎湯送下

荷葉散十六

荷葉

地黄汁

延胡索醋炒

瀉

大寧散一

黑豆_{三粒}

罌粟殼_{熟半生半}

甘草_{炙半生半}

生薑

加味固陰煎二

人參

熟地

山藥

山萸肉

川斷

北五味

當歸

菟絲子炒

炙甘草

寒

竹茹麥冬湯一

竹茹_{三兩}

麥冬_{去心一兩}

前胡_{五分}

橘皮一錢

蘆根_{三兩}

煎服。如身熱加地骨皮一兩。

滋陰清燥湯二

生地

生白芍

麥冬_{去心}

知母炒

茯苓

條芩

葛根

橘紅_{鹽湯}

炙甘草

竹茹

燈草

犀角散三

犀角

條芩

麥冬_{去心}

地骨皮

茯苓

竹瀝_沖

甘草

竹葉湯四

茯苓

麥冬去心

黃芩

竹葉

防風

麥冬湯五

麥冬去心

人參

茯苓

生地

黃芩

犀角

炙甘草

蓮子

知母丸六

知母炒

爲末。棗肉丸。虛者。人參湯送下。

知母飲七

知母

麥冬去心

赤茯苓

黃芩

黃耆炙

甘草炙

桑皮

竹瀝

調中和氣散八

蘇梗

砂仁殼

石膏不可多

知母炒

川柏炒

前胡

百草霜

加味羚羊角散九

羚羊角

茯苓

當歸

杏仁

甘草

麥冬去心

五加皮

米仁

棗仁

防風

川芎少許

有痰。加竹瀝薑汁。

天冬飲子十

天門冬

知母炒

茯苓

白芍

熟地

荆芥

人參

當歸

防風

北五味

川芎多不宜

羌活

生薑

羌蔚子多不宜

龍膽瀉肝湯十一

人參

天冬

龍膽草酒炒

麥冬去心

川連炒

生甘草

山梔

知母炒

黃芩

柴胡

北五味

天冬湯十二

天冬

紫苑

知母炒

桑皮蜜炙

桔梗

北五味

如嗽血。加黃芩阿膠。

寧肺飲十三

天冬

知母炒

紫蘇

桔梗

炙甘草

寒加杏仁桑皮。多痰加薑汁竹瀝陳皮。

熱加黃芩。心不舒暢加百合川貝。虛加人參紫苑。

左金丸十四

川連

吳茱萸泡

涼胎飲十五

生地

當歸

白芍

甘草

茯苓

釵斛

香附製

側柏丸十六

側柏葉

黃芩

蜜丸。清湯下。赤帶漏

下如豬肝汁。此方可治。

滋腎丸十七

知母

川柏

肉桂少許

清金利水湯十八

生地

當歸

麥冬去心

花粉

扁豆

知母

澤瀉

廣皮

淡竹茹湯十九

淡竹茹三四兩

煎汁。服一二盃。

三黃解毒湯二十

黃芩炒

黃連炒

黃柏炒

梔子

涼膈滋陰丸二十一

生地

萸仁

枳實炒

大力子

加味竹葉湯二十二

生地

白芍

地骨皮

竹葉

茯苓

人參

浮小麥

蘆根清胃飲二十三

葛根

蘆根

人參

麥冬去心

知母

竹茹

梔子

葱白

黃芩湯二十四

黃芩

白芍

甘草炙

大棗

犀角地黄湯二十五

犀角

生地

白芍

丹皮

加味清胃散二十六

生地

當歸

川連

連翹

青皮炒炭

甘草

炒朮

清肺飲二十七

梔子

黃芩

知母

麥冬去心

桑皮

烏梅

黃連湯二十八

川連

側柏

當歸

香附炒

阿膠爲末

米飲下

衄血湯二十九

側柏葉

蒲黃炒

白芍

黃耆炙

爲末。米糊丸。清湯下。

益元散三十

滑石煨

生甘草

辰砂

清魂膏三十一

藕汁

生地汁

童便

酒冲服。

茅根湯三十二

白茅根

瞿麥

車前子

通草

滑石煨

甘草

鯉魚

石首魚石研末

三黃熟艾湯三十三

黃芩

黃連

黃柏

艾醋炒

熱

附子湯一

人參

白朮炒

茯苓

白芍

附子製

理中湯二

白朮炒

炙甘草

乾薑

四順湯三

當歸

川芎

白芍炒

炮薑

理陰煎四

熟地

當歸

肉桂

炙甘草

乾薑

胃關煎五

熟地

山藥

白扁豆

白朮炒

炙甘草

焦薑

附子散六

人參

白朮炒

炙甘草

陳皮

當歸

丁香

附子

為末。米飲調下。

附子理中湯七

附子

白朮

甘草炙

乾薑

調中湯八

當歸

白芍炒

川芎

甘草炙

附子製

肉桂

和

參橘飲一

人參

白朮炒

甘草炙

橘皮

當歸

白芍

藿香

香附製

茯苓

半夏茯苓湯二

人參

白朮炒

茯苓

炙甘草

廣皮

半夏

白芍炒

旋覆花

桔梗

半夏滾湯洗七次。薑汁炒黃。半夏動

胎。胎初結。慮其辛燥易散也。勿用爲穩。然惡阻非半夏不能止。經云。有故無

香砂六君子湯三

人參

白朮炒

茯苓

炙甘草

廣皮

半夏

木香

砂仁

竹葉安胎飲四

生地

當歸

黃芩

麥冬去心
陳皮
痰竹瀝冲服。

棗仁炒
竹葉

甘草炙
竹茹

人參
薑棗

有

逍遙散五

白朮炒

白茯苓

當歸

白芍炒

柴胡

薄荷

當歸

分氣飲六

香附製

砂仁

白朮炒

茯苓

當歸

白芍炒

黃芩

鯉魚湯七

白朮

茯苓

當歸

白芍炒

鯉魚一尾六七兩者煎服

二陳湯八

茯苓

炙甘草

陳皮

半夏製

五虎飲九

杏仁去皮

蘇梗

木賊

陳皮

知母炒

北五味

桔梗

甘草炙

石膏不可用

薑仁喘者重用

小柴胡湯十

柴胡

黃芩

炙甘草

知母炒

薑棗

人參

安胎和氣飲十一

白朮炒

陳皮

白芍炒

訶子煨去核

甘草炙

木香

陳粳米

生薑

桑寄生散十二

桑寄生

當歸

川芎

川斷

香附製

阿膠

人參

白朮炒

茯苓

甘草炙

生薑

參蘇飲十三

紫蘇

陳皮

前胡

桔梗

茯苓

炙甘草

葛根

知母炒

砂仁

人參

四物生寄湯十四

熟地

當歸

川芎

白芍炒

桑寄生

羌活五分

黃龍湯十五

柴胡

黃芩

炙甘草

知母炒

人參

薑棗

如實熱。去人參。加橘

紅香附。

蒙薑黃連丸十六

乾薑泡

川連

砂仁

阿膠

白朮炒

川芎

乳香去油

為末。鹽梅醋浸米糊丸。甘草湯調下。

歸涼節命散十七

當歸

白芍炒

白朮炒

白茯苓

炙甘草

麥冬去心

占米

如有食積。加砂仁穀芽。

白朮散十八

白朮炒

防風

牡蠣煨

平安散十九

熟地

甘草炙

陳皮

砂仁

木香

川芎

生薑

煨鹽

六和湯二十

人參

茯苓

炙甘草

麝香

杏仁

木瓜

陳皮

砂仁 薑棗

人參白朮散二十一 人參

炙甘草 木香

保產萬全湯二十二 人參

桃仁 炒薑

紅花酒炒 肉桂

開骨膏二十三 乳香一兩

爲衣。每用一丸。酒下。

生化湯二十四 川芎

黑薑 炙甘草

保生無憂散二十五 當歸

血餘 乳香

枳殼炒焦

清魂散二十六 人參

白朮 茯苓

藿香 乾葛

當歸 川芎

炙甘草 懷牛膝

大棗

端午日以猪心血和丸。如雞豆大。硃砂

當歸 桃仁

白芍炒 川芎

木香 炙甘草

川芎 荊芥

澤蘭

甘草炙

童便下。

濟陰丹二十七

益母草連根拔起。陰乾取葉。八兩為末。鐵器當歸一兩赤

芍六錢廣木香五錢為末。蜜丸如彈子大。每服一丸。有熱童便下。有風荆芥

酒下。如虛弱參湯下。

加味四物湯二十八

熟地

當歸

白芍炒

川芎

白芷

阿膠

蒲黃

小薊根

砂雄丸二十九

硃砂一錢

雄黃一錢

白茯苓三兩

為末。水丸。薑湯下。

金狗脊散三十

川斷

地榆炒

川芎

金毛狗脊

熟地

當歸

白芍炒

白芷

阿膠黃蘗炒

空心只服一帖。

趁痛散三十一

黃耆炙

白朮炒

當歸

懷牛膝

肉桂

炙甘草

獨活

韭白 生薑

加減生化湯三十二 川芎 當歸

甘草炙

砂仁 煨薑

溫胃丁香湯三十三 當歸 白朮

乾薑

丁香 人參 陳皮

炙甘草

藿香 前胡

生薑

石蓮散三十四 石蓮子去皮

白茯苓

丁香

爲末。米飲下。

生津益液湯三十五 人參

茯苓

麥冬去心

花粉 炙甘草

竹葉

小麥

大棗

生化六和湯三十六 當歸

川芎

炒薑

砂仁 藿香

陳皮

茯苓

生薑

加參寧嗽生化湯三十七

人參

炙甘草

當歸

川芎

杏仁去皮

桑皮炙

半夏製

知母炒

小調經湯三十八

當歸

赤芍

肉桂

沒藥去油

琥珀

細辛

麝香

為末。薑酒調下。

大調經湯三十九

茯苓

琥珀

大黑豆炒

紫蘇湯下。

加味生化湯四十

人參

黃耆炙

當歸

川芎

麻黃根

天麻

荆芥

炙甘草

防風

棗仁炒

有痰。加薑汁竹瀝。大

便閉。加麻仁。

加味通幽散四十一

川芎

當歸

肉蓯蓉洗

炙甘草

桃仁

麻仁炒

虛汗。加人參黃耆麻

黃根。渴。加人參麥冬北五味。血塊痛。加延胡索肉桂。

石子湯四十二

豬腰子

當歸

白芍炒

晚米

香豉

葱鹽煮粥食之。

通乳湯四十三

猪蹄

通草

川芎

穿山甲炙

甘草節

二妙散四十四

川柏炒

蒼朮炒

瀉

澤瀉散一

澤瀉炒

桑皮炒

赤茯苓

通草

炙甘草

生薑

枳殼炭少許

四苓散二

豬苓

澤瀉

白朮炒

茯苓

地膚子湯三

地膚子

車前子

知母

黃芩

赤茯苓

白芍

炙甘草

升麻炒

枳殼炭少許

通草

胃苓湯四

蒼朮炒

厚樸製上二味宜炒焦不
可多用以傷胎氣

陳皮

甘草炙

猪苓

澤瀉炒

白朮炒

茯苓

五苓散五

豬苓

澤瀉

白朮炒

茯苓

肉桂少許

胎前備用良方

惡阻

保生湯一

人參

白朮炒

甘草炙

烏梅

香附製

橘紅

橘皮竹茹湯二

橘皮

竹茹

半夏製

茯苓

五君子湯三

人參

白朮

炙甘草

廣皮

煨薑

子煩

人參散四

人參

黃芩

麥冬去心

犀角

地骨皮

赤茯苓

甘草

當歸湯五

當歸

人參

阿膠

甘草

葱白連鬚

黃連散六

黃連末米飲下

人參黃耆散七

人參

黃耆

知母

麥冬去心

葛根

茯苓

甘草

竹葉

秦艽

子氣

腎着湯八

白朮

茯苓

甘草

杏仁

乾薑

防己湯九

防己

桑皮

蘇梗

赤茯苓

木香

子癰

葛根湯十

葛根

人參

甘草

當歸

貝母

黃芩

川芎

防風

桂皮足二三分

黃蠟膏十一

如牙關緊閉。先將麻油溶化黃蠟擦牙。然後進藥。

加味逍遙散十二

白朮炒

白茯苓

當歸

白芍

柴胡

薄荷

黑山梔

丹皮

生地

子嗽

百合散十三

紫苑

麥冬去心

桑皮

桔梗

甘草

竹茹

白蜜

參蘇飲十四

人參

紫蘇

陳皮

前胡

桔梗

茯苓

炙甘草

葛根

知母炒

砂仁

子瘕

加減安胎飲十五

人參

白朮炒

當歸

黃芩

藿香

紫蘇

烏梅

青皮炒炭

紅棗

生薑

又方十六

人參

白朮

當歸

黃芩

柴胡

薄荷

葛根

紫蘇

藿香

龜甲

生薑

大棗

嘔不思食。難治。

心腹痛

竹茹丸十七
大三枚。

竹茹一斤

羊脂八兩

蜜三兩煎。每服棗核

火龍散十八
又方十九

生地
川棟子煨

木香
艾葉鹽水炒

砂仁殼炒
小茴炒

腰脇痛

大地黃丸二十
蜜丸。治骨髓熱痛。

熟地

當歸

為梅

內補湯二十一

麻仁
乳香

當歸
沒藥

川柏
黃芩

木香

歸膠飲二十二

阿膠

炙甘草

當歸

葱白

氣壅攻腰。此可治之。

猪腎丸二十三

猪腎一斤

青鹽二錢

蒸熟焙乾。蜜丸。空心

服。

勝金散二十四

陳皮

吳茱萸

骨碎補

砂仁

甘草炙

鹽湯下二錢。

遍身兩脇刺痛脹滿。此

五藏不利。氣血虛弱也。惟此方可治。又胃氣虛冷。下逼小腸。症若奔豚。大便
秘澁。兩脇虛鳴。腰重如山。亦宜此方溫中下氣。

下血

阿膠散二十五

阿膠

生地

二黃散二十六

生地

熟地

千金方二十七

生地一斤

酒煮絞汁服。

如聖湯二十八

鯉魚皮

當歸

川斷

阿膠

竹茹

白芍炒

川芎

甘草炙

子芩丸二十九

條芩炒

爲末。每服一錢。以秤錘燒赤。淬酒調下

若脾胃虛者勿服。

又方三十

雞肝三個

酒煮。帶酒食之。

傷寒

白藥子膏三十一

白藥子末。雞子清調攤紙上。如盃大。貼於臍下。乾則溫水

潤之。恐毒氣損胞。以此治之。

又方三十二

井底泥。敷心下。使胎不動。

傷胎

奪命丸三十三

肉桂

桃仁

丹皮

赤芍

茯苓

淡醋湯下。

誤服毒食。傷胎下血。以此

治之。

三物解毒湯三十四 生甘草

黑豆

竹葉

煎服。

又方三十五

生白扁豆末。米飲下。

古人治傷寒病。邪毒攻胎。致胎死腹中。多用硝石水銀硃砂之類。使化爛而出。其餘傷胎而胎死腹中者。慎勿用之。

產後備用良方

難產

龜殼散一

龜版

當歸

川芎

婦人頭髮

燒炭生長過者佳。清湯下。

又方二

伏龍肝末。酒下一錢。

又方三

兔毫敗筆頭一枚。燒灰。研藕汁一盞下之。

如神散四

路上草鞋一雙。取鼻梁洗淨。燒灰。童便酒下三錢。

又方五

榆白皮煮汁。服二升。

又方六

黃牯牛乾糞。塗母腹上立出。

胞衣不下

一方七

陳久蓮蓬殼。酒煎服之。或荷葉炒香爲末。童便下。

惡露不止

瑞蓮散八

蓮房

當歸

川芎

肉桂

櫻櫚燒

鯉魚鱗燒

酒調三錢。

心痛

一方九

荷葉燒研。清湯下。

又方十

桂心研。膽汁丸。酒下一錢。

不語

胎產症治卷下 胞衣不下 惡露不止 心痛 不語

一方十一

水煎。

人參

蓮肉

鮮石菖蒲

見鬼

一方十二

益母草汁。地黃汁。童便。略煎五六沸。入雞子清調服。

渴

一方十三

蓮子中青心。生研細末。米飲下二錢。

又方十四

紅花子五合。炒研水煎。徐徐呷之。治中風煩渴。

又方十五

炒蒲黃。井水調下二錢。

汗

一方十六

牡蠣粉

小麥麩皮炒

積聚

一方十七

薑汁

又方十八

童便

共煎濃汁酒下。

生地

地黃汁

血痕痛無定處。

海螵蛸研酒下。

藕汁

盤珠集胎產症治終

胎產症治卷下

〔清〕 單南山 著

胎產指南

中國醫學大成

胎產指南提要

清單南山著。南山不詳履貫。丁蘭谷謂籍隸紹興。蓋爲清初時人。據陳彩鍾鈔錄咸豐丙辰原序。原序云。予總角時聞升樾錢先生胎產爲吾浙國手。不知其祕傳得之於南山也。其中胎前悉以丹溪安胎飲爲主。產後悉以生化湯爲主。隨症加減。按病論治。症既悉備。論極詳明。使讀者洞若觀火。是誠祕本也。今將其中稍有缺略者。更爲增補。仍註增補。不敢混真。其前後次序錯亂者。更爲移改。如產忌食物。鄉俗十弊。用藥十誤等條。原本俱載本末八卷內。今類入卷五禁忌藥物內。以便查覽。是本也。先伯祖素園公。於康熙丙寅年得於荆襄道署。其素園公手錄原本。大兄殿揚攜遊湖海。存亡不得知矣。予敘其顛末。凡我子孫。珍藏熟玩。切不可視爲尋常。等靈珠於魚目。棄琳琅同礪石也。原本撰丁蘭谷輯訂單南山胎產症治錄。則刪改此序。作爲蘭谷自撰。考蘭谷道光九十年間人。錄此以待考證。

胎產指南提要

周序

胎產一科。存亡係乎呼吸。利病關乎終身。於醫道尤爲切要。學醫者尤不可不講明而切究之也。先世名醫如朱丹溪、薛立齋諸公論之綦備。然求其操乎至要簡而易從者。則莫若胎產指南一書。是書原序云。出自單南山。其人里居名字已不可考。昔越郡錢升樾先生得此秘本。而精於胎產之科。名冠一郡。乾隆癸巳。吾鄉伊學會先生在寧郡道署。得此書於紹友婁君之手。遂亦以胎產馳名於吾邑。閱歷四五十一年。以其所經驗者筆之於書。示後人當神明於法之中。不容偏執。名曰女科醫案。凡七卷。然先生奉指南爲枕中秘。未嘗輕以示人。卽戚友亦不得而知也。先生歿後。其甥明經蔡益亭先生始得抄而傳之。歐君孔章少受舉業於益亭。悅是書。手爲抄錄。久欲梓行於世。以廣厥傳。猝猝未果。今歲秋纂脩宗譜事。將告竣。其譜師爲天台陳君彩鐘。知君欲爲是舉。益慫慂之。遂囑陳君付諸剞劂氏。而以伊先生之醫案附焉。昔唐裴晉公致仕家居。嘗手抄集驗良方。梓行於世。宋范文正公亦然。且其言曰。不爲良相。願爲良醫。夫以二公福世壽民之事業。何可勝

道。而乃睠睠焉。垂意於醫。誠以醫雖小道。而其利濟於世者。爲不淺也。歐君雖不敢與二公頡頏上下。而其梓行是書之意。猶二公也。予嘉其意。爲述其緣起如此。或曰。凡星相醫卜之類。苟有秘本。不宜宣洩。若梓而行之。卽不靈驗。是說也。殆與兒童之見無異。而適爲恠者之所藉口。固大方家所竊鄙也。烏足辨哉。烏足辨哉。時咸豐六年菊月葵圃周丹忱撰

原序

單南山不知何許人也。予總角時。聞升菴錢先生胎產爲吾浙國手。不知其祕傳得之於南山也。其中胎前悉以丹溪安胎飲爲主。產後悉以生化湯爲主。隨症加減。按病論治。症既悉備。論極詳明。使讀者洞如觀火。以之救危急。起沉疴。靡不應手取效。如鼓應桴。卽不知脈者。對症檢方。依法調治。自有徑轍可循。不致惘然坐霧。實再世之青囊。濟世之靈藥也。予因多病。博覽醫書。汗牛充棟。不可勝紀。而胎產一科。簡約明允。無出其右。是誠祕本也。今將其中稍有缺略者。更爲增補。以便觀覽。仍註增補。不敢混真。其前後次序錯亂者。更爲移改。如產忌食物。鄉俗十弊。用藥十誤等條。原本俱載本末八卷內。今類入卷五。禁忌藥物內。以便查覽。是本也。先伯祖素園公。於康熙丙寅年。得於荆襄道署。其素園公手錄原本。大兄殿揚攜遊湖海。存亡不得知矣。予敘其巔末。凡我子孫。珍藏熟玩。切不可視爲尋常等靈珠於魚目。棄琳琅同礧石也。其越裳氏來朝三年。至周迷其歸路。周公作指南車。賜之。因以還國。今讀此本。而病症瞭然。固無異於指南也。因以名書。其聆之毋

胎產指南原序

二

忽。原本撰
名失載

時在咸豐丙辰五月哉生明天台鳴山陳彩鐘敬錄於四明象之西滬歐中憲第

醫學入門之法

錢升樾先生秘本

初學醫者。須先李士材醫宗必讀。脈訣。藥性之寒熱溫涼。入何經絡。必須熟記。並看李時珍本草綱目。細心體認。脈象藥性。無遺義矣。傷寒必須看朱肱南陽活人書。並成無己明理論註解。傷寒論雜症。兒科痘疹。須看萬密齋全部。萬無一失。諸書不及也。女科胎產秘本之外。更無佳者。醫方集解。亦不可不看。方知用藥之故。其餘醫書。汗牛充棟。如內靈樞素問。東醫寶鑑。王肯準繩。不可不覽。亦不可遍覽。若景岳全書。傷寒六書。時醫若不奉為模楷。何以醫病。但其中不無偏僻旁見之處。故時醫多誤。觀之須識其偏正。正者師之。偏者棄之。若不別其是非。不特用之有誤。觀之亦無益也。特識以為初學蹊徑。遵而循之。熟而習之。神而明之。雖不能馳名六合。亦可騰譽紹興。為白眉矣。慎毋忽諸。

胎產指南 醫學入門之法

胎產指南目錄

卷首

女科總論	一
胎產脈候	一
調經章	二
不及期而經先行	四
經過期而後行	五
一月而經再行	七
數月而經一行	八
經行或先或後	八
經將行腹痛	九
經水多少	一〇

經水紫淡色	一
經閉不行	二
石痕	四
腸覃	四
崩漏章	五
崩	五
漏	七
經血妄行	七
赤白帶下	七
白濁白淫白帶辨症	八
遺白帶方	九
溫經方	九

胎產指南目錄

二

通經方……………一九

去閼方……………一九

月經不止方……………二〇

種子章……………二〇

保胎輯要總論……………二四

受胎保護……………二四

難產七因……………二五

卷一

胎前辨論諸症……………一

保安胎論……………一

胎症名目辨……………三

補母壽子論……………三

補母壽子方……………四

香附等耗氣種子方不

可服辨……………五

事林廣記瘦胎三方不

可服辨……………六

衰翁弱女求嗣辨……………七

婦人受胎月令……………八

胎前二十七症醫方……………九

增補胎前十症……………九

妊婦傷寒……………一九

妊婦子滿……………一二

妊婦子鳴……………一二

妊婦子瘖……………一二

妊婦中暑……………一二

妊婦中濕……………一二

卷二

妊婦泄瀉	二三
妊婦痢疾	二三
妊婦毒瘡	二四
妊婦無故哭泣	二四
妊娠宜常服藥	二五

辨病胎小產弱症醫方	一
墮胎辨	一
妊婦誤食莧菜諸滿辨	二
妊婦失血類風症辨	二
附應驗方案	三
胎不安毋議落胎救母辨	三
胎前藥物宜忌	四

卷三

臨產須知異症	一
異症調治法	一
異症醫方	二
難產調護	四
增補臨產須知	五
子死腹中辨	六
盤腸生調治法	六
產子氣絕不啼救法	七
產後生化湯論服法	七
凡產論病	八
產後脈辨	九
產後之脈貴虛	一〇

產脈辨生死之法……………一〇

卷四

產後諸症……………一

新產危急醫方……………一

產後五急症醫方……………二

新產十九危症醫方……………三

卷五

產後禁忌藥物……………一

產婦禁用諸藥……………一

產後忌食諸物……………二

鄉俗產後十弊……………二

產後用藥十誤……………三

卷六

產後二十九症醫方……………一至六

卷七上

產後論解三十二症醫方……………一

一論血塊……………二

二論血暈……………二

三產後厥症……………四

四產後血崩……………六

五產後氣短似喘……………八

六產後妄言妄見……………九

七產後傷食……………一一

八產後忿怒……………一三

九產後類瘧	一四
十產後類傷寒二陽症	一六
十一產後類中風	一八
十二產後汗	二〇
十三產後盜汗	二一
十四產後口渴或兼小 便不利	二二
十五產後類瘧	二三
十六產後瀉	二四
十七產後完穀不化	二六
十八產後痢	二七
十九產後霍亂	二九
二十產後嘔逆不食	三〇
廿一產後水腫	三一

卷七下

廿二產後怔忡驚悸	三二
廿三產後骨蒸	三三
廿四產後心痛	三四
廿五產後腹痛	三五
廿六產後小腹痛	三六
廿七產後遍身疼痛	三六
廿八產後腰痛	三七
廿九產後淋	三八
三十產後小便數	三九
三十一產婦流注	四〇
三十二產後癲狂	四二
增補產後十二症	一

胎產指南 目錄

發熱	一
頭痛	一
腹脹	二
咳嗽	三
呃逆	三
惡露不下	三
惡露不止	四
眼見黑花頭眩	四
脇痛	五
不語	五
言語含糊	五
癥瘕	六
產後大小便秘下身水腫	
狂語諸症醫方	七

卷八

六

醫方類	一
湯類	一
生化湯	一
滋榮易產湯	一
升舉大補湯	一
滋榮益氣復神湯	二
六和湯	二
補中益氣湯	三
保真湯	三
十全大補湯	三
當歸六黃湯	四
鯉魚湯	四

四君子湯	四
四物湯	四
二陳湯	四
麻黃湯	四
香薷湯	五
六君子湯	五
犀角地黃湯	五
正氣湯	五
甘桔湯	五
飲類	五
丹溪安胎飲	六
安榮飲	六
寧肺止嗽飲	六
補母固胎飲	六

七寶截瘧飲	七
十味治瘧飲	七
元胡索飲	七
丸類	八
六味地黃丸	八
補陽宿鳳丸	八
先天大造丸	八
加味益母丸	九
香連丸	九
補陰大造丸	九
柴前梅連丸	一〇
安神丸	一〇
清氣化痰丸	一〇
散類	一〇

胎產指南 目錄

天仙籐散	一〇
羚羊角散	一
失笑散	一
元胡索散	一
逍遙散	一
五皮散	一
催生如神散	二
平胃散	二
方類	二
丹溪醫案大補方	二
補母壽子方	三
乳癰方	三
丹類	三
煎膏藥方丹	三

參藥方丹……………一四

胎產指南

卷首

女科總論

男女均稟天地之氣而生。凡外感內傷之症。未嘗不同。但女則別有調經胎前產後之治。所以別立一科也。男子之血宜靜而不宜動。如或動焉。則吐血衄血瀉血之病生矣。女子之血宜動而不宜靜。如或靜焉。則經閉血枯之病生矣。總而言之。調經專理氣。補心脾為主。蓋血非氣不行。心生血。脾統血也。胎前專以清熱補脾為主。蓋熱清而胎安。脾健則不墮也。產後專以大補氣血。兼行滯為主。蓋產後氣血大虛。且有淤滯。雖有諸症。皆以未治。生化湯實為聖方也。知乎此。則女科之大要得矣。

胎產脈候

女人於少陰心脈動甚。其胎已結。若按之滑疾不散。胎必三月。但疾不散。五月可別。左疾爲男。右疾爲女。故脈訣云。尺數關滑而寸盛。陽搏陰別而雀躍是也。若胎離經。或一息二至三至。爲將產之候。胎前脈宜洪數有力。若沉微者必難產。謂氣血已敗也。產後脈宜緩小無力。忌實大弦牢者。謂脈與病反。邪氣盛也。

調經章

經云。女子二七而天癸至。衝任滿盛。月事以時下。乃有子。故得其常候者爲無病。苟不及期而經先行。或過期而後行。或一月而經再行。或數月而經一行。或閉而不行。或崩或漏。皆失其常候。不可不調也。調治之法。熱則清之。冷則溫之。虛則補之。滯則行之。滑則固之。下陷則舉之。對症施治。以平爲期。如芩連梔柏。清經藥也。丁香薑附。溫經藥也。參朮歸芪。補虛藥也。川芎歸附。青皮元胡。行滯藥也。牡蠣赤石脂。棕櫚灰側柏葉。固瀉藥也。升麻柴胡。荆芥白芷。升舉藥也。隨症用之。無不効者矣。

婦人經候不調有三。一曰脾虛。二曰衝任損傷。三曰脂痰凝塞。治之不可不審。

脾胃虛弱者。經曰。二陽之病發心脾。女子不月。夫二陽者。陽明胃也。胃主受納五穀。長養血氣。灌溉臟腑。流行經絡。乃水穀之海。血氣之母也。惟憂愁思慮則傷心。心氣受傷。脾氣失養。鬱結不通。腐化不行。所謂長養灌溉者。失其全矣。故脾胃虛弱。飲食減少。氣日漸耗。血日漸少。始有血枯血閉。及血少色淡。過期始行。數月一行之病。

衝任損傷者。經曰。氣以呬之。血以濡之。故氣行則血行。氣止則血止也。女子之性。執拗偏急。忿怒妬忌。以傷肝氣。肝爲血海。衝任之系。衝任失守。血氣妄行也。又褚氏曰。女子血未行。而強合以動其血。他日有難名之病。故女未及二七天癸之期。而男子強與之合。或於月事未斷之時。男子縱慾不已。衝任內傷。血海不固。由斯二者。爲崩爲漏。有一月再行。不及期而行者矣。

脂痰凝塞者。蓋婦人之身。內而腸胃開通。無所阻塞。外而經絡流利。無所凝滯。則氣血和暢。經水應期。惟彼肥碩者。脂膏充滿。玄室之戶不開。挾痰者。痰涎凝滯。血海之波不流。故有過期而經始行。或數月而經一行。及爲滯爲帶。爲經閉。爲無子之病。

不及期而經先行

如往性溫和。素無他疾者。責其血虛。且有熱也。俱用水煎。空心服。

歸身一錢

川芎八分

赤芍一錢

生地一錢

知母一錢

地骨皮一錢

麥冬一錢

甘草五分

如性急躁。多怒多妬者。責其血氣俱熱。且有鬱也。

歸身一錢

川芎一錢

白芍一錢

生地七分

條芩炒

黃連炒

香附便浸炒。各一錢。

甘草五分

如形瘦。素無他疾者。責其血熱也。用四物芩連湯主之。

當歸炒一錢

川芎炒一錢

生地炒一錢

白芍炒一錢

黃芩炒一錢

黃連炒一錢

甘草五分

兼服三補丸和之

三補丸專治血熱。

黃連

黃柏

黃芩各炒等分。下蜜丸。白湯下。

如形瘦。素多痰。且有熱者。責其衝任內傷也。用

當歸一錢

白芍一錢

熟地一錢

人參一錢

知母一錢

麥冬一錢

川芎一錢

甘草五分

加薑棗水煎。更服地黃丸。

地黃丸 治女子衝任損傷。及胃虛血虛。血枯血閉之症。

熟地 八兩

山藥 四兩

萸肉 四兩

白茯苓 三兩

丹皮 三兩

蜜丸空心白湯下。

如曾誤服辛熱煖宮之藥者。責其衝任有伏火也。用

歸身 一錢

赤芍 一錢

生地 一錢

知母 一錢

川芎 七分

黃柏 一錢

木通 一錢

甘草 五分

更服三黃丸和之。

如形肥。多痰多鬱者。責其血虛氣熱也。用

當歸

川芎

生

地薑汁炒

陳

皮 五分

半夏 五分

白茯苓 五分

生甘草 五分

條

芩 一錢

香附 一錢

黃連 一錢

加薑水煎服。

經過期而後行

如往性溫和。素無痰者。責其血虛少。入物湯主之。加薑棗。

當歸

川芎

生地酒炒

白芍

人參

白朮

茯苓

甘草各等分

如性急躁多怒多妬者責其氣逆血少也前方加

香附便侵炒

青皮等分

水煎兼服蒼莎丸以調之。

蒼莎丸和中開鬱

蒼朮

香附各三兩便侵炒 苓一兩

共為末湯浸蒸餅丸。

如形瘦素無他疾者責其氣血俱不足也十全大補湯主之。

十全大補湯專治氣血兩虛脾胃不足。

人參一錢

黃耆一錢

白朮一錢

茯苓一錢

炙草一錢

當歸一錢

川芎一錢

白芍一錢

生地一錢

肉桂五分

加薑棗

如形瘦食少責其脾胃虛弱氣血衰少也用異功散加當歸川芎湯主之。

人參

茯苓

白朮

陳皮

甘草各等分此五味名異功散

加歸芎薑棗兼服地黃丸。

如形肥。及飲食過多之人。責其濕痰壅滯。軀肢迫塞也。六君子加芎歸湯主之。

人參 白朮 陳皮 茯苓

甘草 半夏 加川芎、當歸、香附各一兩 兼服蒼莎丸。

如素多痰者。責其脾胃虛弱。氣血失養也。用參朮大補。即參芪白朮散加芎歸。

人參 五錢 白朮 七錢 茯苓 七錢 甘草 三錢

陳皮 五錢 蓮肉 七錢 山藥 一兩 砂仁 五錢

石菖蒲 五錢 加歸 身 七錢 川芎 五錢 共為末。用荷葉包米。

煮飯為丸。米飲下。兼服地黃丸。

一月而經再行

如性急多怒者。責其傷肝。以動衝任之脈。四物加柴胡湯主之。兼常服補陰丸。以瀉衝任之火。

當歸 川芎 白芍 生地

加柴胡 人參 條芩 生甘草

黃連 各等分水煎。

補陰丸

黃柏炒

知母 去皮等分蜜丸。每服五十丸。

如曾服辛熱之藥者。用四物湯加黃柏、知母服。及三補丸主之。
如曾傷衝任之脈者。用四物湯加人參、知母、麥冬服。及地黃丸主之。

數月而經一行

如瘦人責其脾胃弱。氣血虛。用十全大補湯。及地黃丸主之。
如肥人責其多痰。及氣血虛。用六君子。加蒼莎導痰丸主之。

人參

川芎

白芍

半夏 各七分

白茯苓一錢

陳皮一錢

蒼朮一錢

當歸一錢

香附一錢

枳殼一錢

蒼莎導痰丸

蒼朮二兩

香附二兩

陳皮一兩

白茯苓一兩

枳殼一兩

半夏一兩

南星一兩

甘草一兩

用生薑自然汁浸餅。為丸。淡薑湯下。

經行或先或後

悉從虛治。加減八物湯主之。

人參

白朮

茯苓

當歸

川芎

甘草

陳皮

白芍

丹皮

丹參

香附

加薑棗

烏鷄丸

專治婦人脾胃虛弱。衝任損傷。血氣不足。經候不調。以致無子者。神驗。

用烏骨雞一隻。先以粳米喂養七日。勿令食蟲蟻。吊死去毛雜。以一個為率用。

生地二兩

熟地二兩

天冬二兩

麥冬二兩

放雞肚中。陳酒十碗。沙罐煮爛。取出。再用桑柴火上焙。去藥。更將餘酒淹盡。

焙至焦枯。研末。再加杜仲二兩。用鹽水炒。人參、炙甘草、茯苓、故紙、小茴各一

兩。炒。歸身、川芎、白朮、丹參、白茯苓各二兩。香附四兩。醋炒。砂仁一兩。共研末。

和上藥末。酒調麵糊為丸。每服五十丸。空心米飲下。

經將行腹痛

凡經水將行。腰脹腹痛者。此氣滯血實也。桃仁四物湯主之。

歸尾

川芎

赤芍

丹皮

香附醋炒

胡索錢各一

生地五分

紅花五分

桃仁廿五粒研切

水煎入桃仁服。

如瘦人責其有火。加

黃連一錢

黃芩一錢

如肥人責其有痰。加

枳殼一錢

蒼朮一錢

凡經水過多。腹中痛者。此虛中有滯也。加減八物湯主之。

人參一錢

白朮一錢

白茯苓一錢

歸身一錢

白芍一錢

生地一錢

炙甘草五分

木香五分

青皮七分

香附醋炒一錢

加薑棗。

經水多少

如肥人行經來少者。責其痰礙經隧也。二陳湯。加芎歸主之。

陳皮一錢

白茯苓一錢

當歸一錢

川芎一錢

香附便浸一錢

枳殼一錢

半夏八分

甘草五分

滑石二錢

如瘦人經水來少者。責其血虛也。四物加人參湯主之。

當歸一錢

川芎一錢

白芍一錢

生地一錢

人參一錢 香附一錢 炙甘草八分 加薑棗。

凡經水來太多者。不問肥瘦。皆屬熱也。四物加芩連湯主之。

當歸一錢 白芍一錢 知母一錢 生地一錢

條芩一錢 黃連一錢 川芎五分 黃柏七分

並服三補丸。

經水紫淡色

如紫色者熱也。四物加香附黃連主之。

歸尾 川芎 赤芍 生地

香附便浸 黃連 生甘草 丹皮各一錢

如白淡者虛也。八物湯主之。

人參一錢 白朮一錢 茯苓一錢 當歸一錢

川芎一錢 白芍一錢 熟地一錢 黃芪一錢

香附一錢便浸炒 炙甘草五分 加薑棗。更常服地黃丸。

已上調經藥。並宜於行經時。連進十餘服。則經自調矣。丸藥宜久服。

經閉不行

婦人經閉不行。其候有三。脾胃損傷。飲食減少。氣耗血枯而不行者。當補其脾胃。養其氣血。待氣血充生。經自行矣。不可妄用通經之劑。致中氣益損。陰血益乾。便成癆瘵而不可救。故有猶索千金於乞丐。日加箠楚。徒斃其生者矣。一則憂愁思患。惱怒怨恨。氣鬱血滯。而經不行者。當開鬱氣。通滯血。而經自行。苟用補劑。則氣得補而益結。血益凝聚。致成癥瘕脹滿。所謂養虎自遺患也。一則軀脂迫塞。痰延壅塞。而經不行者。當行氣導痰。使經得行。斯謂之良工矣。

如因脾胃損傷。血枯不行者。加減補中益氣湯主之。烏雞丸亦可服

人參二分

白朮二分

黃芪七分

柴胡七分

炙甘草五分

當歸一錢

白芍一錢

川芎一錢

陳皮一錢

神麴五分

麥芽五分

加薑。更服煮參苓朮

丸。以經行為度。

如因氣鬱血閉不行者。用開鬱二陳湯主之。

陳皮一錢

茯苓一錢

蒼朮一錢

香附一錢

川芎一錢

半夏七分

青皮七分

莪朮七分

檳榔七分

甘草五分

木香五分

加薑更宜服四製香

附丸以經行為度。此丸乃婦人之常藥

四製香附丸

香附一斤分

酒

醋

童便

鹽水各浸三日

天台烏藥兩

共為末醋糊為丸白湯下

如因痰者用蒼莎導痰丸主之更服開鬱二陳湯去莪朮加枳殼一錢

有愆期未嫁之女偏房失寵之妾及寡婦尼姑欲動而不能得遂憾憤而不能得伸多有經閉之疾含羞強忍不欲人知致成癆瘵之病而不可救宜用四製香附丸參朮大補丸攻補兼行庶或有瘳此七情之發無法治之也

有經閉不行骨蒸潮熱脈虛者增損八物柴胡湯主之

人參一錢

白茯苓一錢

當歸一錢

白芍一錢

生地一錢

麥冬一錢

知母一錢

柴胡一錢

甘草五分

倘有汗加地骨皮一錢無汗加丹皮一錢加竹葉

凡婦人虛有熱者皆可服之如熱太甚服此不平加炮薑一錢神效

如經閉發熱。咽喉唇乾。脈實者。四物涼膈散主之。

當歸一錢

川芎一錢

白芍一錢

生地一錢

黃芩一錢

黃連一錢

梔子一錢

連翹一錢

桔梗一錢

生甘草五分

薄荷五分

加竹葉。凡血實形盛。

脈有力者皆可服。

石瘕

因行經時。寒氣自陰戶入。客於胞門。以致精血凝聚。月信不行。其腹漸大。如孕子狀。婦人壯盛者。半年之後。小水長而消矣。若虛怯者。必成腫病。溫經湯主之。

歸身梢一錢

川芎一錢

赤芍一錢

莪朮一錢

人參一錢

牛膝一錢

故紙一錢

小茴一錢

炙甘草五分

加薑棗。更宜頻服香附丸。

腸覃

因行經之時。寒氣自肛門入。客於大腸。以致經血凝滯。月信雖行而少。其腹漸大如孕。為胎漏狀。壯盛婦人。半年以後。便長水消。氣盛而除。虛怯者。必成脹病。

桂枝桃仁湯主之。

桂枝五錢

檳

榔五錢

白芍一錢

生地一錢

枳殼一錢

桃

仁廿五粒
皮尖研

炙甘草五分

加薑棗更宜服四製

香附丸。

崩漏章

崩

婦人崩中之病。皆因中氣虛。不能攝血。加以積熱在裏。迫血妄行。故令經血暴下而成崩中。崩久不止。遂成下漏。叔和脈訣云。崩中日久爲白帶。漏下時多腎水枯也。治有三法。初止血。次清熱。後補其虛。未有不痊者也。

凡血崩用五靈脂半生半炒。酒服。能行血止血。治血刺痛神效。五靈脂不待治血而兼治風。誠治崩之妙藥也。初止血者。乃急則治其標也。四物湯調十灰散止之。血止爲度。

藕節

蓮

蓬

艾葉

棕櫚

大小薊根

側柏

乾薑 油頭髮 山梔子

已上十味俱煨存性研等分。和勻。每服三錢。或用醋煮糯米粉爲丸。每服百丸。婦人衝任經虛。風傷營血。以致崩中。風爲動物。血崩乃風動之故。必用風藥也。次清熱血既止。宜服清熱之劑。用涼血地黃丸主之。

生地一錢 當歸醋炒一錢 黃連五分 黃柏五分

知母五分 蘘本五分 川芎五分 升麻五分

柴胡七分 羌活七分 防風七分 黃芩四分

生甘草四分 細辛四分 荊芥穗四分 蔓荊子四分

紅花一分 水煎。如血未止。再吞十灰丸。

血已止。熱已除。宜用補中之劑。加味補中益氣湯主之。

人參一錢 黃芪一錢 白朮一錢 陳皮一錢

當歸一錢 白芍一錢 熟地一錢 炙甘草五分

白茯苓五分 升麻五分 柴胡五分 益知五分

黃柏炒五分 加薑棗更宜。早服地黃丸。晚服參朮大補丸。以平爲期。

漏

凡崩久成漏。連年不休。此中氣下陷。下元不固也。宜用前加味補中益氣湯。兼服鹿角霜丸主之。

鹿角霜一兩

柏子仁炒一兩

歸身一兩

茯苓神一兩

龍骨煨一兩

阿膠蛤粉炒成

川芎七分

香附二兩

炙甘草五分

續斷一兩

山藥研五兩

共為末。米飲煮糊為丸。每服

五十丸。空心溫酒下。

經血妄行

如經妄行。或吐血鼻中血出。或口內血腥。用前四物涼膈散。加生韭自然汁服之。

赤白帶下

帶下之病。婦人皆有之。赤者屬熱。兼虛兼火治之。白者屬濕。兼虛兼痰治之。年久不止者。以補脾胃為主。兼升提。大抵瘦人多火。肥人多痰。要知此候。白帶灸中極穴七壯。在臍下四寸極效。古今醫鑑

赤帶用四物湯加芩連。再加升麻丹皮主之。兼服三補丸。白帶用加味六君子湯

主之。

半夏一錢

陳皮一錢

蒼朮一錢

人參一錢

白朮一錢

白茯苓一錢

炙甘草七分

升麻五分

柴胡五分

加薑兼服蒼莎導痰丸。

帶久不止者。專以補虛為主。宜十全大補湯。去地黃加陳皮、半夏、乾薑。更服參朮大補丸。以補脾胃之虛。又服補宮丸。以固下元脫。

補宮丸

鹿角霜

白朮

白茯苓

白芍

白芷

牡蠣煨童便淬

山藥

龍骨煨

赤石脂等分

乾薑減半炒

醋糊為丸。空心米飲下。

白濁白淫白帶辨症

婦人常有白濁白帶之疾。症既不同。治亦各別。白帶者。時常流出清冷稠粘。此下元虛之症也。用白帶久不止之法治之。白濁者。隨小解而來。渾濁如泔。此胃中濁氣滲入膀胱也。加味二陳湯主之。

陳皮一錢

半夏一錢

茯苓一錢

白朮一錢

蒼朮一錢

益知仁一錢鹽炒

炙甘草五分

升麻七分

柴胡七分

加薑

遺白帶方

酒煮白果三升。去心膜晒乾爲末。每服三錢。白湯下。

白淫者。常在小便之後。而來亦不多。此男精不攝。滑而自出。不治自愈。

溫經湯方

婦人行經時。連服三帖。亦能成孕。

半夏一錢

陳皮一錢

生地一錢

全當歸三錢

川芎八分

紅花八分

白芍八分

秦艽八分

烏藥八分

香附五分錢

木通三分

青皮七分加薑

通經方

牛膝

花粉

木通

莪朮

鬱金

威靈仙

連翹

生地

萆薢

香附

芍藥

蒺藜

二蠶沙炒

茜草根

三稜

去閼方

川芎

續斷

桃仁

丹皮

鱉甲

生蒲黃

胡索

瞿麥

蘇木

穿山甲

紅花

月經不止方

川芎

歸身

木賊

地榆

樗白皮

倒掛塵炒

蓮房

荊芥穗

側柏葉

貫仲

竹肉

藕節

棕灰

大小薊根

髮灰

梔子

烏梅

種子章

無男女則乾坤幾乎息矣。男子匹配。所以廣嗣。厥係非輕。勿謂無賴於人事也。生育者。必陽道強健而不衰。陰癸應候而不愆。陰陽交暢。精血合凝。而胎元易成矣。不然陽衰不能下應乎陰。陰虧不能上從乎陽。陰陽乖戾。是以無子。雖云天命之有定。抑亦人事之未盡與。故種子者。男則清心寡慾。以養其精。女則平身定氣。以養其血。補之以藥餌。濟以方術。是謂人事之當盡也。何謂男貴清心寡慾。蓋形樂者易盈。志樂者易蕩。富貴之人。不知御神則蕩必傾。不知御形則盈必虧。此清心

寡慾爲男子第一要緊也。何謂女貴平心定氣。蓋女子以身事人而性多躁。以色悅人而情多急。稍不如意。卽憂思怨怒矣。憂則氣結。思則氣鬱。怒則氣逆。怨則氣阻。血隨氣行。氣逆血亦逆。此平心定氣爲女子第一要緊也。藥餌維何。男子宜服地黃丸。以補左腎之陰。加杜仲、菟蓉、巴戟、補骨、沉香。以補右腎之陽。女子宜服烏雞丸。以養其血氣。調其經候。斯爲得理。若彼桂附丹石。動氣耗陽。損血消陰之劑。一切止之。何謂濟之以方術。如種子之歌。素女之論是也。女人無子。多因經候不調。藥餌之輔。尤不可緩。若不調其經候。而與之合。徒用力於無用之地。此調經爲女人種子緊要也。

如肥盛婦人。稟受甚厚。及恣於酒食之人。經候不調。不能成胎。謂之軀脂滿溢。閉壅子宮。宜行濕燥痰丸。四製香附丸。

如瘦怯性急之人。經水不調。不能成胎。謂之子宮乾澁無血。不能攝受精氣。宜涼血降火。用地黃三補丸調之。
如素有濁漏帶下之人。經水不調。不能成胎。謂之下元虛憊。不能聚血受精。宜補虛澁脫。用烏雞丸、補宮丸調之。

種子歌云。三十時辰兩日半。二十八九君須算。落紅滿地是佳期。經水過時空霍亂。霍亂之時枉費工。樹頭木底覓殘紅。管取放花能結子。何愁丹桂不成叢。此蓋言經水未行之時。血海正滿。子宮未開。不能受精以成胎。經水既行。則子宮開。血海淨。斯能受精矣。然自行經之時。算至三十個時辰。恰兩日半。種子當貴其時。故一日二日三日與之交。則多生男。四日五日六日與之交。則多生女。七日之後。子宮復閉。不受胎矣。

婦人陰盾取象於月。若是朔至望。經行不失其候者。結胎易生子多壽。以月光漸生。月輪漸滿也。若自望至晦。經行或失其期者。胎雖結。生子多夭。以月光漸消。月廓漸空也。此造化之理。可與得情者道之矣。素女論中。男有三至。女有五至。如男至而女未至。玉體絕交。瓊漿先吐。雖欲下應乎陰。而陰不從也。如女至而男未至。桃浪先翻。玉露無滴。雖欲上從乎陽。而陽不應也。所以無子。然氣至者。亦有先後男女之別。如陽精先至。陰血後參。則精開裏血而成女。陰血先至。陽精後冲。則血開裏精而成男。故卜書云。陰包陽。則桂庭添秀。陽包陰。則桃洞得仙。此之謂也。何謂男有三至。蓋陰痿而不舉。肝氣未至也。舉而不堅。腎氣未至也。堅而不熱。心

氣未至也。肝氣未至而強合。則傷肝。其精滿滴而不射。腎氣未至而強合。則傷腎。其精散漫而不粘聚。心氣未至而強合。則傷心。其精冷而不熱。此男子之所以無子。貴乎清心寡慾。以養肝腎心之氣也。

何謂女有五至。蓋交戲之時。面赤而熱。心氣至也。目中涎瀝。漸睨視人。肝氣至也。嬌聲低語。口鼻氣喘。肺氣至也。伸舌吮脣。以身偎人。脾氣至也。玉戶開張。瓊涎流出。腎氣至也。五氣皆至。而與之合。則情合意美。陽施陰受。有子之道也。

男女無疾。交會應期。三虛四忌。不可不避。三虛者。天地晦冥。日月薄蝕。電雷風雨。晦滋朔望。天之虛也。地震土陷。山崩水溢。地之虛也。憂怒悲恐。醉飽勞倦。人之虛也。犯此三虛。交而不孕。孕而不育。疾病且生。身之災也。四忌者。一忌本命正冲甲子庚申。滅沒休廢之日。二忌大寒大暑。大飽大醉之時。三忌日月星辰。寺觀壇場之前。塚墓之處。四忌觸忤惱犯。罵詈擊搏之事。犯此四者。令人無子。且至夭也。

凡種子者。當應候之時。男服補腎益精之藥。女則調其飲食。淡其滋味。避其寒暑。至夜半生氣乘旺之時。依上三至五至。三虛四忌行之。自然交而必孕。孕而必成矣。養生書云。行房事切忌子時前。乃陽衰陰盛之候。

保胎輯要總論

凡有婦人卽有生育。此造化自然之理。古今之常事。而臨產者每抱憂疑。皆由未明此理之故。蓋造化原不令人難生。人多不曉調攝。因而難生。造化原不令人逆生。人多慌忙逼迫。因而逆生。難逆兩端。關係二命。倘平時不知講求。則臨產必致誤事。至穩婆不可不用。亦不可專意聽信倚靠。緣彼無書傳。無師授。此理全然不知。多執己見。胡做亂爲。誤人性命。凡爲夫君者。宜平時家中講談。令婦人習聞。有孕知調攝。臨產有主張。不懼怕。不早用力。自無難產逆生之害。以受胎後論。卽不能如古人胎教。凡宜禁忌者。亦當省悟。以臨產時論。胎至十月。形完氣壯。手足必動。子動則母必腹痛。痛急則胞衣必破。子自出胞衣而來。苟不甚耐順時。見其腹痛。半日一日不產。卽爲難生。不知自胞衣未破。子未出胞衣。倘用藥用符。催其速生。一催之間。多致誤事。豈知天地生物。胎卵蠢動。皆自生自養。何嘗用藥用符。故臨產切不可慌張。卽三五日不產。亦不妨。須要忍痛安心。任其自然分娩。

受胎保護

一、受胎後。卽宜用布一幅。闊六七寸。長短視人肥瘦。約縛二道。橫束腰間。直至臨

盆方解去。若是試痛。仍不宜解。此有二妙。胎未長成。得此則腰脊有力。些須閃挫。不致動胎。又能常令腹中窄狹。及到解開。則腹中乍寬。轉身容易。

一、胎後睡時。須要兩邊換睡。不可儘在一邊。要使小兒左右利便。手足慣熟。則產時中道而出不難矣。

一、孕後飲食宜淡泊。不宜肥濃。不宜重濁。宜甘平。不宜辛熱。青蔬白飯。亦能養人。若在貧家。頗而不乏。但富貴之家。平日甘肥饜足。抑令崇儉。勢所不堪。酌乎其中。臚列如左。

宜食諸物 肚、肺、雞、鴨、鰲、海參、腐皮、麻油、白菜、菠菱、笋、蓮子、熟藕、山藥、芡實。諸物總要潔治。多用清湯。吹去浮油。飲之最佳。俱用油煎此多爲膏粱之人言耳。若藜藿之腹。正宜得肥甘而潤之。何淡泊之有。但六七月後。腐皮麻油二味最佳。不妨日日食之。麻油解毒。腐皮滑胎。且清且補。貧富皆宜。允爲上品。積食一二百張。則首生如達矣。或以麻油拌食更妙。不宜熬熟。

忌食諸物 椒、薑、煎炒、野味、豬肝、血、犬肉、蟹、黑魚。

難產七因

一因安逸。蓋婦人懷胎。血以養之。氣以護之。宜時常行動。令血氣流。胞胎活動。若久坐久臥。血凝氣滯。則難產。常見田家勞碌之婦。其產甚易。可知也。一因奉養。胎之肥瘦。氣通於母。恣食厚味。以致胎肥難產。常見荆布之女。容易產。可證也。一因淫慾。古者婦人有孕。即居別室。不共夫寢。若有孕而犯之。三月以前。常知胎動小產。三月以後犯之。一則胞衣太厚而難產。再則子身多濁物而不壽。三則子出胞衣。即多瘡毒。出痘多細密難起。以致少亡。皆由父母慾火所結。可悲也。一因憂疑。今人不講生產之理。或問禍福於鬼神。禱求於卜筮。或聞里中有產厄者。孕婦疑則懼。懼則氣怯。故難產。一因軟怯。如少婦初產。神氣怯弱。子戶未舒。便腰曲不伸。輾轉傾側。兒不得出。又中年婦人。生育既多。血氣虛耗。產甚艱難。須胎前服補氣養血之藥。調理健壯。則臨產自無慮矣。一因愴惶。將產之時。有等愚蠢穩婆。不審正產與轉胎。但見腹痛。遽用努力催生。產婦聽從。以致橫生。一因虛乏。臨產用力太早。及兒欲出無力以送。是以難產。此時宜服人參接力則產矣。

胎產指南

卷一

胎前辨論諸症

保安胎論

凡孕婦脾胃旺而血氣充。則胎安而正。產子精神而壽。曷嘗用藥以調氣血安胎耶。若稟不足而氣血衰。脾胃弱。飲食少。則虛症百出。孕成數墮。或產子不壽。必資藥力以助母安胎壽子也。是以丹溪先生刪定安胎飲之良方。治孕婦元氣虛弱。胎氣不安。飲食不美。或腹痛腰疼。隨症加減。以治胎前諸症。後開隨症加減二十餘方。皆可按方取用。夫血精會凝而成孕。精氣蒸胃而嘔逆。血少肝虛。如愛酸物。胃氣受傷。厭阻飲食。若人素弱嘔阻。本方量加橘紅。若稟厚吐逆。再加竹瀝薑汁。下血不止名胎漏。小腹墮痛名胎痛。胎漏宜涼。須加生熟地黃。胎痛宜溫。少加帶殼砂仁。至若仆跌動胎下血。膠艾宜加。怒氣胎衝上逆。木香爲先。小便短澀成淋。

瀝。乃子淋之症。安榮不應本方宜。小便帶血流於脬。是膀胱之熱。逍遙入炒山梔。子腫症多面目虛浮。而肢體有水氣。全生白朮堪醫。子煩症則心驚膽怯。而時加煩悶。安胎竹葉無疑。天仙籐散治足指縫出水。病名子氣。虛人多加參朮。羚羊角散療項強筋攣拳攣。病名子癰。痰多加竹瀝參歸。至如脾胃氣虛而胎壓尿胞。則臍腹脹而小便淋閉。安胎飲服法宜探吐升提。又如脾虛氣弱而轉運舒遲。則飲食停滯而腹脹嘔吐。安胎力緩加參平胃調和。又若胸滿腹脹便秘遍身浮腫。名曰胎水之不利。得用鯉魚湯。若脾胃氣虛佐以四君五皮。又若胎氣上攻心腹脹滿作痛。名曰子懸之候。必用紫蘇湯。若食少晡熱兼以加味逍遙。若腹大子滿肥而氣壅束胎難緩。臨月欲活血而散滯。達生散宜嘗。柴前梅連丸。治骨蒸之勞熱。當歸六黃湯。療盜汗之晡熱。孕成數墮。因母血弱不能分蔭其胎。本方預服。可保滿期。生子無氣。由母氣虛。僅可資榮於己。安胎之方。必須月服。老夫得少婦。須寡慾以候經期。壯陽遇衰陰。必頻藥以助胎力。其人愛精重施。生子精神有壽。狂陽妄洩。育子清寡無神。此造化必然之理。後人胤嗣當鑒。大抵孕婦素弱。又欲分血氣以蔭胎。自然虛症百出。是以丹溪先生安胎方以補為主。佐以順氣清涼。參朮

黃芩。乃安胎之聖藥。歸芎懷熟。實補血之良劑。佐以蘇葉陳皮。可爲常服方也。夫孕成六月之前。其胎尙未轉運。茯苓性降。不宜多用。黃芪肥胎。豈可常加。香附雖胎喘所需。無補虛人反害。砂仁可止嘔定痛。多加則動血行胎。歷考丹溪安胎之論。不過數首。安胎之方。不過再四。若能神明加減。則十全八九。誠爲後學之準繩也。

胎症名目辨

諸家巧立病名。竹葉湯以治子煩。安榮散以治子淋。天仙籐散以治子氣之方。羚羊角散治子癰之病。子腫症用全生白朮方。子懸症用紫蘇葉方。胎前之症。非止數名。總因孕婦氣血虧虛。或有外感致生諸症。而胎不安。豈胎有病。母之理也。子煩淋腫等症名。乃後人巧立之名。形容胎前之病耳。愚意隨症治方。多尊丹溪先生安胎散。加減以治。毫無誤失。

補母壽子論

凡屢產生子無氣。及育而不壽者。以父母氣血不足故也。夫人愛精重施。則髓滿骨堅。又得血氣壯盛之婦爲配。生子自精神而有壽。若壯陽弱婦成孕。則母無餘

血蔭胎。必藉藥補。以培胎元。斯生壽子。又若弱女衰翁。必須異床寡慾。藥味助神。算候經期。固精方施。斯乾元資始之本。實坤元資生之源厚也。經曰。因而和之。期爲聖度。若不遠帷簿。則相火易動。雖不交會。亦暗流損洩多矣。陰平陽秘。精神乃治。陰陽離決。精神乃絕。後立二方。實補先天之不足。孕成後必宜多服。以全胎元。生子必精神有壽。經驗極多。故錄示人。

補母壽子方

治屢產生子無氣。或育而不壽。又補氣血虛弱。孕成不安。或得孕數墮。照方每月服十五帖。弱甚者。每日一帖。大益胎而分娩易。又生子精神有壽。經驗良方也。

人參一錢如弱 當歸二錢 白朮二錢 川芎八分

懷生地二錢 條芩二錢 紫蘇四分 陳皮四分

甘草四分 若虛弱人。陳皮去白。再加黃連五分。棗三枚。水煎服。又加

減法。脾胃弱常泄瀉。加蓮子十枚。帶殼砂仁三分。減地黃。多怒而瀉。加木香二分。口常燥渴。加麥冬一錢。怔忡驚悸。加棗仁一錢。益智一錢。天員十個。

先天大造丸兼服助胎尤妙

紫河車一具壯盛頭胎者佳如新鮮者挑去血筋和酒漿煮爛入藥攪勻

山藥一兩

人參五錢

歸身二兩

麥冬一兩

五味子五錢

黃柏八分久患瀉人不可用

天冬一兩

懷生地二兩

脾胃弱常瀉人減地黃用白朮一兩各為末煉蜜丸先將地黃麥冬蒸搗如泥次下諸藥末又搗千餘下丸如菉荳大空心清湯下百丸忌蘿菔不可食

香附等耗氣種子方不可服辨

時人妄立種子方多用香附為主大損氣血服久則少力腰疼及成痼疾絕胎間有服交加散而偶得子者因少壯婦多恚怒服之抑氣諧榮幸中耳豈可視為良方珍服圖嗣乎且無子多由少血不能攝充或屢墮胎損血及經行作痛或子宮空虛之故欲求嗣者須修補陰大造丸三四料以助陰血頭胎功效甚奇經行久痛人丸內用牛膝一兩元胡索五錢以調之得孕屢墮者成胎後每月必服丹溪安胎飲十數帖則可保矣

補陰大造丸 治血虛氣弱人不能攝充精元成胎或屢墮胎及生子不壽者或孕後虛熱盜汗食少帶多並宜服

紫河車一具

人參二兩

當歸二兩

天冬三錢

北五味五錢

杜仲七錢

山藥八錢

牛膝一兩

黃柏七錢

懷生地二兩

合法丸服俱同先天大造丸

事林廣記瘦胎三方不可服辨

時醫用枳殼香附等耗氣藥立斂胎易產方。名非無見也。倣古方士進湖陽公主。枳殼瘦胎方義。遂增幾味耗氣藥品。巧立方名。使人信而服之。惑世害人久矣。蓋方士因湖陽公主居養而形厚。食膏粱而胎肥。過期難產。特進此方。亦幸中耳。其胎之損元不壽。不責咎也。常人豈可概服乎。夫孕至九個月。胎形全具。一母之氣血蔭胎兩用。正宜服藥補之。母弱者藥培於他月。若復耗之。則母救已不贍。奚有餘血分蔭其胎。是以餓損胎元。日漸伶仃瘦弱。無斂胎易產之效。有虧元損壽之害。其孕母血氣亦虧損。多至臨盆艱澁。娩後血暈發厥。危疾皆由所致。人不知也。婦人良方所載無憂散。保氣散。神寢散。俱不可服。

滋榮易產湯凡孕婦至九個月服之有益

人參一錢

川芎一錢

當歸三錢

茯苓八分

甘草四分

陳皮五分

大腹皮八分

白朮八分

黃芩八分

益母草二錢

懷生地二錢

水煎服

達生散 孕婦臨月服之。活血去滯。虛者加參。又一方有芍藥人參尤佳。此方無加入

大腹皮薑製一分

白朮一錢

當歸一錢

陳皮五分

紫蘇梗葉五分

甘草一分

葱葉三根

黃楊腦七個

春加川芎。防風。夏加黃芩。五味。秋加澤瀉。冬加砂仁。或血瘀血悶加阿膠。上氣加紫蘇。地黃。性急加柴胡。口淡加麥冬。黃芩。

衰翁弱女求嗣辨

凡男子八八六十四而天真竭。過數而能生子者。稟原異於常也。女子七七四十九而天癸斷。過期而能有孕者。衝脈旺而血氣充也。然衰年欲昌嗣續。各有道焉。衰翁必須異牀息火。絕無暗滿流洩。藥味助神真固。以後經期種子。斯乾元資始之本厚也。弱婦成孕。必須月服固胎飲二十餘劑。以培衰弱天真。斯坤元資生之源充也。補弱夫弱婦不足。前先天二方及補湯丸。經驗極多。

補陽宿鳳丸

大補年老人

北五味

白朮

黃芪

伏苓

炙川芎

甘草

白芍

巴戟

破故紙

山萸肉

天冬

菴蓉

川牛膝

廣皮

懷山藥

黃柏

知母

杜仲

虎骨

以上十九味各一兩真懷生地四兩

熟地四兩

麥冬四兩

人參四兩

當歸三兩

甘枸杞三兩

用十年陳鮮鷄一隻蒸熟去皮油。取肉骨焙燥。合諸藥煉

蜜丸。氣血虛服之甚有益

婦人受胎月令

婦人受胎一月。形如露珠。乃太極動而生陽。天一生水。謂之脛足厥陰。肝脈主之。經水即閉。飲食稍異。二月如桃花瓣。乃太極靜而生陽。地二生火。謂之臍足厥陰。膽脈主之。若吐逆減食。名曰惡阻。有孕明矣。或偏嗜一物。乃一臟之虛。如愛酸物。乃肝經。只能養胎而虛也。三月如清鼻涕。先成鼻與雌雄二器。乃分男女。手少陰

相火所主。胎最易動。四月始受水精。以成血脈。形象具。手足順。成手少陽脈所至。五月始受火精。筋骨四肢已成。毛髮始生。足太陰脈所主。六月始受金精。以成筋。口耳皆成。足陽明脈所主。七月始受木精。以成骨。遊其魂。能動左手。手太陽脈所主。八月始受土精。以成皮膚。九竅皆成。遊其魄。能動右手。手陽明脈所主。九月始受石精。百節畢備。三轉其身。足少陰脈所主。十月神氣備足。乃生。足太陽脈所主。惟手少陰太陽所主者。其主之官無爲而已。墮胎須防三五月。宜服清熱涼血安胎之藥。女子陰類也。以血爲主。上應太陰。下應海潮。一月一行。故謂之月水。月信。月經。經者常也。天癸。天一生水也。或先或後。或通或塞。皆病也。復有變常。而古人未言及者。不可不知。有行期只吐血衄血。或眼目出血者。是謂倒經。有三月一行者。是謂季經。有一年一行者。是謂避年。有一生不行而受胎者。是謂暗經。有受胎之後。月月行經而生子者。是謂盛胎。或受胎每月血大下而胎不隕者。是謂漏胎。女子二七天癸至。七七天癸絕。其常也。有女子十二三而生者。其變也。醫者亦宜留心也。

胎前二十七症醫方

丹溪安胎飲

一、治孕成後胎氣不安。或腹微痛。或腰間作痛。或飲食不美。孕至五六個月。並宜服之。

白朮二錢

當歸二錢

條芩八分

川芎八分

人參一錢

陳皮四分

懷生地二錢

紫蘇四分

甘草四分

砂仁三分

薑棗引水煎

二、孕婦元氣不足倦怠。或胎動不安。或身微熱減食。並服加味安胎飲。如腰疼腿痛。必一日二三劑可安。

人參二錢

當歸三錢

白朮五錢

條芩八分

生地二錢

陳皮四分

紫蘇四分

甘草四分

砂仁三分

煩渴加麥冬一錢加棗二個。

三、孕成後二三月內。惡阻嘔逆。或頭眩暈倦怠。宜加味參橘飲。

人參一錢

橘紅二錢

白朮二錢

半夏八分

當歸二錢

藿香四分

甘草四分

砂仁三分

竹茹一丸

如肥人加竹瀝酒一杯。薑汁半匙。薑三片。加烏梅半個。

四、孕婦常多怒氣。胸腹滿悶。或服烏藥香附砂仁等順氣耗藥。反加滿悶。宜服此方。

人參二錢

白朮二錢

當歸二錢

川芎八分

陳皮四分

紫蘇四分

甘草三分

條芩八分

木香三分

五、孕婦腹中不時作痛。小腹下墮。多血虛氣陷。間有兼寒者。服加味安胎飲。

白朮二錢

人參二錢

川芎八分

當歸二錢

甘草四分

紫蘇四分

陳皮四分

懷熟地二錢

如兼寒。加吳茱萸一錢。或乾薑砂仁各五分薑引。

六、孕婦面目虛浮。四肢有水氣。多因脾胃氣虛。或久瀉所致。宜健脾利水。服全生

白朮散。此症名曰子腫

白朮二錢

人參一錢

川芎八分

當歸二錢

甘草三分

紫蘇四分

陳皮四分

大腹皮七分

茯苓皮一錢

七、胎氣上攻心腹。脹滿作痛。宜服順氣安胎散。此症名曰子懸

人參二錢

白朮二錢

紫蘇四分

甘草四分

陳皮四分

砂仁四分

當歸二錢

川芎八分

黃芩八分

如有氣。加木香二分磨薑引。

八、受胎下血不止。或按月來血點滴。名曰胎漏。大多因勞。又因氣血虛。有因喜食

炙煖熱物過多。宜謹房事。服補中安胎飲。

白朮二錢

當歸二錢

人參一錢

甘草三分

熟地一錢

黃芩四分

紫蘇四分

白朮四分

又苧麻根。治漏胎下血。

九、孕婦頓仆動胎。下血不止。宜先服安胎飲。一日二三服。如不止。加阿膠艾安胎

飲。

人參二錢

條芩一錢

川芎八分

甘草四分

紫蘇四分

陳皮四分

當歸二錢

懷熟地二錢

阿膠一錢用蛤粉拌炒成珠研

白朮二錢

艾葉八分

仲景金匱膠艾湯 治妊婦下血不止。

當歸

川芎

白芍

熟地

甘草

阿膠

艾葉各等分

用酒水煎服。

十、孕婦心驚膽怯。煩悶不安。名曰子懸。宜竹葉安胎飲。

當歸二錢

白朮二錢

人參一錢

川芎七分

甘草四分

陳皮三分

黃芩八分

棗仁一錢

遠志八分

麥冬一錢

竹葉十片

懷生地五錢

薑棗引。

若其人煩渴。加竹茹一丸。有痰。加竹瀝七分酒杯。薑汁一杯。

如虛人。加人參二三錢。如脾胃常瀉。減生地。棗仁。

十一、孕婦腿膝發腫。氣促滿懷不舒。或足指縫出水。蓋主四肢脾氣虛弱。不能制

水而發腫。肺腎少母氣滋賴。而氣促滿悶。諸書名曰水氣。宜服天仙籐散。不效。

服補中健脾湯。此症名曰子氣。

天仙籐洗

香附炒八分

陳皮四分

紫蘇四分

甘草三分

烏藥七分

木瓜一錢

薑皮三片

如虛人加人參一錢。白朮二錢。當歸二錢。若脾氣虛弱人。宜服補中益氣湯。

十二、孕婦口噤項強。手足攣縮。言語蹇澁。痰涎壅盛。不省人事。可作中風治。治以羚羊角散。如無痰。言語如常。但見中風症。多因血燥類風。切不可概作中風類治。誤人性命。此症名曰子癇。

羚羊角一錢

川芎七分

獨活八分

棗仁炒一錢

五味子八分

防風五分

薏苡仁一錢

當歸一錢

茯苓八分

杏仁十粒

木香二分

甘草四分

如虛人加人參一錢。痰多加竹瀝七分。酒杯薑汁半匙。脾胃虛加白朮一錢五分。薑引。

十三、孕婦小便澁。或成淋瀝。名曰子淋。宜加味安榮飲。

人參二錢

白朮二錢

當歸二錢

麥冬二錢

茯苓皮一錢

通草一錢

甘草四分

有痰宜清肺。加黃芩

七分。若怒動肝火。宜加柴胡四分。燈心水煎。

十四、孕婦形體勞苦。或過食炒炙熱物。小便帶血。宜清膀胱之火。服加味消遙散。

當歸二錢

芍藥一錢

白朮五錢

茯苓七分

柴胡四分

丹皮七分

山梔七分

炙甘草四分

十五、孕婦臍腹作脹。或小便淋閉。此由脾胃氣虛。胎壓尿胞。宜服安胎飲。

白朮五錢

陳皮四分

甘草四分

人參一錢

川芎八分

當歸二錢

生地五錢

柴胡四分

半夏六分

升麻四分

薑引。空心屢服。鹽湯探吐。則氣升尿下

經行。亦一治法也。

十六、孕婦元氣壯盛。受胎後尚有血來幾次不妨。乃血盛故也。若不腰腿酸痛。不

須服藥。若過慮。可服安胎飲。

十七、孕婦胸腹滿脹便閉。遍身浮腫。名曰胎水不利。宜服鯉魚湯。

白朮五分

當歸二錢

芍藥二錢

茯苓四分

用鯉魚一尾。重一二斤。去鱗腸。水煎。加橘皮少許。生薑七片。用水四盞。取汁盞半。加四味藥煎七分。如水盡再製服。

十八、孕婦咳嗽。屬風屬寒。宜定肺止嗽飲。

天冬二錢

桔梗四分

紫蘇四分

知母一錢

甘草四分

寒嗽。加杏仁十枚。桑白皮八分。有痰。加橘紅四分。竹瀝薑

汁。熱嗽。加黃芩八分。虛嗽。加紫苑一錢。冬花六分。發喘夜多嗽。加麻

黃八分。虛損咳嗽。瓜蒌一錢。竹瀝薑汁。心胸不舒。貝母一錢。百合一錢。

又方。孕婦咳嗽不止。胎不安。

杏仁十粒

桔梗五分

紫苑一錢

甘草四分

天冬二錢

桑白皮八分

竹茹一丸

水煎入蜜溫服。

十九、孕婦咳嗽吐血。

懷生地三錢

知母一錢

紫苑一錢

白朮一錢

陳皮四分

甘草四分

麥冬一錢

黃芩八分

天冬二錢

犀角八分

當歸二錢

喘加瓜蒌仁一錢

二十、孕婦霍亂吐瀉。心煩腹痛。先服六和湯。

半夏七分

陳皮四分

藿香四分

甘草四分

杏仁十粒

竹茹一丸

白扁豆炒二錢

木瓜二錢

人參一錢

砂仁五分

茯苓八分

薑棗引。水煎。如服之

不安。次服安胎飲。

廿一、孕婦瘧疾。寒多熱少。用安胎飲。減陳皮。加

半夏七分

草果三錢

青皮三錢

人參二錢

白朮二錢

當歸二錢

烏梅二個

紫蘇四分

黃芩一錢

甘草四分

藿香五分

薑引。

廿二、孕婦口乾不得臥。用安胎飲。加麥冬乾葛。或黃連爲末。粥飲調下一錢。亦好。

廿三、孕婦壅熱。心神煩躁。口乾渴。宜參知散。

人參一錢

知母一錢

麥冬一錢

梔子仁炒一錢

甘草五分

條芩五分

薤仁八分

犀角八分

夏加竹瀝薑汁。棗引。

廿四、孕婦熱病。嘔吐不食。胸中煩躁。宜葛根湯。

蘆根五錢 葛根五錢 人參一錢 麥冬一錢

知母一錢 竹茹一丸 梔子炒一錢 葱白三寸

水煎。

廿五、孕婦熱病。斑出赤黑色。小便如血。氣急欲絕。胎落。

梔子一錢 黃芩一錢 升麻一錢 青黛一錢

豆豉四十粒 生地二錢 杏仁十粒 石膏五錢

葱白七寸

廿六、孕婦患骨疼痛。不急治。則胎落。宜升膏散。

葛根 石膏 升麻 柴胡

青黛 痰多加竹瀝一盞。薑汁一匙。

廿七、孕婦患吐衄血。或因破傷失血。驚患口噤。項強背直。類中風症。皆因失血之

故。宜安胎飲加

人參二錢 當歸二錢 白朮二錢 熟地二錢

陳皮四分 甘草四分 條芩八分 天麻一錢
麥冬一錢 防風一錢 荊芥一錢

已上二十七症孕婦病。若與祕本對依此開方。萬勿有失。
又活人書中。治孕婦熱病發斑赤黑色者。梔子大青湯。

升麻 大青 梔子 杏仁
黃芩 葱白引。

增補胎前十症

孕婦傷寒。宜清和為主。各隨六經所見表裏之症治之。切不可與常病傷寒同治。以致損胎。誤母子性命。凡治傷寒。不拘日數。但見惡寒發熱。為病在表。用四味紫蘇和胎飲為主。各隨所見之症。加減治之。

紫蘇五分 白朮五分 條芩五分 甘草一錢

如惡寒頭痛。項強腰痛。此病在太陽膀胱。加

羌活一錢 防風一錢 川芎一錢 藁本一錢

葱連根鬚三根。薑引。蓋被取汗。如惡寒不發熱。只頭痛鼻乾。或項強。此病

在陽明胃。本方加葛根白芷防風等分。葱白三根。淡豈豉一撮。煎服汗解。如寒熱往來。頭眩或嘔。或心下煩。或胸脇滿。此病在少陰膽。加柴胡一錢。人參一錢。嘔加半夏八分。胸脇滿加枳殼一錢。桔梗一錢。頭眩加川芎薑引。如發熱惡寒。咳嗽甚者。此病在手太陰肺。加麻黃一錢。杏仁一錢。葱白三根。汗解。如惡寒無熱。腹中痛。吐瀉不渴。手足逆冷。此病在足太陰脾。加人參炙乾薑白芍各一錢。酒炒薑棗引。如惡寒倦臥。發熱手足冷。此病在足少陰腎。加獨活一錢。熟地一錢。細辛一錢。薑棗引。如惡寒手足厥冷。唇口青。遍身痛。如被杖頭頂痛。此病在足厥陰肝。加炒當歸一錢。炒吳茱萸一錢。羌活一錢。細辛一錢。葱連鬚三根。薑棗引。

凡治傷寒不拘日數。但無惡寒頭痛。只發熱口燥。咽乾而渴。此病邪在裏。用黃龍湯為主。此湯出活人事并治寒熱頭痛脇痛嘔逆

柴胡一錢

黃芩一錢

人參一錢

甘草一錢

如發熱口渴。小便不利。此病在手足太陽小腸膀胱腑病也。加白朮二錢半。猪苓一錢。澤瀉一錢。赤苓一錢。木通一錢。如發熱大渴。此病在手足陽明

胃與大腸也。加知母一錢。石膏二錢。淡竹葉一把。粳米一撮。如大熱大渴。煩躁。大便不通。此病在足陽明胃府也。去人參。加枳實一錢炒。大黃一錢煨。芒硝一錢。薑引以利水爲度。如發熱口渴。心煩不得眠。或乾嘔。此病在足少陽膽。加麥冬、花粉、梔子、棗仁各一錢。竹肉一大丸。如發熱而渴。腹中痛。自利。此病在足太陰脾。加白朮一錢。白芍一錢。阿膠一錢。白茯苓一錢。薑棗引。如發熱而渴。手足冷。此病在少陰腎。去柴胡。加乾薑一錢炒。赤石脂一錢。白茯苓一錢。砂仁一錢。薑棗引。如發熱而渴。痢濃血。手足冷。此病在足厥陰肝。加當歸一錢。白芍一錢。酒炒。白朮一錢。茯苓一錢。烏梅引。凡傷寒瘥後。調理失宜。復發熱者。此勞復也。用黃龍湯。加知母一錢。麥冬一錢。石膏二錢。淡竹葉。粳米引取汗。如因飲食失節。復發熱者。此食復也。用前四味。紫蘇和胎飲。加炒枳實。炒黃連。陳皮。神曲煨。薑棗引。若時行天氣傳染者。依上法分六經表裏治之。或於初病之時。用敗毒散。加和胎藥解之。

人參

羌活

柴胡

茯苓

甘草

川芎

桔梗

枳殼

黃芩

蘇葉

葛根

生薑

葱白引取汗。

凡傷寒熱不解。遍身發斑。赤如錦紋。加味化斑湯治之。

人參一錢

知母一錢

石膏二錢

甘草一錢

黃芩一錢

梔子仁一錢

生地一錢

淡竹葉廿片

豆豉半合

水煎服。

孕婦子滿。孕婦至七八個月。其胎長大。腹大脹滿。逼迫子戶。坐臥不安。名曰子滿。束胎飲主之。

白朮一錢

黃芩一錢

蘇葉一錢

枳殼一錢

大腹皮一錢

炙甘草三分

帶殼砂仁五分

薑引。

孕婦子鳴。孕婦欠身。或向高處取物。子在腹中失脫。口中所含胎脂故啼。曰子鳴。治法令母作男子拜。或荳散在地。令母拾之。子含着不啼。

孕婦子瘖。姙至八九個月。忽然聲瘖不語。名曰子瘖。由少陰之脈。下養乎胎。不能上榮於舌之故。俟十月生子後。自能復聲。非病也。不可服藥。勿信庸醫妄利。

孕婦中暑 其病發熱而渴自汗。精神昏憤。四肢倦怠。少氣。用清暑和胎飲。

炙黃耆 一錢

人參 一錢

炙甘草 一錢

白朮 一錢

黃芩 一錢

黃連 一錢

知母 一錢

麥冬 一錢

北五味 十粒

孕婦中濕 或冒雨。或早行感霧露之氣。或久居濕地。或大汗出。取冷水洗浴。其

症發熱。骨節痛。身體重。頭痛鼻塞。用黃芩白朮湯。

條芩 五錢

白朮 五錢

蘇葉 二錢

薑 五片

妊婦泄瀉 凡妊婦泄瀉。以補中安胎為主。用四君子湯。加白朮一錢。如發熱而

瀉。為熱。加黃芩一錢。不渴為寒。加炮薑五分。烏梅一個。如久瀉大渴。加葛根朮

香炒。乾薑白芍酒炒。訶子肉。烏梅引。等分視症參酌

妊婦痢疾 凡妊婦痢疾。以清熱和胎。行氣養血為主。黃芩芍藥湯主之。切不可

用大黃枳榔。以致墮胎。

當歸 一錢

白朮 一錢

黃芩 一錢

白芍 一錢

黃連 一錢

枳殼 一錢

茯苓 一錢

陳皮 一錢

生甘草一錢 木香五分 烏梅引。

妊婦瘡毒 病乳癰者。托裏解毒湯主之。

川芎一錢 當歸一錢 白芷一錢 黃芩一錢

連翹一錢 花粉一錢 銀花一錢 甘草節一錢

青皮五分 皂刺十個 如背上臀上者。病在陽明。本方去青皮。

加升麻一錢。葛根一錢。如胸前兩頰生者。病在少陽。本方去白芷。加柴胡。

一錢。膽草一錢。梔子一錢。如背膊腋下生者。病在太陰。加陳皮。去青皮。又

加桔梗一錢。桑白皮一錢。天冬一錢。如在胯下陰傍生者。病在厥陰。本方

去白芷。倍加青皮。如手足掌內生者。病在少陰。本方去白芷。青皮。花粉。加

黃連一錢。黃柏一錢。木通一錢。

凡瘡毒有九處不可治。

一、伏兔_腳 二、腓_{音肥} 三、背脊中 四、肩俞_{夾背} 五、項_{對口}

六、胸 七、鬚 八、髭_{音咨} 九、頤

孕婦無故哭泣 凡孕婦忽然無故悲慘哭泣。狀如邪祟。此臟燥症也。十棗湯主

之。

甘草三兩

小麥一升

大棗十枚

水六升。煎三升。去渣。

分三服即效。再服竹葉湯主之。

人參一錢

麥冬一錢

茯苓一錢

炙甘草一錢

小麥一合

青竹肉丸一大

薑棗引。

此十症。秘本所無。今從萬密齋先生女科中摘出。以補未備。俾學者覽之。有蹊徑之可循。不致茫無畔岸。但古云醫不執方。又在學者臨症憑脈。神而明之。不可膠柱鼓瑟也。

妊娠宜常服藥

婦人妊娠。宜常服當歸散。

當歸

川芎

芍藥

黃芩

白朮

胎動不安。防其墮者。宜服杜仲丸。

杜仲二兩

續斷二兩

共末。煮紅棗肉爲丸。

每服三十丸。米飲下。空心食遠服。並服胡連丸。

胡連丸

安胎聖藥也

條

芩

四兩沉水

白

朮二兩

蓮

肉

去心二兩

砂

仁一兩微炒

炙甘草

一兩

共末

另用山藥五兩。米飲煮糊爲丸。米

飲下。

胎前有血崩之症。安胎飲。加後止崩藥治之。

胎產指南

卷二

辨病胎小產弱症醫方

墮胎辨俗名小產

丹溪論血不足以榮養其胎。而墮胎者。猶枝枯而果落。籐萎而花墮也。其勞怒動火而墮者。猶風撼其木。人折其枝也。二論極是。然未詳晰論辨。無惑乎妊婦之不慎戒也。夫婦人衝脈主血海。血旺始成胎。任脈主胞胎。靜養則胎安。若怒傷肝。勞傷腎。致二臟失。相火耗。血動氣。有能保孕之不漏不墮。娩後尙多崩熱之症也。如衰弱人有妊。及曾墮者。必須恪遵胎教。通達事情。如古太任兢兢愛護。坐臥不偏。視聽無邪。毋溺專寵。閨事悉委於婢妾。罔懷妬忌。忿懣不留於胸臆。至如食物藥餌。一律禁戒。而無犯。斯火不動。而血旺。蔭孕。形不勞。而氣完。胎固。且生子稟全易養。形端體正。况屢墮損血。倍於正產。怒勞致墮。由己自招。稟弱之人。惟知有子

自足。毋以小嫌害大。而自取無後之憂也。

補母固胎飲忌食小鯉魚莧菜

白朮	二錢	當歸	二錢	熟地	二錢	陳皮	三分
紫蘇	三分	砂仁	三分	甘草	三分	人參	一錢
條芩	八分	益智	草五分	大棗	二枚		

妊婦誤食莧菜諸滿辨

妊婦誤食莧菜。諸藥書此以曉弱婦欲子壽。必須信方月服。凡妊至四五月內。誤食莧菜。或少服芩朮等藥。多吃炙煨煎炒。動火熱物。必墮胎產。如見有別症。凡大黃芩硝。一切金石下氣之藥。皆宜禁用。萬不得已亦宜斟酌。不用中病即止。勿誤人命。不特半夏牛膝等藥宜慎。即茯苓性降亦須慎用。時醫不知。故特表而出之。總之孕婦雜症。必以安胎為主。雜症為佐使矣。

妊婦失血類風症辨

凡孕至四五月。患吐血衄血。及損傷血。驀然口噤項強。手足難動履。背如角弓。症類中風。切不可認為真中風。而降火化痰方治。宜服安胎飲。補血為主。以風痰之

藥佐之無失。

補血安胎理風湯

川芎二錢	天麻二錢	黃芩二錢	羌活五分
防風五分	荊芥五分	白芍三分	當歸三分
人參三分	紫蘇四分	甘草四分	

附應驗方案

有樂埠沈禹門室。妊六月。因禹病拜斗齋勞。割股失血。驀然口噤項強及角弓。予用安胎飲。加化痰治稍安。又遇范東籬極詆予補中風痰誤。彼以豁痰降火方。病人服如刺心。棄渣。予復用前方倍參廿帖。母安產兒。一上虞趙方橋室。妊至五月。患衄血去兩升。頭暈口噤。手掉。以安胎飲倍參當。加川芎天麻犀角生地而愈。書此以見妊婦雜症必須安胎補血為主也。

胎不安毋議落胎救母辨

妊婦患虛損潮熱。骨蒸少力。或崩漏。或少食。皆致孕婦氣血不足胎。若月久不能鼓動。或胎不安上攻。或跌仆損胎不動。疑胎死活難辨。或患熱病損胎。或因誤食

動胎藥。及食莧菜。雖血行胎逼。切不可用落胎之方。妄議去胎救母也。必須要補母之氣血力健。則胎自然漸動。即其胎死。助血自落。可保兩全。而無虞也。若攻弱母之胎。胎落而母繼殞者多矣。慎之。

一、妊婦患傷寒。或患疲病熱久。皆墮胎。墮後未免增熱。因熱消陰血。又繼產血脫。故也。治者慎勿妄論傷寒疲症未除。誤投梔子豉湯。芩柏等藥。或往來寒熱。柴胡不可用也。或潮熱大小便秘。承氣五苓等方不可投也。宜頻服生化湯。時進兩帖。不拘帖數。服至熱退停藥。如虛脫形色脫汗多。或渴。二帖後即加生脈散。人參麥冬以防暈厥危症。且生化湯有川芎。性辛散邪。乾薑助血。藥能除陰火大熱。其結便秘。灼熱多。服生化湯。自然津液之累生。二便通利矣。若熱用寒劑。反愈虛中氣。且血得寒則滯。變症百出。誤之甚也。

胎前藥物宜忌

牛膝	赤茯苓	大黃	芒硝
半夏	附子	肉桂	南星
巴豆	大戟	芫花	米仁

藜蘆 丹皮 通草 神麴 麝香 烏荳 胡索 乾漆 蛇退 破故紙

厚朴 茅根 紅花 常山 蠅雄 天雄 蒺藜 蟲蟲 蜈蚣 王不留行

槐花 瞿麥 蘇木 葵子 牛黃 蟬退 牽牛 水蛭 水銀 淡竹葉根

桃仁 三稜 麥芽 乾薑 雄黃 檳榔 皂夾 蟬蟲 安息香

胎產指南卷二 辨病胎小產弱症醫方

胎產指南

卷二

臨產須知異症

異症調治法

凡產育之難者。皆因坐產太早。用力太過。遂有橫生倒產之危。且臍腹疼痛之初。自兒身纔轉多未順。且宜慎之。

一、兒身未順。生路未正。產婦用力一逼。令兒偏生。或左傾。雖兒逼門而不成下。但云兒已露頂。非頂也。或左右額角也。用力一逼即下。若是頭之後骨逼在穀道。兒露頂未正。當令穩婆熟手急于穀道。輕推頭正。然後用力一逼兒下。此全在穩婆之良。醫藥爲次也。若胎水未落。痛聲開口危甚。

一、兒先露手足。以鹽塗足底急搔之。并以鹽塗母腹上。又以小絹針于兒手足。以針入一二分。以鹽擦其上。輕輕送入。兒痛驚轉一縮。當即回順。針法防兒痛上奔母命有礙

異症醫方

治橫生逆產方

伏龍肝即灶中紅者。土研細末。酒調下一錢。其藥兒頭戴出妙。

治橫生倒產方

蛇蛻全一條

蠶退紙一張新瓦瓶中鹽固封燒存性。為末。煎乳香湯送一錢。二服即

下。

治橫倒先露手足方

阿膠炒

滑石

黃葵子

每服四錢。水煎服。

催生兔腦丸

治生理不順。橫逆難產。神效。

臘月兔腦髓

母丁香為末一錢

乳香另研一錢

麝香一分

用兔

腦搗為丸。如芡實大。陰乾。紙密封。溫酒送下一丸。男左女右。手握藥丸。婉下。

霹靂奪命丹

治臨產未產時。目翻口噤。面黑噤青。口中吐沫。子母命在須臾。

若兩臉微紅。子死母活。急用此方。

蛇退瓶煨

蠶退紙一錢

髮灰一錢

香乳五分

酒送。

佛手散即歸湯

當歸

川芎

酒水煎。

催生如神散

須候兒頂產門方可服。

即黑神散

百草霜即鐵底墨

香白芷

滑石等分研末芎歸湯送二錢。

加味益母丸

妊婦諸症可服。

益母草四兩

白朮一兩

條芩

八分蜜丸彈大。清湯送。孕常服

一丸甚好。多氣人。加木香三錢。弱人。安胎飲送化。胸膈不舒暢。加紫蘇二錢。

陳皮二錢。作細丸亦可。

加參芎歸湯。臨盆胞水來而交骨不開停產。宜服大料加參芎歸湯。以助血

氣旺。自然即開分娩。

川芎四錢

當歸一兩

人參三四

甘草一錢

益母草一錢

水煎連服二三帖。如有合成益母丸。用前四味煎湯送化

一丸。如服兩三帖後不開。加敗龜板一兩醋炙。亂髮一團。生育婦髮燒灰。

加味生化湯。治子宮不收。產戶不閉。交骨不開。

人參二錢

白朮一錢

黃耆一錢

川芎一錢

炙甘草四分

當歸二錢

升麻八分

子宮不收。再加半夏

八分。北五味十五粒。酸以收之。芍藥八分。醋炒。補而升之。以上三症。皆元氣不足之甚。婉後患此。必先服生化湯。消血塊。繼服加參生化湯。三症交骨不開。補以開之。子宮不收。補以收之。產門不閉。酸以斂之。胞衣不下。詳卷六。二十九症。第三條。

難產調護俱是臨盆七日內諸事

一、產畢未可上床。令人扶住。從心下輕輕按揉至臍腹間。日五六次。此後雖睡。時時揉之。惡血不滯。

一、腹中又用小衣服烘熱溫之。雖暑月不可去單被。腹寒則血塊不行。且作痛。

一、產兒下地。即服生化湯二帖。共三煎。去百病。

一、兒下若胎衣不下。要善護母下部。冬月用火干被中腹中。用熱衣溫之。又服生化湯。益母丸。諸下胎衣丸。

一、產母虛甚。須燒磚石。秤錘入醋。使氣至鼻。以防血暈。

一、兒下地。即服生化湯一帖。如肚飢甚。可服白粥一盞。不可太飽。過一時又服生化湯。如未欲食。必連服生化湯二帖。共三煎。始吃飯甚好。

一、纔產不得過與酒。飲酒能散惡血入四肢。老年作痛。且臟氣虛。不勝酒力。致神昏。

一、七日內切不可洗下部。七日外方可洗。就床坐洗。滿月後方可梳頭洗澡。一百日內不可勞力過度。冬末春初。天色凝寒。宜密閉產室。四圍置火。常令煖氣和燠。而且下部衣服不可去。俾可免胎寒血結。以致難產停胞也。

催生符

日向太陽。夜向太陰。祝畢燒灰。用滾水吞之。無不靈效。不可多傳人。多傳則不靈矣。

增補臨產須知 萬密齋先生女科

產婦以血為主。氣為輔。血濡氣行。子宮滑溜。生理順易。子猶魚也。胞漿猶水也。水行魚行。水去魚止。可知產難皆血少氣滯之故。加減五苓散主之。又名催生白朮、茯苓、猪苓、澤瀉、肉桂、車前、木通、枳殼、檳榔、甘草各一錢。滑石末二錢。燈芯四十九

寸。長流水煎。如胞漿乾澁者。加川芎、當歸尾、生地、香附。如飲食少中氣不足者。加人參。

子死腹中辨

妊婦三四日不產。胎死腹中。其母唇舌俱紅者。母子無事。唇青舌紅。母死子活。唇紅舌青。母活子死。唇舌俱青。奪命丹主之。蛇退全者一條。新瓦上存性。金銀箔各七張。大母丁香五錢另研。男子亂髮一錢。燒存性。馬鳴退一錢。故紙破黑鉛二錢五分。水銀七分。先將鉛鎔化。入水銀急炒。結成砂子。傾出另研。千里馬鼻即舊草鞋鼻七個燒灰於靜室中修合。勿令婦人雞犬見。各研爲末和勻。用獾猪心血爲丸。桐子大。每服二丸。長流水送灌。

盤腸生調治法並醫方

產婦臨盆。腸先出盤露於外。子隨後生。生後而腸不卽收。由平日氣虛不能斂束。血熱易於流動。下元不固。關鍵不牢。致有此苦。救治之法。於子下衣來之後。令產婦仰臥。先將母腸溫水洗淨。惹帶之物。然後托起。輕輕送入。推而上之。令產婦兩足夾緊穀道。其腸自收上也。或取草麻四十九粒。去殼搗爛。敷在頂心。待腸收盡。

急去之。次也。又用冷水和醋。令人噴面。一噴一收。以漸收之。又其次也。欲免其苦者。宜於次後無孕時服地黃丸加五味子一兩。桂心一兩。以固下元之關鍵。有孕後多服胡連丸。

胡連丸

白朮一兩

條芩四兩

蓮肉二兩去心

砂仁一兩炒

炙甘草一兩

山藥五兩

打糊爲丸。米飲下。加人參以補其氣。兼

服三補丸。以涼其血。黃柏、黃連、黃芩炒等分蜜丸。白湯下。於八月之時再服。入物湯加訶子、瞿麥、粟殼蜜炒。服十餘帖。庶可免矣。

產子氣絕不啼救法

臨產之母。護痛傾側。兩足不開。扭夾兒頭。氣不得伸。故兒悶絕。謂之寤生。救法自胎衣來。勿斷臍帶。急用小鑊燒水。以胎衣置湯中。頻用溫水洗帶。須臾氣煖入腹。兒氣卽回。啼聲出矣。若倉卒斷其腸。不可救也。

產後生化湯論服法

產後血氣暴虛。欲補之。則恐惡露停滯。欲攻之。又恐元氣有虧。惟行中帶補。化舊

生新。方始萬全也。世之治產者。往往用四物湯。謂地黄性寒滯血。芍藥酸寒無補。非治產之良劑也。惟生化一湯。預時製下。候胎衣一破。速煎。俟兒下卽服。相繼服二三帖。使下焦血塊速化。新血驟長。自無厥暈。且產婦服一帖。精神漸增。二帖陰血頓旺。并去宿瘀。所以有生化之名也。

凡產論病

凡病生於血氣之衰。脾胃之虛。而產後氣血脾胃之虛衰尤甚焉。是以丹溪先生論產後。必以大補氣血爲先。雖有他症。以末治之。此三言已盡醫之大旨。若能擴充其方。用藥可以無失矣。夫產後憂驚勞倦。氣血暴虛。諸症乘虛易入。如有氣無專耗散。有食無專消導。熱不可用芩連。寒不可用桂附。寒則血塊凝滯。熱則新血流崩。至若虛中外感。見三陽表症。似可汗也。在產後而可用麻黃。慮有亡陽之患。見三陰裏症。似可下也。在產後而用承氣。則重亡陰血。耳聾脇痛。乃腎虛惡露之停休。用柴胡。譫語汗出。乃元弱似邪之症。毋解胃實。厥逆陽氣之衰。雖分寒熱。非大補不能回陽而起。弱症因陰血之虧。毋論剛柔。非滋榮不能舒筋而活絡。又如乍寒乍熱。發作有期。症類瘧也。若以瘧治。遷延難愈。神不守舍。言語無倫。病似邪。

也。若以邪治。危亡可待。去血多而大便燥熱。肉蓯蓉加于生化。非潤腸承氣之能通。患汗多而小便短濇。六君子倍加參耆。必生津而津可利。加人參生化頻服。能救產後之危。長生活命屢用。可甦絕谷之人。癰疽脫肛。多是氣虛下陷。補中益氣之方。口噤拳攣。乃因血燥類風。加參生化之劑。產戶入風而痛甚。宜服羌活養榮。產門傷冷而不閉。五味倍參生化。怔忡驚悸。生化合定志。似邪恍惚。安神助脾歸脾。因氣而滿悶虛煩。生化湯加木香爲佐。因食而噯酸惡食。六君子入神麴爲良。蘇木蓬朮。大能破血。青皮枳殼。散脹消滿。一應耗氣破血之劑。汗吐攻下之方。止可施於少壯。豈宜用於胎產。大抵新產之後。須問惡露如何。若塊痛未消。未可遽加耆朮。腹中痛止。補中益氣無疑。至若亡陽脫肛。氣虛喘促。頻進加參生化。是從權也。又有陰亡大熱。血崩厥暈。速進生化原方。乃急救也。凡附生死之奇術。須因病以用藥。欲俯仰之無愧。用存心以愛物。茲雖未盡產症之詳。皆援近治之驗。爲拘。未必無小補云。

產後脈辨

叔和曰。產後寸口洪疾。不調者死。沉微附骨。不絕者生。又曰。沉小滑者生。實大緊

弦急者死。

朱丹溪曰。胎前脈宜洪數。既產而脈仍洪數者死。又曰。胎前脈細小。產後脈洪大。多死。

產後之脈貴虛

濟生產經曰。胎前之病。其脈貴實。產後之病。其脈貴虛。胎前則順氣安胎。產後則扶虛消瘀。此其要也。

產脈辨生死之法

脈要曰。欲產之脈。必見離經。或沉細而滑。夜半覺痛。來朝日中必娩。新產脈緩滑。爲吉。若實大弦急。近乎無胃。凶危之候。或寸口疾滑不調。惡症立見。惟宜沉細。附骨不絕。雖劇無恙。

胎產指南

卷四

產後諸症

新產危急醫方

加參生化湯 治產後危急諸症。此方雖有血塊可服。

當歸 四錢

川芎 二錢

乾薑 四分

桃

仁 十粒尖粒去

炙甘草 五分

人參 二錢

隨症緩急。如危症參加五六錢。分晚兒

下血崩暈去形脫。宜服此方。

原方加減法 晚兒下汗多倦甚。加參三四錢。晚兒下無力送胞倦怠。宜服此

方 胎前素弱。產後見虛症。宜服此方。胎前患瀉。產後倦怠。宜服此方。加

參三四錢。汗多加麻黃根一錢。黃耆一錢。防風五分。足厥冷。加人參四

五錢。附子四分。氣短促。加人參四錢。渴加麥冬一錢。五味子十粒。大

便實。加肉苁蓉一錢。煩渴。加竹肉一丸。寒渴。加杏仁十粒。桔梗五分。痰。加天花粉八分。竹瀝半鍾。薑汁少許。

凡產後血塊痛。生化湯為主。血塊痛散。散痛止也。加參生化湯為主。

產後五急症醫方

倍參生化湯。治產後五急症。視症加減用之。

當歸 五錢

川芎 二錢

炮薑 四分

桃仁 十粒

人參 三錢

炙甘草 四分

棗引。

一、婉兒下卽昏暈形色脫。倍參生化湯。加荊芥五分。參倍至五六錢。

二、產後勞倦形色脫。倍參生化湯。參加至四五錢。黃耆一錢。熟地二錢。如血塊

痛。二味切不可用。加熟附四分。

三、產後血崩形色脫。倍參生化湯。參加至五錢。荊芥穗四分。炒。如血塊散。可服升

舉止血復神湯。

白朮 二錢

當歸 二錢

熟地 二錢

人參 四錢

黃耆 一錢

黃連 七分

炙甘草 四分

升麻 四分

陳皮 四分

白芷 四分

荊芥穗 四分

附子三分

棗引水煎

四、產後汗多形色脫。倍參生化湯。減炮薑。加麻黃根一錢。棗仁一錢。黃耆一錢。熟地三錢。浮小麥十五粒。防風五分。塊痛未消。切不可用地耆朮三味。

五、產後氣短似喘。倍參生化湯。加人參三錢。磨沉香二分。陳皮三分。香附三分。已上五症。兼見雜症。照後加減治法。須以倍參生化湯為主。渴。加麥冬一錢。五味五粒。驚悸。加棗仁三錢。益智一錢。瀉。加白茯苓一錢。澤瀉八分。大便燥。加肉蓯蓉一錢五分。傷飯麵。加炒神麴八分。傷肉。加砂仁五分。山查五粒。小便不禁。加益智六分。寒嗽。加杏仁十粒。桂枝五分。痰。加天花粉八分。橘紅一錢。虛嗽。加天冬一錢五分。薤仁八分。氣虛瘦。加竹瀝半鍾。薑汁少許。食少。加白朮二錢。

新產十九危症醫方

加參生化湯。照後諸症加減法治之。

川芎五錢

當歸三錢

乾薑五分

甘草五分

桃仁五分

加人參二錢

一、產後勞倦傷脾。不理穀食。加參生化湯。加白朮三錢。血塊未清。不可妄用。陳皮四分。升麻四分。棗引水煎。

二、產後頭疼身熱。自汗倦怠。加參生化湯。加黃耆一錢。麻黃根一錢。地骨皮一錢。白芷四分。防風四分。羌活四分。

三、產後感寒。身熱頭痛。嗽聲重。有痰有汗。加參生化湯。兼雜症照後開加減治之。嗽加天冬一錢。麥冬一錢。杏仁一錢。花粉一錢。桔梗三分。汗加麻黃根

一錢。地骨皮一錢。如頭痛甚。加蓮鬚一錢。葱頭三個。

四、產後先寒後熱。或潮熱夜熱。每日夜時而發。類瘧疾有汗。加參生化湯。加軟

柴胡八分。青皮三分。烏梅二個。汗多加麻黃一錢。汗多不至足。加熟地二

錢。食少加黃耆一錢五分。白朮一錢五分。陳皮四分。慎不可用常山飲。

四獸飲。青皮飲。萬安甲子飲。

五、產後妄言妄見。加參生化湯。加棗仁一錢。茯苓一錢。柏子仁一錢。橘紅四分。遠志肉一錢。麥冬五分。

六、產後足冷發厥。一日三四次。倍參生化湯。加白朮二錢。熟地一錢。熟附四分。

七、產後身熱有汗。大便不通。加參生化湯。加麻黃根一錢。麻仁二錢。地骨皮二錢。肉蓯蓉二錢。慎不可用大黃方。

八、產後身熱有汗。脇痛。或潮熱。加參生化湯。加麻黃根一錢。桂枝七分。黃耆一錢。柴胡七分。臍下痛可按止。加熟地二錢。慎勿用小柴胡湯。

九、產後有汗。大便不通。潮熱。睡中妄言。加參生化湯。加麻黃根一錢。棗仁八分。地骨皮八分。

十、產後有汗。小便多。加參生化湯。加麻黃根、麥冬、五味、葛根、黃耆。

十一、產後有汗。泄瀉。加參生化湯。加麻黃根、肉蓯一個。麵裹去油。石蓮子十個。

十二、產後有汗。泄瀉。危困。宜服丹溪醫案大補方。

人參三錢

白朮五錢

川芎一錢

當歸三錢

芍藥一錢

茯苓一錢

澤瀉八分

厚朴五分

陳皮四分

紫蘇五分

腹皮六分

蘿蔔子六分

木香七分

十三、產後大便不通。誤食大黃方。成鼓脹。宜服丹溪醫案補方。

十四、產後傷寒。誤食耗藥。成鼓脹。宜服丹溪醫案補方。

十五、產後忿怒。誤食耗氣方。宜服丹溪醫案補方。

治產後誤下。誤消。誤耗三症。

人參三錢 白朮三錢 川芎一錢 芍藥一錢

茯苓一錢 當歸三錢 澤瀉八分 厚朴五分

紫蘇五分 陳皮五分 木香三分 腹皮六分

蘿蔔子炒六分 傷飯麵加神麴麥芽 傷肉加砂仁山查 傷怒氣加磨

木香 大抵產後虛弱誤下誤消誤耗犯虛虛之戒丹溪大補氣血方屢試

屢驗胎前鼓脹亦可奇效。

十六、產後傷食痛。或脇痛。誤服消導藥方。多絕穀食。獨參三錢。薑一片。水煎調飯

鍋焦。漸漸引開胃氣。

十七、產後血崩日久不止。宜升舉大補湯。

白朮二錢 當歸二錢 懷生地二錢 人參二錢

荆芥五分 陳皮四分 甘草四分 黃柏三錢

川芎一錢

黃耆一錢

麥冬一錢

黃連三錢

防風五分

羌活五分

升麻五分

白芷五分

水煎。

十八、產後子宮不收。產戶不閉。脫症。

並宜服倍參生化湯。

十九、產後神昏形脫有汗。

宜服倍參生化湯。內減乾薑。忌薑葱。

以上十九危症並補氣血為主。問無血塊痛。惡血清楚方可服。若惡血塊痛。切不可用地耆朮等補味。慎之慎之。其骨皮、柴胡、芍藥、黃柏、黃連、生地。皆寒涼凝血之物。必須去產日久。問無塊痛。方可服。

胎產指南卷四 產後諸症

胎產指南

卷五

產後禁忌藥物

產婦禁用諸藥

- 一、產婦氣不順。禁用枳殼、厚朴等耗藥。
- 二、產後傷飲食。禁用枳實、大黃、蓬稜。
- 三、產後身熱。禁用芩、連、梔、柏。
- 四、產後七日內。禁用地黃、芍藥。
- 五、產後血塊痛。禁用牛膝、蓬稜、蘇木。
- 六、產後大便不通。禁用大黃、芒硝。
- 七、不可服濟坤丹。要損血氣。
- 八、不可服瘦胎丸。要傷胎。

九、不可用產寶峻藥方。

產後忌食諸物

- 一、果忌梨、藕、橘、柑、柿、西瓜。要停血作痛。
- 二、食忌冷粉、綠荳、冷飯、蕎麥。要停血作痛。
- 三、忌鵝、犬、猪、牛首肉。恐犯諸藥。又恐停血塊作痛。
- 四、忌莧菜、生菜、苔菜。停血痛。
- 五、忌沙糖酒。要損新血。
- 六、忌獨煎山查湯。損新血。
- 七、忌多食胡椒、艾酒。行血致崩。
- 八、忌生薑酒。寧波俗弊。發汗行血。
- 九、忌濃茶汁。寒停血塊痛。

鄉俗產後十弊

- 一、產畢毋令食牛、羊、猪、鵝肉、雞子、麵物。虛人難消化。
- 二、毋食涼粉、菜荳、粥、飯、汁、蕎麥麵。

三、母多食胡椒、艾、酒。血塊雖得熱流通。新血亦不寧。防崩漏。
四、產後寧波俗弊。多用薑數斤。以消血塊。發熱亡血。致危。
五、產後母食梨、橘、柑、藕、冷菜。及冷藥冷水。致血塊凝結。
六、母食橙、丁、橘、干、枳、朮、香沙等丸。重損新血。
七、七日內。母勞洗。以勞神。母勉強早起。以冒風寒。
八、產後月之內。母多言。勞女工。
九、產後暑月。母用冷水洗手足。
十、產後遇大寒月。用小衣烘熱。常溫腹內。冷則塊痛久。雖藥不行。

產後用藥十誤

一、產後誤用耗氣順氣等藥。胸膈飽悶。雖陳皮不可用至五分。
二、誤用消食藥。多損胃減飯。甚至不進食。且凝血塊。
三、身熱。誤用芩、連、梔、柏。損胃增熱。甚至不進食。且凝血塊。
四、三日內未服生化湯。以消血塊。母輕用人參、耆、朮、熟地。致塊不消。至危亡。
五、母用地黃。以滯惡露。母獨用枳實、枳殼、牛膝。以消塊。

六、毋用大黃、芒硝。以通大便。致泄瀉成鼓脹。
七、毋用蘇木、三稜、蓬朮、牛膝。以行血塊。致損新血。
八、俗多用山查一味煎汁。以攻血塊。成危疾而死人。不可不知也。
九、毋服濟地丹兩三丸。下胞下胎。
十、毋信產寶百問。及婦人良方。

胎產指南

卷六

產後二十九症醫方

一、產後血塊痛。宜服生化湯。照前開法分兩。頻服幾帖。卽時塊散痛止。血旺精神。雖少壯產婦無病。多服幾帖。補血有益。其產母腹上用烘衣服煖和。血塊易散。雖暑月亦用。益母丸一顆。鹿散灰一錢。失笑散三方。可用一方以行塊。不可用蘇木蓬稜峻藥。雖山查弱人服之。亦有大害。

二、產後去血多。或勞倦昏暗血暈。宜服生化湯數帖。服至產婦有精神止藥。如血暈形色。或汗多脫。加人參三四錢。在生化湯內。慎不可論惡血搶心。妄投破血藥害人。

三、胞衣不下。宜服生化湯。溫服幾帖。初煎就送益母丸一粒。次煎又送。外用烘熱衣服。煖產婦腹。慎不可冬月坐夜桶。及人身上守候下胞。嚴寒多損產婦。必用

扶上床被蓋。火籠溫和。兼服生化湯助血得無失。

四、產後頭痛身熱惡寒。雖明知感冒風寒。只宜服生化湯。連進二三帖。服至熱退痛除止藥。且不可預加別藥。其川芎乾薑性亦散邪。慎不可用。麻黃柴胡等方。以表汗虛產。如服三四帖後。頭痛如故。加連翹葱頭四五個。或用葱放鯢魚湯內送飯。

五、產後乍寒乍熱。脇痛或頸痛。宜服生化湯二三帖。如未除。再加桂枝七八分以散寒。磨木香一分。切不可認爲脇痛傷寒。用柴胡湯表汗虛產。

六、產婦感寒。上攻則心痛。下攻則腹痛。且血塊又痛。宜服生化湯加桂枝五分以散寒定痛。如兩帖未止。再加吳茱萸。或乾薑三片。加在生化湯內以助血。若獨用諸熱藥以攻寒。其痛雖止。其血未免來多。防有崩暈之患。慎不可用吐汗諸熱性藥。以虛產。

七、產後身熱。或夜間熱。或寒熱往來。並不須加減。只宜服生化湯以除熱定痛。此重言產後不可汗。總結上三症。

八、產後寒熱往來。每日應期發作類瘧。宜服生化湯幾帖。則寒熱自除。如汗多人

虛服卷中補方。慎不可用常山、草菓等方。以止瘧虛產。

九、產後感寒。心下痞滿。宜服生化湯。加陳皮五分。桔梗五分。白荳蔻五分。磨木香一分。慎不可專用陳皮、桔梗、荳蔻。以虛產。

十、產後感風寒咳嗽。或身熱。宜服生化湯。加杏仁十粒。知母一錢。天冬一錢。甘草四分。桔梗五分。有痰。加橘紅四分。花粉八分。如有汗。服卷中補方。不可用散風寒藥方。

十一、產後傷食。宜服生花湯。加炒神麴一錢。麥芽五分。以消麵飯。加山查四粒。砂仁五分。以消肉食。如傷寒飯食。加吳茱萸一錢。桂枝五分。傷寒食脇痛。加肉桂七分。切不可專用消食藥。以損氣血虛產。

十二、產後忿怒。心胸滿悶。宜服生化湯。加磨木香二分。入藥內服。不可用烏藥、香附、砂仁、枳殼、枳實、厚朴等。以損元氣。

十三、產後大便日久不通。宜服生化湯。加肉蓯蓉二錢。日服兩三帖。助血旺自通。另研芝蔴三合。和米一升作粥。三四食之。慎不可用大黃等方。結燥日久。多用大黃成鼓脹。戒之。

十四、產後去血多。或汗多。小便澀少。或不通。宜服生化湯。加生脈散。人參、麥冬以通之。切不可用五苓散以行小便。如服藥不通。外用葱熨法。用葱頭十個。綿縛切如指厚。放臍上。以艾火熨之。

十五、產後泄瀉。先服生化湯。加茯苓一錢。澤瀉七分。石蓮子六個。另用糯米一合。煮粥食之。如泄瀉脫形昏倦。加參生化湯治之。

十六、產婦原本失詳

十七、產婦心神失守。妄言妄見。似邪。失血之故。宜生化湯。加茯神一錢。棗仁一錢。柏子仁一錢。遠志一錢。慎不可爲痰火。降散虛產。符尺驚產。如虛汗脫。服卷中補方。

十八、產婦足冷發厥。血塊又痛。宜服生化湯。加乾薑二三帖。後用卷中補方。慎不可輕用四逆等湯。

十九、產痢不分紅白。宜服生化湯。減乾薑。加木香三分。連服兩三帖。則血塊與痢積推蕩盡者。不損產婦血氣。切不可用芩連寒藥。以停血塊。

二十、產後血脫大崩。宜頻服生化湯。加荆芥一錢。如形色脫。服卷中補方。

廿一、產後霍亂吐痢。多自虛中感寒。宜服生化湯。加砂仁、生薑、茯苓、藿香。或六和湯。

廿二、產後遍身痛。多自血虛氣滯。服生化湯。加韭白二十根。肉桂八分。

廿三、產後起居太早。產戶感風寒作痛。衣被等亦難近身體。宜服生化湯。加桂枝、獨活、防風。以散風寒。

產戶感風。如生癰毒。時醫皆言生癰毒。惟一僧言產七日內。起居風入產戶。風性熱即痛甚。祛風可愈。予羨其明見。不隱其方。勿誤生癰疽而服敗毒散。服當用祛風定痛散。當歸三錢。獨活、防風、肉桂各五分。川芎一錢。茯苓一錢。荆芥五分。生地二錢。棗五個。

廿四、產後發癰疽。宜生化湯。加連翹、花粉各一錢。甘草節八分。如心下噁心煩悶。用滴乳香一錢。萊菔粉五錢和服。切不可用敗毒散、大黃等方。

廿五、產後四肢麻木。血虛甚。宜服生化湯。加浮萍。如血脫崩麻木。宜服卷中補方。

廿六、產後目痛。昏熱赤腫。宜生化湯。加荆芥。切不可用洗心散、芩連、梔、柏等方。

廿七、產後因怒。或偶吐血。宜生化湯。減川芎。用當歸二錢。去尾荆芥八分。犀角末。

胎產指南卷六 產後二十九症醫方

六

八分。慎不可用生地、黃柏等涼藥方。

廿八、產後率然口禁牙顫。手足抽搐類中風。宜生化湯。加天麻、羌活、防風、薑引。

廿九、產後煩躁口渴。宜服生化湯及生脈散。

胎產指南

卷七上

產後論解三十一一症醫方

生化湯 凡孕至七個月。照方預買川芎二兩。當歸五兩。桃仁五錢。炙甘草五錢。乾薑五錢。就製下。至胞衣一破。速煎一帖。候兒生下。即服。不問正產半產。俱宜服兩帖。消塊生血。每帖川芎三錢。當歸八錢。甘草五分。乾薑四分。桃仁十粒。去皮尖炒。水二鍾。煎七分。加酒六七匙。稍熱服。渣留後帖。并煎兩帖。共三煎。要在一時辰內未進食之先。繼相頻服。則下焦血塊速化。新血驟長。自無暈厥。且產婦多服一帖。漸增精神。不厭藥之頻也。若照常症一日服一帖。豈能挽回將絕之氣血也。若胎前素弱虛人。一見危症熱症墮胎。要不拘帖數。服至病退止藥。若產婦勞甚。血崩形色脫。加人參三四錢在內。頻灌無虞。若汗多氣促。亦加人參三四錢在生化湯內。血塊無滯。

一論血塊

婦人病倍於男子。因產之症偏多也。夫產後血塊。醫家所當先論。毋視為輕而忽之也。因古局方偏用蘇木蓬稜。峻攻塊痛。反損破新血。而重虛產婦。俾後學世相授受。信用誤人。不知幾千年矣。無異於刃之殺人也。故特書列首章。普告事產者。勿視血塊症輕。而妄用蘇木蓬稜。以輕人命也。一應散血方。破血藥。雖山查性緩。不可單用。俱害人性命者也。

生化湯治血塊。挽後化舊生新之聖藥也。又加益母丸。鹿角灰。就用生化湯送一錢。外用烘熱衣服煖和塊痛處。雖暑月亦要和煖。大抵產婦勞傷氣血。並虛婉子後。無力送胞送塊。留滯腹中作痛。甚有氣不運而昏迷暈厥。切不可妄論惡血搶心。妄用蘇木等散血之劑。以殺人也。只頻服生化湯幾帖。即時塊消痛止。神清氣復而頓爽。舒暢平安矣。行血如生地。牛膝。敗血如三稜。蓬朮。俗用山查。沙糖消塊。薑椒艾酒定痛。多致淋崩昏暈等症。

二論血暈

凡分娩之後。眼見黑花。頭眩昏暈。不知人事。謂之血暈。其因有三。一因勞倦甚而

氣竭神昏。二因血大脫而氣欲絕。三因痰火乘虛泛上。而神不清。患此三者。皆魂不隨神。往來機運而幾息也。當急服預煎下生化湯。以行塊定痛。化舊生新。即時血生氣轉。神漸清而心有主。頻服二三帖完。其昏亂即定。乃芎歸性有化生之功也。若偏信古方。認暈症爲惡血搶上迷心。而輕用散血之劑。認謂痰火。而治以降火清涼之方。誤之甚也。外以醋韭沖鼻之法。燒漆之方。亦不可緩。醫者不可妄論惡血上搶心。而用蘇木等以峻攻新血。又不可信用古方。用牡丹奪命之方。以敗血。而反損人之命也。再叮嚀臨產之際。必用預煎生化湯。預燒硬石子秤錘。候兒下地。連服兩三帖。藥共三煎。又產婦枕邊用醋韭投錘于瓶之法。決無暈症。又兒生下時。舉家不可喜子慢母。產母亦不可顧子忘倦。又不可產訖即臥。或忿怒氣逆。皆要血逆致暈。至囑附方於後。

加減生化湯 治產後三等血暈。

川芎三錢

當歸六錢

乾薑四分

桃仁十粒

炙甘草五分

荆芥五分

棗引水煎。

加減法 勞倦昏而甚。及血崩氣血脫而暈。並宜速灌生化湯兩帖。如形色脫。

或汗多而脫。皆用急服一帖。後即加人參三四錢。肉桂四分。決不可疑參爲補而緩服。又痰火乘虛泛上而暈。方內加橘紅四分。虛甚亦可加參二錢。肥人多痰。再加竹瀝七分。酒盞薑汁少許。以上三等暈症。並不可用蘇木破血等藥。其血塊痛甚。兼送益母一法。或送鹿灰。或元胡索。或用獨行散。以上消塊方。服一方見效。不須易方。

從權救急 加參生化湯 治產後形色脫暈。或汗脫暈。

川芎二錢

當歸四錢

乾薑四分

桃仁十粒

炙甘草四分

人參三錢

水煎服。

血塊痛甚。加肉桂七分。渴。加麥冬一錢。五味子十粒。汗多。加麻黃根一錢。如塊不痛。加黃耆一錢以止汗。傷飯麵。加炒神麴八分。麥芽五分。傷肉。加山查五分。砂仁四分。人參補而行。耆朮補而不行。故產後七日。血塊未除。寧用人參。不可用耆朮。地予見庸醫用此。致心腹痛而斃。

三產後厥症

凡產用力過多。勞倦傷脾。孤臟不能注於四旁。故足冷而厥氣上行焉。經云。陽氣

衰于下。則為寒厥是也。非急方不能舉氣以歸源。非大補不能回陽而復神。豈錢數歸參。照常症一日一帖所能扶救將絕之氣血耶。必用加參生化湯。倍參連服兩帖。斯氣血旺而神復。厥自止矣。若服藥而有渴。另用生脈散。多參以代茶。助津以救臟燥也。此經驗之確論。毋得有議焉。雖又有四肢逆冷瀉痢。症類傷寒陰症。又難用四逆湯。亦必用倍參生化湯。佐以炙薑。或附子一片。則可回陽止逆。又可

以行參歸之功矣。經云。脾孤臟也。四旁心肝肺腎也。又云。身體勞苦傷於脾。又云。厥氣上行。滿脈去形。立二方分先後。

加參生化湯 治新產發厥。塊痛未止。不可加耆朮。
川 芎二錢 當 歸四錢 乾 薑四分 甘 草四分

人 參二錢 桃 仁十二粒 水煎。連服二帖。

滋榮益氣復神湯 治產後發厥。問無塊痛。可服此方。

川 芎一錢 白 朮一錢 黃 耆一錢 人 參三錢

當 歸三錢 懷熟地二錢 炙甘草四分 麥 冬一錢

五味子十粒 陳 皮四分 附 子五分 水煎。汗多加麻黃

根一錢。棗仁一錢。大便不通。加肉苁蓉二錢。

大抵產後暈厥二症相類。皆氣血並竭。神將去而機幾息。僅有一絲之生意耳。若非急方急服。豈能挽回將絕之元氣耶。但暈在臨盆。急症尤甚。子厥宜並灌生化湯幾帖。先補氣血之虧。即時塊化血旺。而神清暈止。產婦有精神矣。若無汗脫形。脫氣促症見。參耆不須加也。厥症在分娩之後。氣血兩竭。宜用倍參生化湯。並補氣血之虧。止厥以復神焉。又非偏補血分可治愈。要知暈有塊痛。耆朮未可遽加。厥症問無塊痛。耆朮地黃並用。無疑也。

四產後血崩

產後血大來。宜審血色之紅紫。視形色之虛實。如血多色紫有塊。乃當去之敗血也。若止留反作痛。不可論崩。如鮮紅之血大來。乃是驚傷心不能主。怒傷肝不能藏。勞傷脾不能統血歸經耳。當以崩論。先服生化湯幾帖。則行中有補。而血寧生旺矣。若崩形脫。或有汗或氣促。宜倍參生化湯以益氣。斯陽生而陰血生旺矣。非棕灰之可止者。如產半月後崩。又宜升舉大補湯治之。方載八卷中

生化止崩湯 治產後血崩

滋榮益氣止崩湯

川芎一錢 當歸二錢 乾薑四分 炙甘草五分
桃仁十粒 荆芥炒五分 棗引水煎 忌薑椒熱物生冷 鮮紅
血大來加荆芥穗一錢炒白芷五分 血塊不痛形脫 加人參三錢 多氣
促加人參三四錢 無汗形不脫氣不促只多服生化湯則血自寧勿言芎
歸活血助崩誤矣

川芎一錢 麥冬一錢 黃耆一錢 人參一錢
白朮二錢 熟地二錢 當歸二錢 白芷四分
荆芥穗四分 陳皮四分 甘草四分 升麻四分
黃連三分 棗引水煎 汗多加麻黃根一錢 浮小麥一撮 大便不
通加肉蓯蓉一錢 有氣加磨木香一分 痰加貝母六分 竹瀝薑汁 寒
嗽加杏仁一錢 桔梗一錢 知母一錢 驚悸加棗仁一錢 柏子仁一錢 傷飯
麵加神麴一錢 麥芽一錢 傷肉加山查一錢 砂仁八分 身熱不可用芩連
柏 大便不通禁大黃 傷食怒氣不可單用消耗無補藥 凡年老虛人患崩宜

用升舉大補湯。方詳入卷中

五產後氣短似喘

產後陰血暴竭。陽氣無所依。獨侵於肺。故喘也。此為孤陽絕陰。凡產後血脫。勞傷之甚。氣短似喘。無所倚恃。而呼吸息止。違常矣。世有妄論痰火。用散氣化痰之方。誤人致夭多矣。夫肺受脾稟。運氣生脈。通水道。順呼吸。清肅上下。調和榮衛。而為平人之常氣也。值產血亡。氣脫。呼吸短促。言語不相接續。似喘危症。不待診問。自明。不待智者而後知也。

加減生化湯 治分娩兒下。即患氣短症。有血塊。不加耆朮。

川芎二錢

當歸四錢

炙甘草五分

乾薑四分

桃仁十粒

人參二錢

棗引水煎。連服二三帖。然後可服續氣

養榮湯。

續氣回陽湯 治產後氣短促。問無血塊痛。宜服此方。

川芎二錢

當歸四錢

炙甘草四分

人參三錢

黃耆一錢

白朮二錢

陳皮四分

熟地二錢

如足冷。加熟附五分。汗多。加麻黃根一錢。浮麥二錢。渴。加麥冬一錢。五味子十粒。大便不通。加肉蓯蓉一錢。麻仁一撮。傷飯麵。加神麴一錢。麥芽五分。傷肉。加山查五粒。砂仁五分。又服滋榮益氣復神湯。方詳入卷中

六產後妄言妄見

凡產後妄言妄見。由氣血虛而神魂無倚也。夫心藏神主血。而言乃心之聲也。心有血而神存。則言不妄發。又肝藏血而藏魂。而目乃肝之竅也。目得血而司視。則瞳瞭視正。若夫產後血氣暴竭。致心神失守。言語無倫。肝魂無倚。則瞳瞭妄見。況心爲一身之主。目爲百脈之宗。虛症見於心目。則十二官各失其職矣。是以視聽言動。皆由虛妄。治法當論產期。塊痛有無緩急。若娩兒之後。塊痛未除。先服生化湯三帖。以化塊定痛。服藥痛止。卽繼服加參生化湯。或補中益氣湯。加安神定志湯。丸調治之也。若產日久。形氣血氣俱不足。卽當大補爲主。生養氣血。安神定志。服至藥力充足。其病全愈。病家毋求速効。醫家毋論邪祟。若噴以法水。驚以法尺。多致不救。屢治此病。服藥十數帖方效。一婦妄言妄見。服補劑十五帖方見效。丹溪云。虛病猶似邪祟也。又云。欲洩其邪。先補其虛。先調其氣。次論諸疾。此古人治

虛弱人。有挾外因內之確論。但人不能體認其議用藥。反言攻補難同於方。愚人必攻邪盡。方可用補。欲病家不信難補。以醫家治產後虛症。及年老人虛喘。弱人妄言三症所當用心也。

寧神生化湯 治產後血塊痛未止。患妄言症。不可加耆朮。

川芎一錢

當歸三錢

炮薑四分

炙甘草四分

桃仁十二粒

茯神一錢

人參二錢

益智仁炒一錢

柏子仁一錢

陳皮三分

棗引水煎服。

滋榮益氣復神湯

治產後塊痛止。可服此方。

川芎一錢

當歸二錢

熟地二錢

炙甘草四分

黃耆一錢

白朮一錢

人參二錢

茯神一錢

棗仁二錢

柏子仁一錢

益智炒一錢

陳皮三分

麥冬一錢

五味子十粒

蓮子八個

龍眼肉八個

棗引。

大抵產後患崩。曰血脫。短氣似喘。曰氣脫。妄言妄見。曰神脫。三症雖有陰血氣陽

之分。其精散神去之促。無異前暈症。治若少緩。亦危症也。若非厚藥急方。頻服。失之夭者多矣。誤論氣實痰火。皆非也。若新產有塊痛。並用加參生化湯。行中有補。斯免滯血。血虛之失也。其塊痛止。宜升舉大補方。少佐以黃連。墮火以治崩脫。寧血歸經也。用倍參補中益氣湯。少佐以附子。助參以治氣脫。攝氣歸元也。宜滋榮益氣復神湯。少佐痰劑以清心火。治神脫。寧君主之官也。余因人妄論氣脫。妄言等症。誤用氣實痰火方藥。屢夭人年。重復錄告。凡遇氣胎痰重之症。必當補救。切不可用消散。誤人以受夭殃。

七產後傷食

凡產形體勞倦。脾胃俱傷。胃受食傷。不受穀味。是以新產之後。禁膏粱。遠厚味。食粥茹蔬。乃切務也。不善調攝之家。惟慮產婦之虛。以多食有益。厚味爲補本。不思食而強與饜足。胃受食傷。不受穀食。脾轉輸遲。食停否塞。噯酸惡食。治當扶元爲主。溫補氣血。健助脾胃。養正兼消。審傷何物。佐以消導。斯脾氣復而轉輸散精。滯物行而胃始思穀。夫飲食者。元氣之滋味。而產後尤藉此以補助也。因勞倦傷脾。不勝甘飫。薄味漸進。運化亦速。再兼服溫補之劑。佐以神麴麥芽。消麵飯之傷。山

查砂仁。消肉食之傷。如傷寒冷之物。吳茱萸桂枝亦當加也。如此補消並治。無有不安。屢見治重產虛弱。惟知速消傷物。反損真氣。益增滿悶。一帖不效。又加峻藥。一醫無功。又更一醫。先後方類。輕症增重。致使少食思穀之人反虛。虛而絕不思穀者。十常八九。病家自歸數命。醫家以為盡技。惜哉。

加味生化湯 治產後血塊未消。服此消食。

川芎二錢

當歸五錢

乾薑四分

炙甘草五分

桃仁十粒

傷麵飯。加神麴一錢。麥芽一錢炒。

傷肉。加山查五粒。砂

仁五分。

傷寒物脇痛。加吳茱萸一錢。肉桂五分。

虛甚。加人參二錢。三服。

健脾消食生化湯

治產血塊痛除。服此方以消食。

川芎一錢

當歸三錢

炙甘草五分

人參二錢

白朮一錢

神麴一錢

麥芽五分

傷肉。加山查五粒。砂

仁六分。

傷食。不用白朮。用參。如停寒日久。脾胃虛弱。雖藥不運。宜揉按炒

麵熨之。

長生活命丹

治傷食人誤服消導藥多。絕粥幾日者。宜服此方。雜症誤消耗。

絕食亦神效。

人參二錢

水鍾半。煎至半鍾之數。先用一酒盞之則。送飯鍋焦研粉三

匙。漸漸加參湯。鍋焦引開胃氣。煎參湯須用新罐。或銅杓。恐聞藥氣要嘔。觀醫案信方不誣。人參名長生草。飯鍋焦名活命丹。此方曾活數千命。經驗極多。故有至三至再之囑耳。

八產後忿怒

凡產婦因忿怒氣逆。胸膈不舒。血塊又痛。宜服生化湯。臨服時。磨木香二分在內。則血塊自化。怒氣自散。並治而不悖也。若輕產重氣。偏用香附烏藥枳殼香砂之類。以散氣行塊。則元氣反損。滿悶益增。此非善治產也。又如怒後即食。胃弱悶停。當審何物。加山查砂仁。以消肉傷。加神麴麥芽。以消飯傷。若傷寒物作痛。留滯臍腹。加桂枝吳茱萸。在生化湯內。以逐寒定痛。無有不安。慎勿木香檳榔丸。流氣飲之方。以散氣化食。則虛弱產婦。重虛之禍。有不可勝言者也。

木香生化湯 治產後血塊痛未除。又受氣。宜服此方。

川芎二錢

當歸六錢

乾薑四分

炙甘草五分

木香二分

陳皮三分

此方減桃仁而用木香陳皮。前有減乾

薑者詳之。

健脾化食散氣湯 治產後受氣傷食。問無血塊痛。可服。

白朮二錢

當歸二錢

川芎一錢

乾薑四分

陳皮三分

砂仁七分

如寒停脇下作痛。加桂枝八分。

大抵產後弱婦。受氣停食。愈消愈增滿悶。必攻補兼行。方化滯進食。但時醫所見。知耗氣而疑參補。誤人多矣。余屢見誤服散氣消導藥。致使少食思穀之人。反絕食日久者。亦用長生活命丹而活甚多。大抵產後忿怒氣逆。及停食二症。善治者重產而輕怒食。必補氣血為主。佐以順氣調氣。則怒鬱散而元氣不損。佐以健脾消導。非惟氣順。則停食亦行。而胃思穀。此治產後怒傷食傷之正法也。若專理氣消導。脹不散。停食不行。且損元減食。甚至絕穀不救者多矣。惜哉。

九產後類瘧

凡產後寒熱往來。每日應期而發。其症類瘧。切不可。以瘧痰疾方藥治之。夫氣血虛而寒熱交作。元氣弱而外邪或侵。雖寒來復慄。湯火不能溫。熱如燔炙。冰水不

能寒。或晝輕夜重。或日晡寒熱。雖所見症與瘧類同。其方藥必當滋榮益氣。以退寒熱。有汗急當止汗。如麻黃根湯等藥。若頭有汗而不及手足。乃孤陽絕陰之危症也。當加地黃當歸之劑。如感寒頭痛無汗。宜於生化湯內加羌活防風蓮鬚葱頭以散之。慎不可作瘧治以誤人也。柴胡湯青皮飲常山草菓等方藥俱不可用。

麻黃根湯

麻黃根

當歸

黃耆

炙甘草

人參

桂枝

白朮

牡蠣

浮小麥

凡婦人產後患類瘧疾。頭有汗。身足無者。偏服參。少血分藥。多不救。

滋榮益氣扶正湯

治產後寒熱有汗。每日午後應期而發。

川芎一錢

當歸二錢

炙甘草五分

人參二錢

生熟地二錢

黃耆一錢

陳皮四分

麥冬一錢

白朮五分

麻黃根五分

夜服六味地黃丸。每服七八十丸。清湯下。

加減養胃湯

治產後寒熱往來。頭疼無汗類瘧。

川芎一錢

當歸三錢

藿香四分

炙甘草四分

茯苓一錢

蒼朮一錢

人參五分

半夏八分

橘紅四分

薑三片

痰加竹瀝薑汁半夏麴。

弱人兼服河車丸。

產後久瘧無汗不愈兼煎白朮人參膏以助藥力。

十產後類傷寒二陽症

產後七日內外發熱頭痛惡寒。母專論爲傷寒太陽症。發熱頭痛脇痛。母專論爲傷寒少陽症。二症皆由氣血兩虛陰陽不和而類外感。治者慎勿輕產。執偏門而用麻黃湯以治類太陽症。又用柴胡湯以治類少陽症。蓋產婦血脫之後若重發汗則虛虛之禍有不可勝言者也。昔仲景云亡血家不可發汗。丹溪云產後不可發表。二先生非謂產婦真無寒之兼也。非謂麻黃柴胡之不對症也。誠恐後學執偏門而輕產。執成方而發表也。雖明知產後真感風寒。其生化湯內芎薑亦能散之。又內經云西北之氣散而寒之。東南之氣收而溫之。所謂同病而異治也。其謂東南方人柔弱而西北方人剛勁。故治病有異也。雖產後勞虛治不可分南北。須當重產而用補。少佐以散劑。雖有他症以末治之。不可不明也。

加味生化湯 治產後三日內發熱頭痛。

川芎五錢

當歸三錢

炙甘草四分

炮薑四分

桃仁十粒

羌活四分

防風四分

服二帖。若頭痛身

熱不除。加白芷八分。細辛四分。

若頭痛如破。加蓮鬚一錢。葱頭五個。虛。

加人參二錢。

產後類傷寒。三陰症。潮熱有汗。大便不通。毋專論為陽明症。口燥咽乾而渴。毋專論為少陰症。腹滿液乾大便實。毋專論為太陰症。又汗出譫語便秘。毋專論為腹中有燥屎宜下。數症多因勞倦傷脾。運化稽遲。血氣枯竭。腸腑燥涸。乃虛症類實。當補之症。治者毋偏門輕產而妄議。主承氣湯。以治類三陰之症也。間有少壯之人。患此類症。妄下僥倖無妨。但產後虛弱而復誤下。虛虛之禍。不可勝言。屢見妄下成噎。誤導反結。又言少血致便不通。而誤下泄瀉不止者甚多。

養正通幽湯 治產後大便秘。類三陰傷寒症。

川芎五錢

當歸六錢

炙甘草五分

桃仁十五粒

肉苁蓉一錢酒洗去甲

陳皮四分

麻仁一錢

汗多便實。加黃耆一

錢。麻黃根一錢。口燥渴。加麥冬一錢。人參一錢。腹滿液乾便實。加麥冬一錢。人參一錢。茯苓一錢。汗多譫語便實。乃血氣並竭神衰。心主失守。宜養榮安神。加茯神一錢。棗仁一錢。遠志一錢。柏子仁一錢。茯苓一錢。白朮二錢。人參一錢。黃耆一錢。以上等症。大便燥結。並宜大料川芎當歸補血。人參可少。芎歸非至斤數。難以取效。

大抵產婦虛中傷寒。口傷寒食。外症雖見。頭痛發熱。或脇痛腰痛。似外感。宜汗。猶當重產亡血禁汗。惟宜生化湯中量而加減調治之。無失。又如大便結秘。猶當重產。其亡血禁下。惟宜養正助血通滯。極穩當也。

又方潤腸粥。產後日久。大便不通。用芝麻一升研末。和米二合。煎粥食即通。

十一產後類中風

產後氣血暴竭。百骸少血濡養。率爾口噤牙緊。手足筋脈攣縮。類中風。又類瘧。雖虛火泛上有痰。皆當以末治之。毋執偏門而用治風消痰之方。以重虛產也。蓋經脈任血流利。自筋骨強健。而關節清利。今產後無血濡注。致牙緊口噤。手足牽搐。症類瘧中風也。治當先服生化湯。以生旺新血。如見危症。三帖後即用人參。

益氣。以救血脫也。如有痰有火。少佐橘紅炒芩之劑。竹瀝薑汁亦可加之。黃連黃柏不可並用。慎之。附方於後。

滋榮活絡湯 治產後少血。口噤項強。抽搐類中風症。此方如有血塊不可用。地者尤

川芎五錢 當歸三錢 懷熟地二錢 草蓂四分

黃耆一錢 扶神一錢 天麻一錢 人參二錢

麥冬一錢 陳皮四分 荊芥四分 防風四分

羌活四分 黃連三分 有痰加半夏二錢 竹瀝一小酒杯 薑

汁少許 有食加山查砂仁以消肉物 神麴麥芽以消麵飯 大便秘加肉

蓯蓉一錢五分 渴加麥冬葛根 汗加麻黃根一錢 驚悸加棗仁一錢

天麻丸 治產後中風。恍惚語澀。四肢不利。

天麻五錢 防風五錢 扶神一兩 川芎七錢

棗仁一兩 羌活七錢 人參一兩 遠志一兩

柏子仁一兩 山藥一兩 麥冬一兩 細辛四錢

南星九錢 半夏九錢 當歸六兩 石菖蒲八錢

蜜丸。朱砂爲衣。

十二產後汗

凡分娩時出汗。由勞傷脾。驚傷心。恐傷腎也。內經云。身體勞苦。汗出於脾。驚而奪精。汗出於心。有所恐懼。汗出於腎。產婦多兼三者而汗出。不須卽加斂汗之劑。神寧汗自止息。其血塊作痛。耆朮未可遽加。宜服生化湯二三帖。後塊痛消。卽繼服加參生化湯。以止虛汗。若分娩後倦甚。戰戰然汗出。形色有脫。乃亡陽脫汗也。又當從權。連灌加參生化湯。倍參以救危急。毋據塊痛。夫汗乃心之液。榮於內爲血。發於外爲汗。產婦值亡血之後。多汗。由驚勞心傷神虛。不能鎮守其液也。治當健脾胃而救水穀之精歸脾。益榮衛而引血歸源。灌漑四旁。不使妄行。爲外汗也。雜症雖有自汗盜汗之分。其當歸大黃湯。不可治產後之盜汗也。並宜服加參生化湯。及加味補中益氣二方。若服參耆重劑。而汗多不止。及出頭汗而不及腰足。乃危症也。

麻黃根湯 治產後虛汗不止。三日內血塊未淨。不可加耆朮。

黃耆 一錢

當歸 二錢

麻黃根 一錢

粉甘草 五分

人參二錢

牡蠣五分

桂枝五分

浮小麥一撮

白朮一錢

血塊痛不加者。以耆朮補而不行也。

虛脫汗多手足冷。

加熟附一片。乾薑四分。

渴加麥冬一錢。五味子十粒。

血塊不痛。加熟地。

三錢。惡風寒。加防風五分。桂枝五分。

肥白人產後多汗。加竹瀝一酒杯。

薑汁半匙。以清痰火服。

八味地黃丸

山萸肉

山藥

茯苓

澤瀉

牡丹皮

五味子

黃耆

懷生地

各等分爲末。蜜丸。

凡產後虛汗不止。由產亡陰血。而陽氣偏盛故也。內經云。陽加於陰則發汗。因而

遇風變爲瘧。瘧者有之。

十三產後盜汗

產後睡中出汗。醒來即止。猶盜賊人睡而上盜。故謂之盜汗。非自汗所同治。當兼用血分藥品。其當歸大黃湯。又非產後盜汗藥方也。

止汗散 治產後盜汗。

人參二錢

當歸三錢

麻黃根五分

懷熟地三錢

黃連五分

浮小麥一撮

又方 牡蠣煅研細末。小麥麴炒黃爲末。絹袋盛撲之。

十四產後口渴或兼小便不利

凡產後口燥咽乾而渴。或兼小便不利。由產失血。或汗多所致。是無水穀也。夫日用水穀胃納而脾肺散之。至精清氣。爲津爲液。其氣通心。受火色而方化爲血。下行膀胱而爲小便。值產亡血。而又多汗。又勞倦傷脾。不能爲胃行其津液。則是化生之氣不運。滲泄之令不行。是以上無津液流通。而有咽乾燥渴之症。下氣不升。而有胃腎關閉之候。治法必當助脾益氣。升補氣血。則氣化流行。陽升陰降。斯水入經而爲血。爲津。穀入胃而氣長脈行。自然津液充而便利調矣。若認咽乾口燥爲火。而用芩連梔柏以降之。若認小便澀閉爲水滯。而用五苓等散以通之。皆非也。必因其勞損而溫之。益之。因其乾燥而濡之。行之。度量病情而治之。庶無失也。

生津止渴益水飲

黃耆一錢 人參三錢 懷生地三錢 麥冬三錢
五味子十粒 當歸三錢 茯苓八分 甘草四分
升麻四分 葛根一錢 汗多加麻黃根一錢。棗仁一錢。浮小麥
一撮。大小便日久不通加肉蓯蓉一錢五分。渴甚。生脈散代茶不可疑
而不用。

生津益液湯 治產後虛弱。口渴少氣。汗多內煩。不生津液。

人參一錢 麥冬一錢 茯苓一錢 大棗三枚
竹葉三十 甘草五分 括蕁根三錢 荆芥三錢
當歸三錢 大熱大渴不止。加蘆根水煎神效。

十五產後類症

產後汗出多而變類症。症。口噤不開。背強而直。身反氣息如絕。係失血亡汗。感風
所致。宜速服加減生化湯。少加風藥。陰服則陽自和。血行則風自滅。切不可純用
風藥。致血燥益甚。筋失所養。成不治也。
加減生化湯

川芎

當歸

麻黃根

桂枝

防風

甘草

羌活

附子

人參

天麻

羚羊角

又方 治產後無汗。類瘧中風。筋脈四肢攣急。

川芎

當歸

羌活

防風

棗仁

此血虛之故。當重用芎歸。

十六產後瀉

產後泄瀉。非如雜症。有飧泄、濡泄、洞泄、水穀注下之論。大率屬氣虛食積有濕也。氣積宜補。食積宜消。脾濕宜燥。然惡露未消。驟難峻補。消燥當先服生化湯兩三帖。以化生新舊之血。內加茯苓以利小便。俟血化生。然後補氣消食。燥濕而分利水道。始無滯澀虛虛之失。若虛旬日外。方論雜症。猶量人虛實而治。如痛下清水。腹鳴米飲不化。以寒泄治之。糞色赤黃。肛門痛秘。以熱泄治之。有因飲食過多。脾傷成瀉。自有噤氣。莫如敗卵。又有脾氣久虛。少食。食下腸鳴腹急。盡下所有之物。方覺快者。其症各異。其治法寒則溫之。熱則清之。脾傷食積。分利健脾。兼消兼補。

以虛爲本。斯爲善調治者也。

丹溪治產後虛瀉。眼昏不識人危症。用

白朮三錢

人參七錢

茯苓三錢

附子一錢

水煎。

加減生化湯 治產後血塊未消服此方。

川芎二錢

當歸四錢

炮薑四分

桃仁十粒

炙甘草五分

茯苓二錢

蓮子八個

健脾利水生化湯

治產後血塊已消服此方。

當歸二錢

川芎一錢

乾薑四分

茯苓一錢

人參三錢

肉蓯蓉一個

白朮一錢

陳皮五分

澤瀉八分

寒瀉加乾薑八分。

寒痛瀉加砂仁八分。

乾薑四分。

熱

瀉加黃連八分酒炒。

水瀉腹痛。米飲不化。加砂仁。

山查麥芽。

瀉有酸腐

臭氣。加神曲八分。砂仁八分。山查五分。麥芽五分。

脾氣久虛。瀉出所食之

物。方可快者。以食積論。加山查麥芽神麴砂仁。

脾氣弱。元氣虛。產勞甚。必

大補。佐消食。佐清熱。佐祛寒。弱甚形色脫。必用丹溪參苓朮附方。大補始可回生也。久瀉加升麻。諸瀉加蓮子十個。次煎取送藥。瀉水多者加蒼朮一錢以燥之。

十七產後完穀不化

產後完穀不化者。因產勞倦脾傷。而轉輸稽遲也。夫水穀入胃。必因於脾。方散於肺。而通調水道。乃能布氣四臟以養人。今產勞倦脾傷。故失轉輸之職。致冲和之氣不能化。而冷物完出也。病名食泄。又飲食太過。脾胃受傷。亦致完穀不化。俗呼爲水穀痢也。然產方三日內。血塊未散。患此脾敗胃弱症。未可遽加耆朮。宜服生化湯。加益智香砂。以少溫胃氣。俟血塊消散。可加人參。耆朮以補氣。肉果木香砂仁。益智以溫胃。柴胡升麻以引胃中清氣。澤瀉陳皮茯苓以利水爲上策也。

加味生化湯 治產後三日內完穀不化。胎前人素弱。患此症用。

川芎 一錢

當歸 四錢

炮薑 四分

炙甘草 五分

桃仁 十粒

益智仁 二錢

茯苓 一錢

參苓生化湯 治產後血塊散。可服此補方。

川芎二錢	當歸二錢	炮薑四分	炙甘草五分
白芍一錢	益智炒一錢	茯苓一錢	人參二錢
白朮二錢	蓮子八個	肉蓯蓉一個	瀉水加澤瀉八分

通入分。腹痛。加砂仁八分。渴。加麥冬二錢。五味子十粒。水瀉寒。加乾薑一錢。木香四分。食積黃色。加神麴二錢。麥芽二錢。以消麵食。砂仁二錢。山查五粒。以消肉食。若瀉痢日久。胃氣虛弱。完穀不化。宜溫助胃氣。六君子湯加木香五分。製肉菓一個。

十八產後痢

產後七日內外患赤白痢疾。後重頻併。最爲難治。欲調氣行血。而推蕩助邪。則慮產後之元氣正虛。欲滋榮益氣。而大補虛弱。又恐助痢邪之初盛。其行不損元。補不助邪。惟生化湯減乾薑。而代木香茯苓。則善消惡露。兼行痢積。並行而不悖也。再服加味香連丸。以俟二三日後。視病勢加減。可保無慮。若產七日外。有患褐色。後重頻併虛痢。卽當加補無疑。若產婦稟厚。產期以及二十餘日。可用生化湯加芩連厚朴芍藥。行積之劑。加味香連丸以治之。

加減生化湯 治產後七日內外患痢。

川芎二錢

當歸二錢

炙甘草五分

桃仁十二粒

茯苓一錢

陳皮四分

木香二分

白痢腹痛加砂仁六分。

清血丸 治紅痢神方。產七日內不可用寒性藥也。

香連丸 香連為主。加蓮肉粉各半。一治噤口痢。赤白痢下絞痛。加行積藥。

產三四日後。血塊散。痢積少。加減用照後開方治法。

一、產後久瀉。元氣下陷。大便不禁。肛門如脫。宜服六君子湯。加木香四分。製肉

菓一個。乾薑五分。

二、產後瀉痢黃色。乃脾氣久虛。宜服補中益氣湯。加木香四分。製肉菓一個。

三、產後傷麵食瀉痢。宜服加參生化湯。加神麴麥芽。

四、產後傷肉食瀉痢。宜服加參生化湯。加山查砂仁。

五、產後胃口虛弱。患痢瀉。完穀不化。當溫助胃氣。宜服六君子丸。加木香製肉

菓一個。

六、產後肝脾二氣俱虛。瀉痢。四肢浮腫。宜服六君子湯加陳皮。

七、產後瀉無後重。但日久不止。宜服六君子湯。加肉果、木香。
八、產後赤白痢。臍下氣痛。用當歸、厚朴、黃連、肉果、甘草。
九、產後痢久。白痢不止。屬血虛。宜服四君子湯。加荊芥、人參。
十、產後痢。羸困。心腹絞痛。宜服薤白、石榴皮、當歸、黃連、地榆。

痢腹痛不止。用

溫湯蘸熨。煖腹則緩。

十九產後霍亂

產後霍亂。由勞傷氣血。臟腑虛損。不能運化食物。及感風冷所致。陰陽升降不順。清濁亂於腸胃。冷熱不調。邪正相搏。上吐下痢。名曰霍亂也。

生化六和湯 治產後塊痛未除。又患霍亂。

川芎二錢

當歸四錢

乾薑四分

炙甘草四分

砂仁六分

陳皮四分

藿香四分

茯苓八分

薑引。

附子方 治產後吐痢霍亂。手足逆冷。問無塊痛。服此方。

白朮二錢

當歸二錢

陳皮四分

乾薑四分

丁香四分

甘草四分

人參一錢

附子五分

研細末。粥飲調下二錢。

溫中散 治產後霍亂吐痢不止。無血塊痛可服。

人參

白朮

當歸

厚朴

乾薑

茯苓

草薢

薑引。

產後七日外。患霍亂。用六君子湯。亦可治之。

二十產後嘔逆不食

人之胃腑。為水穀之海。水穀之精。化生氣血。榮潤腸腑。產後勞傷臟腑。寒邪易乘。入於腸胃。則嘔吐逆。氣而不下食也。如脈弦滑多於傷食而嘔。宜與傷食條參看。

加減生化湯 治產後嘔吐不食。

川芎二錢

當歸三錢

乾薑四分

炙甘草四分

砂仁五分

薑引。

溫胃丁香散 治產後七日外。嘔逆不食。

當歸二錢

白朮二錢

乾薑四分

丁香四分

陳皮四分 甘草四分 前胡四分 人參二錢

藿香四分

石蓮散 治產後咳逆嘔吐。心矜目眩。

石蓮子二錢

白茯苓一兩

丁香五錢

為末。米飲下。

廿一產後水腫

有針刺法附卷七下末篇

產後手足浮腫。皮膚作光瑩色。及脾虛不能制水。腎虛不能行水。必大補氣血為主。佐以蒼朮、茯苓、白朮、補脾、壅滿。加半夏、陳皮、木香、香附監之。虛人加人參、木通。有熱加麥冬、黃芩、以清肺火。

健脾利水補中益氣湯 治產後七日外。缺

人參二錢

白朮二錢

茯苓一錢

白芍一錢

陳皮二分

木瓜八分

木通四分

紫蘇四分

蒼朮四分

厚朴四分

大腹皮四分

大便不通。加肉蓯蓉

一錢。麻仁一錢。

如因寒邪。濕氣傷表。無汗而腫。宜服薑皮、半夏、蘇葉。加於

補氣血方以表汗。

五皮飲 治產後濕氣。客傷脾經。氣血凝滯。以致面目虛浮。四肢腫脹。氣喘。用五茄皮、皮自以桑白代之大腹皮、地骨皮、茯苓皮、生薑皮。水煎服。

廿二產後怔忡驚悸

產後憂驚勞倦。去血過多。則心中躁動不寧。謂之怔忡。若惕然而驚。心中怯怯。如人將捕之狀。謂之驚悸。治此二症。惟調和脾胃。補氣血。志定神寧。氣舒心安。而病愈矣。如分娩後。血塊未消。宜服生化湯。補血行塊。血旺則怔忡驚悸自平。不必加定安心神之劑。如塊消痛止。後患此症者。宜服加減養榮湯。加木香。減川芎。麥冬。即歸脾湯。

加減養榮湯

川芎	一錢	當歸	二錢	茯苓	一錢	棗仁	一錢
人參	一錢	麥冬	一錢	白朮	二錢	遠志	二錢
黃耆	二錢	龍眼肉	八個	陳皮	四分	甘草	四分
薑引。	虛煩。	加竹肉	一九。	痰加竹瀝	薑汁。		

養心湯 治產後心血不寧。驚悸不安。

黃耆一錢

當歸二錢

茯苓八分

川芎八分

麥冬一錢

人參一錢

甘草四分

遠志八分

棗仁一錢

柏子仁一錢

五味子十粒

薑引。

安神丸

與前藥兼服。

黃連三錢

懷生地三錢

歸身五錢

炙甘草五分

爲末。蒸餅糊爲丸。如綠豆大。硃砂二錢爲衣。每服四十九丸。

廿三產後骨蒸

產後骨蒸。由失血過多。骨無血蔭。以致虛火作炎。骨蒸作熱。經云。陰虛發熱是也。如血塊未淨。只服生化湯。視症略爲加減。俾陰血旺升。則火自歸經矣。如塊痛已消。宜服梅連丸。

柴胡梅連丸 卽清骨散。作湯服甚效。

柴胡二錢

胡黃連二錢

前胡二錢

烏梅二錢

猪脊髓一條

猪膽一個

葱白十根長

前四味爲末。另將猪

髓膽葱白同搗成泥。入童便一鍾。熬如稀糊。再入藥末。共搗爲丸。綠豆大。每

服三十丸。清湯下。如上隔熱多飽服。凡男女骨蒸。俱可服。摘刊方中。此方係湯劑。

加味大造丸 治骨蒸勞熱。若服前方。不須服此。

紫河車一具 人參一兩 當歸一錢 麥冬八分

柴胡六分 懷生地二兩 山藥一兩 胡黃連五錢

石斛八分 杞子一兩 黃柏八分 另將麥冬、地黃搗如

泥。紫河車製淨蒸熟。先另搗。後入諸藥末同搗。加蜜為丸。

保真湯 治骨蒸勞。亦可作丸散。

黃耆八錢 人參一錢 白朮二錢 茯苓八分

甘草四分 川芎八分 當歸二錢 天冬二錢

麥冬二錢 北五味十粒 白芍二錢 黃柏六分

知母二錢 懷生地二錢 懷熟地二錢 棗引水煎

廿四產後心痛

產後心痛。即胃腕痛。以胃腕在心之下。因傷寒氣。及傷冷物而作痛。因痛近於心。

俗呼爲心痛。殊不知心爲君主之官。生血行氣。統馭五臟六腑。血氣盛。則泰然安寧。血氣不足。怔忡驚悸不安。心豈可痛哉。若真心痛。手足指甲見青黑色。旦發夕死。夕發旦死。昔人論之詳矣。治法當散胃中之寒氣。消胃中之冷物。必用生化湯中加散寒消食之佐。無有不安。若綿綿痛。可按而止。又問無血塊了。則當虛論而加補也。其產後心痛腹痛。二症相同。因寒食上攻於心。則心痛。下攻於腹。則腹痛。此二症治法亦大約略同。俱宜用生化湯加肉桂、吳茱萸等熱藥溫散之也。

加味生化湯

川芎二錢

當歸三錢

乾薑五分

肉桂八分

甘草五分

吳茱萸七分

三帖後去茱萸

傷寒物加茱萸、桂枝。

傷肉食加砂仁、山楂。

傷飯麵加神麴、麥芽。

大便不通加肉蓯蓉。

廿五產後腹痛

產後腹痛。先問血塊有無。有血塊痛。只服生化湯。調一笑散、鹿角灰散。塊消。痛自止矣。若風冷乘虛入腹作痛。宜服加味生化湯治之。

加味生化湯

川芎二錢

當歸四錢

炮薑四分

炙甘草四分

桃仁十粒

桂枝五錢

痛止即減。不止再加。傷麵食。加炒神

麴一錢。炒麥芽一錢。

傷肉。加山查五粒。砂仁七分。如血塊未消而痛。加一

笑散二錢。酒炒元胡索二錢。共為末。失笑散即

廿六產後小腹痛

產後虛中。感寒飲冷。其寒下攻。小腹作痛。又有血塊作痛者。又有產後血虛。臍下痛者。並宜加減生化湯調治。

加減生化湯

川芎六分

當歸二錢

炮薑五分

炙甘草四分

桃仁十粒

問有血塊痛。本方加元胡散二錢。亦治寒氣痛。如血塊

無。但小腹痛。按而少止者。屬虛。加熟地二錢。

元胡索散

肉桂一錢

元胡索一錢

為末。

廿七產後遍身疼痛

產後遍身疼痛。由產後百節開放。血脈流散。氣弱則經絡間血多凝滯。累日不散。故筋脈急引。骨節不利。甚至腰背不能轉側。手足不能動履。或身熱頭痛。若誤作寒熱治而散表出汗。則筋脈力竭。手足厥冷。變病出焉。

趁痛散 治遍身痛。

當歸二錢

甘草三分

白朮

牛膝

獨活

肉桂各八分

葱白入根

黃耆一錢薑二片

產後虛勞。指節痛。頸痛。汗不出。用

當歸

人參

黃耆

生薑

淡豉

薤白

猪腎二個

先將猪腎水煮熟。取汁二盞。煎藥八分。碗溫服。

筋骨乃血所養。產後血虛。亦能作痛。又寒主拘急。或感寒氣。皆能作痛。須憑脈

症。加減用藥為當。

廿八產後腰痛

產後腰痛。由婦人腎位繫胞。腰為腎腑。產後勞傷。腎氣損動胞絡。或虛未即平復。而風寒易乘。二者皆致腰痛也。

當歸二錢

獨活八分

桂心八分

川芎八分

杜仲八分

續斷八分

防風八分

桑寄生八分

薑三片

服兩帖後痛未止屬腎虛服加味大造丸。

加味大造丸

治產後日久腎虛腰痛。

當歸

川芎

熟地

天冬

五味子

杜仲

續斷

山藥

牛膝

故紙炒

小茴炒

丹皮

胡桃

人參各等

為丸服。

又敗血流入腰腎痛如錐刺宜服復元通氣散。

川芎一錢

當歸一錢

小茴一錢

故紙一錢

桂心一錢

元胡索一錢

牛膝一錢

丹皮一錢

木香五分

甚者加乳香沒藥四五分。

廿九產後淋

產後患淋。由產虛弱。熱客於脬中。內虛則洩數頻。熱則小便淋瀝作痛。名謂之淋。

宜服茅根湯

茅根湯 治產後冷熱。膏石諸淋。

白茅根 三錢

瞿麥 二錢

茯苓 二錢

人參 一錢

葵子 五錢

甘草梢 五分

滑石 二錢

紫貝 二個

石首魚頭 二個

桃膠 五錢

薑燈芯引。空心服。更入鯉魚齒末五分。

又方 治產後淋。小便痛。又血淋。

白茅根

車前子

瞿麥

冬葵子

通草

鯉魚鱗 一百個

水煎。入鯉魚齒末服。

又方 用導赤散加減最妙。

三十產後小便數

產後小便數者。由脬內宿有冷氣。因產發初動。冷氣入脬。致小便數也。宜用桑螵蛸散。

桑螵蛸散

人參 二兩

黃耆 二兩

桑螵蛸 三十個

鹿茸 五錢

牡蠣五錢

赤石脂五錢

為末。空心粥飲送。每二錢為率。

又方 治小便或遺尿。

益智個三十

為末。米飲送下。每服一錢。

三十一產婦流注

產後流注。皆由惡露流滯於腰臂手足關節之處。或漫腫。或結塊。久則腫起作痛。肢體倦怠。治法宜葱熨法。方以治外腫。內服參歸生化湯。以散滯血無緩也。

參歸生化湯

川芎五錢

當歸三錢

炙甘草五分

黃耆五錢

肉桂六分

人參二錢

馬蹄香二錢

若漫腫微痛。屬形氣

俱不足。最難治。未成膿。或已成膿。或不潰。氣血虛也。宜服人參湯。增寒壯熱。

氣虛也。十全大補湯。日晡內熱。四物湯。加參朮丹皮。嘔逆。屬胃氣虛。六君子

湯。加炮薑。食少體倦。脾氣虛也。補中益氣湯。加益智一錢。

葱熨法 葱一握。炙熱。搗爛作餅。腫處用厚布兩三層。熨斗熨之。

神仙迴膿散。乳方在八卷下。

治產後流注惡露。日久成膿。用此方先導其膿。若人未

補得氣血旺。此方又不宜服。方見乳癰陰蝕五疳下

治陰蝕五疳法

婦人陰戶生瘡。名曰蠹瘡。或痛或癢。如蟲行狀。膿汁淋漓。陰蝕或盡者。由心腎煩鬱。胃氣虛弱。致氣血凝滯。經曰諸瘡痛癢。皆屬心火。治之當補養心胃。外以藥洗熏導並治之。

千金療陰蝕瘡洗方

川芎

當歸

芍藥

地榆

甘草

用水五升。煮二升。去渣熏洗。日三次。夜一次。

又方 蒲黃一兩

水銀一兩

研末摻之。

又方 肥猪肉十斤。煮水浸瘡。冷則再易。不過兩三次愈。又肉十斤。數斗水煮。水多可換易也。

又方 治蟲蝕下部及五臟。用東南方向。桃樹枝三七枚。輕打枝至使散。以綿紮之。又研石硫黃末。將綿縛桃枝撚轉之。令末少厚。又截一短竹筒。先納下部中。以所撚藥桃枝熱撚熏之。

又方 蝦蟆兔屎等分研末敷瘡效。

又方 治婦人陰腫 小麥 朴硝 白礬 五倍子

白芨 煎湯熏洗。

又方 治婦人陰痒 蛇床子 白礬 煎湯洗。

又方 用牛肝或猪肝三寸納入陰戶久則取出之立愈。

又方 治婦人陰中生瘡 杏仁 雄黃 生礬各五錢

麝香二分 共研末納入陰中即愈。

三十二產後癲狂

產婦多喜多怒時發癲狂言語無倫甚有不顧身體此皆五志所發為熱火實制金不能平下則肝實而多怒也又發熱於中則屬陽明經謂陽明之厥則癲又謂服膏粱芳香等則熱氣剽悍發為癲狂大率因痰結於胸中宜開痰鎮心神為主又神不守舍狂言妄作久不愈如心經蓄熱當清心除熱為先如痰迷心竅當去痰寧心宜大吐下則愈產後身熱感風遍身麻痺手足牽搐口喎痰盛言語無倫乃痰結胸膈心經蓄熱之症當以歸脾砂香等湯

歸脾湯

橘紅

人參

枳實

白朮

砂香散

人參

山藥

棗仁

膽星

當歸

川芎

圓眼

木香

柏子仁

右爲細末。

茯神

甘草

柏子仁

砂仁

茯神

杏仁

半夏

五味子

黃耆

遠志

胎產指南 卷七上 產後論解三十二症醫方

胎產指南

卷七下

增補產後十二症

發熱

產後發熱。非有餘之熱。乃亡血過多。陰虛則生內熱也。其症心胸煩滿。吸吸短氣。頭痛悶亂。晡時轉甚。人參芎歸湯主之。

當歸五分錢

川芎五分錢

白芍一分錢五

熟地五分錢

麥冬一錢

乾薑一錢

水兩盃。先以粳米一撮。淡竹葉十片。煎

至一盃。去米葉入藥。加棗三個。煎七分服。必加乾薑者。因薑能入肺和肺氣。入肝引血藥生血。然不獨用。必與補陽藥同。此造化之妙。惟天下之神者。可以語此。

頭痛

產後頭痛。人身之中。氣爲陽。血爲陰。陰陽和暢。斯無病矣。產後去血過多。陰氣大虧。陽無所附。頭者諸陽之會。邪湊於頭。故爲頭痛。但補其陰血。則陽氣得足。病自止矣。芎歸湯主之。

川芎三錢

當歸六錢
酒洗

葱白五根

蓮鬚

生薑

水煎服之。

又有敗血停留子宮。厥陰之位。其脈上

貫顛頂。亦能作痛。前湯加生蒲黃二錢。炒黑豆一合。酒水各半煎。

腹脹

產後腹脹滿悶。因敗血散於脾胃。脾受之。則不能運化津液而成腹脹。亦有停食而腹脹者。以脈辨之。因於血者。則脈結澹。不惡食。因於食者。脈必弦滑。惡食。平胃散加味主之。

蒼朮米泔浸
去皮炒

厚朴薑汁
炒

陳皮

香附醋炒

人參各二錢

神麴一錢
炒

生薑五分

傷食加山查、麥芽。腹

脹者。未有不喘。人參定喘湯主之。

人參

陳皮

杏仁

甘草

木香

蘇葉

咳嗽

產後咳嗽。肺主氣。氣爲動。所以充皮毛。密腠理者也。產後氣虛。皮毛不充。腠理不密。肺感風寒。以致咳嗽。其症發熱惡寒。鼻塞聲重。旋覆花湯主之。

旋覆花

赤芍

前胡

半夏

荊芥穗

甘草

白茯苓

五味子

杏仁

桔梗

枳殼等分

薑棗引。有汗加桂枝。

呃逆

產後呃逆。氣從胃中出。上衝貫門。呃忒作聲。有胃氣虛寒者。有中氣不足者。有衝任之火。直犯清道而上者。有飲水過多。水停而逆者。有大小便秘。下焦不通而氣上逆者。皆虛極胃氣將絕也。大約產後呃逆。乃胃氣虛寒症。多加味理中湯主之。

人參

白朮

炙甘草

炮薑

陳皮

丁香

乾柿蒂一錢

竹肉引。有熱去丁香。

惡露不下

產後惡露不下。此症有二。或因子宮素冷。停滯不行。必小腹脹滿。刺痛無時。或因中氣本虛。血少氣乏。血阻不能盡下。腹必乍痛乍止。痛亦不甚。加減八珍湯主之。

人參

茯苓

炙甘草

當歸

川芎

元胡索 酒炒

香附 醋製

薑棗引

痛無補法。如腹痛者。參宜斟酌。

惡露不止

產後惡露不止。因衝任損傷。氣血虛。舊血未盡。新血不斂。相并而下。當大補氣血。使舊血行而新血生。不可輕用固澀之劑。致敗血凝聚。變為癥瘕。成終身大患。十全大補湯主之。

眼見黑花頭眩

產後眼見黑花頭眩。乃惡露不盡。敗血流入肝經。肝開竅於目。故見黑花。諸風振掉。皆屬肝木。故作頭眩。清魂散主之。

人參 一錢

澤葉蘭 一錢

荊芥穗 二錢

當歸 二錢

川芎二錢

炙甘草八分

丹皮一錢

脇痛

產後脇痛。乃敗血流入肝經。厥陰之脈循行脇肋。故作痛。芎歸瀉肝散主之。

歸尾二錢

川芎二錢

青皮二錢

香附二錢

枳殼二錢

紅花二錢

桃仁二錢

水煎。加童便酒各一

盃服。

乳香膏

治產後腰痛脇痛。不可忍者。皆有敗血流入二經。以致作痛。用乳香

沒藥各五錢。研細。酒醋各一杯。熬膏。布攤貼。

不語

產後不語。此症敗血不盡。停閉心竅。神志不明。故多昏憤。心氣通於舌。心氣閉。故舌強不語。七珍散主之。

人參二錢

石菖蒲二錢

生地二錢

川芎二錢

當歸二錢

細辛六分

水煎。調辰砂五分。

言語含糊

產後言語含糊。并治怔忡。凡心主血。血去太多。心血虛弱。舌乃心之苗。其血不能上榮乎舌。萎縮卷短。語之不出也。加味生脈散主之。

人參 五錢

麥冬 五錢

五味子 十五粒

生地 一錢

歸身 一錢

炙甘草 一錢

石菖蒲 一錢

獾猪心 劈開一個

水煎二盞。煮至一盞半。去心入藥。煎七分。若怔忡。加辰砂三分服。

癥瘕

產後癥瘕。由惡露不盡。脾氣虛弱。失其健運之職。故積而成形。積之日久。痰火與血日漸長大。飲食減少。人日羸瘦。時發寒熱。以補虛為主。健脾消積丸主之。

人參

白朮

茯苓

炙甘草

半夏

陳皮

香附

桃仁

五靈脂

浮海石

元胡索

三稜

莪朮

鬱金

紅棗煮熟。去皮核。神麴米飲。打糊為丸。

以上各症。秘本不能盡載。故從萬密齋先生女科中摘出。以補未備。但不可膠執湯頭。惟在救病者臨時細察脈症。詳審藥性。愚見總宜遵丹溪先生生化湯

為主。然後見症加對病之藥施治。百發百中。萬無一失也。

產後大小便秘下身水腫狂語諸症醫方

產後如患三陰傷寒。大便不通。其人譫語發熱。脈沉實者。大柴胡湯。三承氣亦宜選用。從權治救。或其人如狂不至。發狂者畜血症也。桃仁承氣湯主之。因秘本無此二症。故詳錄之。以爲後學之津梁也。

大柴胡湯 治身熱不惡寒。反惡熱。大便秘。

柴胡 五錢

黃芩 一錢

芍藥 一錢

半夏 八分

大黃 七錢

枳殼 四分

薑棗引。

調胃承氣湯 治病人邪在中焦。不惡寒反惡熱。譫語便秘嘔逆。

大黃 六錢

芒硝 四錢

甘草 一錢

水鍾半。煎八分。去渣

入硝一沸服。此下劑之稍重者。不用枳朴。恐傷上焦氤氲之氣也。用

大黃 六錢

厚朴 六錢

枳實 二錢

水二鍾。煎一鍾服。此

下劑之稍重者。不用芒硝。恐傷下焦之血也。

小承氣湯 治病人六七日不大便。腹脹滿。潮熱。狂言而喘。是湯專瀉上焦之痞熱。

大黃 厚朴 枳實

桃仁承氣湯 治病人小腹急。大便秘。或黑。小便不利。中焦積血也。

桃仁十粒 肉桂一錢 甘草一錢 大黃五分錢

芒硝五分錢 水二鍾。煎一鍾。入硝一沸服。

大承氣湯 治五六日不大便。腹痛煩渴。少陰口燥。咽乾潮熱。脈沉實。三焦俱有邪。

大黃五錢 芒硝四錢 厚朴二錢 水二鍾。先煎枳朴至

鍾半。投大黃。煎至一鍾。去渣。入硝煎一沸服。此下劑之最重者。不可輕用。

產後有惡露久滯。遂化為水。以致發腫。皮膚作光瑩色。指捺成窠。宜服五皮飲。並健脾利水。已見前廿一產後水腫中。但下部大腫者。藥力率不能到。用銀針刺足跗足面孤拐小腿十數處。流出蓄水。令產婦下部舊棉衣鋪墊。時時換易。亦水甚則決之之義。愚以意消息。經治有驗。故書此以告後學者。

胎產指南

卷八

醫方類

湯類

生化湯

當歸八錢
酒洗

川芎四錢

乾薑四分

炙甘草五分

桃仁十粒
去皮尖研

滋榮易產湯

人參一錢

川芎一錢

當歸三錢

茯苓八分

炙甘草四分

陳皮五分

腹皮八分

白朮八分

黃芩八分

懷生地二錢

益母草三錢

升舉大補湯

白朮二錢

當歸二錢

懷生地二錢

人參二錢

炙甘草四分

陳皮四分

川芎一錢

黃耆一錢

麥冬一錢

黃連三分

黃柏三分

荊芥五分

羌活五分

防風五分

升麻五分

白芷五分

滋榮益氣復神湯

川芎一錢

當歸二錢

炙甘草四分

懷熟地三錢

黃耆一錢

人參二錢

白朮一錢

棗仁一錢

茯神一錢

柏子仁一錢

益智一錢

陳皮三分

麥冬一錢

五味子十粒

蓮子八個

圓眼肉八個

棗引。

六和湯

治傷寒暑。霍亂吐瀉。兩脚轉筋。四肢厥冷。

陳皮四分

藿香四分

甘草四分

半夏二分

杏仁十粒

白扁豆二錢

木瓜一錢

砂仁五分

茯苓八分

薑棗引。水煎。如虛人。加人參一錢。

又方 無陳皮竹葉有香薷厚朴。若熱渴瀉。加黃連。
補中益氣湯

人參一錢	黃耆一錢五分	甘草一錢	白朮一錢
歸身五分	柴胡五分	升麻三分	陳皮五分 <small>去白</small>

保真湯

黃耆二錢	當歸二錢	天冬二錢	知母二錢
懷生地一錢	懷熟地二錢	人參一錢	白朮一錢
麥冬一錢	白芍一錢	杞子一錢	茯苓八分
川芎八分	甘草四分	五味子十粒	地骨皮四分
黃柏六分	加元棗引。		

十全大補湯

人參	肉桂	川芎	當歸
熟地	芍藥	茯苓	白朮
黃耆	炙甘草	每服一兩。加棗二枚。薑二片。水煎服。	

當歸六黃湯

當歸

黃柏

黃芩

黃連

生地

熟地

黃耆

每服五錢。小兒減半。

鯉魚湯

白朮五分

茯苓四錢

當歸三錢

芍藥二錢

鯉魚一尾。重約一二斤。去鱗腸。水煎。加橘皮少許。生薑七片。用水四盞。取汁煎半。加四味藥。煎七分。溫服。水腫未消。再製服。

四君子湯

人參

白朮

茯苓

甘草

四物湯

當歸

川芎

芍藥

熟地

二陳湯

半夏

陳皮

白茯苓等分

甘草減半

麻黃湯

桂枝

麻黃根

杏仁

甘草

香薷湯 治伏暑口乾咽燥。

厚朴三兩

扁荳三兩

香薷一兩

用水一碗。入酒少許。

煎候冷服。加黃連。名謂黃連香薷飲。

六君子湯

即四君子湯。加半夏、陳皮。

犀角地黃湯

犀角二錢三分

生地一兩五錢 白芍藥二錢

丹皮二錢

二味酸入肝。寒勝熱。肝是心母。以朮生心。酸寒治之。

正氣湯 治陰虛有火盜汗。

黃柏一錢

知母一錢

甘桔湯 治少陰咽痛。

甘草二兩

桔梗一兩

飲類

丹溪安胎飲

人參二錢

白朮二錢

當歸二錢

川芎八分

黃芩八分

陳皮三分

懷熟地二分

紫蘇四分

甘草四分

砂仁三分

薑棗引

安榮飲

人參二錢

白朮二錢

當歸二分

麥冬一錢

通草一錢

茯苓皮一錢

甘草四分

燈芯五分

寧肺止嗽飲

天冬二錢

桔梗五分

紫蘇五分

知母二錢

甘草四分

寒嗽加桑白皮八分痰多加橘紅四分

竹瀝薑汁熱喝加黃芩八分虛嗽加紫苑一錢款冬花六分

喘夜多嗽加麻黃五分虛損嗽加木瓜一錢

竹瀝薑汁心胸不舒加貝母一錢百合一錢

補母固胎飲

白朮二錢

當歸二錢

陳皮五分

紫蘇五分

甘草五分

懷熟地二錢

人參三錢

條實黃芩八分

砂仁三分

益母草五分

棗引。

七寶截瘧飲

常山一錢五分酒炒

陳皮一錢

厚朴一錢薑製

草菓仁一錢

枳榔一錢

青皮一錢

甘草五分

烏梅一個

薑引。

十味治瘧飲

白朮一錢

半夏一錢

香薷一錢五分

藿香五分

陳皮五分

猪苓八分

澤瀉八分

白扁豆八分

柴胡一錢

木通五分

元胡索飲

蓬朮

三稜

當歸

紅花

元胡索

童便酒煎

丸類

六味地黃丸

熟地八錢

山藥四錢

山萸肉四錢

澤瀉三錢

茯苓三錢

丹皮三錢

補陽宿鳳丸

白朮一兩

黃耆一兩

茯苓一兩

川芎一兩

五味子一兩

大甘草一兩

白芍一兩

巴戟一兩

破故紙一兩

萸肉一兩

天門冬一兩

肉蓯蓉一兩

川牛膝一兩

廣皮一兩

知母一兩

杜仲一兩

厚黃柏一兩

懷山藥一兩

虎骨一兩

生地二兩

熟地二兩

麥冬二兩

人參二兩

當歸二兩

杞子二兩

用十年陳線雞一隻宰淨蒸熟。去皮油。取肉骨焙燥。合諸

藥。煉蜜爲丸。

先天大造丸

治骨蒸癆熱。

紫河車一具

人參一兩

當歸八錢

麥冬八錢

銀柴胡六錢

生地二兩

胡黃連五錢

山藥一兩

石斛酒蒸

杞子一兩

黃柏酒蒸

另將門冬地黃先搗

如坭。河車蒸熟。亦搗。後入諸藥末。均為丸。若焙河車末。煉蜜為丸。

加味益母丸

白朮一兩

益母草四兩

條芩八錢

蜜丸。孕婦諸症並可

治之。亦可作大丸。如彈子大。清湯送下。孕內常服一丸甚好。多氣人加木香三錢。弱人安胎飲送化。胸膈不舒。加紫蘇二錢。陳皮二錢。

香連丸

黃連二十

吳萸十兩同炒赤

木香四兩入

俱為細末。醋糊丸。梧子大。每二十九為率。又一方。加連肉。

補陰大造丸

河車一具

人參五分錢

歸身二兩

天冬三錢

五味子五錢

山藥八錢

杜仲薑炒

牛膝酒浸

黃柏七錢 鹽水炒 熟地二兩

柴前梅連丸

柴胡二錢 前胡二錢 胡黃連二錢 烏梅肉二錢

猪脊髓一條 猪膽一個 韭白十根長 前四味為末。另將脊

髓猪膽韭白同搗如泥。入童便一盞熬如稀糊。入藥末。再搗為丸。菴荳大。每

服三四十九丸。清湯送化。

安神丸即安寢丸 治憂愁思慮傷心不食。

黃連二錢 硃砂一兩 漂 當歸五錢 懷生地五錢 酒洗

炙甘草五錢

清氣化痰丸 治痰火通用。

陳皮一兩 去白 杏仁一兩 去尖 枳實一兩 炒 黃芩一兩 酒炒

瓜蒌仁一兩 去油 膽星五錢 製半夏五錢 薑汁丸

散類

天仙藤散

天仙藤酒洗

香附炒六分

陳皮四分

甘草五分

烏藥七分

木瓜一錢

紫蘇五分

薑皮三分

羚羊角散

羚羊角

棗仁

五茄皮

川獨活

防風

川芎

當歸

薏米仁

杏仁

木香

甘草

失笑散治血痛。

生蒲黃

五靈脂各等分
研末

醋調服。

元胡索散

肉桂一錢

胡索酒炒一錢

爲末。

逍遙散

當歸二錢

白芍一錢

白朮一錢五分

茯苓七分

柴胡一錢

丹皮七分

黑山梔七分

炙甘草四分

五皮散

茯苓皮

大腹皮

五茄皮

地骨皮

生薑皮

催生如神散即黑神散

百草霜

即煤

香白芷

滑石等分

芎歸湯送下二錢。須

兒頭已頂產門。方可服。

平胃散 治濕常用。

蒼朮

陳皮

厚朴

甘草

薑棗引。

方類

丹溪醫案大補方

人參三錢

白朮五錢

川芎一錢

當歸三錢

芍藥一錢

茯苓一錢

澤瀉八分

厚朴五分

陳皮四分

紫蘇四分

大腹皮六分

蘿蔔子六分

木香七分

補母壽子方

人參一錢弱人當歸三錢 白朮二錢 熟地二錢

川芎八分 條苓一錢 陳皮四分 紫蘇四分

虛肥人去白朮甘草四分加黃連五分棗引。

乳癰方即神仙迴膿散

蒲公英 天花粉 金銀花 連翹

白芷 甘草 若是吹乳加防風久破爛加人參黃耆

不加引酒水各半煎飽服。

丹類

煎膏藥方丹 治一切癰疽惡毒諸瘡神效。

元參五錢 苦參五錢 黃芩五錢 杏仁五錢

白芷五錢 大黃五錢 金銀花五錢 天花粉五錢

連翹五錢 歸尾一兩 赤芍五錢 丹皮五錢

黃耆五錢 每一料用真麻油一斤真粉心半斤將各藥挫片入油浸

二宿。文武火煎。以藥純黑色爲度。去渣淨。然後研細粉。心入藥。用桃枝不住手攪。滴水成珠不散爲度。再加阿魏末一錢。名阿魏膏。

摻藥方丹

血竭二錢
龍骨三錢

阿魏三錢
赤石脂三錢

乳香三錢
沒藥三錢
爲末極細。摻膏藥內。

跋

胎產指南一書。其效如神。余聞之久矣。而醫家往往秘而不宣。無從購求。寧海任松雲先生。善岐黃術。又心存濟人。與余嘗談因果事甚相得。昨偶言及病之險而難治者。莫如胎產爲甚。伊卽出此書以示。見之如獲至寶。亟付梓以公同好云。

光緒丁丑秋仲廬江丁維庚識

胎產指南跋

〔清〕

張曜孫
包興言

纂輯
增訂

重訂產孕集

中國醫學大成

重訂產孕集提要

清張曜孫撰。曜孫字仲遠。陽湖人。以名孝廉服官楚北。所至有聲。幼精醫理。奉母湯太夫人命。著產孕集。卷分上下。爲類一十三門。上卷列辨孕、養孕、孕宜、孕忌、孕疾。下卷列辨產、產戒、用藥、應變、調攝、懷嬰、拯危、去疾。條析病狀。援據方書。臚列治法。約略已備。包興言云。因孕疾子癰一症。應變雙胎一症。病皆危急。載方較少。續增子癰二方。雙胎一方。皆經驗有效者。因而補之。又云。仲遠生前曾向予言。此集雖已行世。所惜遺漏尙多。今後有暇。續作補遺。因循未果。每以爲憾。今集重訂刊成。予據所見所聞。博採約收。更作補遺一卷。以續其後。雖症變百出。方難悉賅。云是書刻本有七八種之多。以包氏重訂者爲足本。

重訂產孕集序

陽湖張氏仲遠。以名孝廉服官楚北。所在有聲。幼精醫理。奉母湯太夫人命。著產孕集。其卷分上下。爲類一十三門。條析病狀。援據方書。臚列治法。約略已備。茲因孕疾子癰一症。應變雙胎一症。病皆危急。載方較少。續增子癰二方。雙胎一方。皆經驗有效者。因而補之。仲遠生前曾向予言。此集雖已行世。所惜遺漏尙多。今後有暇。續作補遺。因循未果。每以爲憾。今集重訂刊成。予據所見所聞。博採約收。更作補遺。以續其後。雖症變百出。方難悉賅。然事皆已經。則無所可疑。法可互求。則不病於執。由是窮鄉僻壤。凡屬孕婦嬰孩之症。悉可參酌前後各方。按症照治。庶各保其生全。而無苦難夭折之患。藉踐前言。或可稍慰良友濟世之志也。夫爰書顛末爲敘。

同治七年歲次戊辰七月涇縣包誠書於湖北省寓

產孕集目錄序

辨孕第一

養孕第二

孕宜第三

孕忌第四

孕疾第五

辨產第六

產戒第七

用藥第八

應變第九

調攝第十

懷嬰第十一

拯危第十二

去疾第十三

凡十三篇。爲上下二卷。敍曰。產孕者。天地之大化。生人之本始。而難產之患。自古有之。左傳莊公寤生。驚姜氏。寤生。卽逆產也。然古者持胎教。寡嗜欲。生理順而難產少。故生民之詩曰。誕彌厥月。先生如達。不圻不副。無災無害。列女傳述文母之胎教。終之曰。洊於豕牢而得文王。言生之易也。後世不知胎教。務自縱恣。生理既逆。難產實繁。於是設方法以治之。處湯液以救之。而方藥愈備。難產益衆。遂有婦

媼羣起。妄造謬法。剖胎出嬰。使無知之赤子。無罪之婦人。櫻屠磔之刑。罹鋒刃之慘。生人之禍。莫此爲甚。夫人命至重也。父子至愛也。而戕賊生命。剗剔人子。旁觀不以爲非。主者不以爲怨。何哉。醫無救之之術。不能不望救於婦媼。假令扁倉在左。婦媼在右。則雖至愚。必知所擇。故婦媼之殺人。醫者之過也。雖然。產孕之事。非醫事也。難產之疾。皆自致之。非本然也。故欲湯之滄而揚之。不如勿熯也。欲絃之固而續之。不如勿斷也。欲難產之安而藥之。不如勿致也。不揣其本。而齊其末。不絕於彼。而救於此。良吏勿能爲治。良醫勿能爲功。然則欲治難產。先理胎教。欲理胎教。先明禮則。禮教隳廢。內儀不修。晏私暱於帟帷。勤惰愆於厥職。以苟適爲便。以傲恣爲高。蓋自搢紳浸於編戶。女德日敝。難產日多。競哀其末。莫知其本。君子之道。造端乎夫婦。記言其不信矣夫。歲在己丑。家君宰館陶。余隨侍官廨。民有疾苦。踵門求治。輒爲除之。而難產之患。同於江左。有婦逆生。醫者莫救。太孺人聞之。命褻藥遣僕。馳往治之。至則死已竟日。以貧故未收。耄姑幼子。號泣於室。強飲之藥。旋即蘇活。又巨室張氏婦。孕五月。動而漏下。醫不知治。十日而隕。血注不止。因而暈絕。余聞藥之蘇。又治百日乃瘳。其他慘酷。大都相類。由此觀之。無辜而死者。

蓋多已。夫殺卵殀夭。先王所禁。況在人類。體仁利物。儒者之事。況在斯民。用是考
核原委。該約大旨。著爲此書。冀以絕其流弊。豫其常變。窮理之士。或無誚焉。
道光庚寅冬十二月陽湖張曜孫

查

孕

之

胎

四

訂重 產孕集目錄

卷上

卷下

辨孕第一	一
養孕第二	四
孕宜第三	二
孕忌第四	四
孕疾第五	六
辨產第六	一
產戒第七	三
用藥第八	五

補遺

應變第九	七
調攝第十	三
懷嬰第十一	六
拯危第十二	二
去疾第十三	八
養孕篇	一
孕疾篇	一
辨產篇	五
產戒篇	六
應變篇	六

產 孕 集 目 錄

調攝篇

拯危篇

去疾篇

七

七

八

重訂 產孕集

卷上

辨孕第一

二氣相感。合而生神。兩精相搏。聚而成形。陽奇而施。陰偶而承。陽施而靜。陰承而動。靜則陽凝。動則陰攝。動靜互根。形神交倚。而孕以成。易曰。天地絪縕。萬物化生。男女構精。萬物化醇。故乾坤消息而變萬類。日月運行而生寒暑。鳥獸草木昆蟲。鱗介之屬。莫不附陰化陽。因氣成質。其生雖不同。而所以生者一也。人爲萬物之靈。得天地之正。具五德之全。經緯蕃變。與上下參。男稟陽得乾道。女稟陰得坤道。乾主動而生靜。坤主靜而生動。乾動則陽施。坤靜則陰承。陽生靜則氣化而神生。

清 陽湖 張曜孫仲遠纂輯

涇縣 包誠興言增訂

鄆縣 曹赤電炳章校刊

陰生動則精融而形成。神裕其始。而形要其終。故孕者始于神而終于形。生于陽而成于陰也。凡物生易而成難。未孕之先。兩氣相感。如磁引鍼。如芥黏珀。適然而合。其動以天。非陰陽離決。氣僊精涸者。鮮不凝合。自然生化。絕無人功。既孕之後。積氣成形。分別百體。營建藏府。條理絡脈。灌溉筋骨。閱三百餘日。乃成爲人。日滋月遂。盡取給于母氣。苟失其道。或生而不育。形體不具。氣血薄弱。壽命夭折。譬之果實之屬。風雪侵之。非立見萎落。卽不適于口。故未孕之先。無俟人力。既孕之後。半由人功。攝養以安之。藥物以助之。調其陰陽以煦之。絕其賊害以固之。祛其疾痛以衛之。皆人力之所爲也。古者婦人別立治法。以有月事產孕之異。而產孕尤重。蓋產孕者。生人之始。而保護又產孕之始也。愚者不察。或誤孕爲疾。而肆其攻擊。或誤疾爲孕。而養虎貽患。小則傷體。大則傷生。深可憫焉。辨孕之法。素問曰。陰搏陽別。謂之有子。又曰。足少陰脈動甚者。妊子也。脈經曰。脈滑疾而重。按之散者。胎已三月。脈重按之不散。但疾不滑者。五月也。又曰。三部浮沉正等。按之無絕者。妊也。千金方論曰。脈平而虛者。乳子法也。手少陰脈動甚者。妊子也。尺中之脈。按之不絕者。法妊娠也。諸家論脈。其說不一。要不外滑利和平。不偏不弊。所謂身有

病而無病脈。身無病而有病脈。爲簡而易明。經閉吐逆。體怠惡食。而脈反平和。是有病而無病脈也。外無吐逆諸病。體旺如昔。而脈反滑利動疾。是無病而有病脈也。脈象微妙。驟不易知。差之毫釐。謬以千里。善診者。心領神會。毋事固執。斯爲善也。懷妊之候。必病惡阻。苦沈重憤悶。不欲飲食。又不知患所在。頭重眩暈。四肢惰懈。不欲執作。喜噉酸鹹果實。多臥少起。氣逆嘔吐。蓋由經血既閉。水漬於藏。藏氣不宣。血脈不行。故有此候。察其候。合其脈。孕之是非。無所遁矣。若兼有表裏諸疾。脈不可辨。則別有驗之之法。以雀腦芎藭一兩。當歸七錢爲末。分二服。煮艾湯。或醇酒下之。二三時間。覺腹中臍間微動。卽爲有孕。或以醋煮艾湯半盞服之。有孕必大痛。無孕則否。妊娠四月。男女可分。脈法。左疾爲男。右疾爲女。左右俱疾。爲產二子。左手沉實爲男。右手浮大爲女。左右俱沉實。生二男。左右俱浮大。生二女。左尺偏大爲男。右尺偏大爲女。左右尺俱大爲產二子。又法。左尺中浮大者男。右尺中沉細者女。若脈不可知。則有辦法。令人按其腹。加覆杯者。男也。如肘項參差起者。女也。左乳房有核者。男也。右乳房有核者。女也。孕婦行坐。自後急呼之。左迴首者。男。右迴首者。女。蓋左右者。陰陽之道路也。陽親其左。陰親其右。自然投託。各就

其所。氣血因之。故脈象應之。盛於左則左疾而大。盛於右則右疾而大。其有異孕。無所歸屬。則兩者皆見。尺中者腎部也。腎主胞門。孕之所在。陽具於左。故浮大。陰具於右。故沉細也。男形常伏。女形常仰。故揣腹可知。乳爲陰府。下通胞門。陰盛則結。各就其位。氣血偏盛。則身有偏重。視其迴首可知者。必慎護其重也。千金方又言男子左乳房結核者生男。右乳房結核者生女。婦有孕而驗其夫。原其所始。理亦可通。而所以結核之故。終不可解矣。

養孕第二

妊娠一月。名始胚。足厥陰脈養之。其經內屬於肝。肝主筋及血。是時血行否澀。母爲力事。必令安靜。嗜酸鹹。食宜麥。母食腥辛。若曾孕一月而墮者。宜預服補胎湯以養之。

補胎湯 乾地黃一兩

白朮一兩

生薑一兩

防風六錢

大麥二合

烏梅三合

細辛三錢

吳茱萸一合

八味以水三升。煮一升。分三服。熱而渴者。去吳茱萸細辛。加括蕢根三錢。

見千金方。

二月。名始膏。足少陽脈養之。其經內屬於膽。主精。是時精成於胞裏。若曾孕二月而墮者。宜預服黃連湯以養之。

黃連湯 黃連三錢

人參三錢

吳茱萸五合

生薑一兩

生地黄六錢

共五味。以水三升。煮一升。分四服。日一。若覺不安。加

烏梅三合 見千金方。

三月。名始胞。未有定儀。見物而化。手心主脈養之。其經內屬於心。當靜謐以定心氣。食穀宜稻。羹宜魚。若曾孕三月而墮者。宜預服茯神湯以養之。

茯神湯 茯神丹參龍骨各三錢

阿膠當歸甘草人參各一兩

大棗二十枚

赤小豆二升

九味。水三升。煮一升。分四服。七日

後。更作腰痛者。加桑寄生六錢

見千金方。

四月。始受水精。以成血脈。手少陽脈養之。其經內輪於三焦。是時形體已具。當盛其血氣。以通耳目而行經絡。若曾孕四月而墮者。宜預服菊花湯以養之。

菊花湯 菊花如雞子大一把

麥門冬三合

大棗十二枚

人 參 五 錢

當 歸 甘 草 各 六 錢

阿 膠 一 兩

生 薑 六 錢

入 味。以 水 三 升。煮 半。內 清 酒 一 升。并 膠。煎 取 一 升。分 二 服。若 受 寒 者。加 麻 黃。見 千 金 方。

五 月。始 受 火 精。以 成 其 氣。足 太 陰 脈 養 之。其 經 內 屬 於 脾。是 時 四 肢 皆 成。宜 適 飢 飽。其 食 宜 甘。羹 宜 牛 羊。和 以 菜 蕒。養 氣 以 定 五 藏。若 曾 孕 五 月 而 墮 者。宜 預 服 安 中 湯 以 養 之。

安 中 湯 黃 芩 三 錢

當 歸 芍 藥 乾 地 黃 人 參 各 六 錢

甘 草 芍 藥 各 一 兩

生 薑 二 兩

麥 門 冬 三 合

五 味 子 一 合

五 大 棗 三 十 枚

十 二 味。以 水 二 升 三 合。清 酒 一 升 五 合。煮 取

一 升。分 四 服。日 三 夜 一。七 日 後。更 作。見 千 金 方。

六 月。始 受 金 精。以 成 其 筋。足 陽 明 脈 養 之。其 經 內 屬 於 胃。主 口 目。是 時 口 目 皆 成。身 欲 微 勞。以 變 腠 理。紉 筋 以 養 其 力。以 堅 背 脊。若 曾 孕 六 月 而 墮 者。宜 預 服 麥 門 冬 湯 以 養 之。

麥 門 冬 湯 麥 門 冬 三 合

人 參 甘 草 黃 芩 各 六 錢

乾 地 黃 一 兩

阿膠三錢

生薑二兩

大棗十五枚

八味。以水二升

三合。煮減半。內清酒六合。并膠煎一升。分三服。中間進糜粥。見千金方。七月。始受木精。以成其骨。手太陰脈養之。其經內屬於肺。主皮毛。是時皮毛已成。宜勞身動作。以運血氣。食穀宜粳稻。避寒就燥。以密腠理。以養骨而堅齒。若曾孕七月而墮者。宜預服葱白湯以養之。

葱白湯 葱白長二寸者十四莖

麥冬三合

旋覆花六分

黃芩三錢

人參五錢

甘草當歸黃耆各一兩

阿膠三錢

生薑六錢

十味。水二升六合。煮減半。內清酒

一升。及膠煎一升餘。分四服。日一服。溫進。見千金方。

八月。始受土精。以成膚革。手陽明脈養之。其經內屬於大腸。主九竅。是時九竅皆成。無使氣極。以密腠理而澤顏色。若曾孕八月而墮者。宜預服芍藥湯以養之。

芍藥湯

芍藥三錢

生薑二錢

厚朴六錢

甘草當歸白朮人參各一兩

薤白三合

八味。以水一升六

合。酒一升。煮一升。分三服。日一。見千金方。

九月。始受石精。六府百節。莫不畢具。足少陰脈養之。其經內屬於腎。腎主續縷。是時經脈續縷皆成。穀氣入胃。毋犯冷濕。飲宜醴。食宜黍。緩帶自持。以養毛髮。致才力。若曾孕九月而墮者。宜預服猪腎湯以養之。

猪腎湯 猪 腎 一具

茯苓 桑寄生 乾薑 乾地黃 芎藭 各一兩

白 朮 三兩

附 子 三錢

大 豆 一合

麥門冬 三合

十味。以水三升。煮腎令熟。去腎。納諸藥。煎取一升。分三服。日一。見千金方。十月。足太陽脈養之。其經內屬於膀胱。五藏完備。六腑齊通。納天地氣於丹田。使關節人神皆備。待時而出。宜服滑藥以速其生。以杜本徐若曾孕十月而不產者。宜預服八物湯。

八物湯 人 參 三錢

白 朮 三錢

茯 苓 三錢

甘 草 一錢

陳 皮 二錢

芎 藭 五錢

當 歸 三錢

熟地黃 三錢

白 芍 五錢

共作一服。以水一升。煮四合。日一

服。見萬病回春。

凡孕十月。三陰三陽。各養三十日。內輸五精。外受五氣。惟手少陰太陽不養。心為

君主統攝百脈。下主月水。上爲乳汁。手太陽合之。故不專養。天氣盛於東南。地氣盛於西北。故萬物之生。始於東南。而成於西北。養孕之脈。始於足厥陰。東方木。生氣之原也。繼之以手心主。南方火。長氣育之也。繼之以足太陰陽明。中央土。化氣宣之也。繼之以手太陰陽明。西方金。收氣堅之也。繼之以足少陰太陽。北方水。藏氣成之也。天一生水。故始受水精。土載萬物。故終受土精。氣以順養。精以逆受。相生無不及。相尅無太過。猶之四時遞嬗。自春而夏。而長夏。而秋。而冬。而一歲成。五氣互生。自木而火。而土。而金。而水。而一人成。其理一也。孕之生也。陰陽相合。氣含陰陽。則有清濁。清者浮升而善動。濁者沈濁而善靜。動靜相交。陽中之陰。沈而下降。陰中之陽。浮而上升。陽之升也。自東而南。陰之降也。自西而北。陽升於東。則魂具而化神。陰降於西。則魄藏而凝精。神化則氣生。精凝則質結。故孕一月如露珠。太極也。陰陽之未判者也。二月如花蕊。太極生兩儀也。陽升陰降。陰陽之已分者也。三月至五月。形體具而四肢成。陽自東而南。陰自西而北。五神既宅。四維乃張。兩儀生四象也。六月以後。筋骨皮毛。九竅百節。無不畢具。陰陽交育。精氣旋生。四象生八卦也。八卦生而天道備。十月盡而人道具。所謂萬物一太極。一物一太極。

也。知孕之所以生。則知所以養之之道矣。凡孕三月。體虛者宜常服滋生湯。

滋生湯 熟地黃三錢 白芍甘草芎藭當歸阿膠各一錢

黃芩六分 砂仁一錢 糯米百粒

或參朮養胎飲。

參朮養胎飲 人參一錢 白朮三錢 茯苓二錢

甘草炙八分 歸身白芍各一錢 阿膠二錢 陳皮八分

體過實者。宜金匱當歸散。

金匱當歸散 當歸川芎藭黃芩白朮白芍各一兩 治為末。每服一錢。百沸

湯調下。見丹溪心法。

挾寒者。宜加味保胎丸。

減味保胎丸 白朮熟地阿膠各二兩 當歸杜仲各一兩

川斷川芎藭各一兩 艾五錢 八味。搗末杵棗為丸。每服五十

丸。

挾熱者。宜黃芩散。

黃芩散 黃芩一錢

搗末。濃煎白朮湯調下。日一。見丹溪心法。

或芩朮湯。

芩朮湯 黃芩三錢

白朮五錢 二味作一服。見丹溪心法。

或白朮丸。

即前方十倍為丸。如桐子大。日三十丸。見丹溪心法。
將產體實而旺者。宜達生散以速之。

達生散 大腹皮二錢 甘草五分

當歸白朮白芍各一錢

人參陳皮紫蘇枳殼砂仁各五分

青蔥五寸 十一味作一

劑。孕九月後服之。日一服。體旺者。至產而止。見丹溪心法。

凡孕。無論虛實。皆宜服便產方。三四月後。三十日服一劑。八九月。二十日服一劑。將產之月。日一服之。是方制合精良。無可增減。俗傳謂宮中十二味。係明嘉靖間太醫所作。如法服之。絕無難產之患。真良方也。

便產方 當歸五分

芍藥三錢 厚朴七分薑

枳殼六分

兔絲子酒洗

艾葉羌活各五分

貝 母 一 錢

荊 芥 八 分

黃 耆 七 分

白 芍 一 錢 二 分

甘 草 五 分

水煎隨宜服之。

見保產輯要。

孕宜第二

人有清濁厚薄之異。智愚善惡之殊。揆其所始。皆由祖氣。祖氣者。先天之氣也。氣清則善。氣濁則惡。清則聖哲。濁則昏愚。然而凶頑之質。亦生聖人。賢哲之嗣。或多昏昧。何也。是豈祖氣之有所變易乎。蓋生成有消息之理。長養寓補救之方也。凡物陽生而陰成。生人之初。稟氣於父母。兩氣既合。胚胎以凝。自此以往。日滋月遂。至於成人。皆由母氣。蘊為五神。發為五氣。育為五精。結為五藏。開為五官。氣以煦之。血以濡之。得其道則氣厚而神清。失其道則氣濁而神昏。清則可以反濁。濁則可以害清。自然之理也。譬之稼穡。良莠不同。由於種之美惡。然使土瘠氣薄。暘雨不時。灌溉失度。則雖美種。不如莠稗。土沃氣厚。燥濕均平。種雖不良。亦必大熟。故祖氣者。稼穡之種也。母氣者。土氣也。氣煦血濡者。暘雨也。攝養之道。灌溉之力也。稼穡不能專恃天時。因有灌溉之法。生人不能專恃父氣。必有補救之方。調之使

均。攝之使平。反昧爲哲。易濁爲清。精微之道也。子居母腹。以母氣爲氣。以母血爲血。母呼亦呼。母吸亦吸。善心生則氣血清和。而子性醇。惡心生則氣血渾濁。而子性劣。而母氣之清濁善惡。又隨時而遷。觸物而變。非有一成不易之常。氣主於心。心之神主內而應外。外有所接。則神動而氣隨之。所接善。則陽氣動而爲清。所接惡。則陰氣動而爲濁。故妊子之時。必慎所感。人生而肖萬物者。皆母之感而肖化也。古者婦人妊子。寢不側。坐不邊。立不蹕。不食邪味。割不正不食。席不正不坐。目不視邪色。耳不聽淫聲。則生子端正。才德過人。昔太任有身。能以胎教。乃生文王之聖。君子美之。列女傳本故舊說謂受孕三月。逐物變化。使妊母常觀犀象珠玉寶玩之物。禮樂鐘磬俎豆之事。誦詩書箴誡琴瑟詠歌。欲得賢人長者。論述古今忠孝之事。盛德大業之人。則生子多男。氣正而質純。賢良而壽考。亦不過欲和其心志。絕其嗜欲。使心靜於內。慮謐於中。清氣充滿。濁氣自消。卽胎教之道也。夫草木之生。其形色臭味。皆秉天理自然之化。而何以遷地則形色皆殊。而技者又有栽種灌溉之法。可以轉白爲赤。易苦爲甘。草木尙然。況人之至靈者乎。至男女之分。定於祖氣。非人力所能轉移。舊有轉女爲男之法。如繫弓弩弦。千金方取弓弩弦一枚。絳囊盛帶左

臂或繫腰下百佩雄黃。千金方雄黃一置斧牀下。千金方以斧一柄置妊母或驗日後乃去之。雨絳囊或帶之。置斧牀下。牀下刃向上勿令人知。或驗或否。會其適然。然亦可以祛邪辟惡。以衛陽氣。無損於事。若欲服藥物以改之。無是理也。妊母常食松子。令子堅實。常食砂仁。可令速產。達生編云。常以麻子油和腐皮食。可令滑胎。又云。始覺有妊。以布一幅橫束之上。緊下寬。至臨產始去。可令易生。蓋使腹中偪窄。胎不上長。乍去則驟寬。產時便利故也。大凡攝養之道。在善調其心氣。此非醫者所能為。夫生子不善。人之所惡。人之不善。雖由習欲。實本性生。孔子曰。惟上知與下愚不移。推原其故。皆由未生以前。理微而顯。事小而大。在智者心知其意。而變通之。教於已生之後。莫若教於未生之時。以可為者責之人。以不可為者聽之天。是亦為人父母者所當究也。

孕忌第四

生人誕育。天理自然。陰陽滋化。本無災害。而每有孕而不固。固而不育。育而輒夭者。豈生化之理有所異哉。攝養有乖。逆其滋生之道也。古者婦人有孕。即退居別室。謹持胎教。故彌月而生。無災無害。今人不然。或有孕而不知。不事養護。其知者。

又不知所忌。不慎起居。勞役失宜。舉止違理。欲其無患。不亦難乎。夫人有富貴貧賤之異。而誕育則皆同。而產孕之變。多起於富貴之家。人與禽獸。各稟氣血以生。而禽獸之生。初無墮落難產之患。豈非嗜欲有多寡之異。生理有順逆之分乎。懷孕之後。首忌交合。蓋陰氣動而外泄。則分其養孕之力。而擾其固孕之權。且火動於內。營血不安。神魂不密。形體勞乏。筋脈震驚。動而漏下。半產難產。生子多疾。而夭。淫濁而鈍。甚至孕猶未固。輒動而墮之。一再墮後。胞室寒滑。隨孕隨墮。終身無子而不自知。亦可慨矣。居處動作。最易損傷。起於細微。人所不覺。體候虛羸者。尤宜慎之。毋登高。毋作力。毋疾行。毋側坐。毋曲腰。毋跛倚。毋高處取物。毋向非常處大小便。毋久立。毋久坐。毋久臥。毋犯寒熱。毋冒霜雪露霧。暴雨酷日。烈風疾雷。毋視日月薄蝕。虹霓星變。毋觀土木工作。及怪獸異鳥奇詭之物。毋入神廟寺院。睹猙獰險惡之狀。一舉一動。必謹飭之。五志之發。鮮能和平。而產孕最宜調攝。孕藉母氣以生。呼吸相通。喜怒相應。一有偏倚。卽至子疾。宜和其心志。毋暴喜。毋過思。毋怒。毋恐。毋悲。毋憂慮。毋鬱結。顏無忤色。口無惡聲。心無雜念。使血氣和平。德性凝定。不特孕安。且生子英賢。無疾而壽矣。其飲食。則以冲和澹泊爲正。節厚味。

禁腥濁。毋飲醇酒。毋食異味。千金方云。食山羊令子多疾。食兔令子缺脣。食犬肉令子無聲。食桑椹鴨卵令子側出心寒。食雀令子性淫。食鼈令子項短。食薑芽令子多指。雞合糯米食。令子生寸白蟲。雞及乾鯉魚食。令子生瘡。食鮮菌令子驚風。食冰漿令胎絕。食騾馬驢肉無鱗魚螃蟹。皆令難產。食薏苡莧菜蒜葱麥芽。皆令墮胎。其藥味則宜和平調攝。毋犯金石。毋近毒藥。大熱大燥。大攻大表。大寒大涼。走竄迅疾泄利之品。咸宜禁止。即需施用。宜詳酌而慎處之。凡妊娠起居飲食。惟以和平爲上。不可太逸。逸則氣滯。不可太勞。勞則氣衰。五月以前宜逸。五月以後宜勞。冬毋太溫。夏毋太涼。食毋過飽。飲毋過多。養孕之經。不可灸刺。無故不宜服藥。調之攝之。務使無偏。則得之矣。

孕疾第五

妊娠諸疾。與常人殊。故治法亦異。子居母腹。藉母氣固之。母氣不順。子不得安。必有墮落之患。子氣既損。母氣亦傷。治之者。或僅護胎孕。不敢攻疾。或亟於治疾。不顧子氣。致子母交損。大小殞亡。慘烈之禍。於此爲甚。素問曰。婦人重身。毒之何如。

曰。有故無殞。亦無殞也。大積大聚。可犯之也。衰其大半而止。夫大積大聚。病之重者。苟不亟治。立見危迫。故必毒之。使邪去而孕安。然恐藥勢太過。正氣易傷。故衰其大半。即止不治。古人立法。動出萬全。不可不究也。

懷妊之後。必患惡阻。惡阻者。謂惡心阻其飲食也。由於經脈既閉。藏氣不宣。津液停淤。水濕為患。故其候四肢沉重。惡食嘔吐。偏嗜一物。頭痛眩暈。多臥少起。若面色如故。脈象和平。此不須醫。但調其飲食。適其寒溫。緩緩可愈。其甚者。大嘔吐血。食飲不下。寒熱往來。心中憤悶。惡聞食臭。肢節疼痛。倦怠自汗。色萎肢瘦。勢若危殆。或施治不善。逆其胎氣。致暴作吐下。困頓欲絕。則宜服橘皮茯苓湯。

橘皮茯苓湯

橘皮一錢

茯苓二錢

蘇梗八分

歸身一錢五分

白芍一錢五分

砂仁五分

生薑三錢搗去汁

青竹茹八分

炙甘草五分

作一服。

三四服不愈。宜半夏茯苓湯。三五服必愈。

半夏茯苓湯 半夏茯苓各三錢

乾地黄生薑各二錢

橘皮旋覆花細辛

人參芍藥芎藭桔梗甘草各一錢七分

十二味。以水三升。煮取一升。分

三服。若客熱煩渴。去細辛。加前胡知母。各一錢

若冷痢者。去乾地黄加

桂心。七錢

熬服後。忌生冷醋滑油膩等物。

見千金方。

妊娠傷寒。以安胎為主。無犯胃氣。不可妄汗吐下。泄利小便。其候輕者。頭痛煩熱。

宜芎蘇飲。

芎蘇飲 芎藭紫蘇葉白芍藥白朮麥門冬陳皮乾葛各一

甘草五分

生薑三片

葱白三莖

十味。作一服。

見東醫寶鑑。

甚者。壯熱不解。欲汗之。宜葱白湯。

葱白湯 葱白十莖

生薑六錢

二味。以水一升。煮五合。作二服。

見千金方。

不解。宜拭身法。

拭身法 麻黃二兩

竹葉三合

石膏一升

三味。以水二升

六合。煮取一升。去滓。冷拭身體。以故布掩頭額心。胸燥則易之。見千金方。

熱病者。宜豆豉湯。

豆豉湯 豆豉三合

葱白一兩

二味。以水二升。煮一升。分三服。取

汗。見千金方。

大煩熱。宜葛根汁飲解之。

葛根汁飲。葛根汁六合。

皆須用固孕法。以安其孕。

分三服。間四刻許。進一服。見千金方。

固孕法。取鼈中黃土。水和塗臍。乾復塗之。見千金方。

又方。萍朴硝大黃蛤粉藍根等分貼臍上。見得效方。

妊娠煩懣悶脊。謂之子煩。此由痰濕堙鬱。熱氣薰蒸。上焦之氣。不得流暢。熱鬱過甚。則胎動漏下。宜竹瀝湯。

竹瀝湯。竹瀝三合。麥門冬防風黃芩茯苓各一兩。五味。以水一升。煮

六合。分三服。日一。見千金方。

中風口噤。項背強直。筋脈拘攣。發搐不止。痰盛昏迷。或時作時止。名曰子癇。宜四物湯。量加驅風逐飲之藥。甚則宜羚羊角湯。

羚羊角湯。羚羊角鎊。棗仁獨活五加皮各一錢。防風薏苡仁當歸

芎藭茯神杏仁各七分。甘草木香各五分。生薑三片。作一服。

見醫學正傳。

若因冬月。外感風寒。壅於肺絡。內風煽熾。故痰氣升逆。昏迷不醒。手足筋脈拘攣。右手脈閉。左手脈數而瀋。妊娠已七八月之間。症屬子癇。先用開肺氣清肝風之品以救之。宜鈎藤生地竹瀝飲。

鈎藤生地竹瀝飲

鈎藤三錢後入

大生地三錢酒炙

炒當歸三錢

炒白芍二錢

明天麻一錢煨

川芎五分

川貝母一錢去心

製半夏五分

蘇梗一錢

陳皮八分

川朴七分薑汁炒

桔梗二錢

竹瀝三茶匙冲服。一劑不效。再服一劑。

若服前方。拘攣發搐減輕。痰去人稍明白者。用滋木清熱以息風。宜竹茹阿膠湯。

竹茹阿膠湯

青竹茹二錢薑汁浸

阿膠二錢蛤粉炒

炒當歸三錢

黑山梔八分

大生地四錢

生白芍二錢

川芎一錢

明天麻一錢煨

石決明三錢煨

陳皮八分

焦朮二錢

右十一味。為一劑。

水腫脹滿。謂之子腫。其候或遍身浮壯。或手足攣腫。或肚腹壅大。高過心胸。氣逆

喘急甚則損胎。此因水氣過甚。正氣不化。溢於皮肉。輕者產後即愈。不必施治。甚者宜鯉魚湯。

鯉魚湯 鯉魚一頭重十兩

白朮生薑各一兩六錢

芍藥當歸各一兩

茯苓三錢

六味以水四升。煮魚熟。澄清。取二升六合。內藥煎取

一升。分三服。見千金方。

或苓朮湯。

苓朮湯 茯苓白朮各一兩三錢

黃芩杏仁各一兩

旋覆花三錢

五味以

水二升。煮八合。分三服。

見千金方。

小水淋痛。謂之子淋。此由下焦氣化壅閉不行。故水道不利。鬱而為痛。宜葵子散解之。

葵子散 冬葵子赤茯苓各等分。為末。每服二錢。米飲調下。見金匱要略。

若便閉不通者。謂之轉胞。乃胎氣陷下。壅遏過甚。氣道梗阻。故水不得通。虛人多有之。宜參朮飲。

參朮飲 人參白朮半夏陳皮芎藭當歸芍藥乾地黃各一錢

法。甚者。宜腎氣丸。
甘草五分 生薑三片 作一劑。服後探吐之。見丹溪心

腎氣丸 熟地八兩 山茱萸四兩 山藥四兩 丹皮三兩

茯苓三兩 澤瀉三兩 附子製一兩 肉桂一兩

丸如桐子大。每服十五丸。米飲下。見金匱要略。

若遺溺者。白薇散主之。

白薇散 白薇芍藥各等分爲末。酒服一錢。見千金方。

久嗽不止。謂之子嗽。此外感風寒也。甚則動胎。宜百合湯。

百合湯 百合三錢 紫苑一錢 貝母一錢 白芍五錢

當歸一錢 前胡五分 茯苓二錢 桔梗一錢

蘇葉五分 九味作一服。

下痢赤白。謂之子痢。其候腹中疼痛。裏急後重。不得以尋常治法施之。宜薤白飲。

薤白飲 薤白三合 石榴皮黃連各六錢 阿膠一兩

地榆炙一兩 以水二升。煮六合。分三服。見千金方。

若注下不止。宜膠艾湯。

膠艾湯。阿膠艾葉石榴皮各六錢五分。

以水二升。煮六合。分三服。見千金方。

若下膿血。宜白朮湯。

白朮湯。白朮當歸黃芩各三錢。

作一服。見醫學正傳。

寒熱往來。一日一作。或間日一作。若有定期。謂之子瘕。發當夏秋。宜香薷保安湯。

香薷保安湯。香薷八分。

柴胡羌活各五分。

陳皮六分。

白朮二錢。

黃芩一錢。

炙甘草四分。

當歸一錢五分。

生薑一片。

棗二枚。

作一服。

在冬春。宜驅邪湯。

驅邪湯。

白朮藿香砂仁茯苓各一錢。

橘紅草果各八分。

甘草五分。

薑三片。

作一服。見丹溪心法。

胸滿腹脹。氣逆上干。謂之子懸。此由中焦氣結之故。多得之憤鬱驚惶。宜紫蘇飲。

紫蘇飲。

紫蘇葉一錢五分。

人參大腹皮芎藭陳皮白芍當歸各一錢。

甘草五分。

薑三片。

葱三莖。

作一服。

或葱白湯。

葱白湯 葱 白二十

以水一升五合。于銀石器內。煮取半升。頓服。并食葱。

見婦人良方。

若心痛者。宜竹皮湯。

竹皮湯 青竹皮三合

以酒六合。煮三兩沸。頓服。見千金方。

腹痛者。宜芩朮湯。

芩朮湯 黃 芩一兩

芍 藥三錢

白 朮六兩

以水二升。煮取

一升。分三服。見千金方。

腰痛者。大豆酒主之。

大豆酒 大 豆三合

以酒三升。煮取六合。頓服。見千金方。

妊娠下血。謂之漏胞。甚則崩決不止。陰氣不固。熱動於內。傷其脈絡。故營血內溢。

血盡則死。宜地黃飲。

地黃飲 生地黄二兩

清酒一升。煮三沸。去滓。頻頻服之。或入雞血少許。

見千金方。

或地黃散。

地黃散 乾地黃搗末。酒服三指撮許。三服瘥。見千金方。

若胎動不安。腹痛繞臍。腰背皆痛。卒有所下。或叫號口噤。四肢厥冷者。宜艾葉湯。

艾葉湯 艾葉阿膠芎藭當歸各一兩 甘草六錢 以水二升六合。煮

一升。分三服。見千金方。

若因交合而動胎者。宜入物膠艾湯。

入物膠艾湯 人參白朮茯苓各二錢

白芍二錢

乾地黃三錢

阿膠二錢

艾葉八分

見醫

芎藭五錢

當歸五錢

學入門。

因飲酒而傷者。宜黃芩湯。

黃芩湯 黃芩白朮當歸砂仁各一錢

作一服。日二。見得效方。

因喜怒而傷者。宜佛手散。

佛手散 當歸五錢

川芎藭三錢

作一服。見丹溪心法。

因鬱悶而傷者。宜葱白湯。

見前子懸下。

因勞役而傷者。宜安脈湯。

安脈湯

人參白朮各二錢

當

歸五錢

阿膠三錢

炙甘草陳

皮各五分

芎

藟一錢

兔絲子黃耆各一錢

杜仲二錢

因跌墮而傷者。宜續杜丸。

續杜丸

續斷杜仲各二兩

棗肉搗爲丸。如梧桐子大。每服五十丸。米飲下。

見醫學入門。

若腰痛損傷。下血不止。宜馬通湯。

馬通湯

馬通汁三合

乾地黄阿膠各一兩

當歸艾葉各一兩

以水一升六合。煮取八合。內馬通汁及膠合烱。分三服。見千金方。

若胎奔上搶心危急之候。宜艾葉地黄湯。

艾葉地黄湯

艾葉一兩

阿膠芎藭芍藥甘草當歸各六錢

乾地黄三錢

以水一升六合。煮取一升。內好酒一升。內膠令消。分

三服。見千金方。

甚者。血從口出。逆不得息。宜蟹爪湯。

蟹爪湯

蟹爪三合

甘草桂心各三錢

阿膠六錢

以東流水

三升。煮一升。內膠分二服。口噤不能服者。格口灌之。藥下便活也。生胎即安。

死胎即下。

見千金方。

若因毒藥攻胎。胎動欲墮。血逆衝心。悶亂喘促。大汗不止者。宜白扁豆散。以解其毒。

白扁豆散

白扁豆爲末。新汲水調下二三錢。口噤者。斡開灌之。見得效方。若

因高取物。胞系有傷。兒啼腹中。則令妊母曲身向地拾物。須臾即止。

若腹中作鐘鳴聲者。取鼠穴中土噙之。

八九月瘖不能言者。不須治之。產後即愈。

凡胎動無故而動。及體素羸弱者。乃衝任脈虛。不得固攝。當大補之。腹痛者。宜行其氣。損傷者。宜行其血。餘各因其所由治之。

未及期而產。謂之半產。即墮胎也。損氣耗血。甚於正產。二三月猶輕。六七月爲最重。譬之果未熟而強摘之。其根蒂必傷也。故凡半產。當與正產同其調養。而尤加意焉。宜因其所傷而補益之。以善其後。前列諸法。皆可參用。若輕易視之。則一次

半產。後遂習以爲常。不得謂非失治之過也。半產後。治疾之法。與正產稍異。蓋正產惡露多。半產惡露少也。若有腹痛等疾。宜溫補之。逐瘀破血之藥。用宜審察。若數日後大熱而渴。面紅眼赤。欲飲涼水。晝夜不息。此大虛也。寒涼下咽。卽死不治。宜當歸補血湯。

當歸補血湯 黃耆 一兩

當歸 二錢

水煎。作一服。見內外傷辨。

若血崩不止者。宜攝陰湯。

攝陰湯 黃耆 五錢

阿膠 三錢

歸身 二錢

白朮 二錢

甘草 二分

櫻櫚皮 一錢

烏賊骨 一錢五分

荊芥 炒 一錢

其他諸症。並詳正產相時度勢。消息用之。未可拘泥爲也。

重刊產孕集

清陽湖張曜孫仲遠纂輯

涇縣包誠興言增訂

鄆縣曹赤電炳章校刊

卷下

辨產第六

孕滿十月。待時而生。自然之道。無所勉強。而世俗不察。或未產而強速之。致有橫逆之變。推其故。由於未明其理。不辨其候。而然。故初覺腹痛。遂謂欲生。稍事遲延。遂謂難產。方藥以攻之。非法以擾之。使氣脅神亂。子母俱死。富室巨家。其弊尤多。本安也。而自危之。本生也。而自殺之。可憫也已。辨產之法。脈經曰。娠婦月滿。則脈離經。離經者。難經所謂一呼三至。曰離經。一呼一至。亦曰離經也。又曰尺脈轉急如切繩轉珠者。欲產也。千金方論曰。將產者離經。離經者其脈浮。朱彥修曰。離經

六至。沉細而滑。按切繩轉珠。動疾之象。卽一呼三至之義。一呼三至。一吸三至。呼吸定息。脈七至。閏以太息。脈八至。疾之甚也。朱說與千金方不同。當以難經脈經爲正。要之胎動欲產。無論浮沉遲速。皆有動象。無動象者。非正產也。正產腹痛。必連腰及臍。或牽引脊背。胎氣陷下。或目中生火。穀道挺迸。漿血下後。腹痛愈緊。乃爲欲生。若漸痛漸緩。或乍緊乍慢。卽漿血交下。皆非正生。達生編言試痛正產之辨。誤以試痛爲正產之害。推勘極精。多可采者。達生編云。初覺腹痛。第一以忍痛爲主。無論爲正產。爲試痛。痛久自生。更宜養神惜力。以安睡爲妙。不可輕易臨盆。蓋子居母腹。端坐不動。至生時轉身向下。妊母安臥。腹中不至逼窄。易於轉身。若未及轉身。遂使坐草。則嬰兒難於轉運。復用力以注之。則足先出而或成逆產。轉身未定。用力逼之。則手先出而爲橫生。或首骨偏礙而爲偏產。種種弊端。皆基於欲速之故。故臨盆以緩爲正。卽使過遲。亦無妨礙也。又曰。孕至八九月。或妊母有火。起居不時。令孕不安。因而作痛。所謂試痛也。但須照常眠食。甚則服安胎藥一二劑卽止。若誤作欲產。遽令坐草。卽使勉強能生。母氣必損。子亦多夭。猶之剖卵出雛。裂繭取蛹。安望生耶。又曰。腹痛有感寒傷食之候。亦宜辨別。傷食

者。當臍而痛。手按轉加。或臍旁如有臍起者。不連腰及脊。寒痛多在臍下。綿綿延延。無所增減。得緩少安也。凡此皆極言欲速之害。而歸於辨產未明。蓋妊母多畏難產。而欲速產者。在主者察脈晰理。明辨而調攝之事。常而易變。苟不慎察。戕害生命。亦非俯育之道。慎毋謂闈房瑣屑之事。非丈夫所宜知。而忽略視之也。

產戒第七

產育順事。而俗人多擾亂之。致反順爲逆。此雖習俗使然。亦不知之過也。輯產時所當戒者。著於篇。使覽者凜焉。

妊母將產。率多疑懼。腹痛緊急。氣血下注。神不能安。易於驚惶。初次產育。尤爲易擾。而不知者。稍有不順。輒恐懼無主。大事張皇。致妊母心亂神散。氣憊而逆。氣逆則血湧。氣憊則力衰。嬰兒之生。雖自能轉動。亦藉母氣助之。氣逆力衰。何以能下。惟宜溫慰妊母。使勿驚疑。卽有不順。勿使知覺。俾心定氣凝。神安力旺。無論本屬順生。卽遇惡候。亦可反逆爲順也。

千金方論云。產事雖係穢惡。然不得令死喪污穢之人視之。犯者多致難產。又忌

多人瞻視。惟得一二人。在室。產後乃可告人。亦以人衆則易於驚擾。致妊母心神不定故也。

室中宜適溫涼。夏暑過甚。勿掩門戶。以器貯新汲水石許。置室中。以辟熱氣。免致昏暈。天寒宜置火暖之。母得大熾。令火氣熏灼。室中人毋大聲。毋多語。毋差咨太息。毋訝駭。毋叱咤。毋祈神問卜。宜安靜如常。

妊母宜惜力。宜安臥。臥宜正。不可左右。毋摩腹。毋按腰。毋妄動。毋輕坐草。初產及天寒尤忌。美其飲食。頻頻與之。若虛羸者。不能多食。以糜粥雜人參末飲之。毋亂服方藥。毋輕試異術。必辨明正產。胞水已下。交骨不開。或交骨已開。而子久不下。擇平和之藥。稍稍助之。要之產前調攝既善。亦無須此。

接兒老嫗。俗謂穩婆。宜預擇妥善者用之。蓋隱曲之事。非此輩不能爲。而愚蠢奸狡之輩。或妄爲動作。故事恐嚇。戕人性命。以炫己之術。不可不慎。大率以年老爲佳。蓋年老則歷事多而性稍醇也。

產後勿問男女。須收拾既定。然後告人。世有急於求嗣者。墮地得男。而產母暴喜。遂致昏暈。得女。則產母不悅。家人又從旁懊惱之。致有鬱厥血逆之患。宜豫防也。

大凡產厄。誤於張皇者半。誤於怠忽者亦半。產育固生人常事。然苟主者不察。而漫然聽之。則產母無主而驚疑。爲害亦大。往見拘迂者。矯張皇之弊。謂嬰兒可以自由。無藉乎人。因閉門安臥。勿令人知。而產母體素羸弱。氣血虛少。又性本嬌怯。不能忍痛。曲腰護之。偏倚妨之。轉輾欹仄。致嬰兒不得轉動。交骨不得開張。氣血下注。久無泄路。勢必逆而上行。一日之間。而子母俱死。如此者。何啻無故而自殺之哉。此皆不明其理。不究其道。愚而自用。殘賊人倫。夫產孕者。生生之本。天理之原。似續攸關。斷宜詳慎也。

用藥第八

產時用藥。有二弊焉。方伎之士。多取速效。肆用峻利之藥。以炫己之術。其效者。藥甫入口。而難產卽下。衆人駭服。推爲神奇。而不知一時便利。子母大傷。至產後發疾。遂至不起。嬰兒或墜地不舉。或舉而輒夭。而又委之天命。歸咎後醫。日殺生命。而人莫之知。深可痛惜。古方如兔腦鼠腎蛇蛻回生諸藥。只堪備至急之用。安可妄試。尤有甚者。挾不經之術。無稽之方。轉轉傳布。謬爲仙授。乘人之急。以脅人之

利功則歸己。過則歸人。世俗憤憤。多爲所愚。不可譬曉。此一弊也。而矯其弊者。遂謂產孕本無須用藥。常變順逆。悉靜而聽之於天。斯言誠善。然必自懷妊至臨孕。攝養無乖。然後可也。苟或不善。即可反順爲逆。而仍執勿藥之說。以自愚。是何異未能辟穀。而謂人可勿食耶。此二弊也。且天下亦或有生而難產者。或未孕之先。即有宿疾。或氣血羸弱。骨格緊密。脈絡堅緻。皆令難產。亦藉臨時藥力以扶助之。但宜斟酌盡善。擇平和之命。醇正之法。相不得不用之時。而後用之。如加味芎歸湯。佛手散。味和而力厚。氣平而效速。斯爲善也。

加味芎歸湯

當

歸一兩

川

芎七錢

龜

板手大一片
醋炙研

婦人髮如雞卵大一枚
瓦上焙存性

水一升

煎四合服之

見醫學入門

佛手散

當

歸五錢

川

芎三錢

作一服

見丹溪心法

富貴之家。產後必服人參。而致死者多。矯其弊者。并倡產後無補益之說。而致死
者亦多。蓋不明其理。左右皆誤。夫產後諸疾。多出於虛。人參非不可用。而用之亦
自有法。得其法。益身而卻疾。不得其法。致疾而促生。不可不辨。服參之法。在子方
墜地。參已入口。一刻之間。過此一刻。便不可服。蓋產時氣血下注。上中二焦。盡屬

虛寒。產後氣復上行。下焦惡血填湊。血道梗塞。氣道亦滯。驟加補中之藥。血道未開。氣道益阻。遂有惡露不行。淤血上逆之患。若當兒甫墜地。一刻之間。氣血猶未上行。藏府空虛。脈絡困乏。人參入腹。甘溫之性。宅中土而運脾精。輔正氣而逐惡血。灑播精微。灌溉經脈。氣強則行速。脈潤則道通。惡露順下。乳汁通流。焉有他患。且新產之後。百脈皆動而下行。自下而上。淤濁者去。精華者留。有更新之象。婦人宿疾。多在血內。平時所不能除者。此時可以除之。卻病益身。非妄說也。凡欲服參者。將產時即宜製就。汁宜濃厚。可以一飲而盡。或以人參一二錢研爲末。別以錢餘煮汁調服。亦令一人司之。俟兒首既出。即與服之。參盡而兒適墮地。乃爲合法。苟失其法。爲害非小。而復歸咎於參之不可用。豈不謬哉。產時應變。皆倉卒之際。所有藥物。亦宜豫籌。有備無患。不可渴而掘井。鬪而鑄兵也。

應變第九

產育本順事。不幸而至於逆。變起倉卒。安危係於片時。亦人生至急之事。極難之

治也。應變之術。宜切究焉。凡產之變有五。曰橫產。曰逆產。曰偏產。曰礙產。曰盤腸產。

橫產者。兒橫腹中。手臂先出。治法。令產母仰臥。囑收生嫗。徐徐推兒下身。令直上。以手中指摩其肩。推上而正之。又以手摩其耳。令頭正自生。或以小鍼刺兒手。入一半分。徐徐送入。不入以鹽塗之。

逆產者。兒未轉身。兩足先出。以鹽塗兒足心。鍼刺如上去。或以爪搔之。并以鹽摩母腹。兒得痛痒。驚縮而轉。自當迴順。

偏產者。產時兒首偏柱一傍。雖近產門。只露額角。終不得下。治法。令收生嫗。以手徐徐正其頭。若因腦骨偏柱。穀道當以綿衣炙火令熱。裹手於穀道外。徐徐推之。俟正。然後坐草。若產時兒不向產門。直趨穀道者。宜熬鹽令熱。以紬裹於穀道外。熨之。

礙產者。兒首正抵產門。久而不下。此必轉身時。臍帶攀掛兒項。或肩。當急令安臥。令收生嫗。推兒近上。徐徐通手。以中指按兒兩肩。理脫之。然後坐草。蓋此候最爲險惡。慎毋輕易用力。若纏繞於項。復用力以注之。則其纏愈緊。致子死腹中。不可

不慎。凡橫逆諸產。如法拯救。皆宜內服加味芎歸湯。佛手散。加味芎歸湯見用藥篇以助之。若不能用法。但令靜心安臥。服前藥一二劑亦效。
盤腸產。子腸先出。兒即隨下。或腸隨兒下。此由下焦素虛。不得收攝。氣血下注。無以固之。或用力太過。一次如此。凡產皆然。宜以溫湯潤之。溫諭產母。勿令驚慌。以好醋半盞。新汲水如醋十之七。調和驟喫。產母面或背三喫。則收。或以磨刀水微潤腸。煎磁石湯一盞飲之。或以草蓆子搗敷產母頂心。視收入。速洗去。遲則為害。內宜服補益升提之藥。慎護其腸。勿令見風。若遭風侵。多有不能收入者。
產時交骨不開。最為惡候。此由陰氣大虛。血液衰少。宜加味芎歸湯。方見前甚者。加肉桂少許。

子死腹中。其候心腹脹悶。重墜異常。產母面赤舌青。指甲皆青。或口出惡臭者。是也。若面舌唇口俱青。口沫出者。子母俱死。面青舌赤者。母死子生。宜佛手散。方見前或平胃散。

平胃散。蒼朮厚朴

薑汁炒

陳皮各三錢

甘草二錢

水煎加朴硝二錢

化服。其效頗速。

或蟹爪湯。

蟹爪湯

蟹爪一升

甘草一尺

阿膠一兩

以東流水三升。

煮蟹爪甘草得一升。去滓。內膠令烊。分二服。見千金方。

若雙胎。一死一生者。服之能令生者安而死者出。若乾燥著脊不能下者。宜葵子湯。脂蜜酒以滑之。

葵子湯

葵子三合

阿膠六錢

以水一升六合。煮六合。頓服。未效。

再作一服。見千金方。

脂蜜酒

猪脂白蜜各三合

醇酒六合

合煎取六合。分二服。見婦

人良方。按無猪脂。以蘇子油易之。亦可。

又治雙胎一死一生者。先生一胎。腹中尙有一胎不下。或手先出。將手推入。或足又出。推之不入。生至三日。兒足不動。知胎死。三日中服催生方。葵子湯。加味芎歸湯。皆不效。產婦腹不痛。不起陣。房內夏宜涼。冬宜煖。室中一二人。宜寂靜。切不可驚慌。不要親戚來看來問。以安產婦之心。若旁人驚慌。言語張皇。產婦聞之心慌。則生恐懼。必至誤事。凡危急之際。更宜安靜用藥。非土牛膝葵子湯。不能下也。

土牛膝冬葵子湯

土牛膝五錢

冬葵子一兩

二味。宜買三服。用罐三個

盛藥煎好。一刻時候。連服三劑。死胎即下。何以要用三劑。一刻時候連服者。若服一劑。產婦腹痛一陣。即止。死胎送不下來。連服三劑。腹痛緊而血來猛。產門即開。將死胎送下。胞衣隨胎而出矣。因經驗用藥如此。故注明以救危急之症也。

產時用力太過。水衣早破。漿水盡下。產戶乾澀。或坐草日久。為風所久。因而腫脹。多致難產。或產時子忽不動。是妊母力乏之故。勿誤為死。肆用攻逐。皆宜加味芎歸湯。前方見

產時。妊母忽猝然氣痿暈絕。目翻口噤。面忽唇青。口沫流出。子母俱殞。若兩顴微見紅色。子死母生。此至危之候。宜霹靂丹救之。

霹靂丹

蛇蛻一條。蠶退紙。并燒存性。各用二錢

男子頭髮燒灰。路旁左足草鞋

燒存性。各用一分

乳香五分

黑鉛二錢五分

水銀七厘

以

鉛和水銀。入鍋中。火上鎔化。結如砂子。研治為末。和諸藥。以獾猪心血和丸。如梧桐子大。金箔為衣。每用三丸。流水下。或煎化灌之。見醫學入門。

嬰兒既生。胞衣不下。亦多危險。達生編云。用力太早。交骨強開。兒甫出而骨即隨閉。以致不下。急宜斷臍帶。以麻線將臍帶繫緊。又雙折之。再繫一道。勿令風入。以輕物墜之。但令產母安心定氣。稍遲當痿而下。慎勿令收生嫗。妄用手取。致損及臟腑。因成惡疾。若血流入衣中。為血所脹。致不得下。腹中脹滿。上衝心胸。疼痛筋急者。宜佛手散。前方見

若以手按之。痛稍緩者。此氣虛也。宜益母湯。

益母湯 益母草一兩 酒煎。加童便一杯服之。見達生編。

若危者。宜牛膝湯。

牛膝湯 滑石二錢 研末 木通當歸牛膝瞿麥各一分 冬葵子二錢

共作一服。見局方。

若急上搶心者。或死胎上搶心者。宜用熨法。

熨法。取蟻垤土一升。熬熱。囊盛熨心下。令不得上。見千金方。

若輕者。以草紙燒烟。熏產母之鼻。令納氣即下。或以髮入口作嘔。亦佳。千金方。載產時襪法。雖未明其理。而頗有效驗。并附著以備用。凡欲產。宜脫尋常

所著衣。籠竈頭。及竈口。令至密。卽易生。若逆生者。以手中指取釜底墨畫兒足下。作人形。卽順生。或書父名於足心。或以車轄脂如上法書畫。若胞衣不下。取夫內衣蓋井上。卽出。本草載臨產取赤馬皮鋪身下。又以海馬石燕兩手持之。皆令速產云。

凡應變皆以凝神息慮爲主。毋得張皇以擾產母。心欲細而定。智欲敏而速。法欲簡而捷。藥欲峻而安。毋取劫功。毋貽後患。凡遇危急。無不皆然。不特產孕之一端也。

調攝第十

產後調攝。最宜詳慎。蓋產後氣血虛少。絡脈空乏。肢節懈怠。腠理開張。皮毛不實。營衛不固。血道易塞。氣道易滯。故致疾之易。而去疾之難。莫甚於此。產後致疾。皆起於纖細易忽之間。其源甚微。其發至鉅。闡房瑣屑之事。主者所不及檢。醫書所不能詳。不識避忌。不知防範。或致疾而終身不愈。或疾作而危在片時。往見一婦。產時至速。不及告人。遂產於地。產後人知。始扶臥於榻。三日後。大熱不止。醫以爲

血淤也。而以桃仁承氣投之。數日而死。一時不謹。爲害如此。況其大焉者乎。故善調攝者。不使致疾。并可去宿患之疾。不可不知也。

凡產後。產母勿令安臥。宜以高枕倚之。膝宜豎起。勿得伸直。須閉目靜神。勿令熟睡。歷十二時。乃可安臥。少須八九時。若倦怠者。宜頻頻呼之。常令欲醒。亦毋高聲急語。致使驚恐。蓋產後氣血上行。若遽令安睡。則氣逆而血壅。多致昏暈。必豫防之。膝宜豎者。膝伸則筋骨內掩。恐礙惡露也。

嬰兒墜地。卽取鐵秤錘或石子入火燒紅。以醋向產母焙之。使氣入鼻。不特可以辟穢。且能收斂神氣。散解惡血。以杜血暈。或日焙一二次。三日後止。更佳。

室中宜避風。絲毫罅隙。必掩塞之。宜適溫涼。毋犯寒暑。將寒卽衣。驟煖毋易。夏雖大暑。勿得解衣。毋浴。毋以扇招風。寧失過煖。毋失過寒。產後宜益母草煮汁。和童便服之。或和清酒。日三五服。三日而止。自產之次日始。

日服生化湯一劑。

生化湯

川

芎 一錢

當

歸 五錢

甘

草 五分

乾

薑 五分

桃

仁 十粒 去

以水二盞。

煎一盞。

入清酒一合。

溫服。

五日而止。淤未盡者。七日止。大虛者。可加人參少許服之。二三日後。或寒熱交作。此骨合也。虛人多有之。但診無他患。如法服生化湯。勿妄用他藥。

十二日後。惡露將盡。氣血更新。體虛者。宜服補虛湯。

補虛湯 人參白朮各三錢 當歸川芎黃耆各二錢 炙甘草陳皮各八分 乾薑炒五分 八味作一劑日一服。見醫學入門。

十數服。有宿疾者。宜服永安湯。

永安湯 人參一錢 熟地三錢 當歸三錢 芎藭二錢

阿膠一錢五分 白朮二錢 續斷一錢五分 桃仁烏賊骨各

一錢 吳茱萸四分 十味作一服。食前溫進。日一。

或澤蘭湯。

澤蘭湯 澤蘭二錢 香附二錢 當歸芎藭各一錢五分

芍藥烏藥各一錢 人參一錢 阿膠黃耆白朮各三錢

紅花五分 生薑二錢 作一服。食前溫進。

羊肉湯。

羊肉湯 羊 肉十兩

黃耆一兩

大棗三十枚

茯苓甘草當歸

麥冬地黃芍藥各六錢

肉桂心三錢

以水六升。煮羊肉。取三升。內

藥煎取一升。分三服。溫進。

見千金方。

相疾之輕重。體之偏寒偏熱而用之。或十餘服。或數十服。可使宿疾盡去。體弱反強。

飲食宜澹泊。毋食鹽。犯之令無乳。毋食生冷堅硬一切異物。毋食炙煇煎炒。毋過於肥膩。皆令致疾。十日內。毋食猪肉。一月內。毋食猪脂。犯之令經絡壅塞。凡食肥甘之物。皆宜去油脂。以清淡爲上。清本乎陽。可以益神而育精。濁本乎陰。足以致滯而成積。而酸鹹之味。凝血阻脈。尤爲切忌也。產後一月。俗謂之滿月。二月謂之大滿月。此二月內。不宜力役動作。不宜交合。心志宜和。思慮宜絕。悲恐憂鬱。大喜大怒。皆不可犯。七情傷人。甚於六氣。世有產後羸瘠。謂之蓐勞。多至不治。皆不知調攝之故也。

懷嬰第十一

千金方論曰。嬰兒初生。當卽舉之。舉之稍晚。則令中寒。先浴之。然後斷臍。斷臍不得以刃。令人隔衣咬斷之。以煖氣呵之。然後纏結。所留臍帶。須令至小兒足趺短。則兒腹中不調。常下痢。若先斷臍。然後浴者。則臍中水。令常腹痛。其臍斷訖。連臍帶中多有蟲。宜急撥去之。不爾。則入兒腹成疾。裹兒臍法。椎治白練。令柔軟。方四寸。新綿厚半寸。與帛等合之。調其緩急。急則令兒吐。若十許日。兒怒啼。似衣中有刺者。此或臍燥。還刺其腹。當解之。易衣更裹。裹時。閉戶下帷。燃火令溫煖。仍以溫粉粉之。若臍不愈。燒絳帛末粉之。若臍中水。當炙粉絮以熨之。不時治護。浴兒法。湯須調冷熱。冷熱失宜。令兒驚。凡兒冬不可久浴。久則傷寒。夏不可久浴。久則傷熱。浴兒者。以猪膽汁一枚。取汁投湯中。以浴之。終身不患瘡疥。兒生三日。宜用桃根湯浴之良。

桃根湯

桃梅李根

各三兩

以水三升。煮二十沸。去滓。無根。枝亦可。

生男。宜用父故衣裹之。生女。宜用母故衣裹之。皆勿用新帛衣。不可過厚。令傷兒皮膚。害血脈。嬰兒始生。宜時見風日。凡天氣和煖。無風。宜令乳母將兒於日中嬉戲。則血凝氣剛。肌肉牢密。堪耐風寒。不致有疾病。

達生編云。兒生三日。浴之。俗謂之洗三。如冬寒。切不可洗。然千金方謂小兒不浴。令毛落。則不浴亦非良法。宜如上法。蔽風燃火。下帷而浴之。又云。斷臍必以艾蘸油爲燃。燎斷之。令煖氣入腹。常視之。勿令濕。較千金法爲佳。南中收生。嫗斷臍。多於連胞衣處斷之。并留胞衣少許。先繫緊。然後斷之。雖臍帶稍長。易於妨礙。然可免入風泄氣之患。亦可用也。

嬰兒甫生。氣欲絕。不能啼。以煖水灌之。不啼。以綿絮包裹之。勿斷臍。以紙撚蘸油。燃火於臍帶下熏之。令煖氣入腹。更以熱醋湯盪洗臍帶。令氣回。啼哭如常。方可斷臍。

若面青身冷口噤者。乃胎寒也。宜殭蠶散急救之。

水煎取汁。以帛蘸入

殭蠶散 白殭蠶木香肉桂陳皮炙甘草檳榔各五分

兒口中。見醫學入門。

若因臍纏喉管礙產者。急去其所纏之臍。輕按其背俞及胸口。徐摩其喉管。卽氣復而啼。

初生有卽死者。急看兒口中懸雍。前腭上有泡。如石榴子。以指摘破出血。以帛拭

去。以髮灰糝之。若令惡血入口中卽死。初生撮口不飲乳。名曰馬牙。不治則死。馬牙之候。兒齒齦有小泡。如粟米狀。急以鍼挑出血。用墨磨薄荷汁。斷母髮裹手指。蘸擦口中令遍。勿飲乳一時許。卽瘥。

初生穀道無孔。不得大便。急用金玉簪。揣其是孔處刺通之。以蘇合香少許。作小錠。納孔中。或以油紙絰之。勿令復合。

若非無孔。而大小便不通者。氣脹欲絕。令婦人以溫湯漱口。吸咽前後心。并臍下。手足心。共七處。每咽三五次。漱口更咽。取紅色爲度。須臾自通。不爾則死。或以葱汁乳汁各半調勻。抹兒口中。與乳吮下。亦通。

若小便不通。不欲飲乳者。以葱白一寸。四破之。以乳汁入銀石器內煎灌之。

若生鵝口瘡者。其候口內白屑遍生。舌上鼻上皆有之。不能吮乳。急以亂髮纏指。蘸薄荷汁。或井華水拭之。三日當脫。若不脫。可煮茯苓汁。令濃。以帛纏筋頭拭之。無茯苓。栗木亦可。或以白楊枝燒瀝塗之。

初生遍體無皮者。以白早米粉撲之。候生皮乃止。若如魚泡如水晶。碎則水流者。以蜜陀僧爲末糝之。

初生患連舌。以爪摘斷之。微有血出。無害。若血出不止。以髮灰傅之。連舌者。舌下有膜。如榴子中隔。連接舌下。令兒言語不轉也。

生六七日後。氣血收斂成肉。則口舌喉頰清淨。若喉裏舌上有物。如蘆管中盛水狀者。或如脹起者。可以綿纏長鍼。留刃如粟米大。刺決之。令氣泄。去青黃汁。日一刺之。不過三刺即愈。著舌下者。名曰重舌。著上腭者。名曰重腭。治如前法。

初生感風。鼻塞不通者。取皂角草烏等分爲末。薑汁調敷顙門。或以薑汁調天南星末敷之。又方。用生薑二片。葱二根。搗爛烘熱。貼顙門。

外腎縮入。不得出者。以硫黃茱萸各五錢。爲末。以蒜汁調塗臍腹。仍以蛇床子燒烟熏之。

初生遍體發丹毒。赤腫游走。若入腹即死。名曰赤游。乃胎熱也。宜以細鍼。隨赤暈周匝。刺出惡血。仍以芭蕉汁或蟻螬汁塗之。或以赤小豆末。和雞卵白塗之。亦良。初生二三日。面目繞鼻左右皆黃。閉目撮口而啼。口中乾燥。四肢不得伸縮者。乃血脈不斂也。血氣沮敗。不成肌肉。故有此候。宜龍膽湯。

龍膽湯 龍膽草鈎藤皮柴胡黃芩桔梗芍藥茯苓甘草 各八分 以水二合。

煮二合。兒生一日至七日。以三勺分三服。八日至十五日。以四勺分三服。十六日至二十日。以六勺分三服。二十日至三十日。以一合分三服。三十日以外。以二合分三服。凡寒熱驚掣。變蒸不解。客忤驚癇。食積皆可服之。見千金方。

凡嬰兒甫出。先以綿裹指拭口中。及舌上惡血。若啼聲發。便入腹中以成百病。斷臍後。宜與甘草湯。

甘草湯 以甘草如手中指一節。打碎。以水六勺。煮取三勺。見千金方。以綿裹沾取與兒吮之。計得一蜎殼許入腹止。兒胸中有惡物者。當快吐之。若不吐。須臾更與盡之。若不吐。是無惡物。勿更與也。

凡母乳兒。不欲太飽。飽則嘔吐。如太飽。則以空乳乳之。自消。夏不去熱乳。令兒嘔。冬不去寒乳。令兒咳且痢。甫交合即乳。令兒羸瘠。交脛不能行。將乳當先去宿乳。又用力極按之。勿令乳急出。令兒噎。若急出。以指按夾之。噎則奪之。令得息。然後乳之。兒若臥乳。母當以臂枕之。令乳與兒平。令兒不噎。欲寐。則奪其乳。恐填塞口鼻。且或致過飽。母臥。毋以口鼻向兒。恐氣吹其顛頂。母有熱勿乳。犯之。令兒變黃。

母怒勿乳。犯之令生驚發疳。上氣顛狂。母醉勿乳。犯之令身熱腹痛。母新吐下勿乳。犯之令兒虛羸。皆所當慎。

富貴家多置乳婦。而愚蠢之輩。不知慎護。不識避忌。寒燠失候。饑飽違理。因而致疾者最多。故善懷嬰者。當自乳爲善。必欲置乳婦。宜擇氣血清和。肥白壯盛之婦。毋犯胡臭。癭癭。癆疥。癰瘡。白禿。癰瘍。耳聾。鼈鼻。癩癰之疾。夫乳者。血氣之所爲也。兒之性情未定。藉血氣以涵養之。苟飲以惡濁之乳。則氣血日昏。性情日劣。變清明而爲愚蠢。爲患實深。又不特致疾之一端也。

大凡嬰兒氣血薄弱。施治難於常人。小有不慎。卽生重疾。愚醫不察。拘執謬說。肆用毒藥。往往而殤。夫疾作而治之於後。曷若未疾而慎之於先。未生則調之於母。旣生則適其飢飽。量其寒溫。疾從何生。而煩廣設謬方。遍倡邪說耶。集懷嬰一篇。有心保赤者。所當覽也。

拯危第十二

產後諸疾。危迫者多。頃刻生變。有延醫治藥所不及者。孫子所謂發於秋毫。廣於

嵩岱也。而世俗治此。恆昧其道。稍有不順。輒謂不治。治之不善。又不啻下石而殺之。蓋能起死而定亂者鮮矣。著拯危一篇。以政惑焉。產後血暈。最為危急。其候兒甫墮地。母即昏絕。不省人事。急令婦女。以膝裹綿軟舊衣。曲抵產戶。勿令氣泄。一人以一手挽頭髮。一手掩口鼻。俟稍轉動。乃可用藥。若不醒。以韭菜一把。細切瓶盛之。灌以熱醋。以瓶口向產母鼻管熏之。仍以鐵石器。火燒淬醋。令室中常得醋氣。或以醋噴其面。或以漆器燒之。用藥宜辨虛實。虛者。其候昏悶煩亂。卒然暈倒。口張手撒。遺尿鼾聲。四支厥冷。寸口脈微細散亂。或伏匿不至。此正氣大虛。微陽欲脫。陰離陽決。危在俄頃。救之稍遲。則氣不復返。宜清魂散。

清魂散

人參澤蘭各一錢二分

炙甘草一錢

當歸芍藥各二錢

荆芥穗一錢

作一服。水煎。加清酒引。見婦人良方。

定氣飲。

定氣飲

人參白朮阿膠各三錢

炮薑熟附子各一錢

大棗五枚

炒粳米一撮

濃煎。分二服。溫進。

獨參湯。

獨參湯 人參錢四五

長流水濃煎厚汁灌之。見醫說。或加炒米一撮

炮薑一錢尤妙。

六味回陽飲。

六味回陽飲 熟地黃五錢 當歸三錢 炮薑二錢

熟附子二錢 肉桂二錢 人參三錢 見幼幼集成。

相度用之。實者心下滿急。神昏口噤。腹脹氣粗。兩手拳握。脈無虛象。乃下血過少。惡露上逆。當破其惡血。宜黑神散。

黑神散 肉桂當歸白芍炮薑各二錢 乾地黃炒黑大豆各五錢 見幼

幼集成。

奪命散救之。

奪命散 沒藥血竭各等分。治為末。每用三錢童便清酒各半。煎數沸服。神效。

見丹溪心法。

若舌強不語者。敗血壅其脈絡也。宜四味散。

四味散 當歸延胡索血竭沒藥各一錢每用二錢童便或清酒調下。或并煎作

湯亦可。見丹溪心法。

若見鬼譫妄。言語顛倒。眼見黑花者。宜辨虛實。誤者即死。體素虛弱。下血過多。昏迷不省。瞑目無所知。甚則尋衣摸空。錯語失神者。虛也。又謂之鬱冒。暴亡其血。陽神無所依附。宜安神飲治之。

安神飲

人參 柏子仁

去油各三錢

黃耆 阿膠 當歸 茯神 各二錢

肉桂 炙甘草 各一錢

共作一服。

體素壯實。下血未多。發狂見鬼。面青口噤。角弓反張者。實也。敗血干心。亂其神明。宜蘇合香丸一錢。童便調服。或奪命散。四味散皆宜。方俱上血崩不止。是謂重傷。其候血暴下如注。急若山崩。故名曰崩。唇青肉冷。汗出目瞑。此由陽氣大虛。不得收攝。故直下無制。潰決而不可止。宜朝宗湯。

朝宗湯

歸身 一兩

芎藭 乾地黄 各五錢

芍藥 三錢

人參 黃耆 肉桂 炙甘草 各二錢

分二服。

補氣養血湯

補氣養血湯

人參 黃耆 當歸 白朮 芍藥 阿膠 芎藭 各二錢

艾葉青皮香附甘草各五分

熟附子一錢

縮砂仁一錢

共作一服。見萬病回春。

或攝陰湯治之。若少腹滿痛。肝藏已壞。不可治矣。

攝陰湯

熟地黃五錢

人參三錢

黃耆二錢

當歸五分

荊芥穗炙

棕櫚皮炙

甘草一錢

熟附子五分

作一服。

衄血者。口鼻血出不止。口鼻起黑色如烟煤。是胃絕也。氣血散亂。多不可治。急以

緋線一條。并產母頂心髮二莖。合繫產母手中指節。令極緊。仍用荊芥散治之。

荊芥散 荊芥穗爲末。每服二錢。童便調下。口噤開灌之。見婦人良方。

產後大喘。乃死候也。此由陽氣素衰。所下過多。血竭於下。氣留於上。無所依附。獨

聚肺中。孤陽絕陰。命在呼吸。宜獨參湯。上方見定氣飲。上方見乾薑六味回陽飲。上方見

上輕者。小參蘇飲。

小參蘇飲 濃煎蘇木汁。調人參末二錢。或三錢。作一服。見東醫寶鑑。

若血下少而作喘者。其喘不甚。由於瘀血入肺。窒礙氣道。宜桃仁湯治之。

桃仁湯

桃

仁二錢

杏

仁二錢

當歸貝母各一錢

茯苓三錢

乾薑人參各五分

若咳逆不止欲死者。以肉桂五錢薑汁三合同熬。稍服半合許。以手摩肺俞令熱。以餘汁塗之。時摩時塗。汁盡即愈。見婦人良方。

陰脫者。子宮脫出。或脫出如脫肛者。蓋產時努力所致。宜當歸黃耆飲。

當歸黃耆飲

黃耆三錢

人參當歸各二錢

升麻五分

甘草八分

右作一服水煎。日二。見丹溪心法。

若脫出如線。長三四尺。手觸之則痛甚者。宜慎護之。不可令斷。斷則死。以薑三斤。連皮搗之。清油二斤和炒。以油乾為度。以熟絹五尺許。疊數層。承其線。屈曲作圓形。納戶口。以絹袋盛薑溫熨之。冷即易。一日夜當入其半。二日當愈。仍內服失笑散助之。

失笑散

五靈脂蒲黃等分為末。每服二錢。童便或酒調下。見局方。

凡產後危症。皆屬虛寒惡血為患。僅十之三四。而昧者多以去瘀破血該之。肆用攻伐。復雜寒涼。邪說盛行。古法晦昧。夫血已亡而復破之。陽已衰而復泄之。危如

轉燭。正救猶恐不及。而尙妄謬爲之耶。有識者尙其慎之。毋爲邪說所惑也。

去疾第十二

產後治疾。當以溫補爲主。去瘀次之。千金方論曰。婦人產訖。五藏虛羸。惟得將補。不可轉瀉。若其有病。不須駛藥。若行駛藥。轉更增虛。就中更虛。向生路遠。朱彥修曰。胎前毋滯。產後毋虛。亮哉斯言。不易之法也。而方今醫者。用法多殊。陽虛發熱。妄用滋降。氣逆作喘。謂之痰火。豈未見千金諸說耶。朱氏爲滋陰降火之祖。而於產後大熱。亦用乾薑。雖說理未明。而用法則合。而宗其說者。并此而背之。可異也已。

脈經曰。產後之脈。洪實不調者死。沉微附骨者生。又曰。沉小者生。實大堅強急者死。蓋產後當虛。沉小而微。虛寒之象也。當虛反實。則陰陽相并。氣血脊亂。素問所謂氣并則無血。故脈象反盛。猶之真藏之脈。多屬堅強。絕無生意者也。知脈理則知治法。知治法則知病情矣。大凡產後諸疾。虛寒者十之六七。瘀滯半之。內傷外感又半之。而總不外溫補二

法。常有之候。曰惡露不行。曰發熱。曰尿血。曰無乳汁。曰頭腦心腹腰脇痛。曰嘔逆。曰淋瀝。曰遺溺。曰泄痢。曰便秘。曰陰腫痛癢。曰交骨不合。其甚者。曰傷寒。曰中風。曰浮腫。曰虛勞。凡此數者。世俗犯之。有終身不愈者。至中風虛勞。多歸不治。由古法久廢。下士多愚。非必死之症也。

惡露之後。產後下血過少。腹滿而脹。痛引少腹。牽掣腰背。宜加味生化湯。

生化湯 加澤蘭二錢 延胡五分 益母草三錢

甚者逆搶心胸。手足厥冷。脣乾腹大。短氣促喘。宜甘草湯。

甘草湯 甘草芍藥桂心阿膠各一兩 大黃三錢 以東流水三升。煮

一升。內膠令烊。分三服。見千金方。

若敗血不下。成塊作痛。俗謂之兒枕痛。乃血瘕也。宜失笑散。方見拯危篇立效散。

立效散 五靈脂爲末。每服二錢。溫酒調下。見局方。

古鐵酒。

古鐵酒 古鐵五錢 火燒令赤。以酒三合。入烊之。溫服。見千金方。

烏賊骨湯治之。

烏賊骨湯

烏賊骨三錢

桃 仁二錢

當歸芎藭芍藥阿膠各一錢五分

肉 桂五分

五靈脂一錢

作一服。

產後發熱。其候大熱煩躁。晝輕夜重。或譫語神昏。脈虛大者。虛也。宜當歸補血湯。
方見孕 腹內痛。有塊者。瘀也。宜生化湯。方見調 感冒者。宜補虛加乾薑湯。

補虛湯

加乾薑一錢

作一服。

見丹溪心法。

四物炮薑湯

四物炮薑湯

芎 藭一錢五分

芍 藥二錢

乾地黃三錢

炮 薑二錢

當 歸三錢

若因蒸乳而熱者。乳必脹痛。去乳汁即愈。若往來寒熱者。宜柴胡湯主之。

柴胡湯

柴 胡八錢

黃芩人參甘草各一兩

生 薑六錢

大 棗十二枚

半 夏三合

以水三升。煮一升五合。分三服。

見千金方。

新產無乳。其故有二。陽虛陰盛。無以化之。營血不得溫升。故不能生乳。體素羸弱者。多有之。舊說所謂血虛無乳者。即此候也。宜益陽以化陰。溫經以通絡。宜營湯

主之。

宣營湯

當歸黃耆阿膠各三錢

人

參五錢

芎藭芍藥各二錢

川貝母一錢

炮薑一錢

紅花甘草各五分

十味作一服。

氣滯血阻。脈絡不通。乳道壅閉。亦無乳。宜猪蹄湯。

猪蹄湯

猪蹄二枚

通草二兩

以清酒三升。浸之。加水一升。煮一

升。飲之。見千金方。達生編無通草。加生黃耆一兩。

當歸五錢

白芷五錢名通脈湯。

或貝母湯主之。

貝母湯

貝母一錢

連翹二錢

當歸川芎藭各二錢

桔梗白芷各一錢

赤芍川續斷各一錢

紅花五分

頭痛者。血虛也。其候痛連顛頂。掣引腦頂。緊急欲死。厥陰少陽陽明之脈。會於顛。

絡於額。貫於腦。驟亡其血。脈絡不安。故震動而痛。宜小補血湯。

小補血湯

川芎藭三錢

黨參一兩

阿膠五錢

即少挾風邪。不可發散。宜一奇散主之。

一奇散 川芎 藟當歸 各二錢

荆芥穗 一錢

作一服。見東醫寶鑑。

心腹疼痛。多由血瘀氣結。挾寒而起。宜芎歸理中湯。

芎歸理中湯 芎 藟 各一錢

當歸 黨參 白朮 各三錢

炮薑 枳實 各一錢

桃 仁 各五分

若虛羸而腹痛。少氣不得息。少腹拘急。牽引腰背。不能飲食者。宜內補當歸建中湯。

內補當歸建中湯 當 歸 三錢

芍 藥 六錢

甘 草 三錢

生 薑 二兩

桂 心 六錢

大 棗 十八枚

以水三升。煮一

升。分三服。見千金方。

腰痛者。下焦虛寒。血滯不行也。宜續斷飲。

續斷飲 續 斷 三錢

當歸 阿膠 各二錢

杜 仲 三錢

桃仁 延胡

各一錢

肉 桂 五分

脇痛者。肝虛也。宜四物乾薑湯。

四物乾薑湯 當歸 乾地黃 芍 藥 各三錢

川芎 藟 乾薑 各一錢

棗五枚

冬月產後臍下痛者。宜羊肉湯。

羊肉湯 羊肉四兩

當歸陳皮各二兩

生薑一兩

水一升。酒

五合。煮八合。分三服。

見醫學正傳。

嘔逆之候。腹脹滿悶。食入即吐。此敗血瘀阻。胃氣不降也。宜抵勝湯。

抵勝湯 赤芍藥半夏澤蘭人參陳皮各一錢

甘草五分

薑七片

作一服。見醫學正傳。

淋瀝遺溺。由於下焦虛寒。或產理不順。妄用謬法。損傷府絡。宜桑螵蛸散。

桑螵蛸散 桑螵蛸十五

鹿茸黃耆各一兩

牡蠣人參赤石脂厚朴各

一兩

治為末。每服一錢。米飲調下。

見東醫寶鑑。

鹿角霜飲。

鹿角霜飲 鹿角霜五錢

熟地黃八錢

黨參黃耆各三錢

韭子一錢

肉桂一錢

兔絲子二錢

損者。宜參朮膏。

參朮膏。人參白朮黃耆各二斤。熬膏。每服二錢。米飲下。見丹溪心法。

或參朮飲。然宜速治。緩則無及矣。

參朮飲。人參_{二錢} 白朮_{二錢} 黃耆_{一錢} 陳皮桃仁茯苓
各一錢 甘草五分 以猪羊脬一個煮湯。入藥再煎。去滓。作

一服。見丹溪心法。

尿血者。血隨溺下。滲瀝不已。甚則溺孔作痛。宜竹茹湯。

竹茹湯。竹茹_{六合} 人參芍藥桔梗芎藭當歸甘草桂心_{各三錢}

乾地黄_{三錢} 以水三升。煮取一升。分三服。見千金方。

若渴。或淋而渴者。宜竹葉湯。

竹葉湯。竹葉一升 生薑半夏_{各一兩} 大棗_{十四枚} 小麥二

合 甘草茯苓人參_{各三兩} 麥門冬_{六錢} 以水三升。煮竹葉小

麥。取二升。內藥。煮取九合。分三服。見千金方。

產後泄痢。多因脾虛感寒。其候雜下五色。或赤白膿血。日十數行。腹痛困頓。宜芍藥湯。

芍藥湯 芍藥乾地黃各一兩六錢

甘草阿膠艾葉當歸各六錢

以水二升。

煮入合內膠分三服。見千金方。

甚者。桂蜜湯。

桂蜜湯 桂心甘草各六錢

乾薑六錢

附子三錢

蜜三合

當歸一兩

赤石脂三兩

以水六升。煮一升。內蜜。煮數沸。分

三服。日一。見千金方。

禹餘糧湯。

禹餘糧湯。

禹餘糧五錢

白朮乾薑各二錢

黨參一兩

茯苓

三錢

陳皮川芎各一錢

炙甘草木香各一錢

分二服。

久不已者。宜豆麥飲。

豆麥飲 大豆微熬。小麥蒲黃各三合

吳茱萸一合

以水三升。煮一升。

分三服。見千金方。

泄瀉者。宜安中湯。

安中湯 白朮二錢

當歸黨參各二錢

炙甘草陳皮砂仁麥芽各一錢

生薑七片 大棗五枚

或補中益氣湯。

補中益氣湯 黃耆一錢 人參白朮當歸各五分 甘草三分

陳皮升麻各四分 柴胡五分 薑三片 棗三枚

作一服。見脾胃論。

便秘不通。多由津虧之故。或誤發其汗。陽泄於外。胃氣不降。宜澤府湯。

澤府湯 阿膠當歸各三錢 桃仁麻仁各二錢 黨參三錢

紅花五分

降胃湯。

降胃湯 人參陳皮各一錢 作一服。

陰腫痒痛。木鬱下陷也。宜溫肝湯。

溫肝湯 柴胡白芍川芎各一錢 當歸首烏白朮苡仁各三錢

葱白七枚 外以蛇床子煮湯熏洗之。

交骨不合。陽氣大虛也。宜十全大補湯。

十全大補湯 人參茯苓白朮各二錢 乾地黄黃耆當歸各三錢

白芍川芎各一錢五分 肉桂一錢 甘草五分

或加味芎歸湯前方見

產後傷寒。治法與產前同。產前宜安胎。產後宜補血。小柴胡湯主之。

小柴胡湯 柴胡三錢 黃芩一錢 人參半夏各一錢

甘草五分 薑三片 棗二枚 作一服。見醫學入門。

若因傷寒時疾。熱入血室者。宜小柴胡加桃仁五靈脂湯。小柴胡湯加桃仁五靈

脂各一錢

或柴胡地黄湯。

柴胡地黄湯 柴胡地黄各三錢 人參半夏黃芩各二錢 甘草五分

薑三片 棗二枚 作一服。見得效方。

熱渴者。熟地黄湯。

熟地黄湯 枯蕒根三錢 人參麥門冬各一錢五分 熟地黄一錢

甘草五分 糯米百粒 薑三片 見得效方。

人參當歸飲治之。

人參當歸飲 人參熟地黃當歸白芍藥麥門冬各一錢

桂 皮五分

青竹葉十片

粳 米一合

薑三片

棗二枚

見醫學入

門。

中風之候。舌寒唇急。手指振動。甚則牙關緊急。手足痠癱。背項強直。一身皆重。或痛或癢。嘔逆直視。角弓反張。名曰蓐風。此因虛氣冷濕。及勞傷所爲。千金方論曰。凡產後諸風。不得用毒藥。不得發汗。特忌吐利。犯之必死。蓋陽虛陰僣之候。中氣未定。乙木不得溫升。鬱而生風。播煽藏府。外則風冷襲之。束其皮膚。表氣壅遏。激烈愈增。內外交煽。津液消亡。筋脈攣縮。故手足痠癱。牙關緊急。項背強直。角弓反張。諸症作焉。較之尋常中風之候。其甚十倍。治亦如之。非可忽略爲也。千金大豆紫湯。

大豆紫湯 大豆二升

清 酒三升

以鐵鑪猛火炒豆焦。令煙出。以酒

沃之。去豆。服三合。一日盡之。見千金方。

獨活湯

獨活五兩

大豆二升

舊酒三升

以漬獨活再宿。

若急用。微火煮令減一升。另炒大豆焦。以此沃之。去豆。分五服。日三夜二。

見千金方。

華陀愈風散。

華陀愈風散

荊芥炒為末。每服三錢。

豆淋酒調下。

見得效方。按豆淋酒。

即上大豆紫湯。每服一合。

海藏防風當歸散。

防風當歸散

防風當歸芎藭熟地黃各二錢

作一服。

見東醫寶鑑。

皆精當可用。若中柔風者。舉體疼痛。自汗出。宜獨活當歸湯。

獨活當歸湯

獨活二兩

當歸三錢

以酒二升六合。煮取一升三合。分

四服。見千金方。

若夏秋。宜用浴法。

浴法

鹽六升

雞毛一把燒

以水三斗三升。煮鹽作湯。內雞毛灰浴之。

見千金方。

產後浮腫。乃大虛也。脾恃中氣以運陰陽。中氣者陽氣也。產後亡血。陽氣大虛。脾無所恃。失轉運之正。水氣停蓄。津液阻梗。木鬱於左。無升達之力。金逆於右。無下行之路。氣位於上。水位於下。肺不降則水上逆。肝不升則氣下陷。上逆則腫頭目。下陷則腫肚腹。四肢者。諸陽之本。脾之所屬也。血亡陽散。失所依附。漁於四末。而水濕隨之。無所泄越。故壅阻而為腫。前人論此。謂惡血流入四肢。夫惡血淤滯。能為痿痺。而不為浮腫。淺小之見。無足深辨。前人諸方。精者絕少。宜取中湯。

取中湯 黃耆人參白朮各五錢

茯苓當歸各三錢

炙甘草一錢

陳皮一錢

苡仁一兩

肉桂一錢

生薑三錢

大棗十二枚

作一服。

小腎氣湯。

小腎氣湯

熟地黃當歸人參各三錢

澤瀉五錢

白朮五錢

熟附子二錢

肉桂一錢

茯苓三錢

作一服。

若因中風而腫者。宜大豆酒治之。

大豆酒 大豆一升

以水八升。煮取一升半。去豆。更煎減半升。內白朮二

六附子一兩獨活一兩生薑六錢添水三升。煮二升。內好酒六分再煎。取一升五合。分五服。見千金方。

產後虛勞。名曰蓐勞。其候乍起乍臥。飲食不化。時作咳嗽。目昏頭痛。口渴盜汗。寒熱往來。喘乏自汗。少氣驚悸。此由攝養不善。內傷七情。陽陷陰逆。升降倒置。藏府交病。表裏均虧。誤用寒涼。即死不治。宜羊肉湯。

羊肉湯 羊肉一斤去脂 當歸桂心甘草各六錢 芎藭一兩 芍藥

生薑各一兩 乾地黄六錢 以水五升。先煮羊肉。取二升三合。內藥。煮取一升。分三服。見千金方。

猪腎湯。

猪腎湯 猪腎一具去脂 香豉用綿裹 白粳米 葱白各三錢 以

水一斗。煮取二升。任意服之。見千金方。或加當歸人參各六錢。見廣濟方。

羊肉黃耆湯。

羊肉黃耆湯 羊肉十兩 黃耆一兩 大棗三十枚 茯苓甘草

當歸桂心麥門冬乾地黄芍藥各六錢 以水六升。煮羊肉。取三升。
內諸藥。共煮六合。分三服。一日盡。見千金方。

鹿肉湯。

鹿肉湯 鹿肉五斤 乾地黄甘草芎藭黃耆芍藥麥門冬茯苓各六錢

人參當歸生薑各三錢 半 夏三合 大棗二十枚 以水

八升。煮肉取四升。內藥。取一升六合。分四服。見千金方。

當歸芍藥湯。消息治之。

當歸芍藥湯 當歸二錢 芍藥人參桂心生薑乾地黄甘草各三錢

大棗二十枚 以水二升。煮取一升。分三服。見千金方。

若流汗不止者。宜鯉魚湯。

鯉魚湯 鯉魚十兩 豉葱各三合 乾薑桂心各六錢 以水三升

煮魚。取二升。內藥。煎六合。去滓。分二服。見千金方。

虛煩者。人參湯。

人參湯 人參當歸麥冬乾地黄桂心各三錢 大棗二十枚 粳米三

合 芍藥三錢 淡竹葉一升 以水四升。先煎竹葉及米。取二升六合。內藥煮一升。分三服。見千金方。

甘竹茹湯

甘竹茹湯 甘竹茹三合 人參三錢 茯苓甘草各六錢 黃芩

一兩 水二升。煮六合。分三服。見千金方。

兼見大熱者。宜知母湯。

知母湯 知母一兩 芍藥黃芩各六錢 桂心甘草各三錢 水二

升。煮八合。分三服。見千金方。

胸中逆氣者。宜薤白湯主之。

薤白湯 薤白半夏甘草人參知母各六錢 石膏一兩 栝蒌根一兩

麥門冬五合 以水四升。煮取一升三合。分五服。見千金方。

若因交合過早。勞損下血者。宜熟地黃湯。

熟地黃湯 熟地黃五錢 當歸蟹爪鹿角膠男子視襠各一錢

伏龍肝七分 白茯苓芍藥各五分 桂心甘草各二分 作

一服。見醫學正傳。

凡此諸候。皆常見之疾。達其理。通其法。無有不瘳。外此則有跌仆損傷。一切非常異候。皆不具著。明其大旨。推廣而貫通之。亦可無所窒滯矣。

產孕集補遺

涇縣 包 誠興言纂輯
鄞縣 曹赤電炳章圈點

養孕篇

凡孕三四月。體氣素虛者。宜服保孕丸、固胎散以養之。

千金保孕丸

杜仲

入兩糯米煎湯拌勻炒斷絲

川續斷三兩

二味爲細末。以淮

山藥五兩。煮爛作糊爲丸。米飲下。忌酒醋。

丹溪固胎散

熟地五錢

歸身一錢

人參一錢

炒白芍一錢

白朮

一分土炒五錢

川芎五分

陳皮一錢

條芩五分

甘草二分

川連少許

黃柏少許

桑寄生酒炒

糯米七十分

水二盞。作一劑。下血加阿膠三錢。胎氣痛加砂仁八分。

孕疾篇

若患惡阻。大嘔吐血。食飲不下。寒熱往來。肢節疼痛。疲倦自汗。惡聞食臭。勢甚危殆。服橘皮茯苓湯。半夏茯苓湯。不效。或兼外感咳嗽而嘔吐血者。宜前蘇半夏柏葉飲。止嘔止血。服二三劑。自能飲食矣。

前蘇半夏柏葉飲 前 胡 八分 蘇 葉 五錢 製半夏 五錢 側柏

葉 五錢 阿 膠 二錢 蒲 黃 炒 川貝母 五錢 桔 梗 五錢

當 歸 一錢 五 分 炒 茯 苓 三錢 紫 苑 一錢 甘 草 五錢

陳 皮 一錢 生薑搗去汁。用渣一錢。淡竹葉十片。水二盞。煎服。

治妊娠傷寒。頭痛壯熱。肢節煩疼。石膏大青湯。

石膏大青湯 石 膏 二錢 大 青 二錢 黃 芩 一錢 葱 白 四

莖 前 胡 一錢 知 母 一錢 炒 梔子仁 一錢 七味水

煎。去滓溫服。此方既可散邪。又能安胎。見醫通。

若體虛者。妊娠心煩。熱鬱不解。悶瞖氣結。口破舌乾。起臥不安。宜加味竹葉湯。

加味竹葉湯 白茯苓 二錢 麥 冬 三錢 心 黃 芩 一錢 人 參 一

錢 粳 米 一撮 竹 葉 片 二十 水煎空腹熱服。肥人加半

夏一錢製

生薑二片 見醫通。

孕婦有水從陰戶出不止者。用千金鯉魚湯加肉桂人參。

千金鯉魚湯

加肉桂五分

人參一錢

鯉魚湯見孕疾篇。

治妊娠腹痛不能行動者。通氣散。

通氣散

破故紙不拘多少。瓦上焙令香。右爲末。嚼胡桃肉半個。空心。黃酒服

二錢。

治氣血兩虛。下血不止。胎動欲下。宜萬密齋膠艾湯、桑寄生湯、河間二黃散、丹溪條芩湯皆可選用。

膠艾湯

阿膠三錢蒲黃炒

艾二錢

川芎一錢

甘草八分

當歸一錢五分

白芍二錢炒

熟地二錢

水酒各一盞煎

服。

桑寄生湯

桑寄生三錢酒炒

川斷二

熟地三錢

人參二錢

白朮二錢

艾一錢

川芎一錢

當歸三錢

作

一服。

河間二黃散 生地黄黃芩等分煎服。

丹溪條芩湯 條芩三錢 白朮一兩

砂仁阿膠各三錢

右爲末。每服三錢。艾湯下。治血熱漏下。

治妊娠忽下黃汁如膏。或如豆汁。胎動腹痛。用黃耆一兩川芎一錢糯米一合

煎服。見醫通。

妊娠跌仆。凝血作痛。欲服活血藥則恐傷胎。不服藥則傷不去。治之當辨胎之死生。如無別症。只用黑糖熬枯。入紅酒童便調服。細嚼連皮胡桃肉過口。死胎當下。生胎能全。其痛即止。若傷去而胎氣未安。宜柴蘇飲加砂仁童便。若跌仆傷疼痛。紅腫不能行動者。宜七星散外敷之。

紫蘇飲 紫蘇當歸白芍炒 川芎各一錢 人參一錢 陳皮八

分 甘草五分 大腹皮一錢 生薑二片 葱白

四莖 加砂仁八分 童便和服。

七星散 川烏三錢 草烏三錢 桂枝當歸甘松紫荊皮各五錢

細辛二錢

右七味研細末。加飛麵一兩五錢。用高粱燒酒調和。隔水燉熟。敷傷處。輕者一次即愈。重者兩次。痛止腫消。

若因勞碌胎動血崩者。宜生熟地湯。

生熟地湯 生 地酒炒 大熟地錢各三 人參當歸白芍錢各二 阿膠

蒲黃 炒 棗 仁錢各三 艾八分 川 斷五分錢 桑寄生錢五

酒炒 櫻櫚皮炙一錢 杜 仲炒三錢薑汁 黃酒一杯和服。

辨產篇

凡胎未足十月。忽然腹痛。或作或止。或痛不甚者。名曰弄胎。或腹雖痛甚而腰不甚痛者。或胎高未陷者。或穀道未挺進者。或水漿未破者。或漿水雖出而腹不痛者。皆屬氣虛。並非正產之候。惟宜獨參湯助之。慎勿妄投藥餌。致產母驚恐而妄亂用力。直待子逼產門。腰重極痛。眼中如火。穀道挺進時。方可用力。兼服催生藥。如千金方用阿膠三兩。車前一兩。滑石一兩。為末。飲方寸匕。不下。少頃再服。此藥臨時服之。不可先服。

產戒篇

臨蓐飲食宜調。不可不食。受饑。使母無力。尤不可過食太飽。使兒氣不能運。多致子母受傷。因而產後發熱泄瀉。中脘結痛。皆緣飲食所傷。即湯水亦宜少用。往往有膀胱破損。良由引飲過多。尿脬脹滿所致。種種危候。尤忌飲酒。每致血逆上奔。急與熱童便壓之。然多有不救者。

應變篇

產婦或不順理。以致胎逆不下。即用草薢子十四粒。硃砂雄黃各五分。蛇蛻一尺。燒灰。麝香一字為末。將水和作一丸。先用川椒湯洗臍中。置藥於內。再用紙數重覆蓋。以帛繫之。胎下。下即去藥。切勿遲緩。見醫通。

若冬月胎死堅硬。腹中覺冷。用香桂散加烏頭。及黑神散。琥珀黑龍丹。皆可應用。

香桂散 肉桂三錢

麝香三分

生川烏三錢

酒煎和滓服。

黑神散 見前拯危篇。

琥珀黑龍丹

五靈脂

酒浸澄去砂

當歸川芎地黃良薑

各三兩

五味入陽城罐

內鹽泥封固。炭火煨通紅。去火候冷。研細。入下項藥。

琥珀百草霜

硫黃花蕊石

乳

香各三錢

五味研細。同前藥和勻。米

醋和丸。如彈子大。臨服將丸以炭火煨紅。投入生薑汁內。浸碎研化。以無灰

酒入麝香少許。不時頻服一口。加童便尤宜。

胞衣不下。古法用蛇蛻一條。香油燈上燒研。入麝香為末。童便調服。或加蘄艾阿

膠蘇木各一錢。麥芽末打糊為丸。名烏金丸。童便服之。兼治難產死胎不出。單方

用草薢子肉。研塗產母右脚心。胞衣下。急洗去。緩則腸亦出矣。

調攝篇

產後九禁。一禁臥。二禁酒。三禁浴。四禁寒。五禁汗。六禁下。七禁利小便。八禁寒涼。九禁起動作勞。

拯危篇

產後血暈。最爲危急。無暇延醫。卽問收生婆產婦下血多少。如下血太多。陽脫陰離。危在頃刻。藥煎不及。用人參三五錢。口嚼喂之。隨卽用清魂散。六味回陽飲以救之。遲則不及矣。曾見一婦人頭生。素常嬌養。體弱不能忍痛。腹稍痛。張皇坐草。而痛不連腰。以爲正產。至四五日而胎不下。祈神服藥。至六日胎下。產婦上床而臥。卒然暈倒。四肢厥冷而氣絕矣。敗血上衝有三。或歌或舞。怒罵談笑。口咬拳打。病如顛狂者。此敗血衝心。多死不治。醫通用花蕊石散最捷。琥珀黑龍丹亦效。症屬極危。非用峻厲之藥。不能起死回生。切勿因係石品棄之。

花蕊石散 花蕊石五兩

硫 磺二兩

二味研末。入陽城罐內。鹽泥封

固。煨一伏時。研如麵。每用二錢。童便調服。

見醫通。

琥珀黑龍丹 見

前。若衝胃者。用平胃散加薑桂。若衝肺者。面赤嘔逆欲死。用參蘇飲。甚者加芒硝蕩滌之。

平胃散

蒼

朮

四兩 兩米泔浸再

厚

朴

薑汁炒 三兩 去皮

陳

皮

三兩 炮去

甘草^{三兩} 四味爲散。每服四五錢。加肉桂^{五分}炮薑^{五分}水煎溫服。

參蘇飲 人參^{五錢} 蘇木^{五錢} 加芒硝^{三錢}水煎。入童便熱服。大便澹泄者禁用。見醫通。

去疾篇

或因小兒鼻孔吹乳。名曰乳吹。致乳腫脹而痛。用錫茶壺一把。去蓋。將乳塞在茶壺內。叫人吸茶壺嘴。用力吸久。其乳汁吸出。即腫消不痛矣。治乳吹結核腫痛。輕者用生鹿角尖酒磨二錢煎服。即消。重者腫硬。恐成乳癰。用蚤休三錢。大貝母三錢。研末。黃糖拌藥末。黃酒調下三錢。蓋被取汗可消。外用油梳烘熱熨乳亦可消。

產後呃逆者。胃寒所生。因受風冷搏氣逆上。乃胃氣虛寒之極。宜理中湯加丁香末。應者急投參附。遲則不救。

理中湯 人參^{三錢} 白朮^{三錢} 乾薑^{三錢} 甘草^{三錢}

加丁香八分分三服。

產婦尿胞損破致病淋瀝者。法當峻補。用天然黃絲二兩。白芨三錢。人參三錢。水煎。至絲爛如錫服。勿作聲。作聲則泄氣無效。名補胞飲。又方。用參耆朮草四味熬膏。猪羊胞煎湯。饑時調服。月餘胞長淋止。

金匱云。少陰脈滑而數者。陰中生瘡。陰中蝕瘡爛者。狼牙湯洗之。狼牙草市中少有之物。非狼毒也。

又方。治陰癢痛甚者。苦參蛇牀子各一兩。煎湯洗之。頗效。能去濕熱也。外用柳花散搽患處。

柳花散 黃蘗末五錢

青 黛八分

肉 桂五錢

冰 片一分

共研細末搽患處。

產後麻木者。症因去血過多。氣無所附。是以遍身手足俱麻。木枯風動。賊傷脾土。是以少腹大痛。頭暈欲死。此非惡露凝滯。乃中虛氣血虧損之故。宜六君子湯。加歸耆肉桂再服。十全大補湯。加阿膠鹿角膠。其病則安。

六君子湯 人參白朮土炒茯苓各二錢

甘草炙半夏製陳皮各一錢

十全大補湯 生薑三片 大棗三枚 加當歸三錢 黃耆二錢 肉桂一錢
見前去疾篇加阿膠三錢 鹿角膠三錢 黃炒三錢 蒲

產孕集終

產孕集補遺去疾篇

產 孕 集 補 遺 去 疾 篇

〔清〕

吳道源

著

女科切要

中國醫學大成

女科切要提要

清吳本立纂輯。本立字道源。海虞人。是書乾隆癸巳刻成。先生究心岐黃術。歷數十年。上採前賢之著述。旁錄時人之議論。窮源竟委。鉅細無遺。先成痢證。匯參一書。風行海內。已採入本集第六類中。復念女病難醫。將平時所輯前哲要語。分門別類。彙集一書。其第一卷。列調經。第二卷。列血崩、便濁、白淫、淋帶、血膨、血癖、經準不孕。卷三。列廣嗣、受孕、脈法、十月胎形、論妊娠調護法、小產、正產、安胎。卷四。列妊娠諸病。卷五。列臨產諸病。卷六、七、八。皆列產後諸病。及絕產不育、婦女雜症等類。皆本實驗。方全法備。簡明切要。苟能將此書熟讀揣摩。然後臨證治病。不難著手成春也。

女科切要提要

自序

古云。寧醫十男子。莫醫一婦人。誠以女病倍於男子。而更多不可名言之隱也。其居富貴之地者。更面藏帳幃。臂蓋綺紈。醫者望聞既難。切脈亦無從仔細。故女科益難從事焉。余幼殫精舉業。亦究心岐黃。緣歷試不遇。遂以方藥應世。數十年來。窮源竟委。上採前賢之著述。旁錄時人之議論。成痢症匯參一書。既爲四方君子稱評。勸授梓人。茲復念女病難醫。卽平日所輯前哲要語。分門別類。彙爲一帙。顏曰女科切要。質諸二三同志。具云語簡而明。此書一出。將臨症者。俱可唾手取驗。而至難醫者。從此不難。亟當傳世。以爲普濟之資。因不揣固陋。勉付剞劂云。

時乾隆癸巳小春梅溪吳道源題年七十有五

女科切要 自序

女科切要目錄

卷一

調經門	一
經水先期而來	七
經水過期而來	八
經行腹痛	一〇
血風	一一

卷二

血崩	一
便濁	六
白淫	九

卷二

淋證	一二
白帶	一三
血膨	一五
血癖	一六
經准不孕	一八
熱入血室	二〇

廣嗣論

胎前門	七
受妊脈法	七
男女脈法	七

雙胎脈法.....七

死胎脈法.....七

鬼胎脈法.....七

逐月胎形論.....七

妊娠調護法.....一三

小產.....一六

安胎.....一八

卷四

妊娠中風.....一

妊娠傷寒.....二

妊娠跌撲.....三

妊娠心腹痛.....四

脇肋痛.....五

卷五

子腫.....五

胎漏.....六

胎前雜症.....七

難產.....一

臨產.....三

兒捧母心.....五

胞衣不下.....六

交骨不開.....六

難產縮胎法.....九

婁氏十產論.....一一

卷六

卷七

產後門	一
產後血暈	五
敗血衝心	五
產後鬱冒	六
產後如狂喘滿	六
血虛發熱	九
氣血大損病	一〇
產後脈法	一一
產後蓐勞	一二
產後胞衣不下	一四
努力傷胎	一四
胞衣先破	一四

產後虛渴	一
產後浮腫	二
產後發熱	三
初產作乳	三
產後風痿	四
產後怔忡	五
產後中風	六
血暈氣脫	七
產後陰虛	八
產後瘧疾	九
產後傷風	一〇
產後泄瀉	一〇
產後心腹痛	一一
產後咳嗽	一二

卷八

產後脚氣	一四
產後遍身疼痛	一五
產後氣喘	一六
產後呃忒	一六
產後嘔吐	一七
產後吞酸	一七
產後不語	一七
產後頭痛	一八
產後胞損	一八
產後小便不利	二〇
產後衄血	二一
產後無乳	一

產後崩淋帶下	二
產後陰脫	三
產後玉門腫痛	四
產後脇痛	五
產後陰癢	五
產後下血成片	六
產後尿胞墜下	六
絕產不育	七
產婦乳裂	七
產後陰戶翻出	八
附婦人雜病諸方	八
附婦人修飾	一四

女科切要

清 海虞 吳道源本立纂輯

鄞縣 曹赤電炳章圈點

卷一

調經門

經閉爲女人病者。蓋因女子以血爲主也。使其經脈調和。往來有準。有以應水道潮汐之期。舊血旣盡。新血復生。有以合造化盈虧之數。則周身百脈。無不融液而和暢。夫何病之有。設或閉焉。則新血滯而不流。舊血凝而日積。諸病叢生。凡血癖血風。與夫熱入血室之證。多自此而始矣。然要其經閉之由。必有所因。或月事適至之時。因渴飲水。并食生冷之物。及坐冷水中洗浴。寒氣內入。血卽凝滯。遂令經閉。又或因墮胎多產而傷其血。或因久患潮熱而銷其血。或因久發盜汗而耗其血。或脾胃不和。飲食減少。而不能生血。凡此類。皆能令人經閉。其肥白婦人。經閉

而不通者。必是濕痰與脂膜壅塞之故也。宜以枳實爲君。佐以蒼朮、半夏、香附、烏藥、厚朴、牛膝、桃仁之類。則濕痰去而脂膜開。其經自通矣。黑瘦之婦經閉者。血枯氣滯也。治宜補血理氣。君以歸身、白芍、人參、廣皮、香附之類。或因墮胎多產而傷其血。或久患潮熱而銷其血者。不可用行血之劑。宜以四物爲主。佐以木香、香附、厚朴、甘草之類。兼調其氣。久而自通矣。有因感暴怒而經閉者。治宜開鬱活血。君以鬱金。佐以官桂、香附、木香、桃仁、牛膝之類。煮酒煎服。或因食生冷而經閉者。君以官桂。佐以乾薑、木香、厚朴、香附、紅花、歸尾之類。因坐冷水而經閉者。君以附子。佐以官桂、木香、山查、桃仁、當歸、乾薑、川芎之類。室女及笄而天癸不至。而飲食如常者。只是氣血未足。人間往往有之。必服藥療其雜病。時至。經自流通。亦有年長大而經竟不來者。仍能受孕。名曰暗經。每月至期。必作腰痛。此前人之所未發也。有至期而經水不行。上逆而嘔血者。名曰倒經。治宜當歸、大黃湯。有室女經水既通。而至期復又不來者。必須視其有證無證。驗其似疾非疾。若面色不改。飲食如常。身無內熱。名曰歇經。非疾也。乃血不足也。若面黃肌瘦。內熱。是爲童癆。診其肝脈。弦出寸口上魚際。非藥所能治也。急與之成婚。則陰陽和。自然經行而疾去矣。

否則十死八九。亦有氣血不足者。必面黃肌瘦。常帶微熱。雖歇幾年。服藥亦可通之。但不可用破血剛猛之藥。如蝨蟲、山甲、三稜、蓬朮之類。只宜用補血生血之藥。以四物歸脾加減可也。至寡婦尼姑經閉。乃因有懷不遂。法當開鬱而理其經爲妥。

大凡婦人經閉。氣不調和。因而血不流轉故也。故調經須以理氣爲先。亦有血海虛寒。小腹冷痛者是。宜服大溫經湯。有氣血虛損者。外發潮熱。頭痛昏重。肢體倦怠。五心煩熱。心忡面赤。口燥神焦。腰背酸疼。盜汗出者是也。宜服丹皮散。有氣血凝滯。腹中結塊。腰腿重疼者是也。宜服通經六合湯。或紅花當歸散。以逐其瘀。通其經絡也。亦有胃氣不調者。貌本壯實。飲食漸減者是也。蓋胃氣不調。亦能令人經水不通。當以異功散。逍遙散之類間服。一以消食健脾。使飲食加而元氣復。一以和其氣血。使氣血調而經自行矣。凡婦人女子骨蒸潮熱。痰嗽。經水不行。診其脈七八至。視其骨肉消瘦。必死之症。不必用藥。大抵男子與婦人同。

四物湯

熟地

當歸

白芍

川芎

水煎服。

歸脾湯

人參

白朮土炒

棗仁

茯神

黃耆錢半

當歸

遠志一錢

木香

炙草五分

龍眼肉

薑棗煎服。

大溫經湯

鹿茸

香附

沉香

白朮

陳皮

熟地

當歸

白芍

川芎

吳茱萸

小茴

茯苓

元胡

人參

甘草

丹皮散

丹皮

肉桂

歸尾

元胡

牛膝

赤芍

三稜

蓬朮

水煎服。

通經六合湯

熟地

白芍

當歸

川芎

半夏

茯苓

益母

貝母

白朮

知母

橘紅

水煎服。

紅花當歸散

當歸

紅花

桃仁

元胡

川芎

小茴

鬱金

水煎服。

如聖散 治崩漏不止。

棕灰

薑灰

烏梅

各五錢

水煎服。

逍遙散 解鬱調經。

當歸

白芍

茯苓

白朮

甘草

柴胡

薄荷

丹皮

山梔

化氣丸

大凡女子。稟性偏執。若欲治病。先戒性急。或因怒氣。或因憂鬱。憂鬱生痰。怒氣傷血。或為疼痛。或為淋疾。淋有五種。變為五色。若欲無病。經水要正。月應乎天。水應乎地。一月一來。如期潮信。懷孕安胎。坐草理順。經或不准。前後當訊。參前屬熱。落後屬寒。熱當清涼。寒宜助溫。血熱血虛。或清或補。有孕得疾。先保其胎。次調其疾。宜無後災。延及產後。疇能救哉。新產之後。醫法有餘。先去惡露。後當補虛。補虛太早。穢不能除。惡心氣喘。瀉利汗珠。此為四惡。扁鵲難醫。症見一惡。病亦難起。小心醫治。免死而已。十月懷胎。一朝坐草。瓜熟蒂落。慎勿起早。無知婦女。昏愚嫗老。非理催逼。反成煩惱。叮嚀戒爾。守此正道。孕婦之脈。堅強最妙。細而微濡。命恐難保。新產之脈。沉遲細小。倘遇洪大。其症必倒。敗血衝心。語言亂道。或笑或歌。佛名神號。痰犯心包。同是狀貌。敗血攻心。始終煩惱。龍齒參歸。十神湯效。痰犯心包。昏而

有覺。重加芩連。導痰湯較。或夾疾病。先慎風寒。灸燂油膩。萬勿加餐。病久危困。先喻其難。醫爲仁術。細審病端。子懸子冒。子煩子癰。治各有條。不容遺漏。已經懷孕。月水仍來。血有餘也。名曰胎漏。生子不實。腹中有塊。血氣之鬱。溫血益氣。削除其積。元氣若虛。且從姑息。虛弱之證。自汗骨蒸。參耆胡連。治之量情。神仙妙術。起死回生。悉心體之用。無不靈。

經水先期而來

室女婦人經事先期而來。其故有二。有熱甚者。有氣血多而傷血海者。血熱者腹多不痛。乃火也。身必熱。其色必紫。其脈必洪。宜涼血。地黃湯。虛熱者逍遙散。或補中益氣加黃柏、知母。或四物加陳皮、香附、黃柏、知母、醋糊丸服。如腹中冷痛。禁用寒涼。而用五積散。若瀉者。先理脾胃。咳嗽者。逍遙散加川貝。若氣血多而傷血海者。其腹必痛。以補血行氣爲主。亦慎用涼藥。宜歸附丸及霍香正氣散。若婦人四十外。月經或二三日一至者。日久必成淋症。王肯堂曰。月事先期而來。血熱必帶紫色。或先或後。血色淡而稠粘者。痰也。將來而先腰腹痛者。血海空虛而氣不收。

攝也。或止或來無定期者。因氣不調。故血亦隨之爲行止也。或一月兩至。或數日一至。乃氣虛而血熱也。或經年之後。累數日而不能止者。乃血海脫滑。兼有火以動之也。既止之後。隔兩三日而復見微血者。以舊血未盡。爲新生之血所催。故不能容而復出也。明理者觀之。卽可以施治矣。

經水過期而來

凡婦人女子。月事過期而來。其說有三。有血虛者。有血寒者。有澀滯者。血虛腹不痛。身微熱。然亦有腹痛者。乃空痛也。宜服生氣補血之藥。八物湯加香附。血寒者。歸附丸以脈辨之。若浮大而無力。微濡芤細。皆虛也。沉遲弦緊。皆寒也。王肯堂云。經水過期而至。血虛也。其色必淡。治宜補血爲主。以四物加香附、艾葉、五味、麥冬之類。倍加當歸、熟地。血淡而稠粘者。以化痰爲主。二陳湯加香附、生薑、砂仁。如經水將來而腰腹痛者。以行氣爲主。宜君以木香。佐以枳殼、香附。同四物煎服。如經水止而復腰腹痛者。以補血爲主。君以熟地。佐以歸芍、參朮、芎、苓、香附、陳皮、甘草之類。或一月兩至。數日一至者。以補血涼血爲主。宜八物湯加黃連、山梔、龜板。炒

蒲黃之類。或止或來無定期者。以調氣為主。君以香附。佐以陳皮、烏藥、砂仁、艾葉之類。與四物同煎服。經數日不止者。以涼血為主。君以炒黑山梔。佐以炒蒲黃、地榆炭、牡蠣、側柏、香附之類。經正後。過二三四日復見微血者。以四物湯為主。加香附、陳皮、甘草之類煎服。然此不足為病。即不服藥亦無害也。

八物湯

熟地

白芍

川芎

當歸

白朮

人參

廣皮

半夏

五積散

白芷

陳皮

厚朴

當歸

蒼朮

麻黃

川芎

白芍

官桂

桔梗

甘草

水煎服。

二陳湯

半夏

茯苓

陳皮

甘草

水煎服。

醋煎散

赤芍

烏梅

甘草

香附

三稜

蓬朮

官桂

加醋半杯水煎。血多加當歸、紅花、青皮。

艾煎丸

白芍

熟地

艾葉

川芎

當歸

人參

石菖蒲

各等分爲末。醋糊丸。

歸附丸

當歸

附子

逍遙散見調經

經行腹痛

婦人經水適行。小腹作痛者。氣血澀滯也。用四烏湯。經行而腹痛者。或屬虛寒。然氣亦能作痛。恐有血瘀氣滯。不必驟補。先用四物加陳皮、香附。次用八物湯加香附。如瀉者。先止其瀉。而痛自止矣。有每遇經行。輒頭痛心忪。飲食減少。肌膚不潤。澤者。宜加減吳茱萸湯。亦有衝任虛衰。小腹有寒。月水過期。不能受孕者。大溫經湯主之。有經水過而作痛者。血虛有寒也。法當溫經養血。宜四物加桃仁、香附、肉桂。有經行著氣。心腹腰脇疼痛者。血瘀氣滯也。當順氣消瘀。青皮、歸芍、桃仁、紅花、川芎、烏藥。水煎服。有經水過期而來作痛者。血虛有熱也。宜生血清熱。四物加桃仁、香附、丹皮、甘草、元胡。有經水行後而作痛者。氣血虛而空痛也。法當調養氣血。宜八珍湯加薑棗。有經水過多久不止而腹痛者。乃脾經血虛也。治宜補血健脾。四物加白朮、茯苓、木香、厚朴、香附、陳皮、乾薑、甘草。水煎。

血風

血風者。經水逆行。上攻於腦。頭目旋悶。不省人事。甚至滿頭滿面。皆發赤斑者。此因經水適臨。感冒風邪所致。蓋風善行而數變。其勢易上而難下。經水爲風邪所

激。以故倒流而上行也。血風乃血證中之最急者。宜以四物為主。加山梔、桃仁、紅花、荆芥、防風、天麻、薄荷、白朮之類。其所以用白朮者。以其能去面上遊風。及利腰臍間血故也。

四烏湯

烏藥

當歸

三稜

文朮

赤芍

紅花

桃仁

官桂

益母

香附

吳茱萸湯

吳茱萸

人參

大棗

老薑

八珍湯

熟地

白芍

川芎

當歸

人參

白朮

茯苓

甘草

八物湯

見經水過期

大溫經湯

見調經

四物湯

熟地

白芍

當歸

川芎

女科切要卷一血風

女科切要

清海虞吳道源本立纂輯

鄞縣曹赤電炳章圈點

卷二

血崩

崩淋之病。相似而實不同。崩者如土之崩。其勢大下而不禁。乃血熱而兼氣虛。不能收攝也。淋者如水淋漓。艱澀而不通快。乃內鬱熱而氣亦滯也。然崩則純血。淋則有赤白沙石之異。赤者屬血。白者屬氣。沙石者。氣血之尤濁者也。治此病者。惟調其氣血。清其內熱而已。

鄭文康曰。婦人暴崩下血。此因腎水陰虛。不鎮制胞絡相火。故血走而崩也。涼血地黃湯主之。然此症多起於內傷。若小腹不痛。只宜此藥。或八物湯加芩連。若痛者。先宜大劑四物湯歸身。白芍。川芎倍之。加醋製香附。若用補藥。宜補宮湯加芩

連。又血崩證有二說。瘀血也。空痛也。瘀血者。體必作寒熱。空痛者。不作寒熱也。瘀血則當去。空痛則當補。亦有血海虛寒。外乘風冷。搏結不散。血氣成塊而得之。宜神仙聚寶丹。又有血氣損而得之者。凝聚成塊。七癥八瘕。上則氣逆嘔吐。下則瀉痢五血。宜內炙散。血崩之人。如服煎藥不效者。火也。三黃湯主之。去大黃。加黃柏。如婦人血崩不止。乃衝任虛弱。藏府虛冷所致也。亦有小腹急痛。兼下赤白帶。宜加減吳萸湯。或艾煎丸。若去血過多。氣血不足。四肢倦怠。宜增損四物湯。蓋婦人血漏血脫。則宜固氣。此古聖之心法也。先補胃氣。以助生發之源。諸甘藥爲之先務。益胃升陽湯是也。此藥人皆認以爲補氣。殊不知甘能生血。此亦陽生陰長之理也。又人身以穀爲寶。藥料須視其食之多寡而輕重之。毋令藥氣勝於穀氣。乃妙耳。如腹痛。加烏藥三分。官桂少許。口渴者。加葛根三分。如婦人年老血崩。八物湯加芩連。此一時急救之藥也。必先顧其胃氣爲妙。如血崩服煎劑不止。易用散子之藥。如棕灰。鍋底墨。炒黑山梔。槐花。側柏。人參。黃耆。甘草之類爲末。童便送下。若以爲丸更妙。或用小薊汁。藕汁調服。經曰。帶下血崩。脈多浮動虛遲者生。實數者重。訣曰。生地合蒲黃。黃芩黃柏涼。人參兼五味。解毒細煎湯。水煮空心服。崩中

帶下良。暴者屬血熱。宜養血清火。治宜溫清散。血崩月久屬虛寒。又宜溫補。宜益母湯。其寸口脈弦而大。弦則為減。大則為芤。減則為寒。芤則為虛。寒虛相搏。此名曰革。

溫清散

歸身

熟地

白芍

黃連

黃芩

川芎

山梔炒

黃柏鹽炒各一錢

水煎服。

益母湯 涼血補血。

熟地

陳皮

香附

阿膠

益母草

白朮

蒲黃

甘草

黃芩各一錢

水煎。空心服。

五灰散 涼血止血。

蓮房灰

黃絹灰

血餘

百草霜

棕灰 白芨

為末。蜜丸。米飲下。

張三錫曰。崩有五種。青崩如藍色。黃崩如爛瓜。赤崩如絳澤。白崩如涕液。黑崩如汗血。崩漏不止。四物加炒白朮、參、香附、炒地榆、炒蒲黃、棕灰、升麻、血餘。水煎。頭昏項強者。四物湯加柴胡、防風。虛冷清瀉者。四物湯加官桂、附子、薑棗。水煎。胃虛嘔吐者。四物加人參、白朮。虛煩不眠者。四物加人參、淡竹葉。發寒熱者。四物加柴胡。崩中漏下五色者。用赤石脂、禹餘糧湯。

槐芩散 治崩中不止。

炒槐米三兩 黃芩二兩

炒研為末。每服五錢。霹靂酒調服。

赤石脂禹餘糧湯

赤石脂煨

禹餘糧煨

牡蠣煨

烏鰂骨去甲

伏龍肝

上肉桂各等分

為細末。酒調服。

鳧柴散 專治婦女血崩。

地栗每歲用一箇。燒灰存性研服。溫酒送下。

補宮湯 治血崩。身發寒熱。

熟地 白芍

阿膠

地榆

艾葉 川芎

歸身

水煎服。

又方。亦名補。治崩淋。衝任虛損。

赤石脂 地榆

歸身

艾葉

甘草 石菖蒲

白芍

川芎

蒲黃炒 熟地

小薊

水煎。沖熱酒半盃服。

益胃升陽湯

人參 白朮

黃耆

當歸

陳皮 黃芩

升麻

柴胡

甘草

神麴

薑

棗

水煎服。

三黃湯

黃芩

黃連

黃柏鹽水炒

百補湯 治血淋。

大熟地

當歸

川芎

白芍

阿膠

新會皮

地榆炒炭

水煎服。

便濁

婦人便濁。或赤如血。或白如泔。不痛者是。痛則淋矣。屬濕熱。分虛實而治。肥白之婦。脈沉滑。胸膈不利。小便白濁。屬濕痰。宜燥中之濕。如面色不澤。身倦無力者。屬氣虛。宜補氣。黑瘦之婦。脈洪數。五心煩熱。頰赤唇乾。小便赤濁。或白。屬相火。宜滋陰。肝脈弦數有力。火盛者。龍膽瀉肝湯。治法分滲清熱。燥濕健脾。滋陰降火。實下

困陽。

濁氣下流。爲赤白濁。赤者。升柴。二朮。二陳最妙。白者。黃柏。當歸。知母。白芍。丹溪謂二朮。二陳。能使大便潤而小便長。如兩尺脈沉弱。白濁頻數。凝白如油。光彩不定。漩脚澄下。凝如膏糊。古方悉指爲陽虛。亦有虛而挾相火者。不可不辨。宜草薢分清飲。專主陽虛白濁。內經曰。中氣不足。小便爲之色變。必先補氣升舉之。而後分其臟府氣血。赤白虛實治之。有邪熱者瀉熱。虛者補虛。設使腎氣虛甚。或火熱亢極者。則不宜純用涼藥。必反佐治之。要在權衡輕重而已。赤者。熱傷血。宜滋陰。白者。濕熱傷氣。又宜燥濕。白濁不止。宜服珍珠粉丸。用之屢驗。氣虛四君子湯。血虛四物湯。氣血兩虛。八珍湯。下珍珠粉丸。

珍珠粉丸

樗皮炒黃

黃柏炒鹽水

青黛

蛤粉

滑石

珍珠

等分爲末。神麴糊丸。無火者加炮薑。方用樗皮。黃柏。能燥濕清熱。青黛能解鬱熱。蛤粉鹹寒引下。滑石利竅。珍珠寧神定志。

如上盛下虛。心火上炎。口苦燥渴。五心煩熱。小便赤澀。或下白濁。宜清心蓮子飲。

清心蓮子飲

石蓮子即建蓮中擇有黑殼者

人參

赤苓

麥冬

黃耆

地骨皮

黃芩

車前子

生甘草

白濁經年不愈者。形神衰瘦。心神不安。當作心虛治。珍珠粉丸。合定志丸間服。

定志丸

遠志

石菖蒲各二兩

人參

白茯苓各三兩

共爲末。蜜丸。硃砂爲衣。每服七丸。空心米湯下。

龍膽瀉肝湯

龍膽

草

黃芩

山梔

木通

黃芩

車前

澤瀉

柴胡

甘草

當歸

生地

草薢分清飲

智仁

草薺

石菖蒲

烏藥等分

茯苓

甘草

飛滑石

加鹽少許。

分清飲

芡實

茯苓

黃蠟

蜜丸。如桐子大。每服百丸。淡鹽湯下。

二朮二陳湯

白朮

蒼朮

廣皮

半夏

茯苓

甘草

升麻

柴胡

水煎服。

白淫

經曰。思慮無窮。所願不遂。意淫妄想。入房不能。帶脈不引。則爲白淫。夫腎臟以慳用事。志意內治。則精全而瀦。若眠思夢想。欲淫不能。則淫洩不守。輒隨洩便而下。

也。尼姑寡婦。最多此症。

白淫。責於陽虛。當益火之源。鹿茸、肉蓯蓉、人參之類。治宜內補丸。要在臨症斟酌。有火無火而用之。庶無誤矣。

內補丸

鹿茸

絲子

沙蒺藜

紫苑茸

黃耆

肉桂

桑螵蛸

肉蓯蓉

附子製

茯神

白蒺藜

右爲末蜜丸。如菉豆大。每服二十丸。食遠酒服。有火者忌用。宜服清心蓮子飲。

見便濁

婦人之白帶、白淋、白淫、白濁。其形相似。病實不同。有虛、實、寒、濕、鬱、火。不可混治。前賢議論。通作濕熱。不無偏僻。細攷內經。治法不一。白淋者。淋瀝而不止也。多起於鬱。大抵虛寒者居多。小腹不痛。亦有去多空痛者。俱用養榮湯加香附。補宮湯亦可。若用熱劑。艾煎丸加白芍。痛者。四烏湯加白芍。歸身。亦有白淋。久則漸變黃色者。此將成血淋也。艾煎丸。歸附丸皆可服。又有變爲沙淋者。溺器中下沉白積一

層如沙。小便出時澀痛者是也。白淋、赤淋而無沙者。須分其氣血而治之。白帶者。婦人之常病。俗云十婦九帶。甚者腰痛如折。頭暈眼花。腰間重滯不斷。此是氣虛。治宜內補湯加續斷。或養榮湯。再以車前草陰乾煨灰。頻頻服之。其效甚捷。屢驗。若五色帶下。紫金丸主之。白淫乃思想無窮。有欲不遂。一時放白。寡婦尼姑。此疾居多。乃鬱火也。治宜開鬱降火。越鞠丸加鬱金、膽草。白濁甚者。膀胱積熱。渾濁如膿。不治必生癰。宜服蓮子清心飲。

蓮子清心飲

見白濁

艾煎丸

見過期經水

四烏湯

見血風

內補丸

見白淫

補宮湯

見血崩

越鞠丸

香附

山梔

半夏

神麴

川芎

鬱金

膽草

人參養榮湯

治脾肺氣虛。榮血不足。

人參

當歸

熟地

白朮

黃耆

茯苓

遠志

白芍

五味

廣皮

肉桂

甘草

加薑棗水煎服。

淋證

經曰。白者屬氣。赤者屬血。但有氣血之分。而無寒熱之辨。凡治此者。皆云濕熱。然乎否乎。今之治白淋者。不分寒熱。多用芩連。亦一偏之見耳。婦人之疾。寒多熱少。故用養榮湯治白淋而效。以其有桂也。艾煎丸服一二料而即愈。亦此義也。總在臨證時。審白而治之。至赤淋。則爲熱證。不服熱藥。內補艾煎禁用。宜服八味加芩連。而香附尤不可少。此女科之聖藥也。張景岳論崩淋之證甚悉。已載在血崩一條。其云治此病者。惟調其氣血。清其內熱最允。又血淋者。月水三五日一至。積數月而止者是也。若腹痛。四烏湯恐有瘀血。未可止也。去多不痛。善飲食者。八物湯加芩連。如飲食少進。用內補湯去參可也。或補中益氣加黃柏。凡治血淋。審其小腹痛與不痛。脾胃之實與不實。如小腹不痛。脾胃實也。可用八物湯加芩連。脾胃

不實者禁用。宜補宮湯。大抵淋證。先以治脾為主。

養榮湯

見白淫

四烏湯

見血風

八物湯

見經水過期

補中益氣湯

黃耆

白朮

人參

陳皮

歸身

升麻

柴胡

甘草

白帶

婦人帶下一證。從腰間帶脈而來。故名曰帶。雖有赤白二色。終屬腎虛。其病與淋相似。然淋之所下者多散而薄。必覺腥氣臭穢。帶之所下者多滑稠粘無腥穢之氣。以此為辨耳。保命集曰。赤者熱入小腸。白者熱入大腸。原其本。皆濕熱結於脈。故津液湧溢。是為赤白帶下。本不病結。緣五經脈虛結熱。屈滯於帶。故臍下痛。陰中綿綿而下也。內經云。任脈為病。男子內結七疝。女子帶下瘕瘕。王註云。任脈自胞上過。帶脈貫於臍上。故男子內結七疝。女子帶下崩中。帶脈起於季脇。章門。似

束帶狀。今濕熱冤結不散。故爲病也。經曰。脾傳於腎。名曰疝瘕。小腸冤結而痛。出白。名曰蟲。所以爲帶下冤結也。冤屈也。屈滯而病熱不散。先以十棗湯下之。後服苦練丸。再以大元胡索散調之。熱去濕除。病自愈矣。趙仁安問用升提之法。更以二陳加白朮。蒼朮。健脾燥濕。亦是一法。診婦人漏下赤白。日去血數升。其脈急疾者死。遲者生。如赤白帶不止。脈小虛滑者生。大緊實數者死。羅先生所用十棗湯。神祐丸。玉燭散之類。虛者不可峻攻。實者亦當酌用。血虛加減四物。氣虛參朮。陳皮補之。甚者固腸丸。相火動者加黃柏。滑者加龍骨。赤石脂。滯者加葵花。性燥者加黃連。冬月少加桂附。惟在臨證時隨機應變。丹溪治赤白帶下。與夢遺同法。肥人有帶。多是濕痰。用海石二陳。加南星。黃柏。青黛。川芎。瘦人帶下。俱是鬱熱。宜香附。砂仁。黃柏。青黛。如結痰白帶。以小胃丹。半飢半飽時。津液下數丸。候鬱積行。卽服補藥調理。

苦練丸

苦練子酒浸碎

茴香炒

當歸

等分爲末。酒糊丸。每服三十丸。空心酒下。如腰痛。四物羌活防風湯下。

十棗湯

芫花炒黑

甘遂

大戟各等分

加大棗十枚。

小胃丹

芫花醋拌一宿瓦器炒黑不可焦

甘遂水浸半月煮晒乾

製大黃兩各一

大戟水洗煮一時水乾五錢

黃柏兩炒三

共為末。白朮膏丸。如服子大。臨臥時津液吞下。

神祐丸

甘遂

芫花

大戟醋炒一兩

大黃

白朮

青皮

陳皮

木香

檳榔錢各五

輕粉一錢

水法丸。

血膨

婦人血膨之證。雖有因於氣食而成者。然成於血者居多焉。若成於氣食。腹雖脹而經不閉。成於血者。其經必閉也。婦人血恆有餘。故每月見其血而不以為病。若閉而不通。則日積充滿。其始發之時。小腹先脹。久則上連中脘。緊脹如鼓。青筋綻露。而血膨之證成矣。其有因產後惡血不下。逆而上升。滲入肌膚。充滿於中宮。甚至上騰於面。而成充色者。是必死之證也。

血癖

又有癖塊一證。雖因痰與血食三者而成。然成於血者居多。因痰與食而成塊者。雖成而不礙其經水。成於血者。亦有經雖來不時而斷也。此必經水既來之候。尚有舊血未盡。或偶感於寒氣。或觸於怒氣。留滯於兩脇小腹之間。則成血癖也。有經水月久不行。腹脇有塊作痛。是經血作癥瘕。法當調經止痛。桃仁、厚朴、當歸、紅花、香附、元胡、肉桂、丹皮、乳香、木香、牛膝、小茴、砂仁之類。有經行腹痛。麻痺頭疼。寒熱乃觸經感冒也。宜加減五積散。若經行時遍身疼痛。手足麻痺。寒熱目眩。照前方去乾薑。加羌活、獨活、白芷、當歸、官桂、麻黃、川芎、白芍、陳皮、蒼朮之類。又有經水

不調。小腹時痛。赤白帶下。乃子宮虛寒。治宜艾附暖宮丸。亦有行時氣血虛弱。血海寒冷。經水不調。心腹疼痛。帶下如魚腦。或如泔。錯雜不分。信期淋漓不止。面黃肌瘦。四肢無力。頭暈眼花者。宜補經湯。

艾附暖宮丸

艾葉

香附四製

元胡

熟地

甘草

共爲末。醋糊丸。如桐子大。每服八十丸。米湯下。

補經湯

人參

白朮

川芎

香附

當歸

熟地

元胡

肉桂

吳萸

砂仁

茯神

沉香

阿膠

黃耆

小茴

陳皮

白芍

水煎服。

經准不孕

婦人月信准而不受胎者。其故有三。有因痰閉子宮者。有因氣食生冷者。有因男子陽傷易洩者。如痰閉子宮者。其婦必肥白。經來腹不痛。宜導痰湯。或人參半夏丸之類。或二陳合四物湯。如氣食生冷所致者。其腹多痛。宜溫之。千金吉祥丸之類。如咳嗽又不宜服。以四物加陳皮、香附、山查。如氣作瀉。用枳實丸。如男子精寒易洩。不能受孕者。與婦無干。只宜男子服藥。或謂經水正而子宮寒者。萬無是理也。蓋子宮若寒。經水必過期矣。或又云。子宮寒者。因產時陰戶着寒所致。第產後陰戶着寒。產婦即便不語。豈能語者。尙謂着寒乎。

薛古蒙曰。婦人經行不正。每不受胎。然參前而受胎者。亦有之。其血熱故也。女科書云。先期爲血熱。後期爲血氣。第有參前落後互兼者。何也。大抵婦人性執。多惱着氣。則氣不調矣。夫氣爲血之母。氣亂則經期亦亂矣。故調經以理氣爲先。宜以歸附丸、四物丸之類。又有衝任寒損。胎孕不成。或成而後多墮者。誅誅丸主之。

誅誅丸

乾薑 白朮 丹皮 元胡
肉桂 澤蘭 熟地 川芎
白芍 當歸 石斛 芎
右爲末。醋糊丸。煮酒送下。

導痰湯

半夏 南星 橘紅 枳實
茯苓 人參 菖蒲 竹茹
甘草 加薑煎。

千金吉祥丸

天麻煨一兩 川芎 肉桂 丹皮
熟地 白朮 柳絮 五味
茯苓 絲子 覆盆 枳實
桃花片各一兩

右爲末蜜丸。如豆大。每服五丸。空心。煮酒送下。

熱入血室

婦人感冒。發熱惡寒。經水適來。得之七八日。熱除。脈遲。身涼。胸脇滿。譫語。此爲熱入血室。當刺期門。隨其實而瀉之。

凡發熱惡寒七八日。熱除。脈遲身涼。當自愈矣。今反胸脇滿如結胸狀。譫語。此因經水適來。血海正開。熱邪乘虛入于厥陰藏血之室。肝主魂。熱邪內擾神明。是以胸滿譫語。如見鬼狀。故刺期門。厥陰所注之腧。瀉其熱以外泄。

婦人感冒七八日。續發寒熱。發作有時。經水適斷者。此爲熱入血室。其血必結。故使如瘧狀。或晝明夜甚。譫語如見鬼狀。無犯胃氣。及上中二焦。必自愈。

上條言脈遲身涼。但刺期門。此條言七八日續發寒熱。發作有時。經水適斷。血室未閉。其血必結。忌用苦寒凝滯之藥。今有大壩呂天祥媳。經水適斷。醫以大劑黃連投之。少腹結塊而殞。

婦人熱入血室。但頭汗出。仲景以小柴胡湯和之。家秘倍加柴芩。重加歸芍。其功

最專。再加丹皮、地骨皮。則身熱易退。

熱入血室發熱。晝靜夜甚者。亦有虛實不同。血虛發熱者。皆因營血不足。如陰虛內熱之證。脈必細數。宜補血涼血。血熱發熱。邪熱入于血分。脈必數大。不必補血。歸芍柴胡湯。或導赤各半湯之類。

導赤各半湯。病後心下不硬。腹不滿。二便如常。身無熱。神昏不語。或獨語。目赤口乾。不飲水。與食則嘔。不與不思。形如醉人。

黃連

黃芩

犀角

知母

滑石

麥冬

人參

茯神

甘草

加燈心薑棗煎。

女科切要卷二 熱入血室

女科切要

清海虞 吳道源本立纂輯

鄞縣 曹赤電炳章圈點

卷三

廣嗣論

夫陰陽交媾。當經盡之後。無有不成胎者。惟男氣不足。女血虛寒。故二氣不交。徒施不聚。世之無子者。曾不問自己臟府之虧。但以澀清壯陽之劑。誤爲生子之良方。傷天地之和。卽或有孕者。無非熱藥偶成。因貽毒於子女。故雖得而不實也。醫之上工。因人無子。著論立方。男以補腎爲要。女以調經爲先。而又參之補氣行氣之說。究其盈虧。審而治之。夫然後一舉可孕。天下之男無不父。女無不母矣。余攷之上古。男子三十而娶。女子二十而嫁。故所生子多壽。今人未滿十六歲而御女。女子未滿十四歲而嫁。陰氣早洩。未全而傷。未實而動。所以今人不如古人壽。

設或用藥。不可混治。必察實男子所虧。女人經候。或有崩漏帶下。必難受孕。男子不育。必有陽脫痿弱。精冷而清淡。或陽痿不射。故女以調經爲先。男以補腎爲主也。服藥之後。又宜清心寡慾。使我之本原先壯。然後識日之奇偶。施之而不孕者。未之有也。

褚澄氏曰。男女交合。陰血先至。陽精後衝而成男。陽精先洩。陰血後衝而成女。此一說也。東垣云。經水纔斷一二日。血海始淨。交合者成男。四五日後。血脈已旺。交合者成女。此又一說也。顧或有經始斷而交合生女。經久斷而交合生男者。亦有三四五日以交合無孕。八九日以後。交合有孕者。獨何歟。俞子本選廣嗣要略云。實陽能入虛陰。實陰不能受虛陽。卽東垣之見也。又謂陽微不能射陰。弱陰不能攝陽。信斯言也。世有尪羸之夫。怯弱之婦。屢屢受胎。雖欲止而不止者。亦有壯年精力過人。乃艱於育嗣者。獨何歟。丹溪論治婦人。以經水爲主。然富貴之家。侍妾已多。其中寧無月水當期者乎。已經前夫頻頻生育。娶之以圖其易者。顧亦不能得胎。更遣與他人。轉盼生男矣。豈不能受孕於此。而能受孕於彼乎。愚以爲父母之生子。如天之生物。易曰。坤道其順乎。承天而時行。夫知地之生物。不過順承乎。

天。則知母之生子。亦不過順承乎父而已。知母之順承乎父。則種子者。當以男子為主。男子為主。而交媾之時。又以百脈齊到爲善。交媾而百脈齊到。雖老弱易洩。亦可以成胎。若交媾而百脈參差。雖少壯康寧難洩。亦不能成胎。婦人所構之血。固由於百脈合聚。較之男子之精。不能無輕重之分也。若男女之辨。又不以精血先後爲拘。不以月經盡幾日爲拘。不以夜半前後交媾爲拘。只以男女精血。各由百脈齊到者。別勝負耳。是故精之百脈齊到。有以勝乎血。則成男矣。血之百脈齊到。有以勝乎精。則成女矣。至有產而不育者。有育而不能壽者。有壽而黃耆無疆者。則亦以精之堅脆。分爲修短耳。世人不察精之堅脆。而定於稟受之初。此論其常也。有少年斲喪而夭者。此論其變也。乃以不育轉付之兒。以壽夭專諉之數。不甚謬乎。

宋遂真先生曰。男女交合。有丟洩前後之分。男曰泄。女曰丟。蓋婦人月事已淨。其樂慾之時。細縕之候。氣蒸而熱。昏而若悶。有不可明言之狀。此的候也。交接之候。意合情濃。相持不舍。則百脈齊到而成胎矣。若男情已淡。女意未休。則男先泄而成女。如女先丟。而男後泄者。則成男矣。則知男女各有精。非獨男也。易曰。男女媾

精。萬物化生而交合之後。即以宗筋驗其有血無血立見矣。則知男女各有精也明矣。蓋月水初淨。新血始生。藏而不露。故交合之後。毫無血痕也。經云。陰精所奉其人壽。陽精所降其人夭。信斯言也。苟能清心寡慾。待時而動。亦何所求而不得子歟。

巢氏論婦人妊孕。一月懷胎似露珠。名曰胎胚。足厥陰脈養之。二月大如桃花痕。名曰始膏。足少陽脈養之。三月始分男共女。名曰始胎。手心經脈養之。四月形像俱分明。始受水精。以行血脈。手少陽脈養之。五月五藏俱生。足始受火精。以成其氣。足太陰脈養之。六月方纔六府成。始受金精。以成其筋。足陽明經養之。七月髮生。通關竅。始受木精。以成其骨。手太陰脈養之。八月動手游其魂。始受土精。以成其膚革。手陽明經養之。十月受孕足。方生臟腑關節。人神俱備矣。

女科地黃丸 治婦人經水不調。

熟地四兩

山萸二兩

山藥二兩

丹皮兩半

茯苓兩半

艾葉五錢

香附三兩童便製炒

阿膠一兩

共為末。蜜丸。滾湯下。

正元丹 調經種子。

香附一斤用新艾三兩先以醋同浸一宿 阿膠一斤炒

枳殼兩半生半炒 生地 熟地 歸身

白芍 川芎 茯苓各四兩 琥珀二兩

共為末。醋糊丸。每日早晨空心淡鹽湯送下。

千金種子丸 令人多子并治虛損夢遺。

沙蒺藜四兩 白蓮鬚四兩 黃肉三兩 芡實四兩

覆盆二兩 龍骨五錢

共為末。蜜丸。空心淡鹽湯下。忌房事一月。

聚精丸

魚膠一斤始粉 沙蒺藜半斤馬乳代之蒸一炷香

右為末。蜜丸。如桐子大。每服八十九。空心溫酒下。

五子衍宗丸 添精補髓。

枸杞子 菟絲子各八兩 五味子一兩 覆盆子四兩酒洗

車前子一兩

右爲末。蜜丸。空心淡鹽湯送下。

壯陽丸 治陽痿氣餒不振。老年無子。此藥允宜。

肉蓯蓉

仙茅

蛇牀子

山藥

五味子

補骨脂

茯神

紫稍花

杜仲

韭菜子

雄雞肝

鱉肝

海狗腎

如無海狗腎以黃狗腎代之

右藥共爲末。先將雞肝、鱉肝。用鹽酒椒蒸熟。搗爛。和前藥晒乾。再將前末藥磨細。用酒拌山藥末。醋調糊爲丸。空心淡鹽湯下百丸。如陽痿精冷。加肉桂、附子、石燕各一兩。

金鎖思仙丹 治男子慾勞過度。精神不繼。

蓮蕊

蓮子

芡實

各等分

茯神

三兩

共爲末。用金櫻子一斤。去毛煎膏爲丸。每服三十九。空心淡鹽湯送下。服過一月後。即不走泄。遇種子期。用車前子湯送下。

胎前門

受妊脈法

兩尺脈微而帶數。兩寸浮大兩關滑。身中無熱脈亦洪。此是婦女胎脈法。

男女脈法

左手滑大而疾男。右手滑大而疾女。更參乳核孰先生。右女左男信無差。

雙胎脈法

雙胎脈法問如何。兩手俱洪斷不誣。欲識是男併是女。縱橫詳見叔和歌。

死胎脈法

脈來沉細腹腰疼。胎伏多寒冷是冰。再看舌色青紋起。胎死何須問鬼神。

鬼胎脈法

脈來亂點如風雨。忽去移時又復來。此是夜叉人不識。即時診斷勿疑猜。

逐月胎形論

初月胎形似珠露。

未入宮羅在昆戶。

猶如秉燭在風前。

風急此時難庇護。

初月胎形如草上珠露。未有宮羅也。在昆戶之所。未入腹內也。其形欲聚欲散。未得堅強也。如月信報之。當時頭暈惡心。不喜飲食。六脈浮緊者是也。多有畏羞隱諱。而醫者不識。作歇經者亦有之。宜服安胎和氣飲。或病後受胎。或稟氣虛。服罩胎散。

安胎和氣飲

白芍

木香

益智仁

砂仁

香附

紫蘇

甘草

加葱水煎服。

罩胎散

當歸

川芎

白芍

砂仁

甘草

枳殼

二月胎形北極中。

如花初綻蕊珠紅。

分枝未入宮羅內。

氣受陰陽血脈同。

二月胎形。受血近陰。在母北極之中。陰戶內六寸是也。其胎入腹。未有衣裹。或負重觸傷胎氣。必致頭暈目眩。惡心嘔吐。不思飲食。宜服保胎和氣飲。

霍香

厚朴

廣皮

枳殼

砂仁

黃芩

桔梗

蒼朮

小茴

紫蘇

三月胎形似血英。

有宮血室未經。

母憎飲食諸般愛。

苦辣酸鹹並納成。

三月胎形與二月相等。不問虛弱。胎氣不和。惡心嘔吐。兼秋風時氣。寒熱頭疼。悉照前安胎和氣飲加減。如寒熱不退。加柴胡、黃芩、咳嗽加杏仁、喘急加沉香。

四月胎形入宮室。

在母臍膀內相過。

免獐熱物諸般忌。

免兒脣缺及瘋麻。

四月胎形入宮羅之室。河車衣裹。漸至丹田。忌食一切毒物。如無鱗魚鱉之類。以免貽毒小兒。如身體疲倦。氣急發熱。飲食無味。嗜臥頭暈。四肢酸軟。宜服活胎和

氣飲。

陳皮

香附

砂仁

小茴

蘇葉

厚朴

蒼朮

枳殼

甘草

五月胎形男女分。

四肢胞穩不須憂。

男酸女淡思飡味。

此定陰陽造化云。

五月胎形。男女已定。令胞母前行。使人後喚之。左回頭是男。右回頭是女。男思酸。

女思淡。已入宮室之內。其胎安穩。胎母喜嗜臥。飲食無味。肚腹脹悶。宜服瘦胎飲。

當歸

益母草

砂仁

益智仁

枳殼

香附

白芍

水煎服。

六月胎形在腹遊。

左手男胎似線抽。

女魂右手輕搖動。

却在臍中漸漸浮。

六月胎形。男動於左。女動於右。在母臍中。漸漸浮動。若胎母虛弱。用瘦胎飲。使胎

氣調和。易於產育。

七月胎形身覺邪。

男將左手動拏拏。

女能右手時時動。

行步艱難母嘆嗟。

七月胎形。男向左脅動。女向右脅動。胎重如石。行步艱難。脾胃虛弱。氣急上冲胸臆。以致腹滿喘咳。卒然頭暈。勿以中風治之。此乃胎氣熱邪不安。否則令兒冲心。名曰子懸。宜服知母安胎飲。

知母

蘇葉

黃芩

香附

枳殼

滑石

甘草

益母草

水煎服。

八月胎形具備身。

毛髮生長定精神。

窮思飲食吞難下。

困弱憂愁耽悶因。

八月胎形。毛髮俱生。胎母心悶煩躁。味美不甘。胎氣困弱。以致脾胃不和。宜服和

氣平胃散。

和氣平胃散。治胎氣不和。熱毒瀉痢。

蒼朮

厚朴

陳皮

升麻

柴胡

白芍

地榆

肉果

澤瀉

水煎服。

九月胎形重若山。

七情開竅一般般。

每夜一升三合血。

待時生育暫時難。

九月胎形。眼有光。鼻有氣。耳聞強。口知味。身舒縮。人道俱全。出世將轉身大動。胎

母左右脇知覺。宜服保胎如聖散。

保胎如聖散。治產忽然腹痛。先行其水。嬰兒降下。忽誤吞熱物傷胎者。

當歸

紅花

益智

白芍

益母草

甘草

如兒不下。取鯉魚一尾。同藥再煎。入醋一杯。服烏金丸。

烏金丸

阿膠四兩

艾葉二兩

穀芽二兩

麥芽二兩

蛇殼一條 五味一兩

右爲末。醋糊丸。如彈子大。每服一丸。

十月胎形已完足。四肢罅縫骨精開。

坐產卽宜加謹慎。莫教兒下客氣來。

十月胎形完足。四肢罅縫俱開。至期產下。莫令久臥地下。莫被賊風吹犯。急令包裹。滿月之後。始得平安。宜服活水無憂散。因兒未下。恐穩婆動手。

活水無憂散

急性子 當歸 益母 紫蘇

艾葉 秦艽 陳皮 肉桂

枳殼 白芍 生地 鯉魚一條

水煎。加醋一盃。服烏金丸。如兒死腹中不下。急取無根水再煎服。此急救之法。

妊娠調護法

保元論云。婦人妊娠。常令樂意。運動氣血。安養胎元。早當絕慾。節調飲食。內遠七

情。外避六淫。性宜靜而不宜躁。體宜動而不宜逸。味宜涼而不宜熱。食宜暖而不宜寒。毋久立久坐。毋久行久臥。又宜却除一切肥甘。以及煎炒炙燂。油膩辛辣。水果魚鱉。兔鵲牛馬之肉。以及鰻魚鰕鱗無鱗等魚。一切避忌。便無胎漏下血。子腫子癰。子懸等症。以及橫生逆產。胎傷腹中之患。生後亦無胎熱胎寒。胎肥胎怯。以及胎驚胎毒之證。遺累小兒。前賢胎教云。婦人妊娠。寢不側。坐不偏。立不蹕。不食異味。目不視惡色。耳不聽淫聲。口不出惡言。非義之物不取。非理之財不收。宜聽誦讀詩書。講論致知格物道理。則生子形容端正。才器過人。嘗見稟性溫良之婦。有妊而少嗜慾。生子少病。而痘瘡亦稀。此其驗也。指掌訣云。胎前衆集要須知。惡險當從痰火推。胎上湊心胸脹滿。子懸芩朮炒山梔。妊娠下血名胎漏。血熱而成。或氣虛。胎動芩歸與膠艾。安胎順氣勿教遲。子淋須覓安榮散。胎水還當用鯉魚。腫滿遍身如水氣。但煎防己自寬舒。足跌浮腫身無恙。皸脚安胎大腹皮。五月以來煩躁甚。子煩知母麥冬醫。妊娠腹疼分虛實。寒熱溫清可辨之。子癰急服羚羊角。兒暈芎歸荊芥奇。瀉痢蒼砂加二白。熱須芩朮信爲宜。風寒感冒參蘇飲。不解黃龍湯勿疑。胸滿本方加枳殼。熱而無汗葛根驅。裏熱甚時罩胎散。熱極譫語五

苓施。脈遲四逆理中治。熱泄柴苓半夏除。汗吐下溫須仔細。安胎爲主勿差池。清脾療瘧須除半。四獸驅邪更補脾。痢疾香連丸有驗。胃風主痢補其虛。傷風咳嗽芎蘇飲。半貝杏苓桑白皮。祕結不通蘇子飲。小水不利麥冬葵。怔忡慌忽心驚悸。氣悶喧呼大聖祛。心痛火龍湯可定。腰疼通氣更難知。達生散可將胎束。欲服須當九月時。又云。孕婦之脈。陰搏於下。陽別於上。血氣調和。有子之象。手足少陰。其脈動甚。尺按不絕。此爲有孕。少陰屬心。心主血脈。腎爲胞門。脈應於尺。或尺脈微。關滑尺數。往來流利。脈微帶數。身中無熱。脈帶洪滑。當詰月事。仔細參酌。婦人似病而無邪脈。是孕非病。所以不應。欲別男女。左右取之。左疾爲男。右疾爲女。沉實。在左。浮大在右。右女左男。可以預剖。離經六至。沉細而滑。陣痛連腰。胎即時脫。半產漏下。革脈主之。弱卽血耗。立見傾危。瑣言識之。概可類推。

大凡婦人妊娠。貴乎衝任脈旺。元氣充足。飲食如常。身體壯健。色澤不衰。而無雜病相侵。則十月滿足。分娩定然無虞。若氣血不充。衝任之脈虛弱。經必愆期。而不受孕。卽使得孕。胞門子戶虛寒。受胎終歸不實。李南宮曰。胎前諸病。惟當順氣安胎。若外感四時之氣。或內傷七情。以成他病。治法與男子無異。當以各證類求之。

動胎之藥。切不可用。

聖濟總錄云。安胎有二法。有因母病以致胎動者。但治其母。胎自安。若胎氣不固。觸動以致母病者。宜安胎而母自愈矣。

先師天錫陳先生曰。妊娠之婦。身體康健。飲食如常。可保平安。勿生顧慮。勿妄服藥。勿過飲酒。勿舉重登高。勿多睡臥。閒則步於庭。勿犯房事。擾亂子宮不安。難免產子艱難。且生後多子胎疾。慎之慎之。

凡孕婦墮胎有二故。一爲跌撲負重軋傷。一爲氣血不足。蓋腰膝繫胎之處。如瓜果之蒂。花卉之根。不得露不長。受熱亦易傷。故一月厥陰用事。臟腑不能輸精於肝。而致疏泄者有之。二月少陽用事。臟腑不能輸精於膽。而致萎痺者有之。三月手心經脈用事。臟腑不能輸精於心。而致朽腐者有之。四五月墮者。莫不皆然。是故安胎之法。當視其虛實寒熱而藥之。則無不安矣。

小產

小產者。言非大產。在四五月之間而墮者。所謂半產是也。若二三月。人像未全。

還是血塊。苟有所傷而墮者。非曰墮胎。二者皆屬根蒂不固。衝任經虛。須分是火是寒治之。有火者清之。白朮黃芩之屬。而益以養血也。寒者溫之。膠艾桂附之屬。而加六味。然桂附辛熱。尙宜酌用。切勿輕投。實者清之。虛者補之。尤當顧脾胃以生新血。蓋胃爲水穀之海。脾爲萬物之母。人身之有脾胃。猶萬物之有土也。有土乃生金。金生水。水生木。木生火。故培土而五行有相生之妙。扶脾胃而五臟有遞受之益。在孕婦永保無虞。何有墮胎小產之虞哉。

宋遂真先生曰。前哲云。初受胎而卽墮者。肝血虛也。胎以血爲本。肝臟虛。則生發之機困。如春初多冷。草木不芽。可知也。治宜益肝血。胎斯固矣。二月墮者亦然。實者反是。三月墮者。心血虛也。胎以血爲根本。心臟虛。則長茂之氣消。如夏初天氣暴寒。而花果不實。可知也。治宜養心補血。胎斯固矣。四月墮者亦然。五六月八月而墮者。貴在氣血之並虛也。蓋氣爲血之衛。血爲氣之配。氣不能衛血。則血無所統。血不能配氣。則氣無所歸。兒在母腹中。所賴母之氣血充和耳。苟有所傷。安所賴乎。是以調氣先必養血。蓋血尤須補氣。養血而血不生。補血之源。腎水是也。補氣而氣不足。補氣之根。命門火也。故五六月間而有墮胎者。六味去丹皮加人參。

麥冬、杜仲、續斷爲要藥。寒痛者加附子少許。百無一失也。有胎亂動而不休者。胎熱也。不可用燥熱之劑。此外胎動者。或因衝任經虛。或因七情六欲。或因過服熱藥。須各審清病源而治之。如四五月間。心中昏悶。四肢沉重。不能移動。惡聞穀食。喜吞酸味。胎動不安。安胎飲主之。或紫蘇飲加半夏、茯苓、枳殼。

安胎

安胎飲 治孕婦三四月胎動不安。

熟地

當歸

茯苓

甘草

川芎

白朮

半夏

阿膠

地榆

白芍

加薑三片。水煎服。

紫蘇飲

紫蘇

陳皮

當歸

白芍

川芎

人參

甘草

腹皮

安胎和氣飲又名達生散

白朮

陳皮

白芍

木香

陳倉米

薑水煎。

膠艾湯 治半產下血。

阿膠

川芎

當歸

艾葉

甘草

白芍

熟地

炮薑

安榮散 治子淋。

人參

當歸

通草

滑石

麥冬各二錢

燈草五錢

甘草五分

爲末。每服二錢。

麻子潤腸湯 治風結血結。

麻子

當歸

桃仁

羌活

大黃

香連丸

黃連吳萸湯拌炒

木香晒乾研

末之醋糊爲丸。

五苓散

猪苓

茯苓

白朮

澤瀉

肉桂

加燈心煎。

四逆湯

附子

乾薑

甘草

腹痛加白芍。

理中湯

白朮

人參

乾薑

甘草

鯉魚湯

當歸錢半

白朮

白芍各一錢

茯苓錢半

赤小豆八分

木通八分

車前八分

鯉魚一條

七情湯

肉桂

陳皮

人參

甘草

二白丸 治淋帶。

石灰一兩

茯苓二兩

爲末。用蕎麥麵雞子清調糊爲丸。每服三十丸。空心。白滾湯下。

化氣湯

砂仁

香附

廣皮

蘇梗

川芎

枳殼

胃風湯

人參

白朮

茯苓

當歸

川芎

白芍

肉桂

加粟米百粒。

清脾飲

青皮 厚朴

柴胡

黃芩

半夏 茯苓

白朮

甘草

草果

羚羊角散 治子癇風瘕。

羚羊角 獨活

棗仁

茄皮

米仁 防風

當歸

杏仁

茯苓 木香

甘草

薑

四獸飲

半夏 人參

茯苓

白朮

橘紅 烏梅

草果

甘草

生薑

火龍湯 治孕婦心痛。因寒邪犯胃。

蘼艾鹽水炒 茴香五錢

川練子五錢

右藥爲二劑。水煎服。

黃龍湯 治孕婦新產傷寒。

柴胡二錢

黃芩半錢

人參一錢

甘草五分

薑三片。水煎服。

防己飲 治足脛腫痛。

防己

木通

檳榔

生地

川芎

白朮

蒼朮

黃柏

犀角

甘草

半夏茯苓湯 治惡阻嘔吐心煩。惡聞食氣。多臥。

半夏二錢

赤苓

熟地

陳皮

白芍

人參

川芎

桔梗

旋覆

甘草

千金方無旋覆花。有細辛、蘇葉。右藥共為粗末。薑七片。水煎服。

驗胎方 經水不行。疑似未明者。

川芎為末。每服一錢試之。艾葉湯調服。覺腹中微痛。則有孕矣。

大。全。方。論。半。夏。動。胎。不。用。仲。景。用。之。取。其。辛。以。散。結。氣。瀉。逆。氣。故。惡。阻。用。之。而。非。專。爲。痰。設。也。婁。全。善。治。妊。娠。惡。阻。累。用。半。夏。未。嘗。動。胎。而。鄭。氏。專。門。女。科。亦。嘗。用。之。經。云。有。故。無。殞。者。是。也。不。必。拘。泥。

女科切要

清海虞吳道源本立纂輯

鄞縣曹赤電炳章圈點

卷四

妊娠中風

〔妊娠中風歌〕中風惡候告君知。眼合肝兮手撒脾。心絕口開肺鼻鼾。腎家將絕定遺尿。

妊娠手足搐搦。忽然不省人事。角弓反張。狀如中風者。子癇也。宜服砂仁湯。倘胎前無故卒然悶倒在地。或有不識。誤以中風斷之。謬矣。此兒暈也。名曰子懸。須以安胎調氣治之。紫蘇飲加砂仁、川貝、茯神。雖至將產。仍服紫蘇飲爲妙。有胎前發喘。乃胎不安而冒風也。用帶鬚葱白廿莖煎湯服之。卽愈。蓋葱能發散。而又安胎也。若因傷食而喘者。紫蘇飲沖入童便。加砂仁煎服。舍此無別藥也。若胎氣不和。

湊上心腹。以致胸膈飽悶。喘急疼痛。此子懸也。宜紫蘇飲。此藥有安胎止墮之功。如胎前偏正頭風。川芎調茶服主之。妊娠感冒四時風寒。霍亂吐瀉者。藿香正氣散主之。凡胎前傷暑。與霍亂治法同。如胎前瘧疾。惟養榮湯一方。孕婦發嘔氣逆者。用紫蘇飲。亦有胎死腹中。以致氣侵上而呃者。下死胎而呃自止矣。不可不知。孕婦傷食。以紫蘇飲加神麴。查肉。砂仁。麥芽。如兼吐瀉。用養胃湯。有孕無故悲泣不止。如有鬼物以憑之。此名臟燥。非大棗湯不愈。有妊娠忽然耳聾昏瞶者。氣血不足也。用十全大補湯。目赤腫者。四物湯加黃連。遍身拘急。痛無定處。夜不得臥。眼花昏黑者。胎氣使然。宜服紫蘇飲。

妊娠傷寒

〔妊娠傷寒歌〕傷寒頭痛連百節。氣急衝心溺如血。身熱發點紫黑青。壯熱不止致胎滅。嘔惡不止與心煩。腰背項強腦痛裂。六七日來燒腹中。小便不通大便結。妊娠染表症傷寒者。當用帶鬚葱頭湯服之。出汗即愈。不可輕用發表藥。若誤用之。其胎必墮。且母命難保。戒之慎之。胎前瘟疫。與傷寒同。孕婦傷寒咳嗽。宜二陳

加薄荷、白朮、川貝。泄瀉者。胃苓湯去參。俟脾胃實後治嗽可也。卽參蘇飲亦可服。蓋風藥最易動胎。反爲不美。故胎前傷寒。身熱咳嗽者。惟以帶鬚葱白煎湯服之。大能安胎順氣。若胎不安。煎砂仁湯服。汗多。服參蘇飲。乾嘔。紫蘇飲去參加茯苓。吐血。止血丸。或二陳加黃柏、知母、查炭、白朮。如氣血兩虛。入物加黃柏、知母。

妊娠跌撲

〔妊娠跌撲歌〕懷胎跌撲無輕重。遂致傷胎在腹中。已損胞胎血上逆。衝心悶痛母魂傾。

妊娠跌撲。或受傷重者。服活血藥。又恐傷胎。不服則傷不能去。當何法以治之。曰。必先辨其胎之死生。如腹冷舌青者。子死也。以香桂散下之。若未甚分明。以佛手散探之。如胎傷者。立即墮下。胎無恙者。其痛立止。但痛止之後。尤須視傷之輕重。下藥輕者。童便酒入活血藥。飲之。血活則傷去。隨以紫蘇飲加童便、砂仁。緩緩服之。重者只治其傷。勿顧其胎也。血行胎下。母命保矣。服紫蘇飲加枳殼、童便、砂仁。尤妙。有孕婦胎前衄血。產後多不吉。血以養胎。不宜走泄故也。服紫蘇飲。加黃芩。

自愈。更有口中見血。及大便下血者尤忌。

妊娠心腹痛

〔叔和心腹急痛歌〕心腹急痛面目青。冷汗氣促命必傾。下血不止胎沖上。心腹冷悶定傷身。

妊娠腹痛而見血者。名曰胎漏。至產即愈。生子不實也。紫蘇飲加陳皮、砂仁。若胃口痛甚。用指迷湯。或養胃湯。亦有孕癰者。何以辨之。服安胎飲。消食理氣之藥。俱不效。但臍近下處腫痛發光者。即腹癰也。因孕婦生之。名之曰孕癰。宜十補托裏散。此藥補而不礙胎。其次千金托裏散亦可。有臍下冷痛腹脹。小便頻數。大便滑泄。緣正氣虛弱。過吞生冷所致。宜安胎飲加枳殼。及和氣之藥。如小腹痛。須察其脈。若可安。紫蘇飲安之。不能安。則用活血行氣之藥。其內傷甚者下之。若血結不下。必腹中疝痛。服金屑散。或宿食。炫癖氣血瘀痛。葱白散主之。一切血痛。肉炙散、白朮煎。腰痛甚者。腎虛也。其胎多墮。宜急服安胎飲。以固其胎。復不寒。紫蘇飲可加黃芩。若胎不時轉動。如腰腹痛者。亦宜安胎飲。

脅肋痛

孕婦脇痛甚者。其說有三。或因哭泣。或因忿痛。或因內傷。如內傷者。現有胎。不可用行傷藥。只宜童便酒。或紫蘇飲。加白芍、當歸、砂仁。人參、童便煎服。亦足以固胎。或曰。脇痛非芥子不能達。柴胡、枳殼亦可用。如背痛者。氣滯而不運也。宜紫蘇飲。妊娠口乾煩悶。不得臥者。名曰子煩。紫蘇飲主之。又有口舌生瘡。咽喉腫痛者。切不可用防風通聖散。有孕婦未產而乳汁先下者。名曰乳泣。生子多不育。有兒在母腹中啼哭。不須服藥。用黃豆打番。招孕婦細細拾之。其哭自止。

子腫

〔子腫危殆歌〕子腫傷肝唇定黑。缺盆平也必心傷。背平傷肺脾臍凸。脚背平時腎病深。

妊娠浮腫。其說有二。蓋胎前患水腫者少。而患胎氣者多。乃氣病也。名曰子腫。紫蘇飲主之。若小便不利腹脹者。水腫也。紫蘇飲加澤瀉、車前、白朮治之。三焦無病。

者。加山梔、黃芩利小便甚捷。如孕婦浮腫。上半身者。宜發汗。下半身者。宜利小便。上下俱腫。汗利兼施。服藥腫退而脫身者。不必再藥。凡婦人懷孕。宜別室安睡。常使身心清淨。不得再犯房事。夜睡須左右轉換。使小兒左舒右安。肢體活動。臨產自然快便。生子亦聰明少疾。背有一醫宿店。值店婦生產。數日不下。下體甚冷。急以椒、橘、茱萸、乾薑、良薑等煎濃湯熏洗臍腹產門等處。氣溫血行而遂產。

胎漏

〔胎漏歌〕血下如同月水來。漏乾胞血必傷胎。胎傷妊娠須憂慮。急賜靈丹救得回。只緣慾火房勞損。非是尋常虛漏胎。蓋胎之漏者。必有因而來。或誤吞動胎物。被熱毒所侵。或房勞而傷損。損輕則漏亦輕。損重則漏亦重。血盡而胎死。或因母病而胎動者。病治而胎自安。或胎不堅固而母病者。胎安而母自愈矣。又有值經期而見血。每月一至。名曰漏胎。宜服安胎飲。或紫蘇飲。加黃芩、白朮、阿膠、砂仁。自然無事。亦有傷胎氣而下血不止。宜奪

命丹。胎未損者。服之可安。已損者。服之卽下。

胎前雜證

孕婦卒然不語。名曰啞胎。不須服藥。產則能言矣。蓋聲出於腎。胞絡貫腎。故不能言也。經曰。九月而產。十月當復便是。妊娠譫語。用四物湯。倍加白芍。當歸。去生地。合二陳。加山查。薄荷。薑汁治之。

孕婦舌青者。子死腹中也。用麝香五分。肉桂三分。爲末。煮酒調服。如雙胎。一生一死。亦宜此方。因母患症。熏蒸其胎。致兒灼死。死兒着冷。不能自出。或用黑神散之類。以暖其胎。胎自下矣。

孕婦小便頻數。名曰子淋。服內補湯立效。小便不通者。乃胎下墜而壓膀胱。名曰轉胞。宜補中益氣。加車前。有內傷者。乃血鬱不去。今之梗痛是也。

妊娠大便秘結。乃血枯氣閉也。四物湯加枳殼。桃仁。孕婦水瀉。宜分別而治之。忌理中五積散。因有乾薑。玉桂也。傷食瀉者。養胃湯加消食藥。有傷生冷而瀉者。亦用養胃湯加木香。火瀉者。香薷飲。夏月暴注下迫者是也。暑瀉者。胃苓湯加香薷。

氣虛作瀉者。腸鳴而不痛。水穀不化者是也。補中益氣湯。或四君子湯。胎前血瀉。胃苓湯加木香砂仁。或紫蘇飲加神麴。澤瀉黃連。胃口發飽。夾痰嘔逆者。忌用參連。胎前產後痢。載痢證匯參。故不贅。

懷孕五六個月。或七八月。胎忽亂動。兩三日間或痛。或有水下。但腰不甚痛。是胎未離經。名弄胎。又曰試胎。胎水有無俱不妨。但直身坐臥行立。不可驚憂逼迫。以致誤事。二者俱非正產。必因觸犯所致。凡孕婦五六個月。或三四個月。常要緊束其身。勿令胎放肆。又不可飲酒常沐浴。

達生編云。小產當慎。三五月而墮者。謂之小產。此因臟府損傷。胞繫腐爛。以致墮胎。此比之大產更甚。大產瓜熟蒂落。本無足慮。尙有多少艱難。何況損傷胞繫而墮乎。輕視小產。每致殞命。須倍加將息。宜服補血養氣去瘀生新之藥。世有服落胎之藥者。害莫大焉。此丐戶穩婆所爲。醫者斷無此事也。

催生之說。自古相傳。然瓜熟蒂落。何必催也。催之非但無益。轉或有害。有用兔腦丸者。有用千年蓋者。有用催生石者。有急性子者。有筆頭灰者。有草麻子搗爛塗足心者。用之多有不驗。徒增繁擾。嘻。平時失於調護。任意行房。以致難產。頻以催

之。又何濟乎。此愚夫愚婦之所爲也。

兒在母腹。男女有別。男子負陽背陰。女子負陰背陽。在腹中亦然。男向於內。雙手傾捧母心。女向於外。居母心下。兩手自捧頭面。而背母足居下。至臨盆時。倒轉而順出矣。若產母側臥。致兒倒運不轉。卽有橫生逆產之患。故坐草切不可太早。須再三令人扶掖運動。方免前禍。不知此理。徒歸產母之氣血不足。豈不誤哉。然亦有臥而產者。必令仰臥平正。使產門虛而不礙可也。臥而能產。惟血氣充實者能之。若不坐不臥。無故頓住而難澀也。力可委罪於氣血不足耳。醫者宜鑒諸。

孕婦臨產之月。胞水未破而血先下者。此乃胎傷。非產也。宜入物湯與安胎飲治之。若胞水已破。此欲產也。用紫蘇飲以生其血。滑胎之藥。須胞水破。痛陣急。十月滿足者。方可服。若胞水未破。腹痛未甚者。雖十月滿足。恐未坐草。只服安胎飲。或紫蘇飲。白芍換赤芍。當歸用尾。去人參。加薑蔥水煎。入童便一盃。忌用桃仁活血之藥。胞水已破。兒卽墮地。謂之鋪蓐。生產最快利。如胞水已破。兒不下者。謂之試水。此產反遲。有停一二日而產。有服安胎飲而水止痛定。至五六日而方產者。切不可於破水時。卽用穩婆動手。令胎婦費力痛苦。多致受累。胎累日不下者。宜先

氣血助其胞水。佛手散。或紫蘇飲。臨蓐先放紅水。致兒乾攔。與行船無水同。宜紫蘇飲以生其氣血。如臨蓐腰腹俱痛。不可用穩婆輕易探候。卽胞水已破。腰痛已極。止當令孕婦扶掖走動。則生育自然順也。至於橫生逆產之患。皆因先動手故也。其臍帶繫於命門。兒將育時。兩手洗蕩。使臍帶脫落。然後得出。安得不痛。卽所謂瓜熟蒂落是也。

女科切要

清 海虞 吳道源本立纂輯
鄞縣 曹赤電炳章圈點

卷五

難產

〔難產生死歌〕欲產之婦脈離經。沉細而滑腹又疼。定知半夜應分娩。脈法由來載內經。大凡臨產應如此。產婦安然切勿驚。身重寒熱痛頻頻。唇甲之色黑復青。子死腹中從此驗。舌青冰冷母歸陰。面赤舌青須細看。母活子死定分明。唇口俱青白沫出。子母俱亡自可憑。面青舌赤沫又出。母死子生定知真。臨症過來俱應驗。方知前哲不虛陳。

難產之症。宜服童便。磨神仙聚寶丹服之。或有不順者。用葶麻子肉十四粒。硃砂雄黃各五分。蛇殼尺許燒灰。加麝香一分。共爲末。將水和作一丸。用川椒湯淋產

婦臍內。次將丸藥納臍中。用綿紙數層覆其上。再用闊布縛住。待胎下即去其藥。推腸生者。若腸不收。用新汲水入醋少許。三噴其面。即自縮而上矣。若腸下時。須用溫湯洗濕。米篩盛之。若沾染塵垢。及着乾物。即不肯上。且粘住斷絕。而母命不保矣。又法。將產婦頂心髮分開。用草麻子肉搗爛。敷於顛頂。將腸溫水養之。其腸即收。則母命全矣。又有橫生逆產。手足先出者。用細針連刺兒手足。將鹽擦其刺處。即便縮上。俗謂討鹽生也。

有頭胎生。曾二三個月隨墮。嗣後第二三胎。仍前復墮。名曰滑胎。不可復安矣。必須於有胎之後。曾有正產一次。後無此患矣。

按紫蘇飲一藥。能治臨產驚恐氣怯。累日不下。乃妊娠之要劑也。

壬午年間。曾有某室懷孕。十月滿足。忽然腹中大痛。即喚穩婆守候。穩婆欲圖大望。假意探胎消息。將指摘破胞衣。水流不止。胞水流乾。胎元乾攔。不能轉運。日夜無眠。痛亦不已。約四五日矣。邀余往視。診其脈。六脈離經。或曰六脈已散。命將危矣。余察其舌色鮮紅。毫無青色。謂曰不妨。將臨盆矣。或曰胞漿已乾。有何生理。答曰。古有急開支河之法。即大劑四物人參。加入車前五錢。柞枝一兩。煎湯代水煎。

服。房中穩婆三個。議論紛紛。或欲早用鉤割。以全母命。余曰。各人不可動手。瓜熟蒂落。可保子母兩全。服過藥後。少頃。腹中大痛。喚人扶掖走動。兒卽墮地。今已十二歲矣。

臨產

〔臨產歌〕臨產之時勿易看。驀然氣湊目珠翻。唇青口噤流涎沫。子母雙雙入死關。舌色鮮紅唇面黑。子存母死片時間。面紅舌黑兒難保。佛手仍須奪命丹。橫逆催生龍蛻散。滑胎可救漏胎乾。死胎欲下芎歸飲。更搗草麻脚底攤。血入胞中時脹悶。上冲心胃死何難。朴硝散共紅花酒。奪命神丹逐下安。產下血逆成血暈。清魂急灌命須還。血由一倒心無主。目暗神昏汗雨漫。氣隨血脫多難救。桂附參耆大劑堪。血冲心悶成狂妄。喘促蒲黃不等閒。兒枕痛知緣惡露。當歸失笑效非凡。忽然口噤言顛倒。見鬼原非風與寒。敗血上冲心血耗。妙香散共黑龍丹。夫婦人臨產。死生反掌。若善於救治者。實可以起死回生。稍不急救。多致夭枉。救之不得其法。藥之不能應手。亦莫全其生也。將產努力過多。兒轉未逮。以致胎落。

於胯。不能育者。有因子橫子逆而難產者。有體肥脂厚。平素逸而難產者。有子壯大而難產者。有年長遺嫁。交骨不開而難產者。有胞水先破。胞內乾澀而難產者。有胎死腹中而不下者。其腹冷舌黑可驗。有胞中積水。其腹大異常。脈息細弱。名曰胞水。時醫不識。疑爲雙胎。臨產必去水斗餘。方產。其兒手足。必然軟短殘疾。蓋水漬其胎故也。醫者識此。早用去水之藥。兒斯無恙矣。有兒下地。去血太多。產下卽死者。有血奔上而昏暈者。有子下而胞不下者。有敗血灌滿胞中者。如胞不下。須行去胞血。則自下也。有因穩婆取胞。誤傷內臟。輕則帶疾。重則傷命。慎之慎之。大抵貧賤婦人生育極易者。以其勞役。胎氣流動故也。富貴之家。厚養安逸。身體肥壯。每難生育也。

脈經曰。臨產六至。脈號離經。或沉細滑。若無卽生。浮大難產。寒熱又煩。此時急候。急於色徵。面頰唇舌。忌黑與青。面赤母活。子命必傾。若胎在腹。子母歸真。

臨產之時。切不可喧鬧。選一善熟穩婆。或得力使女。無使揮霍荒張。致令產婦驚恐。宜食軟飯稀粥。若腹中痛。且令扶行。或痛或止。名曰弄胎。不可使穩婆手探。尤不可屈腰臥眠。如連引腰痛。眼前如見火光。此是兒轉運。須扶掖徐行。起若艱難。

卽持物立住。須臾直至腰腹相引。難以行立。然後坐草。切勿太早。恐兒在腹。難以轉動。及胞水先破。子道乾澀。皆主難產。若心中熱悶。將生雞子一枚。打破吞服。抱腰之人。不可傾斜。則兒自然順下。若臨事倉惶。用力失宜。隨有難產之患。小兒已出。勿令便睡。宜閉目而坐。少頃。方扶上牀。仰臥立膝。勿令熟睡。宜頻喚醒。切不可。以得男爲喜。喜則傷心。恐生紅汗之症。亦不可以得女爲憂。憂則致敗血攻心之患。房中常以醋烟薰之。以防暈悶血升。數日之外。不可勉強下牀。一月之外。莫犯房事。謹之慎之。

妊娠臨產。有兒湊心不下者。其兒手必捧母心。多致母子俱亡。必用藥引入心分。解開兒手。方得產下。蓋兒手捏物最緊。藥氣一到。其手自軟。故曰解開。有產後胞衣不下。不可視以爲細。故而忽之。多有升至心而死者。不可不知。

兒捧母心

兒捧母心者。急用猪心血。調乳香五錢。煮酒送下。兒手遂開。如胞衣不下。用花蕊石一兩。硫黃四兩。入礶。鹽泥固濟。煅過爲末。童便酒調一錢。卽下。胞衣未下時。產婦將已髮推入口中。似欲作嘔勢。胞衣卽下矣。

有胞水放乾。兒不肯下者。急以大劑四物。加車前一二合。流水煎。頻頻服之。兒即隨水而下。此急開支河法也。虛者加人參。

胞衣不下

準繩云。胞衣不下。用瓦油盞烘熱。仰放產婦臍上。令男人以脚抵住油盞。其胞即下。乃鄉村之法。果驗。

交骨不開

交骨不開。有因元氣素弱。胎前失於調養。以致氣血不能運達而然。用加味芎歸湯。加柞樹枝一兩。大劑服之。外以麻油調滑石末。塗入產門。交骨漸開。達生散。即紫蘇飲。胎前之妙劑。催生之良方。

大腹皮 三錢

人參

紫蘇

陳皮

歸身 各五

白朮

白芍 各一

炙甘草 二錢

加黃楊頭七箇。枳殼。砂仁五分。青葱五莖。水煎服。此方補中行滯。能下死胎。

胃苓湯

蒼朮

厚朴

廣皮

白朮

茯苓錢各半
薑一片水煎

猪苓一錢

甘草六分

官桂五分

防風通聖散

防風

荊芥

麻黃

山梔

赤芍

大黃

朴硝

甘草

桔梗

川芎

歸身

滑石

薄荷

黃芩

白朮

石膏

連翹

黑神散 治胞衣不下。

熟地

歸尾

赤芍

蒲黃

肉桂

炮薑

甘草

黑豆半升炒

童便冲服。

神仙聚寶丹

熟地

川芎

乳香

五靈脂

琥珀

當歸

硫黃

花蕊石

良薑

黑龍

百草霜

奪命丹 治子死腹中不下。

桃仁

赤芍

官桂

茯苓

丹皮

養胃湯 治惡阻。

當歸

白朮

白芍

茯苓

半夏

藿香

砂仁

陳皮

神麴

香附

薑三片。大棗二枚。

五積散 見前

安胎飲 見前

苦練丸

苦練酒 打碎

茴香 炒

當歸 等分

共爲末。酒糊丸。

妙香散

後見產

清魂散

後見產

難產縮胎法

丹溪曰。世之難產者。往往見於鬱悶安佚之人。富貴豢養之家。若貧賤辛苦者。無有也。古方書止有瘦胎飲一論。而其方爲湖陽公主作也。實非極至之言。何者。見其有用此方者。其難自若。予表妹苦於難產。後遇胎孕。則觸而去之。予甚憫焉。視其作爲。惟勤於針指。構思旬日。忽自悟曰。此正與湖陽公主相反。彼奉養之人。其氣必實。耗其氣使平和。故易產。今形肥。知其氣虛。久坐則氣不運。必氣愈弱。兒在胞胎。因母氣不能自運耳。當補其母之氣。則兒健易產矣。令其有孕至五六個月來告。卽與全方紫蘇飲。加補氣藥。與數十帖。果得男而甚快。遂以此方。隨母形色性稟。參時令加減。與之無不應者。因名其方達生散。

白朮散 治子腫。

白朮一錢

薑皮

陳皮

茯苓皮

大腹皮

桑皮各五分

爲末。米飲調服。

竹葉湯 治子煩。

淡竹葉

麥冬肉

黃芩

人參

茯苓

防風

知母

水煎服。

參朮飲 治轉胞。

當歸

熟地

川芎

白芍

人參

白朮

陳皮

半夏

甘草

薑三片。水煎。

參朮膏 轉胞屢驗。

人參半錢

白朮二錢

黃耆錢半

茯苓一錢

陳皮一錢 桃仁一錢 炙草五分
用羊猪胞煎湯代水。

婁氏十產論

一曰正產。婦人懷胎十月滿足。忽腰腹作陣疼痛。相次胎氣頓陷。至於臍腹痛甚。乃至腰間重痛。穀道挺迸。繼之漿破出血。兒子遂生。此名正產。

二曰傷產。婦人懷胎未產一月之前。忽然臍腹疼痛。有如欲產之狀。仍却無事。是名試月。非正產也。但一切產母未有正產之候。即不可令人抱腰。亦不可令產母亂動用力。若兒身未順。纔方轉動。便教產母虛亂用力。使兒錯落。忽橫忽倒。不能正生。皆緣產母用力未當。用力之所致也。直待兒身順。臨逼產門。方始用力一送。令兒下生。此名傷產。

三曰催產。孕婦欲產。漿破血下。已見是正產候。但却未服藥不生。即可服催生藥試之。或有經及數日而不產。則產母困倦。亦可服藥助產母之正氣。令兒速生。此名催生。

四曰凍產。乃冬月寒冷。產母經血得冷則凝。以至兒不能生下。此害最深。若冬月生者。下部切不可脫棉衣。并不可坐臥寒處。當滿房着火。常有暖氣。令產母背身向火。令臍下腿膝間嘗暖。血得熱則流行。兒便易生。名曰凍產。

五曰熱產。時當夏令。威焰酷烈。產婦要溫涼得所。亦不恣意取涼。傷損胎氣。又不可房中人多。熱氣逼襲產母。使產母血沸。發熱頭疼面赤。昏昏如醉。乃至人事不省。此名熱產。

六曰橫產。兒先露手。或先露臂。此由產母未當用力。而先用力故也。兒身未順。用力一逼。遂致身橫。不能生下。當令產母安然仰臥。然後推兒。徐徐先推其手。令人直上。漸漸逼身。以中指摩其肩。推上而正之。或以指攀其耳而正之。必須產母仰臥。以便推兒正之。候其兒身正。煎催生藥一盞服之。方可用力。令兒下生。此名橫產。

七曰倒產。產母胎氣不足。關鍵不牢。用力太早。致令兒不能迴轉。便直下先露兒足。當令產母仰臥。令穩婆推其足。漸漸入內。不可令產母用分毫力。亦不得令其驚恐。務必安慰。使兒自順。名曰倒產。

八曰偏產。兒身未正。產母用力一逼。致令兒偏柱左腿。或偏柱右腿。故頭先露偏柱一半。不能生下。當令產母仰臥。次令看生之婦。輕輕推兒近上。以手正兒頭。令兒頭正後。產母用力一送。即便生下。若小兒頭後骨偏柱穀道。只露其額。當令看生之人。以綿烘熱。裹手於穀道外旁。輕輕推兒頭端正。便令產母用力一送。兒即下也。此名偏產。

九曰礙產。兒身已順而露正頂。不能生下。蓋因兒身迴轉。臍帶攀其肩。因此露頂。而不能生下。當令產母仰臥。令看生之婦。輕輕推上。徐徐引手。以中指按兒肩下。撥其肚帶。仍須候兒身正順。方令產母用力一送。兒即生下。此名礙產。

愚按大凡橫產、倒產、偏產、礙產四法。若非穩婆精良妙手。不可依用此法。恐恣其愚蠢。以傷人命也。今世之倒產者。往往隨其倒足生下。名曰踏蓮花生。並無後患。子母雙全。不必依前條推足上法亦可。如礙產者。往往肚帶有纏在兒頭頂上。而兒頭自出在產戶外。穩婆以指撥其肚帶。從兒頭頂過下之者。又有肚帶纏住頭頂一匝。而兒與胞衣一齊同下者。倘漫用前法推入產門。轉恐誤事也。

十曰坐產。言欲臨產時。高處繫一手巾。令產母以手攀之。輕輕屈足坐定。令兒生下。非坐在物上也。此名坐產。

昔有趙都運恭人。每產則大腸先出。然後則產。產後則大腸仍露。甚爲苦之。名曰盤腸生。醫不能療。偶在建昌得一良法。而可收之。用醋半盞。新汲冷水七分調勻。喫產母面。每喫一收縮。三喫收盡。是良法也。

產母腸不收。用香油五斤。煎熱盛盆。候溫坐油盆上。約坐至半時。以皂角末次入鼻中。嚏作立收。斗門方又法。用半夏末搐鼻中。則腸立收上。又紙撚蘸香油點

燈吹滅。以烟熏產母鼻中。腸亦立上。

丹溪曰。胎前母滯。產後母虛。產後一切皆不可發表。產後不可早用白芍。以其酸寒。尅伐生發之氣故也。大凡產後。不可食物過多。恐成積滯。若未滿月。不可強起離床。不宜多言喜笑。及驚恐憂惶。悲思怒惱。不宜久坐久立。及作針工。恐滿月之後。卽成蓐勞。併油膩魚肉之類。皆不可犯。凡產後百日之外。方可交合。不爾。百病滋長。慎之。凡婦人患風氣。臍下虛冷。莫不皆早行房之故也。或曰。新產之婦。好血已虧。汚血或留。彼黑神散非要藥乎。

答曰。至哉坤元。萬物資生。理之常也。初產之婦。好血未必盡虧。汚血未必盡積。臟腑未必寒。何以藥爲。飲食起居。勤加保護。何病之有。誠有汚血體怯而寒。與之幾劑。亦自簡便。或有他病。當求病起何因。病在何經。對症投劑。何用雜藥亂投。誠有性急形瘦。易怒火多者。夏月坐蓐。時行火令。薑桂皆爲禁藥。至於保護之法。尤爲悖理。肉汁發陰經之火。易成內傷之病。先定有訓戒。何胡爲羊雞濃汁作糜。而又服當歸丸。四順理中丸之類。雖是補藥。並是偏熱。若藏府無寒。何處消受。若夫兒子初生。母腹頓寬。思食雞子。而不思雞子難化。展轉生病。每見產母無疾者。却去黑神丹。不可與雞子肉食。且與之白粥乾菜。間以少些白鯊。半月方與別物。大能養胃却疾。彼富貴之家。驕恣之婦。卒有白帶頭風氣痛。膈滿痰逆口乾。經事不調等症。皆是陽盛陰虛之病。天生血氣。本自和平。又烏知其有此等謬迷。有以兆之耶。

女科切要卷五 婁氏十產論

女科切要

清海虞 吳道源本立纂輯

鄞縣 曹赤電炳章圈點

卷六

產後門

婦人產後。如無他症。不必服藥。三日之內。但以荊芥炭、益母草、砂糖煎湯。頻頻與飲。使惡露下盡。自無血暈腹疼之患。切不可飲酒及雞子牛羊猪肉之類。須以白粥乾菜調理。或松江淡鯊蒸熟食之。半月方可食鮮肉。漸漸加增。纔免陽盛陰虛之患。若去血過多。惡露未淨。或傷飲食。或感風寒。或夾氣惱。或三日蒸乳。皆能發熱增寒。身疼腹痛。當以意消息。不可偏執而用藥也。丹溪云。產後以大補氣血為主。雖有雜症。以未治之。產後不可發表。又不可早用白芍。以其酸寒。恐伐生氣也。慎之。

凡婦人產後。陰血虛。陽無所附。而浮散於外。故多發熱。治宜四物補陰血。而炮乾薑之辛溫從治。收其浮散。使歸於陰。然產後脾胃俱虛。多有過服飲食所傷。滯而發熱者。誤作血虛。則不效矣。如遇產後發熱。須審問何物所傷。有食無食。胸膈可有飽悶。如惡食泄瀉。只作傷食治。若發熱而飲食自調者。方用補血藥。產後血暈。因虛火引血上行。漸覺昏暈。急以鹿角燒灰。出火毒研極細末。煮酒童便調和。灌下即醒。行血最快。

又法用鐵秤錘。炭火燒紅。以醋淬之。令產婦鼻啗之即醒。

鄭良棟曰。新產血暈。不省人事。大類中風。切不可遽以中風治之。急服琥珀丸即愈。如兒已下地。一時血暈。昏昏不醒。速扶起抱住。勿令臥下。快與童便灌之。如不醒。再以燒紅炭投醋中。使醋氣透入產婦鼻內。即甦。因症用法。無不應效。產後子已在蓐。切不可使之即臥。須扶坐片時可也。因初產之婦。血氣未定。恐其血乘虛而上逆。慎之。

新產飲酒大忌。乃第一證。但服童便為妙。他藥苦寒。雖屬降下之品。却能凝滯敗血。且產後即發熱。切不可服涼藥。以其伐生氣而血凝也。若童便乃人身之元氣。

所成。名曰還元丹。惟能降火。蓋以人補人之義。新產飲食最難尅化。如赤豆、沙雞、鴨蛋之類。蓋新產暴大下血。脾胃甚弱。最易成病。

新產之脈緩滑結。實大弦緊。鬼來侵。若得重沉小者活。忽覺堅牢。命不存。寸口澀疾不調死。沉細附骨不絕生。請看此候。分明記。常須念此向心經。

新產胞衣不下。血暈不醒。腹中刺痛。敗血攻心。或眼閉口噤。或譫語狂言。困頓垂死者。以琥珀黑龍丹灌之。立效。或黑神丹亦可。

產婦敗血。有衝胃衝心之辨。不可混治。衝心。顛狂作亂是也。衝胃者。飽悶嘔惡是也。二者俱屬危症。用藥不可不速。遲則不救。

王肯堂曰。產後敗血。有衝胃衝心衝肺。三者皆屬危症。用藥不可不速。衝胃則嘔。衝肺則喘。衝心則發狂跳躍。急令兩人扶住。急宜童便降香沉香當歸煎湯灌下。其惡血自下行。新血各歸經。即時安寧矣。

皇甫中曰。產後敗血停蓄。上干於心。心氣閉塞。故舌強不能言語者。八珍散。產後內因痰氣鬱滯。閉目不能語。用明礬一錢爲末。白滾湯沖服。

產後去血過多。暈悶不醒者。芎歸湯。產後虛火引血上行。血迷血悶。暈昏不知人。

清魂散。如不醒。以韭菜一二斤搗爛。入壺中。沸醋傾入壺內。覆壺蓋。以壺嘴放鼻問熏之。即甦。或乾漆燒烟。令產婦嗜烟。如不醒。急掐其人中。提頂心頭髮。灌之以童便薑汁。自然甦醒。

黑龍丹 治產後一切血證。及胞衣不下。危急之症。

當歸二錢

五靈脂二錢

川芎二錢

熟地二錢

良薑二錢

右藥一兩。以沙盒盛。赤石脂。以紙包鹽泥封固。炭火煅令通紅。火候冷取開。看成黑色。研細入後藥。

百草霜五兩

硫黃錢半

乳香錢半

花蕊石一錢

琥珀屑一兩

後藥與前藥研極細。以醋糊爲丸。如彈子大。每服一丸。炭火煅令通紅。投入老薑自然汁與童便。入酒漉出。烘乾研細。只以此酒下。

清魂散 治血迷血暈。昏迷不省。

澤蘭一兩

人參一兩

荊芥四兩

炙甘草八分

每服二錢。熱湯溫酒各半盞調服。

產後血暈

問曰。新產婦人有三病。一者病瘧。二者病鬱冒。三者大便秘結。何謂也。
師曰。新產血虛。多汗出喜風。故令病瘧。亡血復汗。寒多。故令鬱冒。亡津液則胃燥。
故大便難。

產後血暈者。氣血暴虛。未得安靜。血隨氣上。迷亂心神。故眼前生花。甚者令人悶
絕。不知人事。口噤神昏。氣冷。宜服清魂散即甦。

荊芥散 治產後血暈精神昏昧。

荊 芥三錢

桃 仁五錢

爲末。滾湯下三錢。如喘加杏仁、甘草各三錢。

敗血衝心

婁氏曰。產後下血多而暈者。但昏悶煩亂而已。當補血。下血少而暈者。乃惡露不

下。上搶於心。則心下滿急。神昏口噤。絕不知人。當破血行血。

丹溪曰。婦人產後血暈。此乃虛火載血妄行。漸覺昏迷。以鹿角煨灰出火毒。研極細末。用童便煮酒灌下。即醒。此物行血極妙。

獨行散 治產後血暈昏迷不醒。衝心悶絕。五靈脂四錢。一半炒。一半生。共研極細末。溫酒調下二錢。即甦。

產後鬱冒

仲景曰。產後鬱冒。其脈微弱。不能食。大便反堅。但頭汗出。所以然者。血虛而厥。厥而必冒。冒家欲解。必大汗出。以血處下厥。孤陽上出。故但頭汗出。所以產婦汗出者。亡陰血虛。陽氣獨盛。故當汗出。陰陽乃復。大便堅。嘔而不食者。小柴胡湯和之。

產後如狂喘滿

產後血搶心悶如狂。喘滿欲絕者。蒲黃散。惡露不盡。心腹痛。黑神散。惡露不盡。兒枕痛。當歸失笑散。產後忽然口噤。語言顛倒。如見鬼狀。此敗血攻心。非風寒邪祟。

也。妙香散。或用黑龍丹。煨過酒調下。

蒲黃散 治惡露不快。血上搶心等症。

乾荷葉二錢

甘草二錢

丹皮二錢

元胡二錢

生地三錢

挫作二劑。水煎。入蜜少許溫服。

黑神散 治惡露不盡。胞衣不下。腹痛不止。

黑豆炒半

熟地四兩

當歸四兩

肉桂四兩

乾薑炒四

生蒲黃四兩

炙甘草四兩

炒白芍四兩

共為末。每服二錢。童便各半盞調服。

當歸失笑散 治產後心腹絞痛欲死。及兒枕作疼。

當歸五錢

炒蒲黃五錢

五靈脂五錢

共為末。每服二錢。醋調熬成膏子。白滾湯下。

妙香散

麝香一錢

遠志肉去心一兩

黃耆一兩

人參五錢

茯苓一兩

茯神一兩

桔梗五錢

甘草五錢

木香二錢

硃砂三錢

淮山藥一兩薑汁炒

共為末。每服二錢。開水調服。

滑胎散 治坐草太早。努力過多。以致難產。

滑石六錢

冬葵子五錢

甘草二錢

為末。每服二錢。酒下。

神應散 治橫生逆產。胞漿先破。此藥如魚得水。

白芷一兩

百草霜一兩

為末。童便酒調下三錢。

牛膝湯 治胞衣不下。臍腹堅痛。服此爛下。

牛膝四兩

瞿麥四兩

當歸三兩

通草六兩

滑石八兩

葵子五兩

水九升。煎至三升。三次服。

黃耆湯 治產後去血過多。自汗不止。

炙黃耆二錢

白朮一錢炒

防風一錢

熟地二錢

牡蠣錢半煨

茯苓一錢

麥冬五分

甘草五分

大棗二枚水煎服

扶神散 治產後心虛怔忡不定神思不清

人參一錢

茯神八分

甘草一錢

山藥一錢

當歸一錢

肉桂五分

遠志肉一錢

生薑五錢

大棗二枚水煎服

當歸羊肉湯 治產後寒熱自汗肢體疼痛名曰蓐勞諸藥無效者

當歸七錢

人參七錢

黃耆一兩

生薑五錢

羊肉一斤煮汁五大碗入藥煎四碗作六服

腹痛下血胃虛嘔逆砂仁二錢炒研末酒調下或佛手散

血虛發熱

〔產後血虛發熱歌〕產下嬰兒血氣空絲毫觸犯便傷營倏然致疾如山重不與

尋常一樣同。去血過多因發熱。炮薑參朮與川芎。陰傷作熱心煩悶。自汗黃耆可奏功。惡心嘔逆傷脾胃。抵聖湯醫腹脇膨。歸耆止汗除身熱。不愈當歸取效崇。風中愈風湯立驗。茯神散子治怔忡。諸風痿痺筋搐搦。時世名醫認血風。乍見鬼神由血耗。調經散服起疲癱。中風口噤牙關閉。拘攣身張似角弓。此是血虛筋癱瘓。舉輕古拜配歸芎。產後經來因適斷。感於異症在其中。手牽足搐牙關緊。昏冒柴胡視聽聰。陰虛發熱增寒證。晝日清明夜覺兇。加增四物神功大。一服能令病脫躬。胞中誤損成淋症。參朮煎膏洩自通。浮腫必須分水道。憂思鬱結在寬胸。痢初化滯香連芍。積久須當用胃風。初感寒邪微發表。熱邪不解用黃龍。燥煩實熱芩連理。渴甚人參白虎從。熱泄柴芩除半夏。便難議與大柴攻。汗多表弱宜行桂。裏弱中虛用理中。發表內攻須帶補。勿行猛浪內傷營。小便淋漓行時痛。但用茅根可治癰。泄瀉胃苓湯可用。寒加肉果桂薑同。若因熱瀉并腸垢。薑炒黃連佐木通。

氣血大損病

夫產後氣血大損。卽易產力壯者。尙有感疾爲終身之患。產母不可恃健。不行保

重。勞碌以損其營。多食以傷其胃。外感六淫之邪。內受七情之氣。爲患莫測。古云。產後勿犯絲毫。感病重於山岳。信夫。或惡露未淨而發熱作疼。真元不復而痿頓。爲勞。比比皆然也。故產後諸疾。先以大補氣血。縱有他疾。以末治之。或欲祛邪。必兼補劑。殊爲切當。若以峻劑攻之。再損氣血。危可立待。或惡露當去者。亦須急去。故生新溫養爲主。斯得其正也。舉輕古拜散。治產後中風。

荊芥炒燥

爲末。每服二錢。豆淋湯調服。

產後脈法

脈經曰。婦人新生乳子。脈沉滑小者生。實大弦急者死。又曰。婦人生產之後。寸口脈弦疾不調者死。沉細附骨不絕者生。婦人產後。因中風傷寒發病。喘鳴而肩息。脈實而浮緩者生。小緊者死。

丹溪曰。胎前脈細小。產後脈洪大。皆死症也。又曰。產前當洪數。既產而洪數如故。

安得不死。脈經曰。產後緩滑沉細皆宜。實大堅牢瀆疾俱危。

產後蓐勞

婦人新產後自汗。肢體酸疼。虛眩無力者。名曰蓐勞。當歸羊肉湯。產後氣血大虧。失於調理。自汗發熱虛羸。飲食不化。時欬發渴者。人參驚甲散。發寒熱。石子湯。鄭良棟曰。產後蓐勞虛損。頭痛氣短。小腹痛而寒熱者。增損柴胡湯主之。葉盛公曰。產後蓐勞。緣生產久坐多語。運動用力。致頭目四肢疼痛。寒熱如瘧。宜白茯苓散。

人參驚甲散 治產後蓐勞。寒熱如瘧。

驚甲散

人參五錢

肉桂五錢

桑寄生五錢

當歸五錢

茯苓五錢

白朮五錢

大熟地五錢

桃仁五錢

麥冬五錢

續斷五錢

牛膝一兩

黃耆一兩

共爲末。猪腎一對去膜。生薑一片。水二盞。棗三枚。煎至一盞。入前末藥二錢。葱

白三寸。烏梅半箇。荊芥五穗。再煎數沸。去渣。空心服。

石子湯 治產後虛羸寒熱。自汗氣促等症。

猪腰子一對去膜 香薷二兩 葱白一兩 白芍二兩

右藥分作兩貼。每用水三升半。勻三服。

白茯苓散

茯苓一兩 當歸 川芎 白芍

肉桂 黃耆 人參各五錢 熟地一兩

先以水二盞。煮猪腎。再加薑二片。棗三枚。入藥五錢。去渣。溫三服。

增損柴胡湯

柴胡 半夏 人參 川芎

橘紅 甘草

水煎服。

抵聖湯 治產後惡露不行。敗血入於脾胃。

赤芍一錢 半夏一錢 澤蘭一錢 陳皮一錢

人參一錢 甘草七分

薑三片。水煎服。

產後胞衣不下

產後胞衣不下。爲血入胞中。上衝心胸。氣血脹悶。不出欲死。必須逐其血。用紅花、茜草酒煎服。或朴硝散。甚則奪命丹。如再不下。臍堅脹急痛欲死者。牛膝湯。

努力傷胎

妊娠努力。及跌蹶傷胎。腰腹疼痛。或胎上搶心去血。膠艾丸。或從高墜下。或努力被重物所壓。觸傷胎氣。腹痛下血。胃虛嘔逆。砂仁二錢。炒爲末。酒調下。或佛手散。

胞衣先破

胞衣先破之由有二。或因母體素弱。氣血兩虛。胞衣故薄。兒身轉動。隨觸而破。有因兒未轉動。坐草或早。用力過多。以致胞破。如已破久。則血水乾。產路遂濇。兒難

下也。急用大劑加味芎歸湯。加熟蜜一兩助氣。而兼潤滑。自當兒即順下。
婁全善曰。胞衣不下。惟花蕊散取效獨妙。若鄉居藥肆。倉卒無之。今採得胡氏一
法甚妙。產訖。胞衣不下。稍久。則血流胞中。爲血所脹。上冲心胸。喘急疼痛。必致危
篤。若有此患。宜急斷臍帶。以少物繫帶。必用力牢固繫之。然後截斷。使其子血不
流入胞中。則胞衣自當痿縮而下。縱淹延數日。亦不能有害。惟以產母心懷安泰。
終自可下。累試有驗。

花蕊散 治產後敗血不盡。血迷血暈。惡阻。敗血奔心。

胎死腹中。胞衣不下。至死者。但心頭稍緩。急以童便調一錢服之。取下惡血。或
如猪肝。產婦從此可無血氣血風之症矣。如膈上有血。亦化爲黃水。即口中吐
出。或從小便下也。

牛膝湯

牛膝

瞿

麥

各四兩

當

歸

三兩

通

草

六兩

滑

石

八兩

葵

子

五兩

右藥咬咀爲末。以水九升。煎至三升。分爲三服。

女科切要卷六 胞衣先破

女科切要

清海虞 吳道源本立纂輯
鄞縣 曹赤電炳章圈點

卷七

產後虛渴

產後血熱心煩口燥者。涼血飲。虛煩而渴者。生脈散。蓋產後虛渴。氣少脚弱。頭目眩暈。飲食無味。熟地黃湯。或四物加麥冬花粉。涼血飲。治產後虛煩發渴。

黃芩二錢

赤芍二錢

川芎二錢

甘草一錢

荆芥二錢

花粉二錢

生地二錢

麥冬二錢

右藥分作二服。每服加竹葉七片。燈心二十莖。水煎。生脈散。生津止渴。

人參

麥冬

五味

水煎服。

熟地黃湯

人參四錢

甘草一錢

花粉六錢

麥冬三錢

熟地五錢

分作二服。元米一撮。薑棗煎服。

產後浮腫

產後敗血停蓄五藏。循經流入四肢化爲水。因成虛浮腫者。調經散。產後氣血大虛。肢體浮腫者。不可通利其水。宜大補氣血。四君子湯加蒼朮。

調經散

當歸一兩

赤芍兩

肉桂一兩

沒藥一錢

琥珀一錢

麝香五分

細辛五分

炙甘草二錢

共爲細末。每服五分。入薑汁少許。酒調下。

產後發熱

薛古愚曰。產後發熱。因去血過多則血虛。血虛則陰虛。陰虛則生內熱。心胸悶煩。氣短頭疼眩亂。骨節酸疼。晡時轉甚。與大病後虛煩悶相類者。宜人參當歸散主之。如血虛生熱而自汗者。逍遙散。若產後臍下發熱。非熱地不能治。若產後發熱不已。必用炒黑乾薑。詳見丹溪治產後日晡發熱轉甚。非柴胡不能治。若外皮熱而內不熱者。及兩足覺冷者。此胃風也。宜芎蘇飲。產後寒熱惡露未淨。停住胞絡而發熱者。仍以行血為主。小腹痛者是也。輕則四烏湯。重則醋箇散。或以吐瀉五積散。有食加消導藥。惡露淨者。小腹痛不痛是也。若產後因下血過多而忽發寒熱者。此因營衛虛損。陰陽不和也。宜加減四物湯。

初產作乳

初產有作乳者。有產下而不育乳汁者。膨上俱致發熱。但此症與惡露未淨。停胞絡而發熱者相似。而實不同。宜細細辨之。小腹痛者。惡露停蓄也。不宜服加減四

物湯。若小腹不痛者。陰陽不和也。宜服之。若往來寒熱。小柴胡湯主之。寒熱而盜汗如雨者。麥煎散主之。

皇甫中曰。產後血虛發熱。頭痛自汗。心煩氣短者。人參當歸散。產後陰虛氣血不足而發熱。日輕夜重而惡寒者。四物湯加炮薑。微熱加茯苓。產後蒸乳發熱者。用四物加黃耆、人參、白朮、花粉。人參當歸湯。

熟地	一兩	人參	一兩	當歸	一兩	麥冬	一兩
肉桂	一兩	白芍	一錢				

每服五錢。加薑、竹葉煎服。

產後風痿

產後諸風。痿弱筋攣無力者。血風湯。產後氣弱汗多。風搏之而成痙。口噤。角弓反張。脊強汗出不止者。難治。大聖散加川芎、黃耆。血風湯。

秦	芩	一錢	羌	活	一錢	防	風	七	白	芍	一錢
大熟地	二錢	白	芷	八分	川	芎	一錢	白	朮	一錢	酒炒
歸	身	一錢	炙黃耆	錢半	茯	苓	一錢	半	夏	一錢	

水煎服。

產後怔忡

大聖散 治產後因驚而發心神不定。怔忡恍惚。

川	芎	一兩	黃	耆	一兩	當	歸	一兩	木	香	一兩
人	參	一兩	甘	草	一兩	茯	神	一兩	麥	冬	一兩

右藥挫為末。每服七錢。薑三片。水二盞。煎至八分。空心服。

產後血少。怔忡恍惚驚悸。睡不安寧者。益榮湯。或養心湯。寧志丸。產後心恍惚者。茯苓散。

益榮湯

當	歸	錢半	黃	耆	一錢	遠	志	一錢	棗	仁	一錢
---	---	----	---	---	----	---	---	----	---	---	----

柏子仁炒一錢

茯神一錢

人參一錢

白芍八分

甘草三分

紫石英八分

薑三片。水煎服。

養心湯 治產後心虛血少。恍惚驚悸不安。

黃耆五錢

茯神五錢

遠志肉五錢

當歸五錢

人參二錢

半夏麩

川芎各五錢

棗仁二錢

肉桂二錢

五味三錢

柏子仁二錢

甘草四錢

右為粗末。每服三錢。加薑三片。水煎服。

茯苓散

人參一錢

甘草一錢

山藥一錢

當歸一錢

遠志肉一錢

茯苓一錢

桂心一錢

麥冬一錢

大棗三枚。水煎服。

產後中風

產後中風口噤不省人事。牙關口閉。手足瘳瘳者。舉輕古拜散。產後血大虧損。經絡空虛。勞碌太早。風邪乘虛而入者。小續命湯。或愈風湯。中風角弓反張。涎潮湧出。大豆子湯。

小續命湯

麻黃	一錢	人參	一錢	黃芩	一錢	白芍	一錢
川芎	一錢	甘草	八分	杏仁	十四粒	防己	一錢
肉桂	七分	附子	一錢 <small>製</small>				

水煎服。

大豆子湯

大黑豆三升升炒令焦黑候烟起以好酒沃之入瓶內水貯聽用。每用此酒半升。入獨活五錢。同煎十沸溫服。

血暈氣脫

產後血暈與氣脫。宜分別治之。

血暈是實證。逐瘀爲主。此因惡露不行。惡血衝心。而心下滿急。神昏口噤。不省人事者。切勿放倒。急與生化湯。失笑丹。或佛手散。氣脫是虛證。補正爲主。此因平素虛弱。臨產用力勞傷。去血過多。亦致昏暈不醒。微虛者。少煩卽甦。大虛者。血竭卽死。但察其面白口開自汗。手足冷厥。六脈微極。是氣脫症也。生死判於頃刻。勿令散倒。令傍人挽住頭髮。急與大劑參歸附子等同其陽。或增損四物湯。煎濃。徐徐灌之。但能下咽卽可得生。若誤認血暈。而以行血藥投之。益速其斃也。治宜細心詳究。

產後陰虛

產後陰虛血耗。四物湯加炮薑。產後去血過多。陰虛而致內熱煩懣。呼吸氣短。頭痛悶亂。骨節煩疼。人參當歸散。陰虛發熱者。小柴胡湯。去半夏。加花粉。人參當歸散。

人參一兩 當歸一兩 肉桂一兩 熟地一兩
每服五錢。加竹葉、生薑煎服。

小柴胡湯

人參

半夏

黃芩

柴胡

甘草

加薑水煎。

產後瘧疾

產後瘧疾。宜分別施治。有寒熱相兼。有熱多寒少。草果飲子。或青皮飲。寒多。養胃湯。或四獸飲之類。

草果飲

草果一錢

川芎一錢

紫蘇一錢

白芷一錢

良薑七分

甘草八分

陳皮八分

青皮一錢

水煎。

四獸飲

人參一錢

白朮一錢

陳皮二錢

茯苓二錢

甘草五分

草果八分

烏梅三箇

半夏六分

加薑棗水煎服。

勝金丹

常山酒蒸兩

尖檳榔一兩

共爲末。醋糊丸。未發時先吞三十丸。至五更再吞十五丸。溫酒送下。丸如菟豆大。發時切不可服。

養胃湯見胎前

產後傷風

產後血氣大虧。縱有寒。不可大發汗。芎歸湯。加人參、蘇葉、葛根微汗之。故鄭氏只用帶鬚葱煎湯服。如熱不止。黃龍湯加芎歸。大熱不得已。加知母、黃連。可攻可溫者。臨時斟酌。不可妄投峻劑。耗損真元也。慎之。

產後泄瀉

產後泄瀉。小便不利而瀉。此陰陽不分之故。宜胃苓湯。腹痛是食積。宜加消食藥。惡露不行。宜行血。若外感風寒而內傷飲食者。宜養胃湯。惡露已淨。不必活血。如未淨。加歸尾、桃仁之類。如久瀉不止。養胃湯加肉桂、肉果。如挾寒腹痛腸鳴。小水清白不濁。口不渴。加肉果炒白芍。如熱瀉。腸垢口渴。時痛時瀉。火也。宜薑炒黃連、木通。或瀉或不瀉。或多或少者。痰也。肯堂云。產後瀉利。不可混治。以補脾為主。如白朮、茯苓、神麴、甘草、陳皮之類。兼以消食理氣之劑。

君苓湯

白朮二錢

茯苓二錢

猪苓一錢

澤瀉一錢

水煎服。

胃苓湯即君苓湯加平胃散

產後心腹痛

產後敗血凝聚。氣上衝心作痛。大巖蜜湯。七情相干。血與氣併心痛。元胡索湯。敗血攻心腹痛。失笑散。寒邪腹痛。理中湯。

大巖蜜湯 治氣上衝心。

當歸一錢

獨活一錢

乾薑一錢

熟地一錢

甘草五分

北細辛七分

吳萸一錢

肉桂一錢

遠志一錢

白芍一錢

水煎服。

元胡索湯 治心腹痛。

元胡一錢

當歸一錢

白芍一錢

厚朴一錢

文朮一錢

三稜一錢

川練子一錢

木香一錢

川芎二錢

桔梗二錢

檳榔一錢

黃芩八分

甘草七分

水煎服。

失笑散 治胃脘痛。

蒲黃

五靈脂

產後咳嗽

產後咳嗽而惡露未盡。二陳、四物加活血藥。已淨。知母茯苓湯。或發熱。入物加黃柏。知母少許。或傷風咳嗽而痰多者。其治法載傷風條下。有惡露上攻。肺經受邪咳嗽。二母散。血風感寒熱濕氣。咳嗽痰涎。坐臥不安。四陰煎。有外感者。參蘇飲。二母散。治惡露上攻而嗽。

知母一兩

貝母一兩

人參八錢

茯苓八錢

桃仁粒十九

杏仁粒十四

每服七錢。煎至八分。細細呷下。

四陰煎。保肺清金。

生地三錢

麥冬二錢

白芍二錢

百合二錢

沙參二錢

生甘草一錢

茯苓錢半

水煎服。夜熱盜汗。加地骨皮。痰多加川貝。

產後鬱冒。由胃弱不實。多汗故也。血虛必厥。厥必鬱冒。白薇湯。產後三疾。鬱冒則多汗。汗多則大便秘結。此皆去血過多。難以藥治。蘇麻粥主之。白薇湯。治汗多。

白薇三錢

當歸三錢

人參錢半

甘草七分

水煎服。

蘇麻粥潤腸。

蘇子、麻仁不拘多少。研爛取汁。煮粥食之。

產後脚氣

產後熱悶。氣上冲逆。轉為脚氣。小續命湯。去麻黃、石膏、附子。由平素感受風寒暑濕燥火之氣。因產後血氣不足。遂襲於足經。因乘虛而發者。獨活寄生湯。

獨活寄生湯

獨活一錢

桑寄生八分

杜仲一錢

牛膝一錢

細辛七分

秦艽一錢

白茯苓一錢

白芍酒炒一錢

肉桂六分

川芎八分

防風七分

人參八分

炙甘草七分

熟地一錢

當歸一錢

共為粗末。水煎服。

產後遍身疼痛

產後遍身疼痛。因早勞動行走。致氣血升降失常。留滯於關節間。筋脈牽引。或手足拘攣。不能伸屈。故遍身肢節作疼。宜趁痛散。惡露不淨。流於遍身肢節。腰脚關節等處作痛。宜如神湯。趁痛散。治敗血流經。

當歸	一錢	肉桂	八分	白朮	一錢	牛膝	一錢
黃耆	一錢	獨活	八分	薤白	一錢	寄生	一錢

薑三片。水煎服。

如神湯 治肢節疼痛。

厚朴	一錢	半夏	六分	枳殼	七分	白芍	八分
木香	六分	肉桂	六分	陳皮	六分	茯苓	六分
人參	六分	甘草	五分	蒼朮	一錢	茴香	一錢
香附	七分	桔梗	八分	乾薑	六分	川芎	七分

當歸一錢

白芷八分

木瓜六分

桃仁六分

水煎服。

產後氣喘

產後氣喘。由營血暴竭。氣無所主。觸發於肺。故至喘急也。此孤陽絕陰。難以治療。十死一生之證也。若敗血停滯。上逆於肺作喘者。奪命丹主之。鄭氏謂產後發喘。最爲危險。經曰。諸喘皆凶。然此亦當視其有痰無痰。痰之多少。以斷其吉凶。若痰壅盛而喘。痰聲必大作。此痰犯肺金。肺不寧也。法當豁痰。其喘自定。其喘猶可救。旋覆花湯主之。惡露未盡者。加生薑自然汁。及行血消食藥。已淨而小腹不痛者。加片苓服之。若不咳而喘者。此謂肺火所迫。乃真喘也。證多不治。不必下藥。

產後呃忒

產後發呃。此症不宜見之。新產須辨症施治。如惡露未淨者。多是血迷上衝所致。當服行血之藥。已淨而呃者。多因受寒也。法當順氣調脾。如紫蘇飲之類。

產後嘔吐

產後嘔惡。胃氣不化也。惡露未行者。二陳、四物加減活血藥。若已行者。不必活血。若胸滿而嘔逆者。食也。宜消導之。如飲食入胃而即嘔者。火也。納穀少頃嘔出者。胃寒也。宜白蔻、丁香之類治之。

產後吞酸

產後吞酸者。少見。或因病久脾胃虛弱。致有此患耳。如惡露淨後。二陳湯。或四物湯加薑汁炒黃連、吳茱萸之類。

產後不語

產後噤口不語。乃敗血裏迷心竅所致。不須恐怖。但服八珍散。一月自安。亦有痰迷心竅者。二陳、四物加竹瀝薑汁甚妙。如產後着風不語。小續命湯主之。加薑汁。其法最穩而取效亦速。

產後頭痛

產後頭痛。有氣血虛弱、痰厥、着寒、着風之不同。不可一例而施治。氣血虛弱者。四物湯。痰厥者。二陳湯。着寒、着風者。芎蘇飲。隨症加減。有產後感於異症。手足牽搐。咬牙頭痛昏冒。先服四物。後服秦芫丸。芎蘇飲。

川芎

蘇葉

枳殼

前胡

葛根

木香

桔梗

甘草

陳皮

半夏

薑三片。水煎服。

秦芫丸

川芎

當歸

秦芫

荊芥

共爲末。醋糊丸。每服四錢。

產後胞損

產後胞損。血水淋漓。茅根湯。敗血不止。淋漓不休。烏金散。血不止。久而四肢乏力。沉困。牡蠣散。或產時穩婆誤損其尿胞。以致日夜淋漓者。參朮膏主之。

茅根湯

茅根二錢

瞿麥錢半

葵子二錢

茯苓錢半

人參一錢

蒲黃一錢

桃膠一錢

滑石錢半

半夏三分

石膏一錢

紫貝一箇燒

燈心、薑水煎服。

烏金散

麒麟竭一兩

百草霜一兩

元胡一兩

當歸一兩

男髮灰一兩

鯉魚鱗一兩

肉桂一兩

赤芍一兩

松墨醋浮煨一兩

為末每服二錢。空心酒下。

牡蠣散

牡蠣粉二錢

川芎一錢

茯苓一錢

熟地一錢

龍骨二錢

續斷一錢

當歸一錢

艾葉一錢
酒炒

人參一錢

五味十粒

地榆一錢

甘草五分

薑三片。大棗二枚。水煎服。

參朮膏

人參一斤。白朮一斤。煎成膏子。每用三錢。白湯下。

產後小便不利

產後小水不通。四物湯去生地。加赤苓、木通。又法。用炒鹽一撮。麝香少許拌勻。填產婦臍內。外以葱頭十餘莖。縛作一束。切片如餅子樣。須手指厚。先將鹽麝二物納臍中。後將葱餅加於其上。用艾炷與葱餅一樣大灸之。待熱氣入腹方止。其小便自通矣。

有大小便俱閉而惡露不行者。服行血藥。惡露已淨。用四物湯。黃芩、山梔、枳殼、木通、赤苓之類。如惡露不行。大便瀉而小便閉者。但可服五苓散。加行血藥。如赤芍、紅花、元胡索等類。不可服胃苓湯。蓋蒼朮、厚朴能止血故也。

產後衄血

產後氣消血敗。營衛不理散亂。流入諸經。不得還元。故口鼻黑氣起。及變鼻衄。因產後虛極。變爲此症。則胃絕肺敗。多至不救。用犀角地黃湯。或可挽回百一。

犀角

生地

白芍

丹皮

水煎服

女科切要卷七 產後衄血

女科切要

清海虞 吳道源本立纂輯

鄞縣 曹赤電炳章圈點

卷八

產後無乳

婁氏曰。累經產而無乳汁者。亡津液故也。須服滋補之藥以動之。若雖有乳汁。而又不甚多者。須服通經之藥以動之。仍羹臠引之。蓋婦人之乳。資於衝脈。與胃經通故也。大抵婦人素有疾。在衝任經者。乳汁少而其色帶黃。所食之子。怯弱多病。又曰。乳汁不行。有氣血盛而壅閉不行者。有氣血弱澀而不行者。虛當補之。實當疎之。疎用通草、漏蘆、土瓜之類。補用鍾乳粉、猪蹄、鯽魚之屬。雲臺立效方。

元 米半合

藹苕子半合

生甘草五錢

右煎汁一升。去渣分作三服。乳汁立下。

湧泉散 治婦人乳汁絕少。

瞿麥穗

麥冬

龍骨

山甲炙

王不留行

右爲細末。每服一錢。熱酒調下。後服猪蹄湯。再用油木梳於左右乳上。各梳二十三十梳。每日三服。

胎前乳汁自出者。謂之乳泣。又名乳注。生子多不育。產後乳汁自出。蓋是體虛。宜服補藥以止之。亦有乳多急痛而出者。溫帛熨之。漏蘆散亦可。

漏蘆散

漏蘆 二錢半

蛇殼 一條

瓜蒌 十隻

爲末。酒調服二錢。

產後崩淋帶下

產後崩淋。及赤白帶下者。皆因七情內傷。或下元虛弱。王叔和曰。始病血崩。久則

血少亡陽。故白滑之物。下流不止。是本經血海先枯。津液消亡乾涸。不能交養筋骨。用藥之法。須以本部行經藥。爲引爲使。用辛甘油膩之物。潤其枯涸。而滋益津液。以大辛熱之藥。裨補陽道。生其血脈。以寒苦之物。瀉其肺。以人參補之。微苦濕藥佐之。以治此症之大法也。

崩中者。由藏府傷損。衝任二脈。氣虛血虛之故。此二脈爲經裏之海。氣血之行。外循經絡。內榮藏府。府因衝任二脈之氣。傷虛極。不能約制厥經之血。故忽然而下。謂之崩中暴下。治當大補氣血之藥。舉養脾胃。微加提鎮。墜下心火之藥。宜補心瀉火湯。血自止矣。凡淋帶之症。俱是痰積流下。滲入膀胱而成也。治宜升提。以提其氣下陷。用二陳加二朮。肥人多濕痰。加半夏。南星。炒黃柏。川芎。椿皮。青黛。瘦人多火。加黃柏。椿皮。海石。滑石。蛤粉。赤白兼下。加炒蔓荊子末。酒調下二錢。

產後陰脫

婁全善曰。產後陰脫者。因產時努力太過。以致陰脫。狀若脫肛。陰戶挺出。逼近腫痛。舉重房勞。皆能致此。清水續續。小便淋漓。用硫黃。烏鰂骨各五錢。五味一分。爲

末。數患處。兼服參、膏、歸、草、升麻等補藥自愈。

丹溪治一婦人。三十餘歲生女。二日後。產戶一物如手帕。下有帕尖。因思之。此由胎前勞乏傷氣。或肝痿致此。却喜血不甚虛。其時歲暮天寒。恐冷乾壞了。急與參、膏一錢。白朮五分。當歸一錢半。升麻五分。三貼。連服之。即上得汗。遍身乃安。但下而沾蓆處。乾者落一片。蓋脂膜也。食進能眠。診其脈皆瀼。左略弦。視其形却實。與白朮、白芍各五分。陳皮一錢。薑一片。連三四服遂安。

又一婦人產子後。陰戶中有一物。如合鉢狀。有兩歧。其夫求治。予思之。此子宮也。必氣血虛弱而下墜也。遂用升麻、黃耆大料二服與之。半日後。其夫復來曰。服二貼後。覺一聲響。視之。已收陰戶訖。但因經宿乾着蓆破一塊。如掌心大。粘蓆。其妻在家哭泣自傷。恐損破。不能復生。予思之。此非腸胃。乃糟粕也。何駭之有。肌肉破。尚可復完。若氣血充盛。可以生滿。遂用四物湯加人參。與百貼。三年後始復生子。

產後玉門腫痛

凡產後陰腫。下脫內出。玉門不閉。用石灰一升。炒極熱。湯二升。投灰中。俟溫冷澄。

清。坐水中以浸玉門。斯須平復如故。
產後玉門腫痛。用海螵蛸去甲。研細末。用雞子殼調塗。其腫立消。
產後玉門不斂。此氣血不足也。宜補中益氣湯。倍加升麻。

產後脇痛

產後脇痛。乃頑痰瘀血也。左痛爲痰。右痛爲血。宜補中益氣湯。頑痰在左。加白芥子。瘀血在右脇。加枳殼、柴胡。

產後陰癢

產後陰癢。或腫痛。此濕熱也。宜藥湯熏洗。

荆芥

白芷

白礬

川椒

杏仁

桔梗

細辛

煎湯熏洗。

亦有產後陰癢。用蛇牀子一兩。白礬二錢。煎湯頻洗。其癢自止。

產後下血成片

產後忽然下血成片。如崩狀。此因氣血大虛。脾胃又弱。以致氣血攻於脾胃。胃氣不順。則成此症。此營衛衰敗也。當和血理氣。服四物止經湯。

熟地

白芍

當歸

川芎

柏葉

茯苓

香附

阿膠

蒲黃

白朮

棗仁

陳皮

人參

甘草

產後尿胞墜下

產後偶取重物。致尿胞墜落在外不收。此氣弱血冷。移取重物。努力而致傷臟。因而墜下不收。或三四月。或半年一載。不能還元者。宜服收陰散。

人參

白朮

甘草

肉桂

枳殼

升麻

吳萸

沉香

加四物湯。

絕產不育

產婦生育艱難。意欲斷產。非細事也。或因生產不順。每育則鉤割。或因不正。或娼尼等。不願孕育而欲絕胎者。每以毒藥斷之。殊不知產育雖斷。而其受病更深也。智者鑒諸。

三白丸 治婦人不生子。

白朮

白歛

白茯苓

秦艽

厚朴

當歸

吳萸

人參

肉桂

乳香

各四錢

爲末蜜丸。如桐子大。每服三十丸。空心酒下。

產後乳裂

產婦乳裂。流脂疼痛。用秋冬綳拆茄子。瓦上煨灰。白蜜調敷。

產後陰戶翻出

產後陰戶翻出腫痛。用石灰煎湯。先熏後洗。

產後脫髮

產後脫髮。用申薑二兩。薔薇根一兩。煎湯刷之。即不脫矣。

附婦人雜病諸方

眉毛脫落 硫黃一兩。研細末。醋調塗眉間。眉毛漸出。

又方 用白芥子三錢。半夏三錢。爲末。生薑汁調擦。即出。

女人赤鼻 枇杷葉五錢。去毛。山梔四錢。苦參五錢。蒼朮五錢。米泔浸。共爲末。每

服一錢五分。白滾湯下。其赤漸退。

女白癩瘋 白附子五錢。雄黃五錢。共爲末。薑汁調白芥蒂蘸藥擦之。其瘋漸退。

女人面上赤疵 常以銀扁烘熱。日日揩之。久久自化。

女人髮鬢墮落 桑皮一兩。柏葉一兩。水煎七八沸。去渣頻洗。

婦女頭髮黃赤 用生柏葉末一升。猪脂一斤。搗爛和丸如彈子大。每用以布包

一丸。投米泔中化開沐之。其髮漸黑。

婦女齒疎 用蘆甘石、寒水石等分。研細。每早擦之。忌用牙刷。久久自密。

女人手裂 用白果嚼爛。夜夜塗之。甚妙。

女人時流清涕 用葶撥研末。吹之即止。

女人脚拆 用生羊腿骨內水。將雞羽蘸之。潤開拆處。久久自合。永不再發。

女人汗癍 硫黃、雄黃、蜜陀僧、白附子、鉛粉、滑石、光粉各等分。為末。先將皂莢煮

爛。擦後用藥末唾津和塗之。

婦人乳癰 癢不可忍。用銅碌輕粉為末。菜油調敷。其癢漸止。

女人鼻淵 用藕節、川芎各等分。炒研為末。每服二錢。米飲調下。

女人腦漏不止 用胎髮一兩。將絲綿包煨存性。加入冰片、麝香、辛夷。共為末。吹

入鼻中。七八次即愈。

手足綳裂洗方

麻黃五錢

當歸五錢

苦參一兩

蛇牀子五錢

蕪荑一兩

靈仙八錢

防風五錢

荊芥五錢

皂莢一兩

蒺藜一兩

煎湯薰洗。

雞眼疼痛 雄雞肝一具。竹片剖露。入百草霜拌勻。濕草紙煨熟食之。雞眼軟而自脫。

女人鵝掌瘋 蕪荑一兩。五倍子一兩。共為末。醋調敷。七日不可下水。聽其自脫。二次全愈。

老婦齒敗口臭 用川芎含口中。即不臭。

解頤脫臼不止 用生南星為末。薑汁調敷兩頰叉。一夜即止。

女金丹 治婦人諸病。

金華香附十五兩。分作五宗。每宗如法五製。

三兩 蓬朮艾葉各一兩
三兩 半米泔浸

三兩 元胡川芎各一兩
三兩 紅花一兩半
三兩 烏梅
三兩 三十枚鹽水浸

三兩當歸三兩煎湯浸

春浸五日。夏浸三日。秋浸七日。冬浸十日。晒乾爲末。晚米飯爲丸。如桐子大。臨臥酒下。如腹痛。加檳榔。青皮各一兩半。

保產神方

當歸 川芎各一錢半 厚朴七分 枳殼三分炒

黃芩八分 艾葉八分 絲子半錢炒 川貝一錢

羌活五分 荆芥八分 白芍二錢 甘草五分

孕婦六七箇月即可服。加薑三片。水煎。

女子腋臭。用蚶子殼一對。將蜘蛛一個填入。紮緊。瓦上煨。加雄黃七分。生礬七分。硫黃五分。密陀僧一錢。俱煨存性。研細末。隔夜更衣。次早先將滾水洗。待乾。即本人自便調擦立驗。

又方 用青木香二兩。醋浸夾於腋下。溼者。研末搽之。

脫骨湯 女子纏足少痛。

杏仁二錢 桑皮四錢 朴硝五錢 乳香一錢

水煎。置足於湯。熏洗十餘次。纏則不痛也。

換肌散 治婦女瘡疥久不愈。肌膚粗裂。

土茯苓

銀花

荆芥

熟地

製首烏

共爲末。蜜丸。

大內瘡藥方

大風子肉二兩

冰片三分

麝香三分

細辛二錢

白芷二錢

滑石五錢

安息香五錢

芸香三錢

蘇合油三錢

川椒三錢

共爲細末。以油核桃肉三兩。搗和爲丸。浴後擦之。

陰吹

仲景曰。陰吹者。胃氣泄。陰吹而正喧。此穀氣之實氣。從溺處而泄也。治宜膏髮煎。

猪膏八兩

亂髮雞子大三枝

右二味和一處煎之。髮消藥成服之。病從小便出。

交腸

仲景曰。交腸。乃大小便易位而出也。此因醉飽房勞。或大怒氣亂。真藏氣乖。不循常度。泌別失職之所致也。治宜五苓散。或四物湯。加海金沙、木香、檳榔、木通、桃仁之類。

陰疝

張子和曰。婦人脾胃虛寒。氣滯不行。攻刺心腹。痛連胸脇。或因瘀血作痛。狀如黃瓜。在小腹兩傍橫骨端紋中。孰謂婦人無疝乎。治宜蟠葱散。桃仁當歸湯。

蟠葱散

青皮一兩五錢

釘皮

砂仁各一兩

三稜

檳榔各一兩

乾薑

肉桂各五錢

元胡七錢五分

蒼朮五錢

甘草一兩

右爲二劑。薑棗葱煎熱服。臍下冷痛。加吳萸、茴香。

桃仁當歸湯

桃仁二錢

歸尾

元胡各半錢

川芎

生地

赤芍炒

吳黃

青皮醋炒一錢

丹皮八分

薑三片。水煎。食前服。

化氣丸。治經行腹痛。

香附

青皮

陳皮

砂仁

木香

川芎

茴香

右爲末。麴糊丸。

異功散。調理脾胃。

人參

白朮

茯苓

甘草

陳皮

水煎服。

附婦人修飾

粉滓面黥

爐甘石二兩

白 斂耐十二

爲細末。雞子清夜塗旦洗。能白。

口香辟臭

白薏仁二錢

北細辛二錢

爲末。睡時含之。

唐天后澤面法

治婦女粉刺黑斑

五月五日。收帶根益母草紫花者。曬乾燒灰。以商陸根搗自然汁。加好醋和搜灰作餅。炭火煨過收之。半年方可入面擦之。能潤肌去滯。蘇頌曰。唐天后鍊益母草澤面。五月五日。採益母根苗具者。勿令着土。曬乾搗爛。以麵水和成丸。如雞子大。再曬乾。仍作一爐。四旁開竅。上下置火。安藥中央。大火燒一炊久。即去大火。留小火養之。勿令火絕。經一伏時出之。置器中研極細無聲。收用。如澡豆法。日用一方寸。每灰十兩。加水飛滑石一兩。麝脂一兩。研勻用之。一月之後。面如美玉。

太真紅玉膏

名女人面脂

輕粉一兩

杏

仁

去皮一兩

滑

石

水飛一兩

冰

片一分

麝香少許

右爲細末。蒸過。入冰麝再研。以雞子清調勻。洗面後塗之。旬日。膚若凝脂。

悅澤面容

冬瓜仁去殼

桃花四兩

白楊皮二兩

爲末。米飲服方寸匕。日三服。欲白。倍加冬瓜仁。欲紅。倍加桃花。服三十日。面白如玉。五十日後。手足皆白。一方用陳皮。去白楊皮。此宮中嘗服之劑。

面生痱瘡

王瓜根搗汁。漿水和勻。入冰片少許。入夜洗面塗藥。百日後。肌膚柔嫩。痱瘡全除。玉容散。治婦女面無光彩。顏色白而不潤澤。

香芷五分

肥皂一兩

細辛錢半

甘松二錢

荊芥五錢

木賊三錢

白丁香二錢

杏仁三錢

花粉五錢

麝仁五錢

藿香葉三錢

天蟲五錢

山奈錢半

陀僧五錢

元明粉三錢

輕粉二錢

硫黃一錢

鉛粉一兩

蘇合油後入

冰片一錢

右藥共爲細末。臨睡吐津調勻。擦面過夜。次日清早。用煮酒一盃。沖熱水洗去。再拍玉容粉。

玉容香粉

白果洛殼一升去

杏洛皮一兩去

上甘石飛一兩水

滑石水飛三兩

元寸二分

蘇合油五錢

冰片四分

上鉛粉去鉛一兩

右藥研極細末。用泉水漂去黃水。後入冰片、麝香、蘇合油。加珍珠末五分。再以胭脂水調和收貯。臨用加白蜜少許。旬日之後。面白如脂。夫婦不相識也。

婦人面黑粉滓

白石脂二兩

白斂兩十二

山奈一兩

共爲細末。雞子清調敷。夜塗旦洗。渣去面白。

女人雀斑

異授雀斑方

用頭生雞子一個。打破頂。去黃留白。加大疋砂一兩研細。填入雞卵內。上用綿紙封固。貯哺雞肚下哺之。待雞雛出取。先將肥皂打除面上油。後用前雞子清

塗之。其斑漸去。一月之後。白玉無瑕。此方貴妃常用。乃西王母枕中方也。寶之。
又方

肥皂四兩

甘松一錢

山奈一錢

細辛一錢

白芷一錢

丁香一錢

鷹糞五錢

右爲末。棗肉爲丸。洗面後用藥擦之。其雀斑漸除。再以玉容香粉拍之。則白而嫩亮。光彩射人。
又方

鷹糞五錢

山查五錢

蜜陀僧五錢

爲細末。將乳汁調和。夜睡擦之。一月後雀斑盡除。加蘇合四錢更妙。清早洗去。久服身香。

桂心

冬瓜仁

松樹皮

爲末。棗肉爲丸。久服遍身香氣透鼻。

洗面擦藥

櫻桃皮

雀卵

紫背浮萍

牙皂

白梅肉

研細和勻。日日洗面擦之。肌膚漸嫩。

玉容肥皂

白元米一升

肥

皂

去皮核

天花粉

八兩

滑

石

三兩

胡桃肉八兩

粉

葛

三兩

白丁香

一兩

真

粉

三兩

橄欖

四十箇
去核

北細辛

二兩

牙皂

八兩

棗

肉

四兩

蒼耳草搗汁。同元米飯和搗爲丸。如彈子大。洗面後擦之。

四精膏

治婦人身
不滑

人乳

象

精

白蜜

藕

汁

各等分熬膏。加蘇合油調勻。浴後滿身塗之。一月之內。遍體嫩滑香潤。此宮中日用之方也。

面脂手膏

羊乳三斤。羊胰子三副。搗和。每夜洗面塗之。清早洗去。一月之後。手嫩面澤。

面體黧黑

殺羊脰骨一條爲末。雞子清調敷。以米泔水洗之。夜塗旦洗。三日如素。

面粗皮黧

胰子五具

蕪青子二兩

杏仁一兩

花粉一兩

醇酒浸之。夜塗旦洗。每日用之。老者返少。少者嫩白。

令面光澤

母猪蹄一具。煮汁如膏。夜塗旦洗。婦老漸嫩如少。

女人面上癍痕

白蔹黎一兩

山梔一兩

爲末。醋調。夜塗旦洗。疤痕漸脫。

面黑令白

冬瓜一箇。用竹刀去皮切片。勿經鐵器。酒一升半。煮爛去渣。熬成膏。夜塗旦洗。肌膚漸白。

女科切要終

後記

《盤珠集胎產症治》上、中下三卷。清人嚴潔等合著。上卷論妊娠惡阻、子煩子癇、胎動胎痛，以及下血血尿、傷寒傷食等胎前三十四症；卷中，論及產難血暈、惡露血崩、胎衣不下、乳汁不行，以及心腹腰脅遍身疼痛、蓐勞嘔逆等產後三十一症；卷下，附列二百五十三方。

《胎產指南》九卷。清代單南山著。卷首爲總論，概分爲調經、崩漏、種子諸章；卷一、二，爲養胎保胎、胎前諸症及藥物宜忌；卷三，爲臨產脈症；卷四至卷七，爲新產及產後脈症；卷八爲醫方。

《重訂產孕集》二卷，補遺一卷。清代張曜孫撰，包興言重訂。卷上，辨孕養脈、孕期宜忌；卷下，辨產產戒、臨產應變、產後調攝，以及產後雜症等。

《女科切要》八卷。清季吳本立著。卷一，專論調經；卷二，論述血崩淋帶；卷三，論述胎孕脈法、妊娠調護；卷四，論述胎前諸症；卷五至卷八，論述臨產及產後諸症。

以上四種婦產科學專著，皆「經驗之法」，「論極詳明」，「方全法備，簡明切要」，洵爲中醫婦科臨證參考之佳作。此次重刊，對其明顯之錯訛，逕從醫理文義，適加校正之。

沈麗君

書目

(一) 黃帝內經素問集註	(清) 張隱庵	(二五) 南病別鑑	(清) 葉香岩	(三二) 程杏軒醫案	(清) 程杏軒
(二) 黃帝內經靈樞集註	(清) 張隱庵	痧脹玉衡	(清) 薛生白	何廉安醫案	(清) 何廉安
(三) 傷寒明理論	(明) 吳有性	瘧疾論	(清) 郭石陶	邵蘭蓀醫案	(清) 邵蘭蓀
(四) 傷寒九十論	(明) 吳有性	濕溫時疫治療法	(清) 轉善樓	(三八) 吳鞠通醫案	(清) 吳鞠通
陰證略例	(元) 許叔微	(二六) 增評傷寒全書	紹興醫學會	冷廬醫話	(清) 陸定圃
傷寒兼證析義	(清) 王好古	伏氣解	張鳳逵	柳洲醫話	(清) 張景岳
傷寒貫珠集	(清) 尤在涇	伏邪新書	葉子南	先哲醫話	(清) 錢謙益
傷寒六經辨證治法	(清) 尤在涇	伏陰論	劉吉人	濟齋醫話	(清) 王士禛
張卿子傷寒論	(清) 沈目南	羊毛痘論	田雲梯	友漁齋醫話	(清) 黃遜庵
傷寒補例	(清) 張卿子	(二七) 溫熱逢源	周萬事	對山醫話	(清) 毛對山
傷寒來蘇集	(清) 柯琴	隨息居霍亂論	柳寶詒	客塵醫話	(清) 計壽山
重刊金匱玉函經	(清) 趙養德	痘疫霍亂答問	王士禛	(四一) 巢氏諸病源候總論	(隋) 巢元方
沈註金匱要略	(清) 周揚俊	鼠疫抉微	陳慶遠	(四二) 儒門事親	(金) 張從正
金匱要略心典	(清) 李春泉	(二八) 增補評註溫病條辨	連文冲	肯堂醫論	(明) 王肯堂
金匱翼	(清) 沈目南	(二九) 十藥神書	余伯陶	知醫必辨	(清) 李士材
(一〇) 脈經	(清) 尤在涇	增訂十藥神書	吳鞠通	研經言	(清) 莫枚士
玉函經	(唐) 王叔和	痰火點雪	葉子南	(四四) 醫學讀書記	(清) 尤在涇
重訂太素脈秘訣	(明) 杜光庭	慎求五書	葛可久	讀醫隨筆	(清) 周學海
脈語	(明) 張太素	理虛元鑑	陳修園	(四五) 葉選醫衡	(清) 王士禛
(一一) 醫燈續焰	(明) 劉伯祥	虛損啓微	潘中	慎疾芻言	(清) 徐大椿
脈說	(明) 吳崑	何氏虛勞心傳	胡慎庵	醫暇卮言	(清) 程林
望診遵經	(清) 葉子南	(二二) 症因脈治	洪錦泰	(四六) 醫學心悟	(清) 程鍾齡
重訂診家直訣	(清) 汪廣泰	(二二) 周慎齋遺書	何嗣宗	(四七) 神農本草經	(漢) 吳普
臨證驗舌法	(清) 周學海	醫原	秦之慎	珍珠囊補遺藥性賦	(元) 李東垣
察舌辨證新法	(清) 楊雲峰	(二三) 脈因證治	謝慎齋	雷公炮制藥性解	(明) 王好古
脈學輯要評	(日) 劉恒瑞	韓氏醫通	石壽康	醫方考	(明) 王中樞
(一二) 痘疫論	(明) 吳有性	醫林改錯	朱丹溪	(四八) 聖濟總錄要	(宋) 錢乙
醫門普度痘疫論	(明) 吳有性	醫學舉要	王清任		
張氏溫暑醫目	(清) 吳有性	(三三) 一草亭目科全書	徐靈胎		
溫熱暑疫全書	(清) 周鳳岐	異授眼科	鄧苑		
溫證指南	(清) 吳正功	銀海指南	胡芝樞		
溫熱病指南集	(清) 周約元		顧鑑		